



BIBLIOTECA NAZ.

Vittorio Emanuele III

XIII

D

53

NAPOLI







Q. F. F. Q. S.  
SYSTEMA  
METAPHYSICUM,

OMNIS  
COGNITIONIS HUMANÆ  
FUNDAMENTA CONTINENS,  
SCIENTIFICE PERTRACTATUM,  
ET  
PERPETUIS ILLUSTRATUM  
COMMENTARIIS HISTOR. POLEM.,  
NEC NON  
AD THEOLOGIAM ADPLICATIS.

*TOMUS SECUNDUS,*  
PARTIS PRIMÆ SECTIONEM  
POSTERIOREM  
DE  
GENERALIBUS ENTIS AFFECTIOIBUS  
CONTINENS

AUCTORE  
NICOLAO WALLERIO,

LOG. & METAPH. PROP. REG. & ORD. AC. R. SC. ST. MEMB.

*Cum Grat. & Priv. S. R. Mitis Svec. & S. R. Mitis Polon. ac Elect. Saxon.*

STOCKHOLMIÆ A. O. R. MDCCL.

Literis & impensis LAURENTII SALVII.

THE  
S. W. S. S. S.  
S. W. S. S. S.  
S. W. S. S. S.

THE  
S. W. S. S. S.  
S. W. S. S. S.  
S. W. S. S. S.

THE  
S. W. S. S. S.  
S. W. S. S. S.  
S. W. S. S. S.

THE  
S. W. S. S. S.  
S. W. S. S. S.  
S. W. S. S. S.

THE  
S. W. S. S. S.  
S. W. S. S. S.  
S. W. S. S. S.

THE  
S. W. S. S. S.  
S. W. S. S. S.  
S. W. S. S. S.



PARTIS PRIMÆ  
SEXTIO POSTERIOR,  
DE  
PROPRIETATIBUS  
ET  
AFFECTIONIBUS ENTIS.

CAPUT I.  
DE  
AFFECTIONIBUS ENTIS IN  
GENERE.

**E**ns præter <sup>§. 327.</sup> essentiam simul *Summaria*  
comprehendere conceptus *enumeratio*  
secundos, qui in essentia ra- *affectio-*  
tionem sufficientem inveni- *num entis.*  
unt (§. 322.), antea evicimus (§. 327.). Et simul  
ostendimus essentiam, tanquam conceptum  
entis primum (§. 322), & conceptus secun-  
dos contineri in notione entis (§. 319, 315.),  
quod cum intrinseca possibilitate recipiatur  
& coincidit (§. 228.), ex qua tamen sola, nisi

in ente infinito, non determinatur existentia (§. 202.), quæ notioni entis non repugnat (§. 226.). Quando itaque existentia enti competit finito, extra possibilitatem, hoc est, extra conceptum primum, seu essentiam, & secundos, in alio ente suam habebit rationem. Consistit existentia in aptitudine ad agendum vel patiendum (§. 207.), ideoque se actionibus vel passionibus exserit, quæ variæ esse possunt & a variis determinatæ causis, essentiam rei, cui conveniunt illæ actiones & passionēs, non constituentibus, neque in illa rationem sufficientem agnoscantibus. Exempli loco sit, ut alia innumera præteream, eruditio in homine, quæ neque ex essentia ejus, neque ex iis, quæ ex illa unice fluunt, sed ex aliis rationibus externis, quæ inexistentiam suam determinantur. Dantur itaque in omni ente, præter essentiam, alia prædicata, quæ conceptus ejus secundos constituunt, & in ente actuali finito, adhuc alia, quæ rationem sui sufficientem extra illud ens in alio agnoscunt.

### §. 338.

*Affectio-  
nis defi-  
nitio.*

*Affectio* entis sunt quævis ejus prædicata, quorum ratio sufficiens vel in sola essentia, vel unà extra eandem continetur.

Ex. gr. Libertas animæ humanæ est ejus affectio, cujus ratio sufficiens in ipsa ejus essentia con-

con-

continetur: Eruditio autem est quidem animæ affectio, quæ tamen ex sola ejus essentia non dependet, sed in aliis extraessentialibus rationem sui invenit sufficientem.

Quamvis aliàs non placet omnibus hæc generalis affectionis acceptio, sed strictior potius arri-det, qua pro iis solum sumitur prædicatis, quæ tantum in essentia fundantur; non tamen prorsus inusitatam esse laxiorem, quam tradidimus, hujus vocabuli notionem, vel solus *Chauvinus* in Lex. Phil. sub tit. *Affectio* abunde indicat, observans affectionem ab afficiendo nomen habere, eo, quod subjectum, dum de illo prædicatur, afficiat, significare veromodo præviam ad aliquid dispositionem, modo respectum & relationem, modo quodvis accidens, modo proprium alicujus *πάθος*, seu attributum ex esse ipsius resultans. *Christ. Donatus* Cap. IV Metaph. Usualis §. 2. docet attributum generaliter denotare quodvis prædicatum, quod vere de subjecto aliquo dicitur, aut eidem attribuitur, five prædicatum istud de essentia sui subjecti sit, five extra illius essentiam, five ipsi per se, five ex accidenti conveniat. Nihil certe discrimi-nis a nostris in his Donati observare licet ver-bis, nisi quod vocabulo *attributi* utatur ille, ubi nos affectionis adhibemus terminum, quem tamen pro synonymo attributi habet Donatus l. c. §. 11. Confirmat porro hunc laxiorem af-fectionis significatum usus loquendi communis, quo per notionem confusam *τῷ afficere*, qua i-dem sonat ac pertinere vel referri ad aliquam rem, dicere solemus illam relationem entium

GOM-

compositorum A & B, qua A dicitur majus ~~ra~~  
B, afficere compositum A, quamvis ex ejus es-  
sentia non fluat. Pari quoque ratione colores,  
qui in essentia corporis opaci colorati non fun-  
dantur, corporis affectiones vocare solemus;  
Hinc apud Physicos originem trahit adpellatio  
affectionum sensibilium.

§. 339.

*Affectio-* Ex hac generali affectionis idea  
*num di-* elucet alias esse affectiones, quæ ex  
*visio.* sola essentia entis determinantur,  
seu in illa rationem inveniunt sufficientem;  
alias vero, quæ non in sola essentia, sed simul  
in aliis rebus, ab essentia diversis, rationem ha-  
bent sufficientem. Illas *Essentiales*, has *Ex-*  
*traessentialis* vocamus.

Sic divisibilitas est affectio cujuscunque corpo-  
ris, & idcirco lapidis, per essentielle ejus præ-  
dicatum, extensionem videlicet, determinata.  
Quod vero idem lapis sit calidus, affectio est  
extraessentialis, quia per essentiam ejus non de-  
terminatur.

§. 340.

*Attributi* Affectiones entis essentielles uno  
*definitio.* nomine *Attributa* adpellantur, quæ  
ergo ex sola essentia determinantur, seu in illa  
sola rationem inveniunt sufficientem (§. 339.).

Ex. gr. Facultas attendendi in anima humana est  
ejus attributum, quod ex essentia ejus, in con-  
scientia sui & rerum externarum collocanda,  
unice determinatur: Ipsa vero attentionis di-

re-



rectio, ad hoc vel illud objectum, ex essentia animæ non determinatur, sed aliunde sui postulat determinationem, nullam ergo in attributis habet locum.

Vocabulum attributi non in eodem apud omnes sumitur sensu, sed triplicem potissimum induit significatum. Accipitur enim 1:o) *pro quovis rei prædicato*, sive ex essentia fluat sive minus, quo sensu affectionis evadit synonymum (§. 338.). Tribuit hunc significatum *Chauvinus* in Lex. Phil. sub tit. *attributum*, Logicis præsertim, sine dubio, intendens *Claubergium*, qui, §. 21. Logices contractæ, attributum vocat, quicquid rei inest, ac de ea dici potest, quem sensum exinde probare conatur *Flenderus*, quod attributum ab *attribuere* descendat, quod *Ciceroni* idem est ac *tribuere*, adscribere alicui aliquid, i. e. dicere, seu prædicare de aliquo aliquid. Et hoc sensu veteres promiscue adpellarunt attributa hominis, intellectum, eruditionem, pietatem, cetera. 2:do) *Strictius à nonnullis quandoque sumitur attributum pro prædicato*, quod essentiam quidem consequitur, & a subjecto suo dependet; ita tamen, ut realem distinctionem ab eodem admittat, quatenus est in diverso prædicamento, perque veram & realem causam ipsi convenit. Cujus generis sunt, quæ in Physicis exponuntur, omnia accidentia propria. Tandem 3:tio) *attributorum nomine illæ insigniuntur affectiones*, quæ ex sola essentia determinantur. Nos ab ambiguitate vocabuli recedentes, probe gnari quantum detrimenti ex diversa unius termini acceptione capiat illa, de qua Philosophus sollicitus esse tenetur, scientia, certis atque

que determinatis rerum ideis innixa: Nos, inquam, hujus conscii non nisi tertium attributi significatum in Metaphysicis adprobamus, eumque constanter retinemus.

§. 341.

*Attributorum ad conceptum relatio.*

Attributa ex sola entis essentia determinantur (§. 340.), quæ conceptum entis primum absolvit (§. 322. a); sed, quæ ex primo conceptu determinantur, conceptuum secundorum nomine veniunt (§. 315.). *Attributa ergo entis sunt ejus conceptus secundi.*

Hinc non male a nonnullis definitur attributum per conceptum entis secundum, quo indicare volunt attributa ex essentia unice determinari, ab ipso tamen ente nonnisi nostro concipiendi modo differre, minime vero realem ei inferre compositionem, cui conveniunt.

§. 342.

*Attributorum cum ante nexus.*

*Posito ente ponuntur ejus attributa, et positis attributis ponitur ens, cui convenient.* Posito enim ente ponitur essentia (§. 322.), quæ est conceptus entis primus (§. 322.), quo posito, ponuntur conceptus secundi (§. 317.). Sed attributa sunt conceptus entis secundi (§. 341.). Posito igitur ente, ponuntur ejus attributa. Q. E. U.

Sunt attributa affectiones, quæ ex sola essentia determinantur (§. 340.). Determinatorum itaque classe continentur attributa, quorum determinans est essentia (§. 195.); sed posito determinato ponuntur ejus determinantia (§. 197.)

(§. 197.) Positis itaque attributis, ponitur essentia. Hac autem posita, ponitur ens (§. 332.). Positis ergo attributis, ponitur ens, cui convenient. Q. E. A.

Quamvis adeo evidens sit, nullum dari neque concipi posse ens, quod suis careat attributis; non tamen defuerunt, qui hanc rem in quaestionem vocavêre, sed vix ullius ponderis argumentis, quæ recenset & confutat *Scheiblerus* L. 1. cap. 3. art. 1. Quam certum est ens gaudere essentia, tam certum quoque & evidens manet, illud suis instructum esse attributis, quod nemo negabit, nisi qui, sed absurde (§. 196.), putet dari determinans sine determinato.

Dicimus in conversa propositione, positis attributis poni ens, cui convenient, quod non ita intellectum volumus, quasi posito quolibet attributo entis certæ speciei, poneretur ipsa entis species, quod falsum esse docebunt attributa communia mox explicanda: In genere igitur & non in specie interpretanda est nostra assertio, quod, positis attributis, necessario ponatur aliquod ens, cui convenient; sunt enim attributa, ut statim demonstrabo, prædicata realia, quæ de nihilo & non ente prædicari nequeunt, enti & alicui unice attribuenda.

### §. 343.

*Posita itaque essentia entis, ponuntur ejus attributa.* Posita enim *Nexus eorundem cum essentia.* essentia, ponitur ens (§. 332.), at posito ente, ponuntur ejus attributa (§. 342.). Ergo, posita essentia entis, ponuntur ejus attributa.

*Ufus*      Hoc enunciato rectissime utuntur No-  
*Theol.*      strates, Divina attributa *Christo* at-  
tribuentes: Posito enim, quod Scri-  
ptura S. ponit *Christum* esse Deum in omni vocis  
emphasi & potentia, non λεγόμενον nuncupati-  
vum, sed ἀληθινόν verum, tum sequitur omnia,  
quæ Dei sunt, Ei quoque competere, qua-  
lia sunt vita indissolubilis, robur invictum, glo-  
ria, honor, gratiarum actio Apoc. IV. 9. 11.  
Hebr. VII. 16.

## §. 344.

*Hujus ne-*      *Attributa enti constanter compe-*  
*xus ulte-*      *tunt, neque illis privari potest.* Es-  
*rior expo-*      sentia enim omni enti constanter  
*sitio.*      convenit, neque hac privari potest  
unquam (§. 329.). Sed posita essentia, ponun-  
tur ejus attributa (§. 343.). Attributa ergo en-  
ti constanter competunt, neque illis privari  
potest unquam.

Ex. gr. Facultas libere agendi est attributum  
animæ humanæ, illa ergo ab hac nunquam se-  
parari potest, quamdiu anima manet anima.

Excitavit otiosa scholasticorum turba quæstionem:  
*anne attributa entis, per potestatem Dei absolutam,*  
*separari ab ente possint?* Quam generaliter propu-  
gnarunt *Petrus Michaël* et *Sanctus* apud *Chamie-*  
*rum* Tom. 2. Panstrat. Lib. 6. cap. 4. §. 30.  
*Keckermannus* L. 1. Syst. Log. p. 186, *Tim-*  
*plerus* L. 3. Met. cap. 3. Qu. 12. Neque ab  
horum absurda opinione abludit *P. Poiretus*,  
strenuus arbitrariarum essentiarum defensor, pu-  
tans potentiam Dei non sat illustrem esse, si  
hac destitueretur potestate. Recte vero exci-  
piunt

piunt saniores, Potentiam Dei ad contradictoria nunquam extendendam esse. Fingamus attributa entis, salva manente ejus essentia, ab eo separari posse, poneretur ergo eo in casu essentia sine attributis, adeoque esset essentia et simul non. Esset quidem per hypothesin, sed non tamen esset, quia, si esset, illa posita, ponerentur attributa (§. 343.). Hanc autem Deo inferre contradictionem, non est Ipsius extollere potestatem, sed potius Ei affingere imbecillitatem et imperfectionem. Effectus enim contradictorii contradictorias postulant vires, nulli enti, multo minus Perfectissimo, tribuendas. Homo ab homine mentaliter, h. e. per concipiendi modum, præscindit animalitatem, & rationalitatem. Sed num Deus actualiter hæc attributa ab homine, ipso manente salvo, separet? Contradictoria vere talia, quia non sunt ullius potentiae objecta, nec ista subjici eisdem posse putandum est.

## §. 345.

*Attributa entis sunt realitates & positivæ quid inferunt.* Sunt enim attributa affectiones entis, quæ ex sola ejus essentia determinantur (§. 340.), adeoque prædicata, quæ enti vi essentiae conveniunt (§. 338.). Est vero omne ens reale (§. 270.). Sunt itaque attributa prædicata entis realis. Ens autem reale eatenus dicitur, quatenus est res (§. 269.), ipsaque attributa ab ente, & per consequens, a re sunt inseparabilia, & ei constanter competunt (§. 344.). Sunt itaque attributa prædicata, quæ rem ingrediuntur, & per

per consequens realitatum veniunt titulo (§. 271.). Porro: Quia omne reale est positivum (§. 280.), & attributa, ut mox evicimus, sunt realitates, sequitur attributa positivi quid inferre.

*Javellus* L. IV. Metaph. q. 2. docet attributa entis esse quidem de ente demonstrabilia, non tamen realia. Sed si sunt de ente demonstrabilia, demonstrantur utique ex iis, quæ enti insunt, et ideo, quæ ei realia sunt. Non ergo finguntur de ente attributa, sed ei citra omnem mentis operationem competunt. Hinc certum est, Deum v. gr. angelum, hominem non ideo esse entia, vera, bona, perfecta, quia nos ita fingimus, sed, dole, ita esse nobis non cogitantibus.

### §. 346.

*Attribu-  
torum ab  
ente ratio-  
nis & fi-  
cto discri-  
men.*

Reali contradictorie opponitur ens rationis (§. 274.), cum quo coincidit ens fictum (§. 277.). Quare, quum vi principii contradictionis contradictoria simul esse nequeant, sequitur attributa non esse entia rationis & ficta (§. 345.).

Licet ergo attributa non sint entia rationis & ficta, sed realia et positiva, inde tamen non fluit illa aliquid realis vel positivi essentiae, quod ab eadem realiter est diversum, seu novam & peculiarem quandam entitatem addere. Etenim hoc, quod adderetur, ens utique esset, suaque gauderet essentia, quæ iterum sua haberet attributa, de quibus idem dici posset, atque ita con-

contra omnem rationem processus in infinitum fieret. Recte itaque statuimus attributorum a parte rei, seu materialiter consideratorum, unumquodque esse ipsum ens, acceptum scilicet inadæquate, qua determinatam certamque perfectionem, seu essendi rationem; abstractive autem & formaliter consideratum non esse ipsam essentiam, sed intercedere aliquod discrimen a parte conceptûs nostri, quo nempe, sub diverso respectu, a nobis considerantur.

§. 347.

Ubi ens consideramus in certas *Attribu-*  
 classes & species distributum, & si- *ta propria*  
 mul perpendimus cuilibet enti su- *& com-*  
 am competere essentiam (§. 329.), *munia.*  
 sua igitur attributa (§. 343.), quorum quæ-  
 dam huic classi & non alii convenient, quæ-  
 dam pluribus sint communia. Distinguere so-  
 lemus attributa in *Propria & Communia*. Illa,  
 quæ alio nomine *Proprietates essentialis*, im-  
 mo & *Proprietates*, adpellantur, sunt entis  
 attributa, quæ per omnia ejus essentialia, si-  
 mul sumta, determinantur. *Hæc* autem, seu  
 attributa communia, quæ per unum vel ali-  
 quot essentialium, minime vero per omnia  
 simul determinantur.

Ex. gr. Trianguli æquilateri attributum pro-  
 prium est mutua æqualitas trium angulorum. E-  
 tenim quum essentialia dicti trianguli in eo ver-  
 sentur, quod tres, eædemque æquales, ad spa-  
 tium includendum concurrant; Geometriæ ti-

ronibus ignotum esse nequit æqualitatem mutua-  
 trium angulorum ex omnibus determina-  
 ri essentialibus. & per consequens dicti trian-  
 guli esse attributum proprium. Idem vero tri-  
 angulum cum reliquis rectilineis hoc habet  
 commune, quod omnes ejus anguli simul sumti  
 sint æquales duobus rectis: Deducitur enim hoc  
 ex illo solum essentiali, quod includatur triangu-  
 lum illud tribus rectis lineis, non vero simul ex-  
 inde, quod tres has rectas habeat mutuo æquales.

*Propria*      Attributa propria à Scholasticis  
*quarti*      vocantur *propria quarti modi*, quæ so-  
*modi.*      li alicui speciei, omnibusque ejus indi-  
              viduis semper convenire dicuntur. E-  
              xempli loco allegant *potentiam ridendi in homi-*  
              *ne*, per risum vero non modo sonum, quo os  
              diducitur, quod corporis est, sed repræsentationem quoque absurditatis & deformitatis, ut  
              Aristoteles loquitur, minoris cujuspiam quam  
              observare tantum potest ratio, innuunt.

#### §. 348.

*Exclusio*      Quoniam quodlibet est vel non  
*medii in-*      est (§. 63.), attributa vel ex omni-  
*ter pro-*      bus rei essentialibus, vel ex quibus-  
*prium &*      dam tantum determinantur; si pri-  
*commune.*      us, propria, si posterius, communia  
              nuncupantur (§. 347.). *Omnia ergo rei attri-*  
              *buta sunt vel propria, vel communia.*

#### §. 349.

*Ratio suf-*      Attributa propria rationem suf-  
*ficiens at-*      ficiente inveniunt in tota rei essen-  
*tributo-*      tia, seu, omnibus rei essentialibus si-  
    mul



*mul sumtis. Et inverſim: Quacunque rum pro-*  
*affectio entis continet rationem ſuffi- priorum.*  
*cientem in omnibus ejus essentialibus ſimul ſum-*  
*tis, eſt ejusdem attributum proprium.* Attribu-  
 ta propria determinantur per omnia eſſentia-  
 lia ſimul ſumta (§. 347.); omnia igitur eſſentia-  
 lia ſunt determinantia; proprietates determi-  
 nata (§. 195.), per conſequens, omnia eſſentia-  
 lia ſimul ſumta continent rationem ſufficien-  
 tem attributorum propriorum (§. 198.). Q.  
 E. U.

Quicquid in eſſentialibus, ſimul ſumtis,  
 continet rationem ſufficientem, ideo enti in-  
 eſſe intelligitur, quia talia eidem inſunt eſſen-  
 tialia (§. 83.); per omnia igitur eſſentialia de-  
 terminatur (§. 194.), & ideo notionem attribū-  
 ti proprii tuetur (§. 347.).

Non ſufficit ad attributum proprium conſtitu-  
 endum, rationem ſufficientem habere in eſſen-  
 tia: hanc enim indolem poſſident omnia attri-  
 buta (§. 340.), ſive propria fuerint, ſive com-  
 munita; ſed requiritur inſuper ut hæc ratio con-  
 tineatur in tota eſſentia, ſeu, in omnibus eſ-  
 ſentialibus ſimul, quo conſtanti caractere di-  
 ſtinguuntur attributa propria a communibus.  
 Nam

### §. 350.

*Attributa communia rationem Ratio ſuf-*  
*ſufficientem inveniunt in quibusdam ſiciens at-*  
*eſſentialibus tantum. Et inverſim: tributo-*

*Qua*

*rum communium.* Quaecunque affectio entis in quibusdam tantum ejus essentialibus rationem continet sufficientem, est attributum commune. Nam attributa communia per quaedam tantum essentialia entis determinantur (§. 347.). Quaedam itaque illa essentialia sunt determinantia, quorum determinata sunt attributa communia (§. 195.). Quaedam ergo essentialia sunt ratio sufficiens attributorum communium (§. 198.). Q. E. U.

Quod in quibusdam tantum essentialibus rationem habet sufficientem, ideo inesse intelligitur, quia insunt quaedam illa essentialia (§. 83.). Per hæc itaque illud determinatur (§. 194.). Est ergo illius entis attributum commune (§. 347.). Q. E. A.

#### §. 351.

*Proprietatis & essentialis connexio.* Posito attributo proprio ponitur integra essentia, b. e. posito hoc ens possidere hanc proprietatem, ponendum quoque illud, hac simul gaudere essentia. Proprietas enim quævis per totam determinatur essentiam (§. 347.). Est igitur integra essentia determinans, proprietas determinatum (§. 195.). Sed posito determinato, ponuntur ejus determinantia (§. 197.). Posito igitur attributo proprio, ponitur integra rei essentia.

*Usus Theologicus.* Eximium habet hic canon usum non per universam modo Philosophiam, sed

sed & Revelatam Theologiam, in qua Noſtra-  
tes ex attributis Divinis, omnipræſentia, omni-  
ſcientia, æternitate, ceteris, quæ *Chriſto & Spi-  
ritui Sancto* in Scripturis tribuuntur, vi hujus ca-  
nonis recte inferunt & *Chriſtum & Spiritum ſan-  
ctum* habere eſſentiam Divinam. Conſtat nem-  
pe omnia Dei attributa eſſe Ei propria, nulla  
vero Ipſi eſſe cum creaturis communia. Quam  
ob rem recte ratiocinor: *Quicumque habet propri-  
etates Divinas, poſſidet etiam eſſentiam Divinam.*  
*At Chriſtus & Spiritus ſanctus ita; Ergo.*

## §. 352.

*Sublato attributo proprio, tollitur Proprie-  
integra rei eſſentia.* Attributum pro- *tatum ab  
prium per omnia rei eſſentialia, ſi- eſſentia  
mul ſumta, determinatur (§. 347.). inſepara-  
bilitas.*  
Eſt itaque integra rei eſſentia, quæ  
omnibus eſſentialibus, ſimul ſumtis, abſolvi-  
tur (§. 320.), determinans, cujus determina-  
tum eſt quodvis attributum proprium (§. 195.).  
Si igitur, ſublato attributo proprio, non tol-  
leretur eſſentia, ſed ſalva nihilominus mane-  
ret, poneretur determinans, non vero determi-  
natum. Quod abſurdum (§. 196.). Vere ergo  
ſtatuiſmus, ſublato attributo proprio, tolli in-  
tegram rei eſſentiam.

Alii hunc eundem expreſſurum canonem aliis qui-  
dem utuntur verbis, quæ tamen diverſum non  
fundunt ſenſum. Sive enim dicas, *negatis pro-  
prietatibus tolli naturas*, ſive, *cui non competunt  
proprietates rei, ei non competere eſſentiam*, ſive

R

nobis-

nobiliscum, sublato attributo proprio, tolli integram rei essentiam, res eodem recidit.

*Ufus Theologicus.* Pontificii, in Concilio Trident. Can. 13. sess. 5. decernentes neminem certum esse de sua fide, ex hoc canone absurditatis convincuntur: Teste enim Apostolo Hebr. XI. proprietas fidei est, certo sperare hæreditatem regni cælestis. Sed hanc tollunt Pontificii. Tollunt ergo ipsam Fidei essentiam, quam tamen salvam esse volunt, & ideo sibi ipsis & rei veritati contradicunt. Eodem modo, vi nostri canonis, recte argumentor: *Bonis nostris operibus non competit proprietas meriti, nequeunt igitur esse meritoria.* Major, quæ heic subintelligitur, propositio est noster canon, sua radians luce. Minor probatur, quia meriti natura ac ratio postulat a) ut opus, quo meremur, sit nostrum, β) ut sit indebitum, γ) ut sit utile et commodum illi, cui præstatur, δ) ut sit & pretio & dignitate æquale illi, quod pro opere nostro redditur. Opera autem bona non sunt a) nostra, sed Dei Ps. CXIX. 36. Phil. II. 13. Joh. XV. 5. 2 Cor. III. 5. β) Sunt debita Luc. XVII. 10. γ) nullam utilitatem Deo afferunt Job. XXII. 2. δ) Nulla est æqualitas inter opera nostra et vitam æternam Rom. VIII. 18.

§. 353.

*Scholion generale.* Posito attributo proprio ponere essentiam & sublato tolli statuimus (§. 351. 352.), sensu tamen non formali, quasi conceptus rei secundus, qualis omne est attributum, esset simul primus, quod manifestam involveret contradictionem: non, inquam, for-

formali, sed materiali, quod attributum proprium et essentia, per quam illud determinatur, qua rem ipsam tam arcte inter se sunt complicata, ut unum nequeat esse sine altero. Ex. gr. attributum proprium trianguli æquilateri est æqualitas angulorum mutua. Posita igitur vel remota angulorum æqualitate, simul ponitur vel removetur laterum æqualitas. Hinc tamen non sequitur nos sensu formali confundere Determinans cum Determinato: Investigaturo enim quænam prima sint in ente determinantia, seu quænam sint ejus essentialia, subsistendum omnino in iis prædicatis, quæ sibi mutuo non repugnant, & quorum unum neque per alterum, neque per aliud prius in eadem re determinatur (§. 318. 320.). Alia namque prædicata, ut quisvis videt, & ex demonstratis intelligit (§. §. cit.), tamquam priora in ente poni nequeunt. Jam ex tribus lineis rectis et æqualibus construi potest triangulum, numerus ergo rectarum ternarius & earundem æqualitas mutua inter se non pugnant ad figuram constituendam. Sin vero tres sumantur anguli inter se æquales, ex iis solis datis, ut quilibet, vel parum in Geometria versatus novit, triangulum construi nequit. Et si igitur vicissim ex supposita trium angulorum æqualitate in triangulo demonstrari potest trium laterum æqualitas; illa tamen hypothesis non intelligitur possibilis,

lis, nisi hujus possibilitate præsupposita, quæ ex ipsa intelligitur constructione. Quid ergo ex his efficitur aliud, quam essentiam, sensu formali consideratam, non determinari per attributum proprium, sed hoc potius per illam, etsi hoc posito, illa non possit non poni.

## §. 354.

*Reciproca-  
ri quid?* Si posito A ponitur B, & vicis-  
sim posito B, ponitur A, dicuntur  
A & B inter se *Reciprocari*. Est ergo *Recipro-  
catio* mutua unius positio ex positione alte-  
rius.

In Logicis subjectum & prædicatum propositio-  
nis reciproca dicuntur, quando ita inter se per-  
mutari possunt, ut alterum alterius loco, salva  
veritate, poni queat. Ut in hac ex. gr. propositi-  
one: *Corpus est extensum impenetrabile*, & vi-  
cissim *extensum impenetrabile est corpus*. Hæc au-  
tem subjecti & prædicati permutatio aliunde o-  
riginem non trahit, quam ex illa subjecti &  
prædicati indole, qua fit, ut, illo posito, hoc  
ponatur, & vicissim hoc posito, illud ponatur.  
Recte igitur in Metaphysica, ubi potius ad in-  
dolem rerum, quam terminorum qualitatem at-  
tendere debemus, definitur reciprocatio per  
mutuam unius positionem ex positione alterius.

## §. 355.

*Proprio-  
rum & en-  
tis recipro-  
catio.* *Attributa propria cum ente, cui  
conveniunt, reciprocantur.* Posito e-  
nim attributo proprio ponitur inte-  
gra rei essentia (§. 351.). Sed, hac  
posi-

posita, ponitur ens ipsum (§. 332.). Posito igitur attributo proprio, ponitur ens, cuius scilicet est proprium. Porro: Posito ente ponitur integra ejus essentia (§. 332.), sed hac posita, ponitur id, unde determinatur attributum proprium (§. 347.), seu ponitur attributi proprii determinans (§. 195.), quo posito, ponitur attributum proprium, tanquam ejus determinatum (§. 196.). Posito itaque ente, ponitur ejus attributum proprium. Consequenter ens & attributum proprium se mutuo ponunt. Inter se ergo reciprocantur (§. 354.).

Sic æqualitas omnium trium angulorum est attributum proprium trianguli æquilateri, cum hoc igitur reciprocam habet naturam, quam *Euclides* in corollariis ad V. & VI. propositionem Elem. I. demonstrat.

Ceterum ex thescois hujus demonstratione patet ratio, cur proprietates entis loco ejus essentiae stare possit, hac ignota, & cur ex attributo rei proprio accurata ejus condi queat definitio.

*Usus Logicus.*

### §. 356.

*Posito attributo communi, non nisi illud, vel illa essentialia ponuntur, per quod, vel quæ determinatur, h. e. posito huic enti hoc inesse attributum commune, non tamen simul poni potest illud simul possidere totam hanc essentiam, qua gaudet, sed illa tantum tenere essen-*

*Attributi communis nexus cum essentia explicatur.*

*tialia, per quæ attributum illud commune determinatur.* Nam attributum commune non determinatur per totam essentiam, seu omnia essentialia simul sumta, sed tantum per unum vel aliquot essentialium (§. 347.). Non ergo tota essentia, sed unum modo vel aliquot essentialium sunt respectu attributi communis, seu sui determinati, determinantia (§. 195.). Quam ob rem, quum, posito determinato, non ponantur nisi ejus determinantia (§. 197.); posito attributo communi, non nisi illud, vel illa essentialia ponuntur, per quæ determinatur.

Impingunt in hanc propositionem Cartesiani, putantes posita extensione poni corpus ipsum, seu integram corporis essentiam: Nam est extensio attributum corporis & spatii commune, illa ergo posita, non ponitur nisi illud essentialiale, quod corpori æque ac spatio competit, minime vero integra corporis essentia, prout a spatii natura distinguitur,

### §. 357.

*Quando attributa communia cum proprio coincidunt.* Positis autem pluribus attributis communibus, quæ simul sumta sunt instar attributi proprii, ponuntur omnia rei essentialia. Quando enim plura attributa communia, simul sumta, sunt instar attributi proprii, per modum attributi proprii recte considerantur



tur. Sed posito attributo proprio, ponitur integra rei essentia (§. 351.). Positis ergo tot attributis communibus, quot simul sunt, sunt instar attributi proprii, ponuntur omnia rei essentialia.

Sic quæ a Geometris in definitione quadrati allegantur notæ, sigillatim spectatæ, non sunt nisi attributa quadrato æque ac Rhombo, Rhomboidi, Trapezio, et Oblongo communia; simul autem considerata nulli alii competunt figuræ, & ideo sunt instar attributi proprii, ex quo, ut Logica docet, legitima conditur definitio. Definiunt enim quadratum per figuram 1:0. *Quadrilateram*, 2:00 *Æquilateram*, & 3:00 *Rectangulam*. Primum requisitum est commune omnibus figuris quadrilateris, secundum rhombo, æque ac quadrato competit, tertium cum oblongo habet quadratum commune. Omnia tamen hæc tria, simul spectata, nulli, præter quadratum, figuræ conveniunt, & ideo insunt ei instar attributi proprii, quod integram quadrati ponit essentiam.

### §. 358.

*Sublato attributo communi, tollitur simul rei essentia i. e. tolle unum attributum commune & non amplius manebit eadem essentia, eadem res.* *Attributum commune per unum vel aliquot essentialium determinatur (§. 347.), unum igitur, vel aliquot essentialium sunt determinantia, quorum determinatum est attributum commune (§. 195.).*

Si itaque sublato attributo communi, unum vel aliquot essentialium, per quæ determinatur, nihilominus manerent salva, poneretur determinans, non vero determinatum, quod, per ante demonstrata (§. 196.), est absurdum. Quam ob causam vere statuimus, sublato uno attributo communi, tolli simul illa essentialia, per quæ determinantur: sublati autem uno vel aliquot essentialium amplius manere nequit idem prædicatorum essentialium numerus, consequenter nec eadem essentia, nec idem ens: Illa enim in sequentibus docebo eadem esse, quæ salvo quovis respectu, sibi mutuo substitui possunt. Essentia igitur uno vel altero essentiali destituta, in locum integræ essentiæ substitui nequit.

*Usus Physicus.* Errant itaque Cartesiani, in extensione essentiam corporis ideò ponentes, quod, illa remota, removeatur corpus: Quodvis enim attributum commune hoc fulget privilegio, quod a suo subjecto removeri nequeat, nisi simul tollatur subjectum ipsum; Nemo tamen, nisi rerum ignarus, ideò affirmabit attributum rei commune esse ejus essentiam.

*Usus Theologicus.* Peccant etiam contra hanc assertionem Monotheletæ, qui docuerunt unam tantum dari in *Christo* voluntatem, divinam nimirum, humana negata: Est enim voluntas attributum animæ humanæ, ceterisque spiritibus suo sensu commune, quo sublato,

lato, tollitur, vi præsentis canonis, ipsa essentia animæ humanæ, & ideo, quum hæc sit essentialis hominis pars, tollitur ipsa humana natura. Si ergo *Christus* voluntatem humanam non haberet, verus non esset homo, quod sacræ Scripturæ et speciatim Historiæ passionis *Christi* è diametro adversatur.

§. 359.

*Quod vel unico entis attributo repugnat, id etiam repugnat essentia ejusdem entis.* Quod enim attributo repugnat, simul affirmat, & simul negat idem attributum (§. 43.), & proinde, vi principii contradictionis (§. 53.), tollit ipsum attributum: Est vero attributum vel proprium vel commune (§. 348.), & sublato unico vel attributo proprio, vel communi, tollitur rei essentia (§. §. 352. 358.). Quod itaque vel unico entis attributo repugnat, essentiam illius entis tollit, seu, quod eodem redit, essentiæ repugnat.

Suo constabit loco attributa, re ipsa, identificari cum essentia entis, unde, quia quæ re ipsa eadem sunt, mutuam admittunt substitutionem, satis & denuo evadit perspicuum, nihil repugnare attributo, nisi quod etiam simul repugnet essentiæ. Ex. gr. Angulum externum esse majorem utrolibet angulorum internorum & oppositorum in triangulo rectilineo, est hujus triangulorum generis attributum per 16. El. 1. Huic autem attributo repugnat quod bini in triangulo anguli sint actu ipso recti per 17. El.

1. Ergo etiam idem repugnat essentiali dicti trianguli.

§. 360.

*Corollarium.* Prona hinc fluit consequentia, quod repugnat attributo entis, id ei enti esse absolute impossibile, seu, illi enti nequaquam competere posse (§. 326.).

Sunt compositio & extensio essentialia corporis attributa, quibus facultas cogitandi absolute repugnat. Recte itaque, vi præsentis consecrarii, concludimus absolute impossibile esse, ut facultas cogitandi corpori competat.

§. 361.

*Ens Metaphysicum qualia habet attributa.* *Omnia entis Metaphysici attributa sunt ei propria.* Ex notione entis Metaphysici evicimus (§. 342.) illud habere attributa, ergo aut communia aut propria (§. 348.). Si illud, attributa entis Metaphysici per quædam ejus essentialia determinarentur, aliisque entibus essent communia (§. 347.). Præter ens igitur Metaphysicum darentur alia entia, quæ illud suo ambitu non comprehenderet. Ens itaque Metaphysicum non esset universalissimum, quod quum sit absurdum (§. 10.227.), liquet attributa entis non esse communia, sed propria.

Idem directe exinde colligitur, quod attributa enti Metaphysico attribuenda, ex tota ejus essentialia, quæ conceptu primo absolvitur, fluere de-

demonstravi (§. 342.), & idē non posse non esse ei propria. Spectant huc unitas, veritas, bonitas, perfectio, cetera, quæ æque late patent ac ens ipsum.

## §. 362.

Quodvis ergo entis Metaphysici attributum cum illo recipiatur (§. 355.). *Corollarium.*

Hinc est quod veteres Metaphysici dicant attributa entis esse ei reciproca, quam assertionem, ut veritati congruam, universali heic stabilire volui demonstratione, particulariter suis ostensus locis, quodlibet entis attributum cum illo recipiari.

## §. 363.

Hæc entis Metaphysici attributa distinguere solent Philosophi in *Sim- Divisio*  
*plicia* seu *Unita*, & *Conjuncta*, seu *attribu-*  
*Disjuncta*. Illa absolute ac sine op- *torum en-*  
*tis Me-*  
positorum disjunctione de ente reci- *taphysici.*  
procantur. Hæc non nisi cum disjunctione cum ente retrocurrunt.

Sic ex communi & recepta dudum sententia, attributa entis simplicia sunt, unitas, veritas, perfectio, bonitas. Disjuncta vero esse idem vel diversum, necessarium vel contingens. &c.

Ens in sua inferiora & superiora per convenientiam & disconvenientiam attributorum distingui, suo loco ex his independenter demonstrabitur. Hinc ergo non obscurum arbitror, quædam esse *Fundamen-*  
*tum di-*  
*visionis.*

attri-

attributa omni enti communia, per quidditatem entis, generalissime accepti, determinata; quædam vero non omni enti communia, sed uni inesse, cujus oppositum in altero deprehenditur. Inferiora ergo entis contradictorie opposita, siquidem de suo superiore, per principium exclusi medii prædicantur, si enunciatione disjunctiva conjunctim efferuntur, constituunt sui superioris attributum (§. 340.). Adparet igitur fundamento non destitui distinctionem attributorum in simplicia & disjuncta. Ita necessarium & contingens sunt inferiora entis, generalissime accepti, sibi mutuo opposita, de omni itaque ente prædicari nequeunt singulatim, sed cum conjunctione membri oppositi. Recte hinc dicimus omne ens esse vel necessarium vel contingens, & hoc ipsum esse attributum entis disjunctum.

§. 364. Affectiones esse vel essentielles vel extra-essenciales antea docuimus (§. 339.); de essentialibus, seu attributis, hætenus egimus, sequuntur Extraessentialiales, quas *Accidentia* vel *Definitio Modos* nuncupamus. Sunt ergo *Accidentis* ejusmodi entis affectiones, *s. modi.* quæ non per essentiam unice, sed simul per alias res, ab essentia diversas, determinantur, seu, quæ rationem sufficientem, cur actu insint, in essentia minime habent, sed rationes, inexistentialiam earum determinantes, adhuc requirunt alias, ab essentia diversas.

Ex. gr. Eruditio in homine est ejus accidens, vel *modus*, nam per essentiam hominis unice non deter-

determinatur; si enim determinaretur, esset attributum hominis (§. 340.), eidemque constanter competeret (§. 344.); quod tamen experientia absonum docet. Habeat vero necesse est rationes in existentiam sui determinantes (§. 88.), quæ itaque non ex essentia hominis, sed aliunde derivandæ. Quia tamen, ut quivis intelligit, & suo mox docebitur loco, eruditio homini haud competere posset, nisi naturalem, seu essentialem, ille teneret recipiendæ eruditionis dispositionem; recte statuimus eruditionem præter essentiam hominis, naturalem ejus complexam dispositionem, rationes determinantes, adhuc alias, ab essentia diversas postulare, diligentiam nimirum & occasionem utendi bonis informatoribus, perlegendique cum attentione libros, a viris solida eruditione compositos, nec non reliqua ejusmodi externa incitamenta & conamina.

*Æquivocatio accidentis.*

Accidens, quod heic explicamus, triplicem apud Eruditos habet acceptionem. Nam 1:o) *opponitur substantiæ*, seu essentiæ existenti, ideoque

natura sua subjecto inest. Vocaturque alias *Accidens prædicamentale*, quod ambitu suo, secundum Aristotelicos, complectitur novem eorum ultima prædicamenta. 2:do) *Opponitur essentiæ rei*, abstractivæ & præcisæ existentia spectatæ, strictiusque sumptæ pro primo rei conceptu. Hoc itaque sensu sub se comprehendere accidens omnes entis affectiones, sive attributorum nomine veniant, sive minus. Dicunt ergo Scholæ Aristotelicæ Patroni, accidens esse, quod est extra conceptum primum. 3:tio) *Opponitur essentiæ*

*tia & attributis simul*, vel, ut alii loqui amant, opponitur essentiae latius acceptae pro omni eo, quod rei necessario inest. Atque hoc ultimo sensu heic loci accipitur. Accidens, quod alioquin *Prædicabile* nuncupatur. De hoc accidenti agit *Aristoteles* L. I. Top. Cap. V. §. 8. & seq. quod ibidem contradistinguit generi, definitioni & proprio, & quod recte sic definit: *συμβεβηκός ἐστιν, ὃ ἐνδέχεται ὑπάρχειν τινὶ καὶ τῷ, καὶ μὴ ὑπάρχειν*. Accidens est, quod potest uni & eidem subjecto inesse & non inesse. *Porphyrus* in Isag. Cap. VI. addit, quod accidens possit adesse & abesse sine interitu subjecti: *συμβεβηκός ἐστιν ὃ γίνεται, καὶ ἀπογίνεται χωρὶς τῆς ὑποκειμένης φθορᾶς*. Accidens dicitur, quod abest vel adest sine subjecti interitu. Cujus definitionis hic est sensus: Accidens dicitur, quod ita tribuitur subjecto, ut, manente essentia ejus, possit vel affirmari vel negari de illo subjecto. Sic sive dicas hominem esse rudem sive eruditum, manet tamen essentia hominis integra & illaesa. *Illustri Wolfio* §. 67. Log. Lat. & §. 148. Ontol. ideo displicet vocabulum accidentis, quod putet illud æquivocationi esse obnoxium, placet vero vocabulum *modi*, quod tamen haud minori laborat ambiguitate. Nam 1:do) *Quandoque tam late sumitur modus, ut sub se comprehendat & attributa & accidentia*: sic Peripatetici, unitatem, veritatem, & reliqua communissima entis attributa, modos nuncupant. 2:do) *Accipitur stricte pro quavis affectione extræssentiali tantum, quo sensu cum accidente prædicabili coincidit,*  
& qui-

*Æquivocatio Modi.*  
*di.*



& quibusdam vocatur modus non essentialis. 3:o) *Pro eo quod rei singulari ita est affixum, ut nec esse sine ea, nec concipi possit.* Sic sessio Petri ita Petram afficit, ut sine illo concipi non possit. 4:o) *Pro accidente, quod substantiæ opponitur*, seu, pro accidente prædicamentali, ut Rætténbeccius in Log. V. & N. Q. 300. recte monet. Non ergo existimaverim modi vocabulum termino accidentis, ob minorem illius equivocationem esse præferendum. Promiscue itaque his utar vocabulis, sub una tamen eademque constanti notione, quam hac expressimus §:pho.

## §. 365.

*Posita essentia rei, non statim ponuntur hæc vel illa ejus accidentia.* *Posita essentia non ponuntur accidentia.*  
Si enim, posita essentia, accidentia simul ponerentur, per essentiam determinarentur accidentia (§. 194.); hæc ergo in illa rationem invenirent sufficientem (§. 198.), quod tamen horum repugnat definitioni (§. 364), ideoque absurdum (§. 53). Posita ergo essentia rei, non statim ponuntur ejus accidentia.

Posita ex. gr. actualitate entis, anima rationali & corpore organico compositi, i. e. posita actualitate hominis, non statim ponitur eruditio, seu hominem esse eruditum.

Insigne ergo exhinc patescit inter attributa & accidentia discrimen, quum illa statim ponantur, posita essentia (§. 343.), hæc autem & poni & non poni possint, illæsa in utroque casu manente essentia.

## §. 366.

*Acciden-  
tium in-  
constan-  
tia.*

*Accidentia enti, cui competunt, inconstanter insunt.* Vi principii exclusi medii (§. 64.) manifesto liquet, omne quod enti inest, aut constanter aut inconstanter eidem inesse. Fac accidentia enti constanter inesse, posito igitur ente, simul ponerentur accidentia: illa enim constanter copulata dicimus, quorum uno posito, alterum simul poneretur. Sed posito ente, ponitur ejus essentia (§. 332.). Hac ergo posita, accidentia ponerentur. Verum enim vero posita essentia rei, non statim ponuntur hac vel illa ejus accidentia (§. 365.). Constanter ergo enti inesse nequeunt accidentia, insunt itaque nonnisi inconstanter.

Ex. gr. Calor & frigus sunt lapidis accidentia, sed potest lapis nunc esse calidus, nunc frigidus, prout in his vel illis circumstantiis fuerit collocatus, salva tamen manente ejus essentia.

Recte itaque ex *Aristotele & Porphyrio* (§. 364.) docent veteres Philosophi accidens & adesse & abesse posse. Quare si aliquod accidens quibusdam inseparabile dicitur, respectus habetur ad actuale separationem, viribus naturæ naturaliter instituendam, quæ haud raro physice est impossibilis, licet potentia majori sit possibilis.

## §. 367.

*Cui compe-  
tant acci-  
dentia.*

*Non-existenti nulla competunt accidentia.* Non-existens est possibi-  
le

le merum (§. 211.), quod possibilitatem absolutam sine existentia habet (§. 148.), absolvi-  
tur itaque non existens absoluta possibilitate.  
Sed quicquid huic inest constans est (§. 229.).  
Si ergo accidentia non-existenti competerent,  
essent constantia. Quod quum eorum evertat  
naturam (§. 366.), non-existenti attribui ne-  
queunt accidentia.

Expedita et evoluta actionis & passionis theoria,  
quam tamen proponendi nondum est locus, i-  
dem hoc assertum directa, haud difficulter evin-  
ci poterit ratione: Omne enim accidens enti, cui  
accedit, infert aliquam mutationem, quatenus  
jam aliud fit, hoc scilicet accidente vestitum,  
quam antea erat: omnis autem mutatio actio-  
nem vel passionem involvit, prout suo patebit  
loco, actiones quo & passionem non-existenti  
competerere nequeunt (§. 213.). Ergo non-exi-  
stentis nulla sunt accidentia. Sic homo nondum  
existens vocari nequit eruditus, neque mortuo  
tribui potest eruditio, nisi animæ, post mor-  
tem corporis superstiti.

Qui non-ens sensu participiali sumunt pro non-  
existente, in hunc modum, præsentem expri-  
munt regulam: *Non-entis nulla sunt accidentia.*  
De cuius regulæ discrimine ab altera illa: *Non-*  
*entis*, sensu nominali, *nulla sunt prædicata*, mo-  
do egimus (§. 264.).

Exinde quod *Aristoteles* L. IV. Metaph.

Cap. IV. dicat ea, quæ non sunt, quonam  
pacto loquentur, aut ambulabunt. Et. L.

V. Phys. text. 8. impossibile est id, quod

Occasio  
& usus  
canonis

*Theolo-  
gicus.*

*non est moveri*, natum esse præsentem, canonem: *Non existentis nulla esse accidentia*, observat Rixnerus in usu Metaphys. p. 31. 32. Ad cujus intelligendum sensum varii varia monent, quæ omnia adferre & proponere minus duco necessarium, quum ipse canon, modo, quo cum expressimus, sua radiet luce. Satis namque patet hunc canonem de veris, quæ insunt, loqui accidentibus, non vero de accidentibus alterius entis, ad alterum vi intellectus, vel voluntatis, relatis. Quæ enim actu non sunt, possunt tamen idealiter in mente repræsentari, & eatenus cognosci, desiderari, amari, quæ omnia sunt accidentia mentis, re ipsa existentis, non vero ipsorum objectorum, quæ cognoscuntur, desiderantur, amantur. Sic quando Ioh. VIII. dicitur Abrahamum desiderasse & gestivisse videre Diem Christi, seu Christum, in carne, non humanæ Christi naturæ, nondum existentis, sed Abrahamo existentis tribuitur accidens. Præsentis ergo canone abutuntur Calviniani ad veram & orthodoxam de fide & incredulitate doctrinam, quantum penes ipsos, eliminandam & evertendam, hunc fere in modum argumentantes: *Non-existentis nulla sunt accidentia: Atqui fides a Deo ab æterno prævisa, tunc fuit non-existens, Neutra itaque tum causa esse potuit, cujus intuitu hominem vel ad vitam prædestinaret, vel perpetuæ damnationi addiceret.* Sed confundunt adversarii esse fidei & incredulitatis actuale, cum esse illarum cognitio: Non dicunt Orthodoxi fidei & incredulitati, ab æterno prævisis, quatenus utraque est ejusmodi, competere, seu, inesse accidentia, scili-

scilicet vim causandi vel efficiendi aliquid; hoc enim modo in præsentis canonis veritatem manifeste incurrerent, sed contendunt sine ulla præsentis canonis læsione, fidem & incredulitatem, ab æterno in intellectu Divino repræsentatas & prævisas, esse causam impulsivam prædestinationis & reprobationis, h. e. esse rationem decreti divini de prædestinatione & reprobatione. Quo ipso fidei & incredulitati nullam tribuunt activitatem, sed earum in intellectu Divino existenti repræsentationi; unde non magis sequitur fidei & incredulitati, nondum existentibus, competere accidentia, quam reliquis omnibus possibilibus, in intellectu Divino & fundatis & repræsentatis. Videatur si placeat Dn. D. Job. Musæi dissertatio de æterno electionis decreto Cap. I. §. IV. seqq.

Potiori longe jure utuntur Nostrates præsentis canone: *non-existenti nulla competunt accidentia*, ad convellendum purgatorium, a Pontificiis effectum, quod, prout illud describunt Bellarminus L. I. de Purg. Cap. I. Georgius de Valentia T. IV. Disp. II. Q. 1. Carolus Stengelius Tract. de statu animarum post mortem Cap. V. alique Pontificiorum, *quod*, inquam, juxta hos *est locus subterraneus, inferno damnatorum vicinus, in quo, tanquam in carcere, post mortem fidelium animæ, quæ in hac vita non plene fuerunt purgatæ, sed vel obstrictæ adhuc reatu temporalis pænæ, vel onustæ aliquibus peccatis venialibus ex corpore migrarunt, cruciantur pænâ exquisitissima & infernali, non tamen æterna, ut nimirum a reliquiis sordium expurgatæ in cælum tandem intromittantur.* Tribuunt ergo Pontificii suo purgatorio vim

cruciandi & expurgandi, accidentia scilicet rei existenti competentia. Ast non existit ejusmodi purgatorium, quum scriptura sacra illud prorsus ignoret, quæ etiam piis statim a morte promittit æternam beatitudinem, impiis condemnationem Es. LVII. 2. Joh. V. v. 24. Phil. I. 23. Apoc XIV. 13. Marc. XVI. 16. ubi in ultimo præsertim loco distinguuntur homines in binas oppositas classes, pios & impios, quorum cuilibet tribuitur oppositus & non nisi duplex post mortem Status: Purgatorium ergo, quod statum intermedium, vel tertium importaret, non existit. His accedit purgatorium Patribus & Scriptoribus antiquis fuisse incognitum, ut *Alphonfus de Castro*, ipse Pontificius, qui Concilio Tridentino interfuit L. VIII. adv. hæreses in verbo indulgentiæ, concedit. Quam ob rem, quia non existentis nulla sunt accidentia frustra de purgatorii loco, aliisque similibus disputant Pontificii.

## §. 368.

*Accidentia non competunt nisi actuali.* Quia inter existens & non-existens non datur medium (§. 212.), huic vero nulla competunt accidentia (§. 367.); non nisi enti actuali, minime autem potentiali conveniunt accidentia (§. 292.).

Quamvis nullum ens nisi actuale capax sit accidentium, inde tamen non colligas præcor omni existenti competere accidentia. Certum quippe est modos esse prædicata inconstantia & mutabilia, nec proinde competere enti, nisi mutabili

bili & contingenti, minime autem Infinito & absolute Perfecto.

§. 369.

*Accidentia ergo non sunt prædicata entis Metaphysici universalia.* *Modi non sunt prædicata Entis Metaphysici.*  
 Quia ens, quod est Metaphysices objectum: tam late sumitur, ut comprehendat & actualia & potentionalia (§. 295.), sed enti potentionali nulla conveniunt accidentia (§. 368.) Convenirent tamen si essent universalia entis prædicata; secundum notissimam Logicorum regulam: quicquid competit generi, cuilibet ejus speciei tribuendum est. Accidentia igitur non sunt prædicata Entis Metaphysici universalia.

Licet ergo in prædicatis entis Metaphysici accidentibus non concedatur locus, quatenus tamen de proxima ejus specie, ente scilicet actuali, valent, eorumque theoria indispensabilem habet in reliquis omnibus scientiis usum, vel eadem removendo, ut in Theologia Naturali, vel ponendo, ut in reliquis disciplinis; Metaphysices, quæ universalissima reliquarum disciplinarum tractat principia (§. 7. 8.), officium sine dubio erit generalem accidentium evolvere & condere notitiam, maximo huic & universali servitutam usui.

§. 370.

*Accidentia prius inesse nequeunt enti, quam alia ista, ab essentia eius* *Quid requiritur diver-*  
 C 3

*ut accidens diversa, per quæ actualitas eorum enti insit? determinatur, existunt.* Accidentia enim per essentiam entis unice non determinantur, sed simul per alias res, ab essentia diversas (§. 364.). Quamobrem si actualitas accidentium prius poneretur, quam actualitas essentiæ entis, & reliquorum istorum ab essentia diversorum, ante poneretur determinatum, quam determinans (§. 195.). Sed determinatum poni nequit, nisi posito ejus determinante (§. 197.). Ergo nec actualitas accidentium poni potest prius, quam posita fuerit actualitas essentiæ entis, ceterorumque ab essentia diversorum, per quæ actualitas determinatur accidentium.

Certe si prius existerent accidentia, quam actudarentur, per quæ eorum determinatur actualitas, non opus esset, ut per alia ista, ab essentia diversa, determinarentur, quod & præsentis propositionis hypothesein everteret, & definitioni accidentium e diametro adversaret. Quis v. gr. dixerit prius lapidem esse calidum, quam existat ille, deturque eum actu positum esse in loco calido. Pari modo, eruditio non prius attribuenda est homini, quam ille existat, solida informatione instructus, & propria excitatus diligentia.

### §. 371.

*Idem ulterius exponitur.*

*Ubi itaque non datur rerum pluri-  
um concursus, ibi nec dantur ac-  
cidentia: Solius enim entis essen-*

*tia*



tia non sufficit ad accidens determinandum (§. 365), sed requiritur ejus actualitas (§. 268.), actualitas quoque aliarum rerum ab essentia diversarum (§. 370.), ut adeo perspicuum sit non dari accidens, ubi non adest rerum plurium concursus.

Ita lapis ex. gr. nunquam erit calidus, nisi cum illo concurrat calor alterius entis, ignis scilicet, vel focalis, vel solaris, vel attritu cum alio corpore excitati.

## §. 372.

*Quicquid enti inest, id vel inter essentialia, vel attributa, vel accidentia, seu modos, est referendum.* *Quæ entis inter-  
na prædicata?* Quicquid enti inest, id aut per alia, quæ simul insunt, determinatur, aut per alia illa non determinatur (§. 63.). Quæ per alia, quæ simul insunt, non determinantur, aut aliis determinandis interserviunt, aut non (§. cit.). Quæ simul insunt, neque tamen a se invicem determinantur, sed aliis determinandis interserviunt, essentialia vocantur (§. 320.). Quod autem per essentialia determinatur attributi venit nomine (§. 340.). Quod per essentialia non determinatur & tamen inest, accidens vocatur (§. 364.). Nihil ergo competit enti, nisi quod vel inter essentialia, vel attributa, vel accidentia, sit numerandum.

Brevius. Omni enti essentialia conveniunt (§. 329.). Quicquid autem præterea enti com-

petit, id vel per sola essentialia determinatur, vel per eadem sola non determinatur (§. 63.). Si prius, habes attributa (§. 340.), si posterius, accidentia (§. 364.). Quicquid igitur enti inest, id vel inter essentialia, vel attributa, vel accidentia locum habet.

Habemus igitur omnia intrinseca entis prædicata, in certas distributa classes, unde quid haurire liceat commodi omnes loquuntur scientiæ, quæ sine sollicita hac prædicatorum entis divisione, quam plurima laborarent confusione. Id, ut ceteras, prolixitatis vitandæ gratia, taceam, ex Logicis abunde patet, in qua plurimæ comparent regulæ, tam in prima atque secunda, quam tertia mentis operationibus, huic innixæ distinctioni. Unde nec in definiendo, nec in iudicando, nec in ratiocinando, hac vel ignorata, vel seposita distinctione, tutus & a confusione liber quis iverit.

Ceterum observes præsentî propositione non statui, cuilibet, enti conjunctim competere, quæ enumeravimus, prædicata: mox enim cyici accidentia non esse universalialia entis Metaphysici prædicata (§. 369.), sed actualibus tantum competere (§. 368.), neque tamen iis omnibus, sed finitis tantum; essentialia autem & attributa omni inesse enti (§. 329. 342.). Non ergo conjunctive sed disjunctive interpretanda est nostra thesis, id unice intendens, quod nihil enticompetat, nisi quod sit vel essentialia, vel attributum, vel accidens.

Qui tam late sumunt essentialia, ut sub illis, præter

ter essentiam, attributa quoque comprehendant, præsentem ita enūciare solent regulam:

*Quicquid enti convenit, id ei convenit vel essentialiter, vel accidentaliter.* Ab-  
 Usus Theo-  
 logicus.

utuntur hac regula Nestoriani, si, inquit, *Filio Dei revera competit esse hominem id competit Ei vel essentialiter, vel accidentaliter, sed non essentialiter, quæ fuit hæresis Eutychis, Ergo accidentaliter. Ergo Filius Dei humanam naturam sua substantia non terminavit, seu illam sibi personaliter non univit.* Unde *ἐνωσις* duarum in

*Christo* Naturarum non aliter definiendam putavit Nestorius, quam per inseparabilem *παρρησίαν* vel *παράστασιν* & inhabitationem in natura assumpta. Sed præterquam quod incarnatio Filii Dei sit *magnum pietatis mysterium* 1. Tim.

III. 16. non interpretandum per nudam appropriationem, sed per realem & Personalem unionem, ad quam exprimendam *Johannes* Cap. I.

ait. *Verbum caro factum est.* Præter hoc, inquam, observes Nestorium non intellexisse regulæ, qua abutitur, sensum. Agit quippe præsens regula de prædicatis enti intrinsecis, seu, quæ ipsi enti, absque unionem cum alio, insunt, non vero de

prædicatis, per unionem ei tribuendis. Hinc quia non dicere licet τὸ esse hominis Filio Dei seu Ipsi Deo inesse, sed Ei per unionem tantum

personalem competere; recte affirmo τὸ esse hominis Filio Dei neque essentialiter neque ac-

cidentaliter competere; sed *ὑποστατικῶς*, per unionem scilicet personalem; Nestorium ergo

sux hæreseos præsidium in præsentī verissimo canone haud invenisse.

## §. 373.

*Modus distinguendi  
accidentia  
ab essentialibus &  
attributis.*

*Quæ enti inconstanter insunt, seu, quæ modo insunt, modo non insunt, in accidentibus sunt referenda.* Quicquid enim enti inest, id vel inter essentialia vel attributa vel accidentia est referendum (§. 372.), sed tam essentialia, quam attributa constanter enti insunt (§. 329. 344.), Accidentia autem inconstanter (§. 366.). Hæc ergo sola ex iis omnibus, quæ enti insunt, inconstanter eidem competunt.

Nihil in vita vulgari hoc modo distinguendi accidentia ab essentialibus attributisque magis est usitatum et commune. Hinc passim in vernacula nostra lingua accidens aliquod ab essentialibus attributisque discreturi dicere solemus: *Thetta är intet något vift, utan är gångande och kommande; thetta är et tilfälligt ting.* Philosophi vero est, quod in vita communi confuse & indeterminate proponitur, distinctis determinatisque enodare terminis, & quod sine demonstratione admittitur, demonstratione corroborare. Modum ergo huncce determinandi accidentia ab essentialibus, in vita communi distincte non cognitum, distincte proposuimus, propositumque demonstravimus.

## §. 374.

*Idem ulterius explicatur.*

*Quæ enti constanter insunt, vel inter essentialia, vel attributa locum habent.* Quod enti inest vel essentialibus, vel attributis, vel accidentibus

tibus est adnumerandum (§. 372.) Sed quod constanter inest accidens esse nequit (§. 373.), illud ergo vel ad essentialia vel ad attributa pertinet, quibus utrisque constanter inesse convenit (§. 329. 344.).

In adplicatione hujus thesicos observes de eo heic agi, quod absoluto sensu enti, sive in statu actualitatis, sive possibilitatis spectetur, constanter competit, non autem de eo, quod in statu actualitatis solum, & diversis ejus circumstantiis, a nobis deprehenditur constans: Hoc enim non semper essentialia, vel attributum rei, sed accidens non nunquam esse posse, vel ipsa docet entis finiti actualitas, quæ tamen enti finito, quamdiu ejus a Deo sustentatur actualitas, sive in hac sive in alia circumstantia collocetur, constanter inest, etsi non nisi accidens ejus sit, prout suo demonstrabitur loco.

#### §. 375.

*Aliud accidens enti inesse nequit, Quod accidens quam quod essentialibus istius entis non repugnat. Accidens, quod enti inest, vel inesse potest, aut ejus essentialibus repugnat, aut non repugnat (§. 63.). Si repugnaret vel contradiceret, & nihilo secius vel inesset, vel inesse posset, de eodem ente idem simul affirmaretur & negaretur (§. 43.), quod principio contradictionis e diametro adversatur (§. 53.), & proinde absurdum (§. 54.). Aliud itaque accidens enti inesse nequit, quam quod essentialibus ejus non repugnat.*

Sic

Sic lapidi non repugnat ut sit calidus, calidus ergo fieri potest lapis: repugnat vero eidem ut sit aëre specificè levior, & proinde in illo naturaliter adscendat. Lapis ergo in aëre naturaliter, i. e. libere, & nulla externa vi pulsus, adscendere nequit.

## §. 376.

*Ratio cur  
accidentia  
inesse pos-  
sint..*

*Cur accidentia enti inesse possint ratio in essentialibus ejus continetur.* Nullum accidens essentialibus entis, cui inesse potest, repugnat (§. 375.) Et si per illa, qua inexistiam suam, non determinetur (§. 364.). Per essentialia igitur entis intelligitur cur accidentia eidem non repugnent, & ideo, cur inesse possint (§. 124.). In Essentialibus itaque continetur ratio cur accidentia inesse possint (§. 82.).

Perspicue itaque intelligimus quodlibet accidens aliquam in ente, cui inest, præsupponere aptitudinem, seu, possibilitatem, vel, ut alii loqui amant, dispositionem illud admittendi, qua secus habita & negata, quodlibet ens aptum foret ad quodvis assumendum accidens, eademque causa rei cuiuslibet eundem inducere valeret modum. Quo pacto brutum v. gr. quodcunque æque posset eruditionem sibi comparare ac homo: ignis lignum perinde liquaret ac metallum; Leones æque volarent ac aves, pisces in aëre æque natarent ac in aqua. Et ejusmodi alia. Quæ tamen omnia, quum unusquisque sua quasi sponte absurda fateatur, simul agnoscat necesse est omne accidens postulare in subjecto, cui

cui insit, aliquam inexistenti aptitudinem seu, dispositionem.

§. 377.

*Hæ accidentium possibilitates aut per essentialia entis unice determinantur, aut simul per accidentia quædam præcedanea, resque alias externe advenientes.* *Possibilitates accidentium unde determinantur.* Accidentium possibilitates rationem inveniunt in essentia entis (§ 376.), est vero ratio vel sufficiens, vel insufficiens (§. 83.). Essentialia igitur entis exhibent rationem possibilitatis accidentium vel sufficientem, vel insufficientem; si sufficientem, tunc præter essentialia rei nihil desideratur amplius ad intelligendum cur hæ & non aliæ ei competant accidentium possibilitates (§. cit.), quæ hoc igitur casu per essentialia entis unice determinantur (§. 194.). si vero essentialia non nisi insufficientem rationem præstant possibilitatibus accidentium, præter essentialia aliquid requiritur amplius, cur hæ enti insint possibilitates et non aliæ (§. 83.). Quia tamen nihil est sine ratione sufficiente (§. 88.), præter essentialia aliud datur, quod cum illis conjunctum constituet rationem sufficientem possibilitatum accidentium. Illud vero præter-seu extraessentialiale aut est enti internum aut externum (§. 63.); Si internum. attributum erit vel accidens (372.), attributorum autem ratio sufficiens in solis essentialia-

essentialibus continetur (§. 340.). Ratio, itaque in attributis sita, nequit esse, quæ quæritur præter-essentialis. Remotis idcirco attributis in internis non remanent nisi accidentia, quæ si non sufficiunt, vel si non ingrediuntur rationem possibilitatis modi; illud præter-essentiale, quod amplius requiritur, non erit internum, sed externum: in ente alio, vel pluribus aliis situm. Hinc, quia ratio sufficiens determinantibus constituitur (§. 198.), recte concludimus accidentium possibilitates aut unico per essentialia entis determinari, aut simul per accidentia quædam præcedanea, resque alias externas.

Accidentium possibilitates hoc admittere discriminis multiplex insuper confirmat experientia. Etenim alias huic vel isti enti tribuimus, quia his vel illis gaudet essentialibus, alias ideo inesse observamus, quia his vel istis affectum est accidentibus præcedaneis; alias tandem, quia in his vel istis circumstantiis externis est collocatum. Ignoramus quidem etiamnum omnia corporis essentialia, scimus tamen vim gravitatis ei per modum essentialium vel attributi non inesse, sed accidentalem possidere naturam. Competit hæc vis omni corpori, adeoque etiam plumbo, cujus essentialiæ, quia subjecto quod plumbum dicitur, actu inest, non repugnat, per illam ergo agnoscitur inexistenti possibilitas. Quod vero actu ipso aquis submergatur plumbum, aliud est accidens, cujus possibilitatem non sola determinant essentialia plumbi, sed



sed simul præcedaneum illud accidens, in vi gravitatis situm: nam si plumbum non majorem præ aquis haberet gravitatem specificam, nunquam in aquis descendere posset. Calor lapidis est accidens, cujus possibilitatem non sola determinant essentialia lapidis, sed simul causæ aliqua externa, ignis scilicet focalis vel solaris, qui contingenter cum lapide conjungitur. *Habitus solida ratiocinandi*, quia actum involvit homini non essentialem, hominis est accidens, cujus possibilitas per facultatem ratiocinandi, essentiali animæ insitam, intelligitur: *Eruditio* autem est accidens cujus possibilitas simul in illo accidente priore fundatur, & præterea in occasione eruditionem comparandi, quæ occasio licet inter res externas numeretur, abesse tamen nequit ad determinandam possibilitatem eruditionis: *Actus porro alios erudite informandi* accidens est, cujus possibilitas & per essentialiam animæ, & per duo illa accidentia priora, nec non novam actum informationis exercendi occasionem, determinatur. Quomodo morbus aliquis, qui accidens hominis est, quæ suam possibilitatem ex constitutione corporis humani, & simul una, vel pluribus causis externis determinetur? quo modo etiam unus morbus alterum generet? Medicorum est plenius proponere. Nobis sufficit, hæc omnia & sexcenta alia probare, quam proposuimus, thesin de diverso accidentium diversorum possibilitatis fundamento.

## § 378,

Accidentium ergo possibilitates, *Diviso*  
duas

*possibiles*: duas admittunt classes, quarum *altæ accidentium* illas continet, quæ per essentiam unice determinantur; *altera* illas complectitur, quæ simul in aliis rebus, ab essentia diversis, fundantur, in accidentibus nimirum præcedaneis, rebusque externis. Prioris generis possibilitates dicuntur *Proximæ*, quia in essentialibus proximam inveniunt ledem: Posterioris, *Remotæ* nuncupantur, quia per ambages quasi & anfractus ex essentia scaturiunt. Illas non incommoda denominatione *Immediatas* dixeris, quia ab essentia immediate fluunt; has autem *Mediatas* vocaveris, quia non nisi mediantibus præcedaneis accidentibus, rebusque externis intelliguntur possibiles.

Ex. gr. In partes dividi est lapidis accidens, cuius possibilitas ex sola extensione, lapidi, ut & reliquis corporibus, essentiali, unice determinatur, habetque ideo in lapide possibilitatem proximam, seu, immediatam. Sed *calefacere* est lapidis accidens, quod tunc demum locum habet, si aliud in lapide accidens, nempe calor, causa ignis externi excitatus, præcesserit: Habet itaque hoc lapidis accidens possibilitatem remotam. Plura qui illustrationis gratia desiderat exempla, adeat quæ ad præcedentem notavimus positionem.

### §. 379.

*Quæ acci-*  
*dentium*

Possibilitates itaque acciden-  
tium proximæ, quia ex essentiali-  
bus

bus unice determinantur (§. 378.), sunt *possibilia* attributa entis (§. 340.), & quidem propria, si per omnia entis essentialia determinantur (§. 347.); communia vero, si ex quibusdam solum dependent essentialibus (§. cit.).

Verb. gr. Quadrati accidens est, quod sit per quatuor puncta, æqualiter distantia, circulo inscriptum. Hujus vero possibilitas est attributum, quadrato proprium: deducitur enim ex mutua quatuor rectarum, quibus ad angulos rectos includitur quadratum, æqualitate; omnibusque idcirco quadrati essentialibus. Divisibilitas quadrati per diagonalem in duo triangula æqualia, est attributum quadrati cum rectangulis, Rhombis & Rhomboidibus commune, non nisi ex eo dependens essentiali, quod latera opposita sint æqualia, vel, etiam si placet parallela. Prout Geometricæ palam faciunt demonstrationes.

## §. 380.

*Possibilitates accidentium remote in accidentibus sunt referendæ.* Nam *Quæ accidentia.* remotæ accidentium possibilitates non unice per essentiam entis, cui competunt, determinantur, sed simul per alias res, ab essentia diversas, accidentia videlicet præcedanea, & res externas (§. 378.). Accidentibus ergo sunt accensendæ hæ possibilitates (§. 364.).

Sic possibilitatem actus calefaciendi, qui lapidi competit, esse possibilitatem accidentis remotam mox explicui ad §. 378. Sed est hæc possibilitas accidens lapidis, nam per essentiam ejus unice non determinatur, sed simul per ca-

lorem, quem causa externa in lapide excitavit, & qui, quum inconstanter lapidi insit, inconstantem generat possibilitatem actus calefaciendi, nonnisi inter accidentia referendam (§. 373.).

### §. 381.

*Scholion*

*generale.*

Quas de accidentium possibilitatibus, modo proposuimus, theses, insignem præstant Logico usum in condens definitionibus. Fit enim haud raro ut & essentialia & attributa rei ignoremus, & idcirco ex illis nullam condere possimus definitionem. Aut ergo nihil de re est sciendum, quod mentis nostræ indoli & fini plane repugnat; aut confugendum ad accidentia, quæ licet ipsa, ob suam inconstantiam non ingrediantur bonam definitionem, constantibus adornandam notis, ipsorum tamen in re definienda possibilitates recte adsumuntur, modo sint proximæ, non autem remotæ. In Phisicis, ubi hæctenus non licuit ad intimam & essentialem corporum penetrare constitutionem, sæpius occurrunt definitiones, ex proximis accidentium possibilitatibus desumptæ: Ita ut alia innumera taceam, definire possimus *aquam*, per humidum, quod in statu libero majorem caloris gradum acquirere nequit, quam qui respondeat numero 214 in Thermometro Farenheitiano. Calor est æquæ accidens, cujus possibilitas, ex essentia æquæ determinata, instar attributi consideratur.

Quo.

Quoniam vero lapis quoque & reliqua corpora calida fieri possunt, possibilitas caloris ex tota aquæ essentia non determinatur, & proinde ut attributum ejus commune recte spectatur. Ubi autem constans caloris allegatur gradus, ultra quem adscendere nequit aqua, abit in attributum aquæ proprium, ex quo, ut Logica docet, legitima erigitur definitio.

## §. 382.

*Ceterum ex modo demonstratis cum mulatissime intelligitur non omnes accidentium possibilitates, attributorum loco esse habendas. Quædam enim harum possibilitatum sunt nonnisi remota ( §. 378. ), quæ non attributorum, sed accidentium subeunt vicem ( §. 380. ).*

*Quædam modorum possibilitates non sunt attributa.*

Rei itaque veritati, & logico usui ( §. 381. ), non consulunt, qui sine discrimine pronunciant omnes accidentium possibilitates attributa esse.

## §. 383.

*Accidens nonnisi existenti competere ( §. 368 ), affectionemque denotare diximus, cujus in ente inexistentiam, non sola determinans essentialia, sed simul aliæ res ab essentia diversæ ( §. 364. ), circumstantiæ scilicet & conditiones variæ, quæ aut semper adsunt, quamdiu ens existit; aut non semper, sed per certum tempus ( §. 63. ). Si prius, quoniam ex il-*

*Accidens perpetuum & temporarium.*

lis conditionibus determinatur accidentis in-  
 existentia (per hypoth. & §. 364.), positoque  
 determinante ponitur determinatum (§ 196.);  
 quamdiu ens existit, semper ponendum erit  
 illud accidens: *Si posterius*, eodem, ut mox  
 dictum est, modo liquet non semper, sed ad  
 certum tempus adesse illud accidens. Recte  
 hinc distinguimus accidens in *Perpetuum &*  
*Temporarium*, quorum illud determinatur a  
 conditione, quæ adest cum ente, vel enti inest  
 quamdiu illud existit. Hoc autem determina-  
 tur a conditione, quæ non semper cum ente  
 adest, vel ei inest.

Proclivitas hominis ad peccandum, quia nec ex  
 essentialibus nec ex attributis, quæ eadem ha-  
 buit Adamus in statu integritatis ac incorrupto,  
 determinatur, hominis est accidens, quod quia  
 corruptionem primævam, homini, quamdiu in  
 hac mortalitate existit, semper inexistentem,  
 tanquam conditionem determinantem, præsup-  
 ponit, eheu, nequit non esse perpetuum. In  
 Physicis quamvis corporis essentialia plene non-  
 dum sciamus, novimus tamen gravitatem in il-  
 lis non esse numerandam, neque ex illis unice  
 determinari, recte ergo statui corporum acci-  
 dens, quod tamen omni competere corpori, &  
 maximo & minutissimo, & toti & parti, perque  
 totam materiæ molem distribui, nec dari cor-  
 pora absolute levia, vel gravitate sua penitus  
 unquam privata, licet illa circa æquatorem de-  
 creascere deprehendatur, constans et perpetua  
 docet Physicorum experientia. Est ergo gra-  
 vitas

vitas perpetuum corporis accidens. Calor lapidis, nonnisi ex temporaria aliqua circumstantia, ignis scilicet efficacia, heic & nunc agente determinatus, lapidis accidens est non perpetuum, sed temporarium. In eundem computum veniunt eruditio aliaque ejusmodi accidentia, quæ ex conditionibus, temporis vicissitudini subjectis, determinantur.

## §. 384.

Proximas accidentium possibilitates attributa esse, & quidem propria, si ex omnibus fluunt essentialibus, communia autem, si ex quibusdam determinantur, modo ostendimus (§. 379.). Fundamentum hinc habent Philosophi distingvendi inter accidentia *propria* & *communis*. *Illas* sunt, quorum possibilitates sunt attributa entis, cui competunt, propria. Hæc, quorum possibilitates sunt attributa entis, cui conveniunt, communia.

*Accidens  
proprium  
& commune.*

Ejusmodi accidens hominis proprium merito dixeris, *Musicum esse*, cujus inexistendi possibilitas dependet et ex anima rationali, qua harmoniam tonorum intelligere atque evolvere potest, et ex corpore organico, quo tonos audire et sensibus percipere, ipsaque tractare instrumenta valet; Fluit itaque ex omnibus hominis essentialibus, quæ anima rationali & corpore organico absolvuntur. Eodem modo *artem experimentandi* accidens hominis proprium jure adpellaveris, illa enim homini inexistere nequit, nisi is habeat & animam rationalem, qua

ars hæc disci & exerceri debet, & corpus organicum, organis sensoriis membrisque instructum, quibus objecta externa percipiat, & instrumenta præparet, præparataque dextre tractet & adornet. *E contra habitus demonstrandi* in homine, quâ suam inexistenti possibilitatem non aliud requirit, quam ratiocinandi & judicandi facultatem, quæ soli animæ, ut spiritui competit, corpori nunquam tribuenda. Non ergo ex tota hominis essentia dependet habitus hujus possibilitas, qui per consequens recte statuitur hominis accidens commune, quo reliqui spiritus finiti æque ac animæ humanæ excellere possunt.

§. 385.

*Propria Scholasticorum* Præter alios, quibus allatæ (§. 383. 384.) accidentium divisiones se commendant, usus, maxime inserviunt propriis, primi, Secundi & tertii modi, Aristotelicorum et Scholasticorum melius explicandis. Proprium enim, auctore *Porphyrio* in *Isag.* Cap. IV. quatuor dicitur modis. *Proprium primi modi* est, quod soli cuidam accidit speciei, sed non omni ejus individuo; ut homini musicum vel medicum esse. Proprium hoc re ipsa nihil esse aliud quam accidens, quod subjecto suo inesse & non inesse potest, palam faciunt mox demonstrata (§. 373.). & jam dudum a *Sechmanno* in *Log. Aristor.* L. I. cap. III. p. m. 63. aliisque accuratioribus est observatum. Esse vero idem illud, accidens ali-



aliquod proprium vel exinde patescit, quod soli cuidam speciei convenire dicatur, ejusque proinde possibilitas ex omnibus speciei istius essentialibus, more attributorum priorum, determinetur.

*Proprium secundi modi est*, quod omnibus individuis alicujus speciei ordinarie competit omni homini, sed non soli isti speciei, *ut bipedem esse*, quod ordinario, competit omni homini, sed non soli; sunt etiam ances, anates: &c. bipedes. Quamvis hoc exemplum mihi non satis videatur aptum ad exprimendam hujus proprii indolem, quum tamen bipedem esse salvo toto composito, ab homine abesse nequeat; quatenus tamen pedibus suis mutilatus esse potest homo, eatenus facere videtur ad illustrandum hoc proprium, quod, quia *Javellus* Log. Tract. 4. cap. V. in ejus definitione, loco *et competere*, adhibere vult accidere, ut hoc proprium a genere & consequenter ab attributis communibus distingveret; quia etiam secernitur a proprio quarti modi, quod *Aristoteli* L. I. Topic. Cap. V. §. 7. ἀπλῶς simpliciter proprium dicitur, & *Porphyrio*, vocatur κυρίως ἰδίον, nos vero cum attributis propriis coincidere ostendimus (§. 347). Quod, inquam proprium secundi scilicet modi, distinguitur tum ab attributo communi tum proprio, ipsaque proinde essentia (§. 351.). Quam ob causam aliud esse nequit

accidens entis, cui competit (§. 372.), et quidem, quia ordinario omnibus speciei individuis convenire ponitur perpetuum potius quam temporarium (§. 383.).

*Proprium tertii modi* dicitur, quod soli speciei, omnibusque ordinarie individuis competit, sed non semper. Est itaque accidens (§. 373.), & quidem, quia soli competit speciei, ejusque proinde inexistenti possibilitas ex omnibus speciei deducta essentialibus, attributisque idcirco proprii loco habenda est (§. 379.), & quidem, inquam, accidens proprium (§. 384.).

§. 386.

*Accidentis proprii definitio.* *Accidens proprium est vel perpetuum vel temporarium.* Nam accidens proprium est, cujus inexistenti possibilitas est attributum proprium (§. 384.), sed sola hæc possibilitas ad in existentiam accidentis non sufficit (§. 147.), verum insuper requiruntur conditiones ab essentia entis diversæ (§. 364.). Neque in definitione accidentis proprii (§. 384.), determinatur an hæc conditiones semper, vel minus, quamdiu ens existit, cum ente conjungantur. Quam ob rem pro duplici hac determinatione, in se verissima (§. 383.), Accidens proprium evadit vel perpetuum, vel temporarium (§. cit.).

Sic gravitas, quæ accidentaliter competit omni corpori, & quidem soli; mero enim extenso, seu,

seu, spatio, & spiritibus tribui nequit. Gravitatis, itaque possibilitas instar attributi proprii corpori inest, est idcirco gravitas corporis accidens proprium & simul perpetuum, ut ad §. 383. adnotavimus. E contra *musicum esse*, est hominis accidens proprium (vide §. 384.), & simul temporarium; quia non semper musicus est homo.

## §. 387.

*Accidens commune, esse etiam vel perpetuum vel temporarium*, mutatis taltem mutandis, eodem plane ostenditur modo, quo eadem de accidente proprio mox demonstrata est divisio (§. 386.).

Accidens hominis perpetuum est ad peccandum proclivitas, quam homo cum angelis malis communem habet, licet non eodem gradu, nec, Deo sit laus, eodem effectui. Accidens hominis commune temporarium est *dormire*, quod commune habet homo cum cane, bove, equo, ceteris, neque vel homini, vel animalibus semper competit.

## §. 388.

*Accidens, quod proprium est, et simul perpetuum, recipiatur cum suo subjecto*. Posito enim ente, cui actu inest accidens, ponitur illius entis actualitas (§. 368.). Hac posita, ponuntur conditiones, quæ cum entis illius existentia semper sunt conjunctæ, his iterum positis, & quia simul posito ente, ponitur e-

Quod accidens cum suo subjecto recipiatur?

ius attributum proprium (§. 355.), illaque idcirco accidentis possibilitas, quæ per modum attributi proprii enti inest (§. 379.), his, inquam positis conditionibus, una cum possibilitate inexistenti, per modum proprietatis determinata, ponitur accidens (§. 364.), & quidem proprium (§. 384.), simulque perpetuum (§. 383.). Posito igitur ente, quod accidens admittit, ponitur ejus accidens, quod simul proprium & perpetuum est. Vicissim posito hoc accidente, ponitur entis attributum proprium (§. 384.) ipsaque proinde ejus essentia (§. 351.), & ens ipsum (§. 332.). Immo, quia simul perpetuum est hoc accidens (per hypoth.), illo posito, ponuntur conditiones, quæ enti tamdiu insunt, quamdiu existit (§. 383.), hoc est, ponitur ipsa entis existentia. Accidens igitur, quod simul proprium & perpetuum est, cum suo subiecto reciprocatur (§. 354.).

Hoc modo, recte dico: *omne corpus est grave, & vicissim, omne grave est corpus* (confer not. ad §. 386.). Non itaque universaliter verus est veterum canon: *accidens cum suo subiecto non reciprocatur*; quamvis omnino valeat de attributo proprio temporario, immo de communibus omnibus, quod vel ipsæ horum accidentium notiones, perspicue, ut opinor, propositiæ & enodati, cuivis vel parum attendenti statim manifestant.

## CAPUT II.

DE

## EODEM ET DIVERSO.

**Q**uæ prædicatis conveniunt, *Identitatis*  
 seu, quod eodem redit, *definitio.*  
 res duæ pluresve, quæ salvis prædi-  
 catis, utrobique deprehensis, sibi mutuo sub-  
 stitui possunt. *Eadem* dicuntur. *Identitatem* i-  
 taque collocamus in convenientia prædicato-  
 rum duarum pluriumve rerum mutua.

Genuinam esse hanc identitatis notionem confir-  
 mar loquendi usus. Etenim si Sempronius v. gr.  
 dicit esse sibi librum eo anno, ab eo auctore,  
 de hac materia editum; Titius collatis his no-  
 tis cum aliquo suorum librorum characteribus,  
 mutuaque singulorum substitutione deprehen-  
 sa, respondet, se eundem habere librum. Pari-  
 ratione Gravius, videns aliquem Upsaliæ virum,  
 de quo dum hæsitat an idem fuerit, quem ante  
 annum Stockholmiæ oculis suis observavit, col-  
 latis characteribus, quos viro Stockholmiæ viso  
 competere observavit, cum iis, quos huic vi-  
 ro Upsaliæ jam commoranti, convenire anim-  
 advertit, & eorum deprehensa convenientia, si-  
 ne ulla hæsitatione pronuntiat esse eundem vi-  
 rum. Similiter, si duo pondera A & C in æ-  
 quilibrio constituta non in vecte, sed in bilan-  
 ce & loco ponderis A substitui posse pondus F,  
 salvo permanente æquilibrio, pondera A & F

ca-

eadem dicimus. Ita in aliis omnibus, quæ allegari possunt, comparatum est exemplis. Abstrahamus notionem generalem, quæ in particularibus latet casibus, pro duobus libris, in primo casu; pro uno viro in diversis locis et statibus, in secundo, pro duobus ponderibus, in tertio, ponamus in genere *duo entia*; pro prædicatis particularibus, in exemplis primo & secundo enumeratis, statuamus prædicatum quodcunque, & pro æquilibrio, in casu tertio, ibidem prædicatum quodvis, deprehendemus eadem esse, quæ sibi mutuo possunt substitui salvo quocunque prædicato. Nemo heic aliquam, ut scio, faciet difficultatem, nisi qui ignorat quomodo universalis in singularibus lateant, indeque sine vitio abstrahantur, cui tamen omnem, qui animum ejus movet scrupulum, verior tollet Logica.

Neque abhorret hic identitatis significatus a mente veterum Philosophorum, licet obscurius loqui videantur. Ipse *Aristoteles* L. V. Metaph, Cap. IX, & XV, vocat illa eadem *ταυτά*, quorum materia est una, seu, quorum *ὑπόστασις* essentia est una, vel quæ conveniunt in tertio essentiali, ut mentem ejus explicat cum *Scheiblero* in Metaph. L. I. Cap. VIII. n. 5. *Musæus* Cap. XXIII. Metaph, pag. 647. in notis. Non tamen hanc strictam identitatis notionem ubique retinet *Aristoteles*, sed L. X. Metaph C. III. sumit illam pro convenientia in tertio, sive id sit essentiali, sive minus, eoque sensu dicit similia esse *ταυτά* eadem, æqualia quoque sub notionem identitatis comprehendens. Hinc *Micælius*

*lius* lin Lex. Phil. pag. 510. *Idem* vocat quod est unum in aliqua comparatione. Et identitatem esse convenientiam in aliquo, quando nempe res vel ad se ipsam refertur, vel ad aliam. Contendunt vero alii hanc identitatis notionem, qua aliquid, vel ad aliud, vel ad se ipsum refertur, relativam esse, & ideo inter consentanea cum *Rameis* numerari debere, eaque ratione Logicam, esse: Idem vero Metaphysice & fundamentaliter sumtum nihil importare aliud, quam negationem diversitatis, seu, divisionis. Quo sensu idem esset, quod non est divisum aut diversum ab altero, aut quasi altero. Et hoc sensu idem distinguant *in idem per se, & per accidens*. *Eadem per se* cum Aristotele dicunt, quorum essentia est una, ut Petrus & Paulus, quatenus uterque est homo. Volunt itaque illa per se esse eadem, quæ essentialibus conveniunt prædicatis. *Eadem per accidens* vocant, quando vel accidens cum accidente in eodem subiecto conjunguntur, vel subjectum cum accidente. Sed qui hæc debito mentis examinat acumine neque unum cum eodem, quod hi facere solent Philosophi, confundit, non potest non mecum fateri, hanc identitatem, quam negativam volunt & Metaphysicam, siquidem ab unitate differt, nihil involvere aliud, quam prædicatorum convenientiam.

## §. 390.

Ex opposito *Diversa* sunt, quæ *Diversi-*  
salvis prædicatis sibi invicem substi- *tatis notio.*  
tui nequeunt, seu, quæ prædicatis non con-  
ve-

veniunt. Consistit itaque *Diversitas* in disconvenientia duarum pluriumve rerum mutua.

Omniū consensu, etjam *Aristotelis* L. V. *Metaph.* Cap. IX. *Diversum* opponitur eidem. Quam ob causam, quia oppositorum opposita est ratio, ut mox docebimus, liquet diversitatis notionem a nobis recte esse adornatam, et exempla, mox memorata ad §. 389. Si opposita proponuntur ratione, simul facere ad diversitatis notionem illustrandam.

### §. 391.

*Identitas* Definivimus *identitatem* per  
*omnimoda* convenientiam prædicatorum, dua-  
*rum* pluriumve rerum mutuam  
*et respec-* (§. 389.). Hæc vero convenientia  
*tiva.* aut omnia afficit prædicata, aut quædam tan-  
 tum (§. 63.), si prius, *absoluta* vel *omnimoda*  
 oritur *identitas*, in omnium singulorumque  
 prædicatorum, quæ duabus, vel pluribus  
 conveniunt rebus, mutua consistens conve-  
 nientia. Si posterius, *Partialis* & *Respectiva*  
 exurgit *identitas*, quæ quorundam prædica-  
 torum absolvitur convenientia, ceteris manen-  
 tibus diversis.

An dentur, vel non dentur absolute eadem non dum expendendi est locus, nihil eorum hac definimus paragrapho, quæ terminorum saltem tradit significationes. *Respectivæ* identitatis varia occurrunt exempla, locum illa habet inter plura individua ejusdem speciei, & plures species



cies ejusdem generis. Sic Petrus, Paulus, Johannes, differunt quidem qua multa prædicata, quibus cujuslibet individuans constituitur natura, in eo tamen conveniunt, quod animam habent rationalem & corpus organicum, seu, conveniunt in notione hominis. Sic homo & brutum in multis secernuntur, sub eadem tamen animalis notione recte collocantur.

## §. 392.

Non ergo repugnat dari duas *In identitate di-*  
pluresve res, uno respectu, seu, qua *versitas.*  
quædam prædicata eadem, alio autem  
introspectas latere, seu qua alia prædicata,  
diversas esse.

Corollarii hujus veritatem illustrant exempla, mox allata (§. 390.), aliaque innumera, quorum uberrimam segetem, quemvis in promptu habiturum certi confidimus.

## §. 393.

Occasionem hinc habemus distinguendi diversa, in *absolute*, seu *omnino-da & re-*  
*de & secundum quid*, seu, *Respective spectiva*  
alia. *Illæ* in nullo inter se convenire *diversitas defi-*  
ponuntur prædicato. *Hæc* in aliis *nitur.*  
conveniunt, in aliis disconveniunt.

Absolute diversa vocat *Aristoteles* L. V. Metaph. Cap. IX. sine addito, diversa *ἕτερα*, *Respective* autem talia, differentia, seu, *διαφορά* adpellat. Quam denominationem interpretæ multique alii retinent, putantes hoc modo hominem v. gr. & bestiam differentia esse, quia secer-

nua-

nuntur per suas differentias, rationalitatem & irrationalitatem: Deum autem ab aliis non differre, sed diversum esse, quod etiam in differentiis ipsis, veluti rationalitate & irrationalitate, ceteris, ajunt. Ast hæc veterum assertio Philosophorum quousque valeat vel non, sequenti Theoremate statim explanabo.

§. 394.

*Absolute  
diversa  
non dan-  
tur.*

*Duo plurave entia absolute diversa dari nequeunt.* Quoniam enim per hypothesein, sunt duo entia, in conceptu entis generali convenire debent, absolute autem diversa in nullo conveniunt prædicato, seu, nullum habent conceptum communem (§. 393.). Duo ergo plurave entia nequeunt esse absolute diversa.

Hæc ratione licet certum sit Deum a creaturis esse diversum, inter Deum tamen & creaturas non dari absolutam diversitatem ostendit conceptus entis, qui in analogia intrinsecæ denominationis acceptus, Deo & creaturis competit (§. 257.), & ideo infert eandem communem notionem, conjunctam licet cum inæquali modo eam habendi (§. 255.). Longe vero aliud est loqui de ente & non-ente, positivo et ejus privativo, rationalitate v. gr. & irrationalitate, inter se relata; Inter hæc enim dari absolutam diversitatem nemo facile negaverit (§. 263.); quæ tamen ad duo entia, inter se comparata, vel etiam ad duas pluresue entium realitates inter se collatas, quæ si non alio, generalissimo saltem conveniunt conceptu, nunquam est trahenda,

§. 395

## §. 395.

*Duo plurave entia absolute eadem dari nequeunt.* Fingamus duo entia *A & B* absolute eadem esse, tunc aut erunt diversa, aut unum idemque; si hoc, non sunt duo, sed unum, quod hypothesein statim evertit; si illud, aut diversitas est aliquid aut nihil (§. 77.), nihil vero poni nequit nisi iterum tollatur hypothesis, est igitur aliquid, & proinde conceptibilis (§. 75), postulatque idcirco aliqua prædicata in *tois A & B* diversa (§. 74.), seu disconvenientia, quæ statim tollunt absolutam duorum entium identitatem (§. 391.). Liquet ergo, quod erat propositum.

Aliter. Omne ens, quod salvis omnibus prædicatis alteri cuidam potest substitui, seu, quod ab altero, ne ex tantillo quiddem differt, est idem cum altero (§. 389.); ideoque alterum non est alterum nisi hætenus nomine. Atqui duo absolute eadem si supponimus, alterum alteri potest salvis omnibus substitui, nec alterum ab altero vel tantillum differt (§. 391.). Nam si qua parte differret, ea parte esset diversum (§. 390.), quod est contra assumptam hypothesein. Duo ergo absolute eadem, reapse non sunt duo, sed unum idemque.

Propositionem hanc, quam evicimus, & sine exceptione veram agnoscimus, multi recentiorum,

ut *Canzius, Schubertus, Winklerus, Baumeisterus*, cum Principio Leibnitii identitatis indiscernibilium confundunt, quum tamen inter hoc & illam insigne detur discrimen, suo loco distinctius evolvendum. In antecessum vero observēs præsentem propositionem, qua negavimus duo entia dari absolute eadem, respectum habere ad omnia prædicata, sive sint entibus interna, sive externa, sive qualitatum, sive alio quocunque nomine veniant; Principium autem indiscernibilium Leibnitii negat duo entia existere posse ex asse similia, i. e. qua qualitates solum inter se convenientia. Nostram propositionem universaliter veram agnoscimus, principium autem indiscernibilium Leibnitii lubrico superstructum esse fundamento, suo demonstrabitur loco.

Ceterum quam utile sit nostrum assertum ad unitatem Dei ostendendam, & per se patet, & in altera Metaphysices parte declarabitur uberius: Nam si certum est, est verò certissimum, non existere posse duo entia absolute eadem, neque dabuntur duo vel plures dii, absolute iidem; diversi autem, h. e. diversarum perfectionum dari nequeunt. Non itaque existit nisi unus Deus.

### §. 396.

*Quibus ratione identitatis repugnet existentia.*

*Entibus ratione identitatis non repugnat existentia, nisi fuerint illa omnimode eadem.* Nam ratione identitatis sunt entia vel absolute vel respectively eadem (391.). Si itaque entibus, ratione identitatis in genere, repugnaret existentia.

stentia: nec respective nec absolute eadem ex-  
istere possent. Entia autem neque absolute, ne-  
que respective eadem sunt absolute diversa (§.  
393); Non ergo nisi hæc entia existere pos-  
sent. Quod quum absurdum sit (§. 394.), &  
simul constet duo entia absolute eadem exi-  
stere non posse (§. 395.); sequitur entibus, ra-  
tione mutua eorum identitatis non repugna-  
re existentiam, nisi fuerint omnimode eadem.

Quamvis a non-esse ad non-possesse universalis haud valeat conclusio, quaecunque tamen nobis se offerunt existentia, aliqua vel interna vel externa diversitateprehenduntur inter distincta, ut adeo rerum existentium universitas suo modo praesentem illustrent positionem.

*S.* 327.

Entibus, ratione diversitatis eorum non repugnat existentia, nisi supponantur omnimode diversa. Nam ratione diversitatis concipiuntur entia, vel omnimode, vel respective diversa (§.

Quibus ratione diversitatis repugnat existentia.

393). Quare si ratione diversitatis in genere entibus repugnaret existentia, neque duo vel respective vel absolute diversa existere possent: Entia autem neque absolute neque respective diversa, seu, in nullo plane disconvenientia predicato, sunt absolute, seu, omnimode eadem (§. 391.) Non ergo nisi hæc entia existere possent. Hujus autem impossibilitatem modo evicimus (§. 394.), & simul ostendimus entia

E<sub>2</sub>

omni-

omnimode diversa existere haud posse (§.394). Non ergo repugnat entibus existentia, nisi ponantur omnimode diversa.

§. 398.

*Eadem determinantia inferunt determinata eadem.* Si determinantia sunt eadem. eadem quoque sunt determinata. Ponamus A & B esse determinantia, C vero & D determinata, nempe quod per A determinatur sit C, quod vero per B sit D. Quoniam determinantia A & B sunt eadem (per hypoth.), B substitui potest in locum  $\tau\delta$  A salvo determinato (§.389). Per B æque ac per A determinabitur C. Sed per B determinatur D (per hypoth.). Quare, quum impossibile sit ut idem simul sit & non sit (§. 53.), nempe ut determinatum in casu factæ substitutionis sit D & non sit D; necesse est ut determinata C & D sibi mutuo substitui possint, & idcirco eadem sint (§. 389.).

Sint ex. gr. duo triangula æquicrura, quæ ratione æqualitatis duorum laterum eandem habent naturam, ex uno eorum determinatur æqualitas duorum angulorum ad basin, ergo idem etiam ex altero determinabitur. Non ex alio sane quam hoc principio pendet universalitas propositionum Geometricarum, quæ in subjuncta demonstratione adplicantur quidem ad certam & individuum figuram, in charta vel tabula delineatam: quatenus tamen prædicatum propositionis non determinatur ex individuatione figuræ, sed ex generali ejus natura, catenus idem

dem valebit prædicatum de qualibet figura, quæ sub eadem comprehenditur notione: ubi enim determinantia sunt eadem, determinata quoque eadem esse debent.

§. 399.

Per essentiam entis determinan- *Essentia-*  
tur ejus attributa (§. 340.), est ita- *rum iden-*  
que essentia determinans, cujus de- *titas in-*  
terminata sunt attributa (§. 195.). *fert iden-*  
*titatem*  
*attributo-*  
*rum.*  
*Quæ igitur eandem habent essentiam*  
*iisdem gaudebunt attributis (§. 398.).*

Sunt quippe attributa entis ab essentia ejus ita inseparabilia (§. 343. 344.), ut hac posita, illa non possint non poni. Eadem ergo essentia non potest non ponere eadem attributa: nam si non eadem, sed diversa poneret, esset omnino una essentia diversa ab altera, quod ipsam tolleret hypothesein, qua essentiarum posuimus identitatem.

Hinc, quia testo Apostolo *Johanne* I *Usus Theo-*  
Ep. Cap. v: 7. in Divinis, Pater, Fi- *logicus.*  
lius, & Spiritus Sanctus unum sunt,  
*ὁ θεὸς ὁ εἷς*, h. e. unam eandemque habent essentiam;  
rectissime infero omnes tres Divinitatis perso-  
nas eadem quoque possidere attributa.

Sed præsentī, quod adstruximus, corollario a-  
butuntur Pontifici, communicationem idionia-  
tum, humanæ Christi naturæ factam, hoc nega-  
turi argumento: *Quæ eandem habent essentiam, il-*  
*la iisdem gaudent attributis. Sed humana natura in*  
*Christo non est ejusdem essentiæ cum Divina. Ergo*  
*humana natura in Christo non habet sibi communi-*

*cata divina attributa, & Divinas proprietates.*  
 Verum respondemus plus heic esse in conclusio-  
 ne quam fuit in præmissis, ex quibus id unice  
 sequitur naturæ humanæ non competere attri-  
 buta divina essentialiter, quod nemo hactenus  
 negavit: minime vero gentium inde fluit natu-  
 ræ humanæ *δυνάμεις*, seu, mediate, vi unionis,  
 cum Divina natura, Divinas proprietates non  
 esse communicatas.

## §. 400.

*Quando e.eadem sunt acciden-* Sunt accidentium possibilita-  
*tium possibili-* tes proximæ attributa entis (§.  
*tates proximæ.* 379.), *posita igitur* identitate es-  
 sentiarum ponitur simul identitas  
 harum possibilitatum (§. 399.).

Ex. gr. Habent duo triangula æquilatera eandem  
 Essentiam, quodvis ergo eorum per perpendi-  
 culum e vertice in basin resolvi potest in duo  
 triangula æqualia.

## §. 401.

*Eadem de-* *Si determinata sunt eadem, ea-*  
*terminata* *dem quoque sunt determinantia.* Sit  
*inferunt* quod per A determinatur C, quod  
*eadem de-* vero per B determinatur sit D. Quo-  
*terminan-* niam determinata C & D eadem  
*tia.* sunt (per hypothes.); C in locum i-  
 psius D salvo determinante substitui potest  
 (§. 389.). Facta igitur substitutione, C perinde  
 determinabitur per B ac per A. Determinan-  
 tia ergo B & A sibi mutuo substitui possunt,  
 salvo



salvo respectu, quem habent ad determinata D & C. Sunt itaque determinantia eadem (§. cit.).

Ex. gr. Si duo pondera A & B, tanquam contrapondia, salvo æquilibrio, sibi mutuo substitui posse observamus, ex identitate determinati, quod hic est æquilibrio, colligimus ad identitatem determinantium, nempe ponderum A & B. Similiter tria latera æqualia in triangulo æquilatere determinant trium angulorum æqualitatem. Si ergo quam figuram tres habere angulos æquales deprehendimus, statim concludimus eandem tria quoque possidere latera.

§. 402.

Attributa entis per ejus essentiam determinantur (§. 340.), in *Essentiarum identitas*. numero itaque determinantum sunt attributa, essentia vero determinantium classi est assignanda (§. 195.). Sed ex determinantum identitate sequitur identitas determinantium (§. 401.). *Quæ ergo eadem tenent attributa, illa etiam eandem eatenus habent essentiam.*

Non heic dicimus quodvis attributum, in entibus A & B idem, perfecte eandem in iis entibus inferre essentiam: dantur enim attributa communia, quæ integram non inferunt essentiam, sed illud solum essentielle, per quod determinatur. Studio itaque diximus illa NB. *eatenus* eandem habere essentiam, quatenus scilicet & quo respectu eandem habent attributa. Sed ut eo clarius, quod heic observo, pateat, de

distinctis attributorum classibus scorsim mihi agendum est.

§. 403.

*Idem ulterius explicatur.* Posita identitate attributorum communium in duobus entibus A & B, integræ illorum essentiae identitas non ponitur, sed illius solum, vel illorum essentialium prædicatorum, ex quibus attributa ista determinantur. Nam attributa communia per totam rei essentiam, seu omnia ejus essentialia, simul sumta, non determinantur, sed tantum modo per unum vel aliquot essentialium (§. 347.). Non itaque tota essentia, sed unum vel aliquot essentialium sunt respectu attributi communis, ceu, sui determinati, determinantia (§. 195.). Quam ob rem, quum identitas determinatorum non quarumvis rerum, sed suorum saltem determinantium inferat identitatem\* (§. 401.); identitas attributorum communium non totius essentiae, sed illorum modo essentialium infert identitatem, per quæ attributa illa communia determinantur.

Habent v. gr. homines & bruta idem attributum commune, facultatem puta sentiendi, non tamen eandem integram essentiam, sed illud solum essentiale idem, corpus videlicet organicum, ex quo facultas sentiendi derivatur.

§. 404.

*Idem adduc.* Quæ autem eadem possident attributa propria, illa quoque eandem integram

*gram habent essentiam.* Nam attributa propria per integram rei determinantur essentiam (§. 347.). Est itaque sub hac hypothese tota essentia determinans, attributum proprium ejus determinatum (§. 195.), sed posita identitate determinantum, ponitur identitas determinantium (§. 401.). Posita igitur identitate attributorum propriorum, ponitur identitas totius essentiae.

Habet hic canon, in se verissimus, plures & insignes in Theologia usus, quorum potiores paucis commemorare placeat. Recte ille adhibetur 1:o *ad Deitatem Filii & Spiritus Sancti* contra Photinianos inferendam. Certum namque est omnia Deitatis attributa esse Ei propria. Testatur vero Scriptura sacra multis sane in locis Filio et Spiritui Sancto proprietates competere divinas. Habent ergo vi canonis nostri, essentiam Divinam. 2:o *Ad compescendam* veterum Basilidianorum, Cerdonianorum, Marcionitarum & Manichæorum hæresin, qua fingitur *Christum venisse in phantasmate & sine substantia carnis fuisse.* Abunde enim probat tota Novi Test. Scriptura corporis Christi easdem esse, cum aliorum hominum corporibus, proprietates. Vi ergo præsentis canonis recte inferimus corporis Christi eandem esse essentiam, quæ aliorum corporum humanorum, falsamque per consequens esse memoratam opinionem. 3:o *Ad depellendum Swenckfeldii somnium,* qui, teste B. Chemnitio in Libr. de duabus Naturis in Christo sect. VII. qu. IV.

statuit factam esse adæquationem Divinæ & humanæ naturæ in Christo, ita quod humanitas Christi in gloria, ejusdem sit conditionis, virtutis & Majestatis cum natura Divina, atque adeo eadem habeat ut sibi propria attributa Divina. Quod si verum esset, vi canonis nostri sequeretur humanam Christi naturam esse ejusdem cum Divina essentia, quod oppido absurdum. Ceterum abutantur nostro axiomate Reformati realem idiomatum Divinorum in Christo communicationem temere impugnantes. Argumentantur enim. *Quodcunque proprietates alicujus sibi communicatas, seu eadem cum ipso idiomata habet, id ejusdem est cum illo essentia. Sed natura humana Christi non est ejusdem cum Divina essentia. Ergo & naturæ Divinæ proprietates sibi communicatas, & eadem cum ista idiomata non habet.* Respondemus Reformatos male & intelligere & applicare nostrum canonem, qui non dicit proprietates, vi unionis communicatas, eandem ejus, cui communicantur, gignere essentiam, quam habet illud ens, cujus sunt proprietates, sed id solum infert proprietates unius essentialiter easdem cum proprietatibus alterius eandem parere essentiam. Nihil ergo hinc sequitur aliud, quam, quia Deus & homo non habent eandem essentiam, proprietates Divinas subjective, formaliter & habitualiter, uti loqui amant Scholastici, non esse proprietates humanas, minime autem inde fluit proprietates Divinas humanæ naturæ *θεωτικὰς καὶ ἀνθρώπινους*, per & propter unitam hypostatice Deitatem, non competere.

§. 405. *Si determinantia sunt diversa, Determinantia quoque erunt determinata. Quia idem & diversum ita sibi invicem opponuntur (§. 389. 390.), ut, quod diversum non est, idem dici debeat. Ponamus jam diversa non esse determinata, licet diversa sint eorum determinantia, erunt itaque determinata eadem. Sed Si hæc eadem fuerint, debent etiam determinantia esse eadem (§. 401.), sed sunt diversa (per hypoth.), Nequeunt itaque determinata esse eadem. Per consequens, vi oppositorum, sunt sub data hypothese diversa.*

Idem directe ostenditur: sint determinantia A & B, determinatum ipsius A sit C, & B sit D, sunt A & B diversa (per hypoth.), determinans igitur A in locum determinantis B, salvo, quem habet ad determinatum D respectu, neque determinans B in locum determinantis A, salvo, quem tenet, ad determinatum C respectu, sibi mutuo, substitui possunt (§. 390.). Non ergo Per A perinde determinatur D ac C, neque per B perinde determinatur C ac D. Determinata itaque C & D sibi mutuo substitui nequeunt. Sunt igitur diversa (§. cit.).

Sic tria latera & quatuor latera, figuram aliquam includentia, sunt diversa determinantia, numerus ergo angulorum, qui hic determinati subit

vicem, in utroque hoc casu est diversus, in priori scilicet ternarius, in posteriori quaternarius.

§. 406.

*Attributorum diversitas.* Efficitur hinc essentialium diversitatem inferre attributorum diversitatem. Nam per essentiam determinantur attributa (§. 340). Est itaque essentia determinans, attributa sunt determinata (§. 195.) Proinde quæ diversam habent essentiam, diversa quoque habebunt attributa (§. 405.).

Deus, ex, gr. et creatura essentias habent diversissimas, & proinde attributa eorum quam longissime a se mutuo sunt dissita. Homo & brutum diversa gaudent essentia, illius enim rationalitate eminet, hujus vero eandem excludit, Diversis igitur instructi sunt attributis, quæ ex essentiali hac proveniunt diversitate.

§. 407.

*Attributorum partialis diversitas.* Quæ partim eandem, partim diversam habent essentiam, partim eandem partim diversa possident attributa, illa scilicet eadem, quæ ex iisdem fluunt essentialibus, illa autem diversa, quæ ex diversis determinantur essentialibus. Quousque enim eandem habent essentiam, seu, eadem essentialia, eatenus etiam eadem habebunt attributa (§. 399.); quousque vero diversis instructa sunt essentialibus, eatenus etiam diversis gaudebunt attributis (§. 406.).

Possi-

Possident hanc naturam & indolem omnia genera inferiora, sub superiori comprehensa, omnes etiam species, sub genere inferiori contentæ. Quod suo insequentibus docebitur loco. Sic homo & brutum, quatenus sub genere animalis continentur, eandem genericam habent essentiam, eadem generica attributa, quatenus verò considerantur ut entia certæ speciei, eatenus diversam habent essentiam, animam scilicet rationalem et ejus negationem, diversaque proinde attributa.

## §. 408.

Quoniam accidentium possibilitates proximæ sunt entis, cui competunt, attributa (§. 379.), quæ diversas habent essentias, diversis gaudent accidentium possibilitatibus proximis (§. 406.), & quæ partim diversam partim eandem possident essentiam, partim easdem, partim diversas tenent accidentium possibilitates proximas (§. 407.).

## §. 409.

*Idem attributum proprium pluribus diversæ essentiae entibus competere nequit.* Nam ubi idem attributum proprium pluribus competit entibus, habent illa eandem essentiam (§. 404), sed in præsentī propositione ponuntur entia diversæ esse essentiae, quæ ergo idem attributum proprium habere nequeunt.

Aliter. Attributum proprium per integram

gram rei determinatur essentiam (§. 347.), est itaque integra rei essentia determinans, & attributum proprium ejus determinatum (§. 195.). Sunt vero essentiae diversae (per hypoth.). diversa itaque sunt determinantia, & per consequens, diversa etiam determinata (§. 405.). Determinata autem sunt haec attributa propria (per dem.). Diversitas ergo essentiarum inferre diversitatem attributorum propriorum.

Absit ut cum reformatis hinc inferas, proprietates divinas non competere humanae *Christi* naturae, vi unionis hypostaticae, quia diversae sunt essentiae natura humana & Divina: ostendit enim ipsa praesentis propositionis demonstratio eatenus negari pluribus diversae essentiae eandem competere proprietatem, quatenus eadem ex diversa essentia NB. *determinari* nequit, minime autem negat praesens theorema proprietatem unius competere alteri, vi unionis, eo enim in casu non determinatur proprietas ex essentia alterius, sed manet proprietas illius cuius est.

§. 410.

*Accidens proprium quibus conveniat entibus.*

Facile hinc elicitur *Accidens proprium pluribus diversae essentiae entibus competere non posse.* Accidense enim proprium dicitur, cujus possibilitas est attributum proprium entis, cui illud competit (§. 384.). Pluribus itaque diversae essentiae entibus tribui nequit (§. 409.).

Ex.



Ex. gr. Ars musicam exercendi est hominis accidens proprium, prout antea (§. 385.) declaravimus. animalibus ergo brutis, aliisque diversæ essentiae entibus competere nequit. Accidens non certæ solum speciei et generi proprium esse potest, sed etiam certo & determinato enti singulari. Hinc in Logicis propositio exsurgit propria, cujus subjectum est ens singulare, prædicatum vero accidens subjecto proprium. Quorsum pertinet hæc propositio: *Moses eduxit populum Israeliticum ex Ægypto.* Vigitur præsentis, quam demonstravimus regulæ recte inferunt Logici prædicatum huiusmodi propositionis de nullo alio ente singulari prædicari posse, & ideo illam propositioni universali æquipollere.

## §. 411.

*Idem attributum commune pluribus diversæ essentiae entibus competit.* *Attributum commune quibus convenit?* Attributum commune non nisi per unum vel aliquot essentialium determinatur (§. 347.). Attributum igitur commune, seu pluribus competens, non supponit nisi illud, vel illa essentialia eadem, unde determinatur (§. 403.), ceteris manentibus diversis (§. 406.). Attributum ergo commune pluribus respective diversæ essentiae entibus competit (§. 393.).

Observes essentias diversas sumi heic in tota sua latitudine, non vero in relatione ad idem attributum commune, quo respectu non possunt non aliquam inter se habere identitatem (§. 406.).

Fa.

Facultas sentiendi est hominibus & brutis commune attributum, ex corporis dependens organismo, quo & illi & hæc inter se conveniunt. Ubi vero respectus habetur ad integram hominis ut & bruti essentiam, magna diversitatis ratio utrobique se manifestabit, fundamentum quæ præbet præsentī nostræ assertioni.

## §. 412.

Quoniam accidens commune vocatur, cuius possibilitas est attributum entis, cui competit, commune (§. 384.); pluribus respectivè diversæ essentiæ entibus competere potest:

Ejusmodi accidens commune esse habitum demonstrandi in homine, antea ad §. 384. indicavi quod et animæ humanæ & reliquis spiritibus finitis, entibus scilicet respectivè diversæ essentiæ recte tribuitur.

## §. 413.

*Identitas interna & externa.* Identitatem aliam constituimus *Intrinsicam*, aliam *Extrinsicam*. *Interna* absolvitur determinationum, seu, prædicatorum rei internorum; *hæc* externorum convenientia: Quoniam enim identitas in genere est convenientia prædicatorum, seu, determinationum, duarum, vel plurium rerum mutua (§. 389.). Determinationes vero sunt, vel internæ, vel externæ (§. 201.); identitatem in *intrinsicam* et *extrinsicam* recte dispescimus.

Sic omnes homines, quia determinationibus internis, anima scilicet rationali & corpore organi-

nico, inter se conveniunt, intrinsecam inter se possident identitatem. Qui vero vel quâ parentes, ex quibus progenerati sunt, vel quâ educationis modum, vel, quâ propositum finem eundem vel ratione operis externi, vel quâ natalem locum & tempus, vel quâ ceteras ejusmodi determinationes extrinsecas, non nisi extrinsecus eos afficientes, conveniunt, illi extrinsecam inter se habere dicuntur identitatem, cujus tot constitui possunt species, quot dantur determinationum externarum classes. Non itaque solum est *Causalis*, quâ plura conveniunt ratione efficientis & finis; nec solum *Effectiva*, quâ ratione operis vel effectus conveniunt; verum etiam multis adhuc modis alia, cujus expositionem magis specialem respuit hæc generalis de identitate tractatio.

#### §. 414.

*Omnimoda identitas in iis enti-Omnimodabus, quæ & intrinsecas, & extrinsecas admittunt determinationes, i- identitas comprehendit & intrinsecam & extrinsecam. Absolvitur enim omnimoda, vel, absoluta identitas convenientia omnium & singulorum prædicatorum, seu, determinationum, inter duas pluresve res mutua (§ 394). Quæ igitur entia, & intrinsecas et extrinsecas admittunt determinationes, omnim de eadem esse nequeunt, nisi & harum omnium & singularum possideant convenientiam. Absolvitur vero identitas intrinseca determinationum internarum, extrinseca autem ext- rum*

rum convenientia (§. 413.). Omnimoda ergo identitas in iis entibus, quæ & intrinsecas & extrinsecas habent determinationes, & intrinsecam & extrinsecam comprehendit identitatem.

Extra dubitationis positum est aliam entia, quæ intrinsecis solum gaudent, extrinsecas vero omnes respuunt determinationes, qualia essent duo entia, quæ fingerentur infinita; certum, inquam, est hæc entia non intrinsecarum & extrinsecarum simul, sed solum intrinsecarum determinationum convenientia, omnimode eadem constitui. Unde patet ratio, cur non omnis omnimoda identitas, sed illa solum, quæ circa res finitas versatur, & intrinsecam & extrinsecam complectatur identitatem.

#### §. 415.

*Duo modi respectivæ identitatis.* Entia igitur, quæ & extrinsecas & intrinsecas admittunt determinationes; sed vel intrinseca solum, vel extrinseca solum constituuntur identitate, non sunt omnimode eadem (§. 414.), sed respective tantum (§. 391.), et per consequens alio respectu sunt eadem, alio diversa (§. 392.).

#### §. 416.

*Enti insunt determinationes interne.* Enti competere certa prædicata, quæ vel essentialium, vel attributorum, vel accidentium veniunt nomine, suo jam evicimus loco (§. 372.), hæc itaque prædicata sumuntur  
ut

ut in iplo ente determinata (§. 192.), ideoque determinationum (§. 200.), & quidem intrinsecarum veniunt nomine (§. 201.), *Competunt itaque enti determinationes internæ.*

Habere ens determinationes intrinsecas adeo certum & evidens est, ut, si illis destitueretur, in merum non-ens, cui nulla conveniunt prædicata (§. 264.), statim abiret, quod omnes sine ulteriori expositione largiuntur absurdum.

§. 417.

*Intrinsecæ entis determinationes, sunt vel essentialia, vel attributa, vel accidentia.* *Determinationum internarum enumeratio.* Interna enim entis prædicata, quæ determinationum internarum veniunt nomine (§. 416.), sunt vel essentialia vel attributa, vel accidentia (§. 372.). His ergo absolvuntur intrinsecæ entis determinationes.

Quæ ad §. 372, annotavi, heic quoque sollicite sunt tenenda, ne imperiti occasionem, licet immerito, hinc sumant varios animo fovendi & excitandi errores.

§. 418.

Absolvitur identitas intrinseca determinationum internarum convenientia mutua, internæ autem entis determinationes sunt vel essentialia, vel attributa, vel accidentia (§. 417.). Intrinseca igitur identitas entium versatur vel circa essentialium, vel attributorum, vel accidentium se-

paratam vel conjunctam convenientiam. Infert vero essentialis identitas, identitatem attributorum (§. 399.), non autem identitatem accidentium, ut mox visuri sumus. Recte igitur dispescimus identitatem intrinsecam in *Essentialem & accidentalem*. Illa constituitur indentitate, seu, convenientia essentialium, & per consequens, etiam attributorum. *Hæc* consistit in identitate, seu, convenientia accidentium.

Identitatem hanc essentialem habent inter se omnes homines, quatenus anima rationali & corpore organico inter se conveniunt omnes. Petrus vero & Paulus ratione muneris Apostolici, quod uterque eorum gessit, & quod eorum accidens est, accidentalem inter se habent identitatem, quâ etiam gaudent homines, pietate, eruditione, vel alio quovis convenientes accidente.

#### §. 419.

*Identitas accidentalis ex essentiali non pendet.* *Identitas essentialis non infert identitatem accidentalem, sed ejusdem modo possibilitatem vel proximam vel remotam.* Nam positis essentialibus, accidentia non ponuntur (§. 365.).

Absolvitur vero identitas essentialis convenientia essentialium, quemadmodum accidentalis convenientia accidentium constituitur (§. 418.). Posita igitur identitate essentiali, non ponitur accidentalis.

Quo-

Quoniam tamen essentialia, cur hæc & non alia enti competere possint accidentia (§. 376.), rationem continent vel sufficientem vel insufficientem (§. 83.), h. e. vel ex essentialibus unice pendentem, vel simul ex aliis accidentibus præcedentibus derivatam, rebusque aliis externis (§. 377.). Si prius, proxima possibilitatis accidentium ratio continetur in essentialibus, si posterius, nonnisi remota in illis reperitur. Posita igitur identitate essentiali, ponitur identitas possibilitatis accidentium vel proximæ, vel remotæ.

Ex. gr. Posito licet, Sempronio & Titio eandem competere essentiam humanam, non inde tamen sequitur eos iisdem instructos esse accidentibus: potest enim Sempronius salva essentia humana esse aurifaber, Titius vero Musicus, licet quæ possibilitatem, in essentia fundatam, & hic & ille artifex esse possit, vel etiam Musicus.

#### §. 420.

*Multo minus infert identitas essentialis identitatem determinationum extrinsecarum, quæ rem ipsam non ingrediuntur, sed eam externe tantum afficiunt (§. 201.), nec proinde unquam possunt ex essentialibus rei determinari.*

*Identitas  
intrinseca  
ex essentiali  
non pendet.*

Ita v. gr. nemo affirmabit duos homines, quia essentialibus conveniunt, ideo eodem loco, tempore, ex iisdem parentibus esse genitos, seu, a-

lia quavis determinatione extrinseca convenire; quin potius quivis dicet posse hanc convenientiam, quæ extrinseca audit, & adesse & abesse, salva nihilo minus manente essentiali, qua gaudent, identitate.

§. 421.

*Eadem eadem tertio eadem sunt inter se.* *Que sunt aliquo modo, scilicet vel intrinsece, vel extrinsece, vel essentialiter, vel accidentaliter, eidem tertio eadem, illa inter se eodem modo eadem sunt.* Nam si quodcumque A est aliquo modo idem cum C & B, eodem modo idem cum eodem C, tunc, quia idem utrobique supponitur modus, idemque C, in quo conveniant A & B, non possunt non A & B eodem modo inter se esse eadem (§. 389.).

Unde jam in promptu est inferre. Petrus v. gr. accidentalem habet cum Johanne identitatem, ex ratione muneris Apostolici dependentem, eandem identitatem cum eodem Johanne habet Paulus. Petrus ergo & Paulus hoc sensu iidem sunt inter se, seu in munere Apostolico inter se conveniunt. Parimodo, Paulus habet essentialiam humanam, quam eandem tenet Petrus. Habent ergo inter se Paulus & Petrus identitatem essentialem. Eodem modo in Divinis: Pater possidet essentialiam Divinam, Filius eadem competit, Pater ergo & Filius habent inter se identitatem essentialem. Observetur vero me in præsentem exprimenda regula notanter dixisse: *quæ aliquo modo eidem tertio sunt eadem, illa eodem modo inter se sunt eadem.* Nam non sequi-



quitur A est idem cum C quā intrinseca, B vero est etiam idem cum C, sed alio modo, scilicet quā extrinseca tantum. Ergo A & B habent inter se identitatem: hoc enim in casu A & B, neque quā intrinseca, neque quā extrinseca sibi mutuo substitui possunt.

Alii hanc eandem regulam ita exprimunt: *Quæ sunt eadem uni tertio, sunt eadem inter se*. Non nunquam ita: *Quæ in uno tertio, sunt idem, inter se sunt idem*. vel, *Quæ identificantur alicui tertio, identificantur inter se*, vel etiam: *Quæ conveniunt eidem tertio, illa conveniunt inter se*. Ad quas interpretandas regulas, qui idem cum uno eodemque confundunt, variis utuntur limitationibus, quibus tamen omnibus eos salvam non constituere regulam pluribus monstrat Donatus Reg. XXXVII. p. 117. Nam si dicerent valere regulam de tertio singulari ac incommunicabili: ut sensus sit: *Quæ sunt idem alicui tertio singulari ac incommunicabili, sunt idem inter se*. Ut. v. gr. Gentium Apostolus & Paulus idem sunt alicui tertio, huic scilicet homini, ergo idem inter se, si, inquam, hoc dicerent, quem ad modum dicunt, adderetur limitatio, quæ ex indeterminatis & universalibus regulæ verbis nequaquam exculperetur, emergeretque propositio, quæ cum contractior est ipsa regula, atque adeo & ab eadem diversa, tum nec omni ex parte vera: sunt namque Divina & humana Christi natura idem ipsimet Christo, ut tertio singulari & incommunicabili, h. e. unum constituunt Christum, sed nemo ideo asseverare audebit, quod tamen per adsumtam regulæ limitationem sequitur, Divinam & Humanam in Christo na-

turam esse unum idemque. Sic corpus & anima humana idem sunt homini, tanquam tertio singulari ac incommunicabili, h. e. unum constituunt individuum, nemo autem inde statuet, quod tamen vi regulæ, dictæ limitatæ modo, statim fluit, corpus & animam esse unum idemque. Alii contra videntes hanc limitationem regulæ sensum non relinquere saluum, dicunt illam agere non tam de tertio singulari ac incommunicabili, quam potius de tertio non realiter, sed per mentis tantum conceptum, ex iis, quæ cum illo dicuntur eadem, composito, ut regulæ sensus sit: *Quæcunque idem sunt alicui tertio, atque id ipsum non realiter, tanquam realiter distincta, sed tantum quoad modum nostrum concipiendi, tanquam ratione solum distincta, atque adeo & idem reapse componunt, ea inter se quoque idem sunt.* Sed nihil hac nova explicatione obtinebunt aliud, quam *idem esse idem*, quod quidem nemo unquam negaverit, tamen quatenus cum principio identitatis coincidit novam & ab illo distinctam non dicit regulam. Omnes autem has ceterasque ejusmodi limitationes commode vitabimus, ubi idem cum uno eodemque non confundimus, sed illud in relativo suo sensu valere jubemus, quo maxime genuina et verissima est a nobis proposita regula.

Photiniani & alii Triadomastyges regulæ hujus sensum pervertunt, putantes ex illa sequi Spiritum Sanctum & Filium esse Patrem, adeoque non tres sed unam tantum esse personam Divinam, Si Pater, Filius & Spiritus S. ejusdem singularis ponuntur essentiae. Eorum argumentum in forma Syllogistica ita sonat: *Quæ sunt eadem*

dem eidem tertio, illa sunt eadem inter se, atqui Personæ Divinae sunt eadem eidem tertio, scilicet eandem habent essentiam. Ergo personæ Divinae sunt idem inter se, & per consequens non est nisi una eademque personā. Nos, missis aliorum explicationibus, ex genuino regulæ, quæ constat major propositio, sensu non deductis, sed ex confusione unius & ejusdem desumptis, contendimus in allato syllogismo quatuor esse terminos, illumque ideo, ut verior docet Logica, nihil concludere. Nam in præmissis hi adsunt termini 1:o) idem eidem tertio, 2:do) idem inter se, 3:tio) Personæ Divinae, quibus in conclusione additur 4:to) idem inter se, sumto vocabulo idem non in sensu relativo, ut in præmissis, sed in sensu absoluto, pro uno eodemque. Quæ ergo diversa acceptio non potest non quartum generare terminum & proinde syllogismum reddere vitiosum. Potius igitur vi nostræ regulæ, in se verissimæ, utat ab Antitrinitariis non intellectæ, contra eosdem ita argumentamur *Quæcumque aliquo modo eidem tertio sunt eadem, illa eodem modo inter se sunt eadem. Atqui Personæ Divinae eidem tertio, scilicet essentiali, sunt eadem, Ergo Personæ Divinae eodem modo inter se sunt eadem, h. e. essentialem inter se habent identitatem.* Sed hac conclusione, quæ ex allata regula sponte fluit, depellitur potius quam ulla ratione corroboratur Antitrinitariorum somnium, quo illi sibi imaginantur tres personas non esse ejusdem essentia.

## §. 422.

Diversitatem esse disconvenientiam *Diver-*

*fitas in-* prædicatorum, seu determinationum,  
*trinseca* quibus duæ pluresve res gaudent, suo  
 & *ex-* jam vidimus loco (§. 390.). Sunt ve-  
*trinseca.* ro determinationes vel intrinsecæ vel  
 extrinsecæ (§. 201.). Diversitatis ergo duæ ex-  
 surgunt species, quarum altera *Intrinseca* alte-  
 ra *Extrinseca* vocatur. *Illa* constituitur discon-  
 venientia determinationum intrinsecarum;  
*hec* extrinsecarum.

Ejusmodi diversitatem intrinsecam inter se ha-  
 bent homo & brutum, anima enim rationali gau-  
 det ille, qua hoc destituitur, ille aliam habet  
 corporis organici dispositionem, hoc aliam. Ca-  
 jus vero & Titius homines vel diversis proгна-  
 ti parentibus, vel diversis loco & tempore exi-  
 stentes, extrinseca diversitate a se mutuo diste-  
 minantur.

### §. 423.

*Diversitas* Constituitur intrinseca diversitas  
*essentialis* determinationum internarum di-  
 & *acciden-* sconvenientia (§. 422.), quæ vero  
*talis.* enti competunt internæ determina-  
 tiones sunt vel essentialia, vel attributa vel ac-  
 cidentia (§. 417.). His ergo determinationi-  
 bus se prodit interna diversitas. Sed diversitas  
 essentialium infert simul diversitatem attribu-  
 torum (§. 406.). Intrinseca igitur diversitas  
 nonnisi in duas abit classes, quarum altera con-  
 stituit *diversitatem essentialem*, ex essentialium  
 disconvenientia resultantem; altera *accidentalem*

*lem* efficit, quæ ex disconvenientia accidentium originem trahit.

Sic essentiali diversitate inter se differunt animalia & vegetabilia, quorum illa sentiendi facultate gaudent, qua hæc destituuntur. Accidentalis autem diversitatis exemplum præbent eruditi & rudes, est enim eruditio hominis accidens.

§. 424.

*Opposita* dicuntur, quorum unum *Opposita*, involvit negationem alterius, seu, *contraria*, quæ inter se mutuo pugnant. Quæ *contradictoria*, vero mutuam inferunt negationem, *etoria*. aut uni enti simul inesse nequeunt, ita tamen ut vel in diversis entibus, vel in diversis unius entis statibus successive existere queant; aut nec in uno sive simul, sive successive, nec in diversis. Tertium non dari ostendit principium exclusi medi ( §. 64 ) Quam ob rem, quum illa ex usu communi vocentur *Contraria* hæc *Contradictoria* dicantur; illa uni enti non quidem simul, successive tamen inesse possunt. *Hæc*, quia constant prædicatis, se mutuo destruentibus ( §. 47. ), neque simul, neque successive esse possunt ( §. 53. ).

Ita verb. gr. quod figura quadrilatera quatuor & habeat & non habeat angulos, contradictorium est. Quod vero anguli isti sint æquales & inæquales, contrarium dixeris, quoniam se mutuo ex eodem subjecto expellunt, ita tamen,

ut

ut figura quadrilatera, manente eadem laterum magnitudine, possit successive esse & æquiangula & non æquiangula. Eodem modo flavum colorem viridi & cæruleo contrarie opponit Physici,

### §. 425.

*Relative  
& privative  
opposita.*

Oppositis, communi usu, adnumerari solent Relative & Privative opposita, tanquam species, diversæ à contrarie & contradictorie oppositis; sed si quid adsequor, sub contrarie oppositis non inepte comprehendi possunt: nam *Relative opposita* dicuntur, quorum unius consideratio involvit considerationem alterius, ita tamen ut uni subjecto simul inesse nequeant. Sic cum Patrem adpello, ea denominatio considerationem liberorum involvit, sed pater non potest esse e suis liberis, nec liberi suorum ipsorum parentes. Quatenus ergo relative opposita uni enti simul inesse nequeunt, sub contrarie oppositis contineri possunt (§. 424.). *Privative opposita* sunt defectus realitatis in ente capaci, & realitas ipsa. Ita visus & cæcitas privative opponuntur. Sed defectus realitatis & realitas ipsa uni enti simul inesse nequeunt (§. 53.). Sub contrarie igitur oppositis commode comprehenduntur privative opposita.

Non

Non ignoro statui a Philosophis, præsertim veteribus, discrimen inter contrarie, contradictorie, relative & privative opposita, ad quod evolvendum in hunc fere modum argumentantur: Inter positivum & ejus negativum non datur medium (§. 279. 281.). Opposita ergo sunt vel positiva vel negativa, seu, propius ad mentem eorum, oppositio vel est inter duo positiva, vel inter unum positivum & alterum negativum. Si *prius*, quia positiva sunt vel *respectiva* vel *absoluta*; oppositio oritur vel *relativa* inter duo scilicet correlata, patrem v. gr. & ejus filium; vel *Contraria* ut inter nigredinem & albedinem. Si *posterius*, tunc vel negat oppositio in eo tantum subjecto, cui per naturam competere potest positivum, esse illud positivum, seu tunc vel relatione facta ad aliquod subjectum locum habet inter ejus realitatem & defectum; vel sine ulla relatione ad subjectum absolute & simpliciter inter positivum & ejus negativum, ut inter ens & non-ens locum invenit. Illud *Privativam* hoc *contradictoriam* constitutere oppositionem dicunt. Fateor hoc oppositorum discrimen suo non carere fundamento. Sed si aliquanto generalius, quem ad modum nos fecimus, explicantur contrarie opposita, & extenduntur non modo ad duo positiva inter se, sive correlata fuerint, sive minus, quæ eidem simul inesse nequeunt subjecto, verum etiam ad alterum positivum, alterum negativum, quæ pari ratione eidem subjecto non simul, sed successive inesse possunt, si, inquam, hac generali notione exhibentur contrarie opposita, quem ad modum

illa

illa exhibuimus (§. 424.), facile patet & relative & privative opposita, tanquam duas diversas species, sub contrarie oppositis comprehendi posse, & nihilo tamen secius inter se differre, ut species ejusdem generis. Sin vero quis adprobare maluerit veterum hanc arctiorem contrarietatis notionem, qua dicunt illam involvere oppositionem duorum positivorum, absolute spectatorum, quæ ita inter se distant, ut se mutuo e communi subiecto expellant; sciat ille nos hoc sensu nunquam dixisse relative & privative opposita sub contrariis contineri, sed separatam potius a contrariis constituere oppositorum classem.

### §. 426.

*De oppositis valent opposita.*

Ex definitione oppositorum hanc deducimus regulam: *de oppositis valent opposita.* Opposita enim sunt, quorum unum involvit negationem alterius (§. 424.). Quod igitur de uno oppositorum valet, ab altero est removendum, h. e. quod de uno oppositorum affirmatur, de altero negabitur.

Sic habere partes & non habere partes, simplex & compositum, opposita esse nemo nescit, apertiusque D. V. in parte Metaphysices altera docebitur. Quicquid ergo composito, ut composito tribuitur, a simplici ut simplici est removendum. Pari modo sapientiam & insipientiam opposita esse omnes facile largiuntur. Quicquid igitur sapienti, ut tali, tribuitur, insipienti est denegandum. Dixi, *ut tali*, nam si secundum



dum alios respectus, sibi non oppositos, duo considerantur homines, quorum alter sapiens, alter insipiens est, de iis, ut vel pueris notum, opposita valere nequeunt.

§. 427.

Quia de oppositis opposita valent *Opposito-*  
 (§. 426.), & de qualibet re valere de- *rum oppo-*  
 bet ejus intelligibilitatis ratio suffici- *sita est ra-*  
 ens (§. 88.); perspicuum est *opposito-* *tio.*  
*rum, qua talium, oppositam esse debere eorum*  
*rationem sufficientem,*

Dixit *Aristoteles* L. VI. Top. cap. IX. §. 3. τῷ ἀντικείμενῳ ὁ ἀντικείμενος λόγος. Oppositi est opposita ratio. Ex quo originem traxit tritum illud: *oppositorum opposita est ratio*, præsentī, quod tuemur effato ex assē conveniens. Nam licet quidam per vocabulum: λόγος, in dicto illo *Aristotelis* intelligant definitionem & essentiam rei; quia tamen ex ipsa pendet ratio sufficiens eorum, quæ rei insunt, liquet & hos nobiscum pulchre consentire. Dicit quidem idem *Aristoteles* L. I. Top. Cap. X. §. 4. L. VIII. cap. I. §. 15. L. V. Eth. Cap. I. ἡ γὰρ αὐτὴ τῶν ἐναντίων ἐπισήμη. *Contrariorum eadem est ratio*; hæc tamen nobis non sunt inimica, quum citatis locis non intelligat aliud *Stagirita*, quam quod cognito uno contrariorum, cognoscatur per oppositionem contraria alterius natura, & quod contrariorum eadem sit, sed inversa ratio. Sic. ex. gr. cognita compositi natura, per oppositionem statim intelligo simplicis indolem. Hoc vero non impedit quo minus compositi & simplici-

plicis opposita sit formalis ratio, de qua præ-  
senti egimus enunciato.

§. 428.

*Opposita unde elucescunt.* Explicata igitur unius oppositi natura, statim intelligimus quid ab altero sit removendum, unde enata est regula: *Opposita, juxta se posita, magis elucescunt.*

Recte igitur statuit Aristoteles *rectum esse index sui obliqui* L. de anima cap. ult. & in 2. Rhet. cap. X. τ' ἐναντία παράλληλα μάλιστα φαίνεται. Jam vitium est habitus actiones suas legi difformiter dirigendi; Virtus ad bonum dirigitur finem, ergo vitium in malum tendit.

§. 429.

*Oppositorum diversitas.* *Opposita sunt etiam diversa.* Opposita vocantur, quorum unum involvit negationem alterius (§. 424.), sibi igitur mutuo, salvo omni respectu substitui nequeunt, sunt itaque diversa (§. 390.).

Recte itaque statuimus sapientiam v. gr. & insipientiam, virtutem & vitium, quæ sibi mutuo opponi indicavimus, diversa esse, diversasque habere affectiones.

§. 430.

*Diversitas non opposita.* *Sed non omnia diversa sunt statim opposita.* Disconvenientia enim prædicata, quibus constituuntur diversa (§. 390.), aut eorum unum involvit negationem alterius in altero, quod diversum dici-

dicitur; aut nullam involvit negationem (§. 63.); Si illud oppositorum nomine veniant necesse est (§. 424.); Si hoc, diversa quidem sunt (§. 390.), sed non opposita (§. 424.). Igitur non omnia diversa sunt statim opposita.

Scilicet in notione diversorum non determinatur an pugna sit prædicatorum, quæ in illis continentur, vel minus, pro duplici ergo hac addita determinatione, duas constitui debere diversorum species illico patet. Sic Theologia Revelata & Philosophia sunt diversæ disciplinæ, non tamen oppositæ, nam in altera non continentur, quod vere pugnat cum altera (§. 33.).

§. 431.

Hiscæ jam præmissis ad distinctionem. *Quid distinctionis naturam, plenius evolvendam, nos accingimus. Quo circa in genere observamus nos communi adpellatione, illa a se mutuo distingvere, quæ per diversos exhibentur conceptus, ut adeo Distinctio sit diversitas conceptuum inter plura.*

Derivatur distinctio, secundum Cellarium in Orthograph. Lat. P. P. pag. 88. à *dis* & *στυμν* quod *ἀσίζειν*, stingvere, pungere. Unde distingvere erit quasi dispungere, seu binis punctis notare. Hinc quidam existimant formale distinctionis consistere in quadam negatione, quia unum plurium extremorum non esse alterum intelligitur, & proinde generaliter definiunt distinctionem per *identitatis plurium in conceptu aliquo negationem*. Hac inducti ratione, quod si

G

in

in negotio distinctionis unum non supponeretur inferre exclusionem alterius in suo conceptu, plura illa haud quaquam ulterius essent plura, sed unum idemque. Ideo per negationem istam formaliter tolli identitatem, proindeque distinctionem constitui affirmant. Monent vero non ideo putandum distinctionem, quia per negationem, tanquam formale suum, constituitur, esse non-ens, seu, nihil, sed habere sibi notionem respondentem, sat validam, quod nempe identitatem plurium proscribendo, singula eorum in esse, sibi proprio, quasi corroboret, & sic, quatenus inter res ipsas existit, aliquid positivum sit & reale cont. *Chauvini Lex. Phil. sub tit. distinctio. Donati Metaph. Usual. Cap. XV. §. 55.* Hæc omnia amicissime consentiunt definitioni, quam nos imposuimus termino *distinctionis*, eamque corroborant: Quoniam enim identitati opponitur diversitas (§. 390.), & opposita sunt, quorum unum involvit negationem alterius (§. 424.); negatio identitatis plurium in conceptu ponit diversitatem plurium in conceptu, nostraque proinde distinctionis definitio, hoc expressa modo, ab aliorum mox allata, non nisi verbis differt, quam nos maluimus adhibere positivam, quam negativam, ne quis verbis iusto anxius inhærens putet distinctionem negativum denotare conceptum.

De cetero notetur heic agi de *distinctione Metaphysica*, in natura & indole rerum fundata, non autem de *Logica*, quam quidam a Divisione Logica distincturi, dicunt, per hanc responderi ad quæstionem: *quotuplex est?* per illam vero ad quæstionem: *quotupliciter sumitur?* vel, *quinam termini*

*termini veniunt sub isto nomine?* Inservit ergo, secundum horum mentem, Distinctio Logica evitandæ confusio & perplexitati, quæ facile orirentur, dum modo sic, modo aliter capitur idem vocabulum; nisi bona præveniatur distinctione. Sic distinctionem adesse ajunt Logicam, quando in Logicis dicitur negationem v. gr. sumi pro *negatione propositionis*, & pro adverbio *negandi non*; alii vero, & quidem rectius, distinctionem Logicam latius sumentes, dicunt illam in præceptis tradendis esse occupatam, quibus distinctio Metaphysica, intellectui, circa rerum veritatem investigandam versaturo, in singulis ejus operationibus rite instituendis, inserviat, & cautæ atque circumspectæ disciplinarum tractationi conducatur. Nos vero relicta hac distinctione Logica, in Logicis evolvenda, ad Metaphysicam, a qua paululum digressi sumus, propius considerandam, pergimus.

## §. 432.

*Distinctioni non est locus, nisi detur aliqua pluralitas, qua posita, ponitur distinctio, nexu tam indivulso: ut illa sublata, hæc quoque tollatur.* In distinctione pluralitas. Nam per principium contradictionis (§. 53.) non potest aliquid a se ipso esse aliud, eo quod ipsum sibi idem sit et extra se non positum. Quam ob rem, quia faciles largimur omnes, vel confusa solum distinctionis idea instructi, unum idemque, qua tale, a se ipso non distingvi, patescit distinctionem supponere alium & alium vel aliud, & aliud. h. e. aliquam pluralitatem,

qua remota oriretur unum idemque, & simul tolleretur omnis distinctio.

Quid pluralitas, vel multitudo, sit, suo plenius explicaturi sumus loco, in antecessum vero notetur, nos haud putare ad quamvis distinctionem requiri pluralitatem realem, sed sufficere haud raro mentalem, in diversis conceptibus, circa unam eandemque rem formatis, consistentem: Datur enim, ut mox exponetur, distinctio & realis & rationis.

§. 433.

*Modus distinguendi res.* *Quaecunque a se mutuo distinguuntur, differre debent vel intrinsecis, vel extrinsecis, Et vicissim Quaecunque vel intrinsecis vel extrinsecis differunt determinationibus, distinguuntur a se mutuo iis determinationibus, quæ in illis sunt diversæ. Illa enim a se mutuo distinguuntur, quæ per diversos exhibentur conceptus (§. 431.); diversitas vero conceptuum, quæ inter res est, absolvitur disconvenientia prædicatorum, quæ illis quocunque modo competunt (§. 390.), adeoque vel intrinsecarum vel extrinsecarum determinationum discrimine (§. 201.). Quaecunque ergo a se mutuo distinguuntur, illa differre debent vel intrinsecis vel extrinsecis determinationibus.*

*Quæ vel intrinsecarum vel extrinsecarum determinationum gaudent diversitate, illa ob & per hanc diversitatem, diversis exhiberi possunt.*

posse conceptibus, quivis facile largitur, ad seipsum, quando diversos se habere conceptus dicit, attendens. Hoc ergo modo a se invicem distinguuntur res. (§. 431.).

Non heic dicimus intrinseca & extrinseca simul requiri, ut unum ab altero distingvatur, sed tum hæc, tum illa, sigillatim spectata, sufficere putamus ad dignoscendum unum ab altero, seu, ad judicandum unum non esse idem alterum. Quare non copulativa, sed disjunctiva utimur expressione, præsentem exhibitori propositionem. Huic tamen rei obstare videtur tritum illud Veterum axioma: *Quibus principiis res constituitur, illis & distingvitur.* Vid. Pererius L. VI. Phys. cap. XII. Fonsua. L. V. Metaph. cap. VI. Q. V. sect. 3. unde subsumitur: *At res non constituuntur nisi intrinsecis, iisdemque non accidentalibus, sed essentialibus. Ergo nonnisi bis a se mutuo distinguuntur. Non ergo accidentalibus, non extrinsecis.* Sed quamvis latiore habere possit canon iste sensum, ut simul sub se comprehendat differentiam numericam, quam, ut suo videbimus loco, ingrediuntur accidentalia cum determinationibus extrinsecis, eoque modo ex dicto canone sequatur conclusio, nostræ assertioni omnino conveniens; quia tamen potissimum applicatur ad indolem differentiae specificæ erudendam, ut patet ex Hunnii Canon. Log. Cap. II. pag. 121. quæ omnino essentialis est; nostram in hac §.pho non ferit sententiam, quæ in genere indagare volumus omnia ista indicia, quibus unum ab altero constituitur diversum, sive specificam sive numericam afficiant differ-

rentiam, de quibus tamen in sequentibus singulatim.

## §. 434.

*Distinctio* Distincta diximus (§. 424), quæ *Realis* & *Rationis* diversos habent conceptus. Est vero conceptus vel Objectivus vel formalis, ille est res quævis, quæ ab intellectu concipi potest; hunc rei in mente representatio absolvit (§. 74). Distinctio itaque alia versatur circa diversos conceptus objectivos, alia circa diversos formales. Illa *Realis*, hæc *Rationis* dici solet. Illa ergo respicit diversa objecta, seu, res, quæ extra mentem nostram dantur; hæc refertur ad diversos, qui in mente nostra sunt, conceptus, de eodem objecto, seu eadem re formatos.

Ex. gr. Calefaciens & id, quod calefit, sunt extra mentem nostram diversæ res, diversaque objecta, inter illa datur realis distinctio. Inter albedinem & dulcedinem, licet uni subjecto, lacti, accidant, quatenus tamen in diversis objectis existerre possunt, eatenus re ipsa unum idemque non sunt. Realis ergo inter illas locum habet distinctio. Rationis contra distinctio est inter essentiam Divinam & attributa Ejus, quæ quâ rem ipsam coincidunt, & solum per diversos conceptus, a nobis formatos, distinguuntur.

## §. 435.

*Realiter, & Rationis distinctorum* *Realiter* ergo *Distincta* sunt, quorum unum non est alterum, citra intellectus nostri operationem, seu,



seu, quæ objective non coincidunt, *definitio.*  
absque relatione ad nostros conceptus. *Ratione*  
*autem Distincta* sunt, quorum re ipsa unum  
est alterum, per operationem tamen mentis  
distingvuntur, seu, quæ objective coincidunt,  
per diversos tamen exhibentur conceptus.

Quam nos rationis vocamus distinctionem, alii  
*Notionalem*, alii *formalem* adpellare solent, ea-  
dem tamen nobiscum significatione. *Aristoteli*  
quidem non prorsus ignotum fuit hoc discrimen,  
quod inter realiter & ratione distincta interce-  
dit; aliter tamen illud exposuit Aristoteles, al-  
liter Scholastici, quorum sententia jam diu u-  
bique obtinuit, statuens *realiter distingvi* es-  
se citra mentis operationem distingui, sive ci-  
tra hoc, quod mens aliqua, ut distincta concipit,  
distincta esse. *Ratione autem distingvi*, esse  
non citra mentis operationem distingvi, sive  
citra hoc quod mens aliqua, ut distincta concipit,  
distincta esse. Sed ut magis eluceat, quæ-  
nam sint realiter distincta, ad indicia eorum &  
signa, clarius evolvenda, properamus.

§. 436.

*Quæ essentias habent diversas,* 1. *Modus*  
*ea distingvuntur realiter.* Quia e- *cognoscendi*  
nim unius entis non est nisi unica *realiter di-*  
essentia (§. 333.), quæ diversas ha- *stincta.*  
bent essentias, diversa sunt entia, eorum ita-  
que unum alteri, citra omnem mentis nostræ  
operationem substitui nequit (§. 390.) seu,  
quod idem est, eorum unum non est alterum.  
Realiter ergo a se mutuo distingvuntur (§.  
435.).

G 4

Ut

Ut adeo infallibiliter hinc colligere liceat: homo & lapis, quia diversas habent essentias, distinguuntur realiter; Canis & leo, quia aliam specie essentiam possident, realiter differunt; Petrus & Paulus, quia alia gaudent numerica essentia, quæ in diversitate omnimodæ determinationis consistit, realiter distinguuntur. Immo in ipso homine anima & corpus, quæ diversis constituuntur essentiis, realiter differunt.

## §. 437.

*Distinctio* Distinctio, inter entia diversæ essentialis. sententiæ intercedens, dici solet *Essentialis*, immo & stricto sensu *Realis*

Hanc intelligit *Mendoza*, dum Disp. Metaph. VI. §. 4. & 5. statuit res non per modum, iis superadditum, nec per negationem, sed per propriam entitatem, sive essentiam distinguvi, & provocat ad tritum & commune Philosophorum verbum: *Per eundem conceptum, quo res constituitur in se, distinguitur ab alio*. Inter criteria vero hujus distinctionis essentialis, seu, stricto sensu realis communiter numeratur. 1:o) Essentiarum diversitas, 2:o) Separata existentia, 3:o) Realis separabilitas. Primum statim exposuimus (§. 436.), secundum vero & tertium justæ explanationi mox subjiciemus.

Notetur de cetero me in sequentibus, omnis vitandæ confusionis causa, per distinctionem realem non intelligere nisi illam, quam in latiori explicuimus sensu (§. 435.), minime vero hanc strictius acceptam, quam potius essentialem semper adpellabo.

## §. 438.

## § 438.

Quoniam distinctio essentialis inter entia diversæ essentialitatis obtinet (§. 437.), & quæ diversas habent essentialitates realiter distinguuntur (§. 436.), perspicuum evadit distinctionem essentialem sub reali comprehendendi.

## §. 439.

Quæcunque actu sunt separata, ea differunt realiter, & in specie essentialiter. Quæ enim actu sunt separata, separatam habent existentiam, & separata sunt entia, atque ideo, quia unius entis non est nisi unica essentia (§. 333.), separatam, seu diversam habent essentiam. Sed posita essentialitatum diversitate ponitur distinctio realis (§. 436.). Quæ ergo actu sunt separata, differunt essentialiter (§. 437.), & in genere realiter (§. 438.).

Bona itaque est collectio: Equus & canis sunt entia separata, ergo realiter differunt, anima & corpus sunt post mortem hominis actu separata, realiter ergo differunt.

## §. 440.

Quæ differunt subjectis, seu, entibus, quibus insunt, ea distinguuntur realiter. Ponamus quæ differunt subjectis realiter non distingui, eorum ergo unum erit simul alterum, & simul non alterum; erit alterum, quia realiter distincta esse

negantur (§. 435.); non erit alterum. quia sub-  
jectis differunt (per hypoth.). Sed hoc mani-  
festam involvit contradictionem (§. 43.), neu-  
tquam, quia verissimum est principium con-  
tradictionis (§. 52.), admittendam. Recte er-  
go statuimus ea, quæ differunt subjectis, qui-  
bus competunt, distingvi realiter.

Hinc recte infero: Albedo, quæ est in lacte, &  
quæ in papyro, differunt subjectis, ergo distin-  
guantur realiter. Scientia, quæ est in Platone,  
& quæ in Aristotele datat, subjectis determi-  
nantur, illa ergo ab hac realiter distingvitur.  
Pessime abuteretur hac regula, qui ita collige-  
ret: *Omnipotentia Divina, quatenus & Divina &  
humana Christi naturæ competit, differt subjectis,  
ergo heic locum habet distinctio realis.* Sed nulla  
est heic subjecti diversitas, quum Divina & hu-  
mana Christi natura unum unitum constituent  
subjectum, cui eadem inest omnipotentia: De-  
inde competit quidem omnipotentia Divina  
humanae Christi naturæ, vi unionis hypostati-  
cæ, non tamen nisi Divinae naturæ essentialiter  
inest,

#### §. 441.

4 *Modus* *Quæ differunt ut produciens &*  
*Realis di-* *productum, sive productio fuerit effe-*  
*ctivæ, sive alia quacunque realis, ea*  
*distinctiois.* *differunt realiter.* Effectivam productionem  
esse causæ efficientis, eamque ab effectu suo  
separatam habere existentiam & essentiam in  
parte Metaphysices altera D. V. demonstra-  
bitur;

bitur. Ubi itaque est productio, ibi produ-  
cens & productum differunt realiter (§. 439).  
Quando autem effectiva non est productio,  
sed alia quæcunque realis, tunc nihilo secius  
aliud reipsa est producens, aliud productum,  
vel potius, eorum unum non est alterum (ut  
vel ipsæ notiones confusæ, quas de producen-  
te & producto habemus clare ostendunt),  
differunt ergo inter se realiter (§. 435).

Hoc modo, quia Deus & creatura, Parens &  
soboles, mens & conceptus, ab illa formatus, a-  
liaque ejus generis plura, differunt, ut produ-  
cens & productum, realiter ergo a se mutuo  
distingvuntur.

*usus Theo-* In S. Sancta Trinitate, tres sunt, ut  
*logicus.* scriptura docet, Personæ, quæ quam-  
vis non differant inter se ut causa effi-  
ciens ab effectu, sunt enim omnes ejusdem im-  
mensæ potentix & æternitatis, neque essentia-  
rum diversitate, quum omnes tres una eadem-  
que simplicissima subsistunt essentia; quia tamen  
*Pater* genuit *Filium*, & Hic ab Illo est geni-  
tus, & Spiritus Sanctus ab utroque procedens,  
differunt inter se ut producens & productum,  
productione non effectiva, sed alia, reali tamen,  
nobis licet imperscrutabili. Differunt ergo rea-  
liter. Circa distinctionem personarum Divina-  
rum inter se, peccant & in defectu & in exces-  
su hæretici. In *Defectu*, Neo-Photiniani, omnem  
omnino personarum Divinarum distinctionem  
inficientes, & unam saltem Divinam personam  
fingentes, cum ex eorum mente persona sit ni-

Nil aliud, quam essentia individua intelligens. Sed essentia Dei número est una. Ergo. Vide Catech. Racov. L. de cognitione Dei p. 12. *Ostendendum contra Tradelium* P. 2. cap. XII. Rationis tantum distinctionem, reali oppositam, veteres quosdam statuisse hæresiarchas, Arianos, scilicet, Eunomianos, Macedonianos, Noctianos, Sabellianos, &c. dum Trinitatem solum in nominibus & non in rebus & subsistentiis sunt confessi, testatur L. 2. Hist. Eccles. cap. 29. *Ruffinus*, cum quibus faciunt anno Christi 1521. exorti Anabaptistæ. In excessu contra peccant, qui essentialem trium Deitatis personarum distinctionem defenderunt, ut Tritheitæ, seculo post natum Christum septimo suborti, quorum dux & auctor vocatur Johannes Grammaticus Philoponus, argutus disputator & Philosophus in Platonis & Aristotelis doctrina probe versatus. Inter hæc duo extrema mediam Orthodoxi defendunt sententiam, realem distinctionem inter Divinas personas propugnantes. Obijciunt adversarii: *Realis distinctio est inter rem & rem, atqui Divinæ personæ non sunt res & res, quia unam habent essentiam, Ergo inter Divinas personas non est distinctio realis.* Sed salva manet Orthodoxorum assertio, nam realis distinctio non obtinet modo inter diversa entia, seu res, ubi rei vocabulum strictius pro ente sumitur; sed locum etiam habet inter omnia, quorum unum objective non est alterum, quocunque demum id sit modo, quare quia persona Divina una non est altera, personæ Divinæ differunt realiter.

## §. 442.

*Quæcunque actu a se invicem se- 5. Modus  
parari possunt, ea differunt realiter. Realis di-  
Ponamus hæc a se invicem non distin-  
ctionis.  
gvi realiter, eorum ergo unum est alterum  
(§. 435.). Quorum vero unum est idem alte-  
rum illa a se invicem actu separari nequeunt,  
nam si separarentur, unum non esset alte-  
rum. Sed per hypothefin ponuntur hæc a se  
invicem actu separari posse. Realiter ergo dif-  
ferunt (§. 435.).*

Brevius. Quæcunque actu a se invicem  
separari possunt, eorum unum non est idem  
alterum, sed quorum unum non est idem al-  
terum illa sunt realiter distincta (§. 435.).  
Quæcunque ergo actu a se invicem separari  
possunt, ea distingvuntur realiter.

Observes heic non sine ratione addi vocabulum:  
*actu*, quum mentalis separatio, quæ in abstra-  
ctionibus locum habet, & qua unum etiam es-  
sentiale rei prædicatum separatim ab altero  
consideramus, nullam realem, sed mentalem  
tantum inferat distinctionem. Deinde cogites  
heic præcise sermonem non esse de separatione  
Physica & naturali, quamvis illa non excluda-  
tur, sed absolute de quavis possibili, & per  
quamcunque potentiam producibili. Tandem  
scias non *positivam* modo, sed & *negativam* heic  
indigitari separabilitatem, illa est, qua ambo post  
separationem pergant existere, hæc est, qua post  
separationem, alterutrum saltem superstes ma-  
net, altero pereunte. Hoc modo, quia positi-

ve a corpore separari potest anima humana, ita ut pulvis redeat ad terram, unde fuit, spiritus vero ad Deum, qui ipsum dedit. Eccles. XII. 7; realis datur inter animam & corpus distinctio. Sic separatio negativa est in hominis per peccatum corruptione, mente manente, sed imagine Dei, qua decorata fuit, deperdita. Est itaque inter mentem & inter imaginem Dei realis distinctio.

Caveas vero quam maxime ne hanc, quam evinci, & jam illustravi propositionem converti posse arbitraris universaliter, ita ut, *quæ realiter differunt, ea a se mutuo separari possint*. Nam quamvis lubens concedam in rebus finitis & creatis, quæ realiter differunt, posse a se mutuo separari, tres tamen S. Sanctæ Trinitatis personæ realiter quidem sunt distinctæ, sed a se invicem separabiles nunquam dicendæ.

#### §. 443

*Accidentia* entis, cui competunt, *inconstanter* insunt (§. 366.), seu, *quod idem est*, accidentia possunt actu separari ab ente, salva manente ejus essentia. Quivis etiam domestica edoctus experientia perspicit, posito uno accidente non statim poni alterum, ipsaque idcirco accidentia a se invicem esse separabilia. *Datur itaque realis distinctio tum inter essentiam entis & ejus accidentia, tum inter accidentia, ad se invicem relata (§. 442.).*

Ex. gr. Pietas & eruditio animæ sunt accidentia, quæ tum a se invicem, tum ab anima separa-



parari possunt, inter se ergo, & ab ipsa anima realiter differunt.

## §. 444.

Distinctio, quæ inter ens & ejus *Distinctio* accidens, vel etiam plura unius en- *modalis.* tis accidentia datur. *Accidentalis.* seu, *Moda-* *lis* adpellari solet. Nonnullis *Distinctio realis minor.*

Hac ratione inter hominem & misericordiam ejus, nec non inter misericordiam & justitiam ejusdem, modalis locum habet distinctio.

Distinctiõnis hujus modalis non Aristoteles nec interpretes ejus, nec veteres, sed tantum recentiores scholastici meminerunt, quorum numero est Svarezius, qui Disp. Metaph. VII, sect. I. n. 16. p. 161. 162. hac ratione de distinctiõne modalis disputat: *Censeo simpliciter verum esse dari in rebus creatis aliquam distinctiõnem a-* *ctualem, & ex natura rei, ante operationem intel-* *lectus, quæ non est tanta, quanta est interduas res,* *seu, entitates omnino distinctas, quæ distinctio,* *quamvis generali vocabulo possit vocari realis, quia* *vere est a parte rei, & non est per denominationem* *extrinsecam ab intellectu; tamen ad distingvendum* *illam ab alia majori distinctiõne reali, possumus il-* *lum adpellare. vel Distinctiõnem ex natura rei, vel* *propius DISTINCTIONEM MODALEM, quia ver-* *satur semper inter rem aliquam & modum ejus.* Deinde sect. II. n. 6. signum distinctiõnis Modalit statuit Svarezius, *separationem unius ab a-* *lio, in qua unum extremum potest manere sine alio,* *non tamen e converso.* His Svarezianis, ubi addimus Insignis *Musei* in Metaph. cap. XXXIV.

§. 55. & seqq. de distinctione modali ad mentem Scholasticorum agentis, pronunciatum, præsertim ubi §. 59. statuit *modum a re, ejus est modus, separari posse, re illa manente: nec minus separari posse duos modos ejusdem rei, ut perveniente uno, alter actu eandem rem efficere non desinat.* Ubi, inquam, hæc addimus, & simul perpendimus quod prius (§. 366,) de separabilitate accidentium, seu modorum est demonstratum; statim perspiciemus recte a nobis explicatam & definitam esse distinctionem modalem, Scholasticis usitatam. Scholasticæ huic Philosophiæ consensum præbet *Claubergius*, Cartésianorum solertissimus, qui §. 269. *Ontoloph.* Statuit, *Modalem distinctionem ex eo cognosci, quod rem quidem possumus clare percipere absque modo, ut mentem sine dubitatione, vel unum modum absque alio, uti dubitationem sine amore, at non vicissim absque re, cui inest, ut dubitationem sine mente.* *Claubergium* hoc loco per modos veri nominis accidentia intelligere, indicant quæ in eadem §:pho sequuntur verba, declarant allegata exempla, restaturque *Svicerus* in notis ad citatam §:phum, perspicue monens, per modum heic intelligi substantiarum accessoria, sive accidentia, quæ sua varietate statum & conditionem rei immutant. Ab his non dissentiunt *Scharfius* in *Metaph. Exempl. L. II. cap. XVI. p. 213.* *Weltbemi* in *Instit. Metaph. Cap. XXXVI. p. 1708. seq.* *Hebenstreitius* in *Instit. Phil. Prim. p. 924.* aliique plures. Fateor *Donatum* in *Metaph. Usual. Cap. XV. p. 102.* longe diversum modali distinctioni imponere sensum, putareque illam esse inter rem & modum ejus inseparabilem, vel in-

inter modum & modum inseparabiles & sibi non oppositos; & hoc distinctionis genere inter se differre ens & ejus unitatem, unitatem & veritatem entis; Deum & Ejus omniscientiam, omniscientiam & omnipotentiam. Modalem ergo dari distinctionem inter ens & attributa ejus, & inter attributa inter se. Fateor, inquam, *Donatum*, & cum hoc *Canzium* in Ontol. Polem. §. 59. a Svarezio, ceterisque, antea citatis, facere divortium, in explicanda distinctione modalis, illamque ideo non ad realem, sed ad distinctionem rationis referre; sed juxta fatendum est nos potiori jure retinere primitus receptam, quam tradidimus distinctionis modalis, definitionem, quam hunc novum ei adsignare significatum. Ceterum ex notione distinctionis modalis tradita & explicata facile confutantur quidam Calvinianorum, qui cum *Keckermanno* in system. Theol. p. 1 §. 59. *Sohnio* in Exeg. August. confess. p. 86. & *Massonio* distinctionem inter tres S. S. Trinitatis personas ponunt modalem. Hinc enim, quia distinctio modalis est inter ens & ejus accidentia, vel inter accidentia unius entis inter se relata, illud sequeretur absurdum, Deo, enti simplicissimo, competere accidentia, ipsasque tres personas, horret animus, non esse nisi mera unius entis accidentia, meros modos. Audiamus vero *Keckermani* argumentationem: *Est omnis subsistentia modus, at tres Divinitatis personæ differunt ratione subsistentiarum. Ergo differunt per modum, consequenter modaliter.* Quamvis nondum sit locus enucleandi subsistentiæ notionem, dabimus illam D. v. in parte

Usus  
Theologici.

Metaphysices altera; certum tamen & indubitatum est, prout ibidem demonstrabitur, substantiam ab entis Infiniti essentia esse inseparabilem, & ideo, utut illa in genere per modum explicetur, non tamen, quando ad Deum & tres in Divinitate personas applicatur, veri nominis modum seu, accidens esse, nullamque idcirco modalem hoc casu gignere distinctionem, prout hanc nos explicuimus. Deinde quis dixerit inter Petrum & Paulum dari modalem distinctionem, utut alia sit substantia humanæ naturæ Petri, alia Pauli propria? Nemo ergo hac Keckermanni argumentatiuncula movebitur ad fingendum discrimen inter tres S. S. Trinitatis personas modale.

#### §. 445.

*Distinctio  
modalis est  
realis, sed  
non in-  
versim.*

Ex stabilita distinctionis modalis notione ultro fluit, *omnem quidem distinctionem modalem esse realem, sed non conversim, omnem realem esse modalem.* Distinctio enim inter ens & ejus accidens, vel etiam plura unius entis accidentia, est realis (§. 443.). Sed illa distinctio modalis adpellari debet (§. 444.). Modalis ergo, sub reali comprehenditur.

Demonstratum mox est essentialem distinctionem esse realem (§. 438.). Essentialem vero distinctionem cum modali non coincidere ostendunt earum diversæ notiones (§. 437. 444.). Ergo non omnis realis distinctio est modalis.

Con-

Contineri distinctionem modalem sub reali largiuntur etiam, quos ad §. 444. mecum consentientes citavi, in statuenda notione distinctionis modalis, quamvis quidam eorum illam opponant reali, sed arctius acceptæ, pro ea, quæ vel inter res diversæ essentia, vel inter modos diversarum rerum intercedit, fatentes illam comprehendere debere sub reali, in latiori suo accepta sensu, quo inter omnia valet, quorum unum non est alterum (§. 435.), & quo sensu nos præsentī positione diximus modalem distinctionem sub reali comprehendere.

## §. 446.

Hinc porro intelligitur *realem distinctionem non statim esse essentialem*, nam præter essentialem distinctionem, quæ sub reali continetur (§. 438.), datur etiam modalis (§. 444.), sub reali eadem comprehensa (§. 445.). Non ergo omnis distinctio realis est essentialis.

Sic recte indicatum a nobis est dari reale discrimen inter personas S. S. Trinitatis (§. 441.).

*Usus Theologicus.*

inde tamen non sequitur essentiis differre tres Deitatis personas, quum in una eademque simplicissima essentia subsistant, nec omnis distinctio realis sit essentialis. Unde, quia probavi neque modaliter differre tres Divinitatis personas (§. 444.), in aprico est positum præter distinctionem modalem & essentialem, dari adhuc aliam, sub reali complexam, quam, quantum valemus, uno alterove explicare conabimur verbo.

H 2

§. 447.

## §. 447.

*Distinctio analogica.* *Distinctio realis analogice sic dicta*, seu, *Distinctio Realis secundum Analogiam* est, qua unum non est alterum ob oppositas relationes, licet ejusdem alioquin sint essentia.

Hoc modo realiter inter se differre videntur tres in S. S. Trinitate personæ, quæ ejusdem quidem sunt essentia, nec ullo inter se distinguuntur accidenti, quia omni illo destituntur; differunt tamen per oppositas relationes, seu, ut opposita relata, ita tamen ut *Pater* non sit *Filius*, nec contra. Locum ergo heic habere videtur *distinctio Realis analogice sic dicta*.

Non mihi ignotum est quibusdam placere latiorrem distinctionis realis analogicæ ideam, sub qua etiam modalis comprehendatur; maluimus tamen distincta distinctis efferre terminis, præsertim ne *Keckermannus* cum sequacibus, audiens Orthodoxos sub analogica distinctione reali comprehendere distinctionem inter tres Divinitatis personas, ex latiori illius distinctionis acceptione putet se Orthodoxis conformia statuere, fingendo modalem in Divinis distinctionem.

## §. 448.

*Distinctio Rationis.* Reali, quam huc usque breviter delineavimus, distinctioni opponitur *Distinctio Rationis*, quæ circa unam eandemque rem versatur, diversis exhibitam conceptibus, seu, notionibus (§. 435.). Obtinet ergo Ra-

Rationis distinctio, quando quæ in mente nostra sunt notiones, de eodem ente formatæ, aliæ aliis, salvis, quæ habent, omnibus, substitui nequeunt (§. 390.).

*Differre ratione* non in eodem apud omnes sumitur sensu. Nam 1:0) *Quibus rationis vocabulum* pari passu cum essentia ambulat, distinctio rationis coincidit cum distinctione essentiali. Sic *Aristoteles* L. 1. Phys. dulce & album prædicari de eodem ait, & nihilo minus differre λόγῳ, seu ratione, h. e. non per operationem intellectus, sed per essentiam & definitionem, ut recte exponit *Suarezius* Disp. Met. VII. S. I. n. 14. p. 161. Et ad hunc sensum ait *Monalor.* de Univers. Cap. IV. universale & singulare differre λόγῳ, h. e. ratione & σίας. Sic & *Porerius* L. XIII. Phys. Cap. III. ait actionem & passionem distingui ratione, h. e. definitione. Conf. *Scheibleri* Metaph. L. I. cap. VIII. n. 39. 2:do *Quibus arridet ea solum* dicere realiter distincta, quæ essentiis differunt, & realiter distinctis ita opponere distincta ratione, ut quæcunque essentias non habent diversas, & nihilo tamen secius differunt, ratione distincta vocentur, ii, præter distinctionem rationis proprie sumtam, etiam sub illa comprehendunt & modalem & analogicam distinctiones, sub reali, ut vidimus, in latiori sensu sumta contentas. Hac significatione dixit *Damasceus* de Orth. Fide Cap. II. Personas Trinitatis differre ratione, h. e. non essentia, seu, essentiali discrimine. Hinc ergo nemo putabit *Damasceum*

*Varia hujus distinctionis acceptio.*

Eunomianis, Arrianis, ceterisque hæresiarchis favisse, qui rationis discrimen, stricto sensu sumtum, inter tres Divinitatis personas finxere. 3.º *Differre ratione* dicuntur, quæ in re sunt aliquid unum, apprehenduntur, tamen ut multa. Hoc ultimo modo nos sumimus distinctionem rationis, quando illam opponimus distinctioni reali, in sua acceptæ latitudine. Hoc etiam loquendi modo *Noëtiani* dicebant Personas divinitatis distinguere ratione, ut *Epiphanius* refert L. II. Tom. I. Hæres. 57. Et proinde hanc locutionem admisit Ecclesia in Damasceno, reprobavit autem in Noëtianis.

## §. 449.

*Fundamentum distinctionis rationis.*

In Metaphysicis, quemadmodum in universa Philosophia, nihil sine ratione sufficiente est statuendum (§. 88.), rationesque assertorum non ex ipso cognoscente, sed ex indole rerum, seu objectorum, sunt desumendæ. Nulla ergo statui debet distinctio rationis, nisi quæ in re ipsa suum habeat fundamentum, h. e. de eodem ente non formandæ sunt notiones, quæ salvis omnibus, sibi mutuo substitui nequeunt (§. 448.), nisi in ipso illo ente, vel ejus ad alia relatione detur ratio formandi ejusmodi notiones.

Statim itaque ut nugatoriam, & nullius utilitatis rejicimus, quæ per solam fictionem fit distinctio, & vocari sivevit *Distinctio Rationis ratiocinantis*, omni destituta in re fundamento, ejus-



jusmodi est, cum quis distinguit inter Tullium & Ciceronem. Solum ergo heic in censum venit distinctio, quam *rationis ratiocinatae*, vocare mos est, & quæ aliis *Distinctio rationis eminentis* dicitur, nobis vero sine adjecto, *distinctio rationis*, quæ in re ipsa, menti exhibita, aliquod habet fundamentum.

*Scilicet ea certe est limitatae mentis & imbecillium ejus facultatum indoles*, ut in entis cujusvis adyta quasi penetraturi, plures & distinctos nobis efformare cogamur conceptus, etiam tum, quando objectum ipsum, usque adeo simplicitatem amat, ut quamcunque respuere videatur pluralitatem. Neque enim intuitive & unico conceptu adæquato totam rei naturam, possumus perspicere. Opus itaque multarum subsidio idearum inadæquatarum habemus, quarum unaquæque aliquid rei repræsentet. Hactenus ergo nobis licebit, nisi penitus obtundamur, tanquam plura considerare, quæ in se minime sunt plura, realiter scilicet distincta, paulatimque ea notionibus distinctis cognoscenda sistere, usque quo plenam, quantum detur, objecti cognitionem nobis acquiramus. Non tamen putandum est finitudini mentis humanæ solum deberi hanc rationis distinctionem, sed habere illam, ut in ipsa thesi stabilivimus, in re ipsa validum ac firmum fundamentum, ultra quod si distinguendo progredi fas esset, plurimas & quidem, absque fine & norma, innumeras rei cujusdam partes concipere, conceptas iterum pro lubitu confundere, ac unam pro altera habere licite possemus, quo ipso veritas tandem omnis in purum quoque ens rationis ratiocinantis,

tis, h. e. in purum non-ens abiret. Sic quippe non intellectus noster a rebus, sed hæc, vice versa, ab illo, mensuram, incongruum profecto in modum, caperent.

§. 450.

*Distinctio* Diximus quodvis ens rem esse, *formalis*, quatenus est aliquid (§. 268. 270.), indeque intulimus (§. 271.) quamlibet rem, licet in se unam, pluribus tamen constare prædicatis, quorum quodlibet realitatis, seu, formalitatis venit nomine. Quatenus ergo plures istæ unius ejusdemque rei realitates, seu, formalitates, qua suas notiones, quas de iis formavimus, sibi mutuo substitui non possunt, salvo omni respectu, eatenus intet illas *Formalis* statui solet *distinctio*.

*Varia distinctio-  
tionis forma-  
lis acceptio.* Formalis hæc distinctio non ejusdem ab omnibus constituitur latitudinis: Quibusdam enim *absolute* & in latissimo sensu sumitur, pro omni distinctione, sive reali, sive rationis, quo sensu formalis distinctio eorum erit omnium, quæ diversos habent conceptus, sive demum præterea ipsa re sint distincta, sive minus. Hoc sensu formalem distinctionem accepit *Fonseca* L. V. Metaph. Cap. VI. Qv. 6. S. 2. p. 399. T. II. illam dirimens in *formalem essentialem*, sub qua omnem realem distinctionem comprehendit, ex essentiarum quacunque diversitate oriundam; & in *formalem puram*, qua rationibus formalibus objectivis secernuntur a se mutuo

tuo duo quælibet entia, non diversæ essentia. Hanc ergo distinctionem formalem puram statuit Fonseca inter tres personas Trinitatis. Existimat *Museus* Cap. XXXIV. Metaph. §. 41. Aristotelis *χωριστὰ λόγῳ* pene coincidere cum formali distinctione, in hoc latissimo sensu accepta, nisi quod ex realiter distinctis fere ea intelligat Aristoteles, quorum unum ab altero nec actu separatum est, nec ita separari potest, ut utrumque seorsim existat: cum interim quæ separatim existunt, aut existere possunt, licet illorum etiam diversa sit formalis ratio, *χωριστὰ τόπῳ* vel aliis nominibus adpellaverit. Latissimum hunc formalis distinctionis sensum alii rejiciunt, statuentes formaliter distincta esse sensu *exclusivo*, ita, ut realem distinctionem a se removeant, quo casu distinctio formalis cum distinctione rationis prorsus coincideret, iisque competere, quæ citra hoc, quod diversas rationes formales habeant, non sunt distincta. Huic acceptioni, inter alios, addictus est *Petrus Museus* c.1. Nos vero eorum adprobamus sententiam, qui etiam relicta hac latiori significatione, contendunt formalem distinctionem, tantum versari inter plures realitates unius ejusdemque rei, quatenus per diversas exhibentur notiones. Hoc sensu dixit *Scharffius* in Met. Exempl. L. II. Cap. XVI. p. 213. distinctionem formalem inter ea locum habere, quæ unum sunt essentialia, & contingere quando una essentia continet plures realitates, formaliter extra se invicem positas. Scharffio consensum præbet Andr. *Thuronius*, olim Log. & Phys.

Profess. Aboënsis in comp. Metaph. p. 258. opponens distinctionem formalem, in specie dictam, distinctioni rationis.

§. 451.

*Requisita* *bujus distinctionis* Proposita distinctionis formalis definitio (§. 450.) indicat non tam absolutam de rebus conceptibilitatem, quam potius, quoad nostrum intellectum relativam, fundatam tamen in ipsa re, esse fundamentum dictæ distinctionis, & ideo, quia versatur circa realitates unius ejusdemque rei, quarum notiones sibi mutuo substitui nequeunt, non id inferre. quod vel inter ipsas illas realitates, inter se collatas, vel inter quamlibet earum & rem, cujus sunt realitates, reale detur discrimen, quo posito sequeretur unam earum objective non esse alteram (§. 435.), sed id solum importare, quod notiones, de dictis realitatibus a nobis formatae, sibi mutuo substitui non possint. Et proinde formalem distinctionem recte comprehendere sub distinctione rationis (§. 449.)

§. 452.

*Distinctio formalis nullam infert pluralitatem realem.* *Formalis distinctio nullam infert pluralitatem rerum, nec realitatem unius rei, objective si spectantur.* Versatur enim formalis distinctio circa unius ejusdemque rei diversas notiones realitatum (§. 450.), quibus quum nulla rerum inferatur pluralitas (§. 273), in-

intelligitur neque formalem distinctionem inferre pluralitatem rerum.

Occupata est formalis distinctio circa diversas, unius ejusdemque rei realitatum notiones (§. 450.), quæ haud poscit quod una realitas objective non sit altera (§. 451.), sed solum, quod quæ notiones suas sibi mutuo substitui non possint (§. cit.). Quare, quum nulla locum habeat pluralitas objectiva, seu, realis, nisi ubi unum non est alterum (§. 435.), sponte fuit formalem distinctionem, pluralitatem inter ipsas realitates, objective spectatas, h. e. prout rei reapse insunt consideratas, haud involvere.

Corruit itaque Scotistarum sententia, qua prout illam expressit *Job. de Rada*, insignis Scoti Sectator, Part. I. Controv. Theol. Contr. IV. n. 2. arbitrantur formalem distinctionem esse ex natura rei, h. e. non prout nos illam antea explicuimus (§. 451. 449.), sed inesse ipsis rebus, secluso opere intellectus negotiantis, & ideo esse illam, quæ obtinet inter rationes formales rerum objectivas, quarum una, secluso actu intellectus, non est alia. Verum quæ ita citra actum intellectus, seu, nemine cogitante sunt distincta, non possunt realem fundare distinctionem (§. 435.), in nulla ergo re conjungi queunt, quin realem in ea compositionem faciant. Huic ergo obstat incommodo nostra demonstratio, perspicue ante oculos ponens realitates unius ejusdemque rei, quæ formaliter distinguun-

guuntur, objective nullam realem inferre pluralitatem, sed notionum saltem, quas nos de illis formavimus, involvere multitudinem.

## §. 453.

*Inter essentialiam & attributa entis quale discrimen!* Ex his jam ubertim patet *inter essentialiam & ejus attributa realem non dari differentiam, sed formalem.* Posita enim entis essentialia, ponuntur ejus attributa (§. 343.), & quidem indivulso & inseparabili nexu (§. 344.). Non ergo potest essentialia esse sine attributis, neque hæc sine illa, neque possunt attributa esse extra essentialiam, aut hæc extra illa, qua rem igitur ipsam, essentialia & attributa entis non sunt alterum & alterum quid, & per consequens, realiter non differunt (§. 435.).

Quia tamen non essentialia solum entis, quorum quodlibet est reale & rei nomine venit (§. 270.), sunt prædicata, quibus res continetur (§. 320.), & ideo realitatum nomine merito saluantur (§. 271.); Sed ipsa quoque attributa realitates sunt (§. 345.). Quia etiam essentialium alia est notio quam attributorum (§. 320. 340.); quæ notiones suas sibi mutuo substitui nequeunt essentialia & attributa, etiam si, ut mox demonstravimus, realiter unum sint. Intelligitur ergo inter essentialiam & attributa entis formale dari discrimen (§. 450.).

Con-

Contra quosdam Thomistarum & Scotistarum, cum ipso Thoma, Iavello, Soncinate, Fonseca, Svarezio, aliisque accuratioribus recte heic defendimus inter essentiam & attributa entis non dari reale discrimen. Cui rei ulterius corroborandæ hoc etiam accedit, quod alioqui daretur progressus in infinitum: Pingamus enim attributum entis ab Essentia ejus realiter differre, re ipsa ergo attributum non esset, essentia, neque essentia attributum (§. 435.), consequenter, minimum in distinctione reali stricto sensu sumta (§. 437.), attributum esset ens, essentia pariter ens, & quia cuilibet enti sua competit essentia (§. 329.), sua attributa (§. 342.), quodlibet attributum iterum resolveretur in essentiam & attributum, & sic porro in infinitum. Quam ob rem, quum essentia sit ratio sufficiens attributi (§. 340.), daretur progressus rationum in infinitum (§. 104.), qui tamen dari nequit (§. 105.). Locum ergo non habet realis distinctio, stricto sensu sumta, inter essentiam & attributa entis. Neque locum heic invenit *Distinctio Modalis*, qua unice ens a suis accidentibus discriminatur (§. 444.): attributa enim non sunt accidentia. Nec denique, quia essentia & ejus attributum non involvunt oppositas relationes, heic obtinet *realis distinctio analogica* (§. 447.). Removendæ itaque heic sunt omnes realis distinctionis species, prius explicatæ. Neque est quod quis dicat essentiam constituere conceptum rei primum, attributa secundos, & proinde differre ut prius & posterius, consequenter realiter. Nam quia posita essentia entis, attributa ponuntur (§. 343.),

343.), eique constanter insunt (§. 344.), impossibile est ut ullo temporis articulo concipiatur essentia absque suis attributis, quæ itaque tempore non sunt posteriora sua essentia. Neque hanc ob causam dicuntur conceptus secundis, sed quod per essentiam, ceu, conceptum suum primum, determinantur (§. 341.), h. e. pro modo nostro concipiendi, ex illa fluant, seu, in illa inveniant rationem sui sufficientem (§. 340.). Neque proinde magis proficies, *si putas ideo dari reale discrimen inter attributa & essentiam entis, quia omnia attributa realitates sunt* (§. 345.). Nam aliud est realitatem esse, aliud realiter ab ente distinctum esse: prius opponitur negationi & privationi (§. 280. 281.), posterius etiam alteri enti reali, ut patet ex antecedentibus.

Sed dicis tandem *nullius utilitatis esse hanc tantopere urgere doctrinam, quæ potius inter Scholasticorum otiosas subtilitates sit referenda*. Caveas, precor ne cum rerum ignaris proscribas omne, quod tradidère olim Scholastici, qui plura, etiam a recentioribus neglecta, maximi nonnunquam momenti judicia nobis reliquere, quæ distincte expressa & evoluta multum adjumenti præstant veritati, uti decet, dignoscendæ & investigandæ. Est præsens materia, etsi ex scholæ Doctoribus hausta, maximæ sane utilitatis: Si enim tam esset verum, quam est falsum reale dari discrimen inter essentiam entis & ejus attributa, quid quæso futurum putas, dum hæc doctrina ad Deum, qui ens est (§. 242.), applicatur? nonne posita realis distinctio inter essentiam & attributa realem Deo adfingeret compositionem, simplicissimæ Ejus inimicam naturæ?



turæ? Ita sine dubio. Vides itaque summæ necessitatis esse, quod de vero & genuino distinctionis modo inter essentiam & attributa entis statuitur.

## §. 454.

*Attributa entis re ipsa identificantur cum essentia ejus.* Illa enim re ipsa identificari dicuntur, quæ sunt re ipsa unum idemque, seu, quorum unum re ipsa est alterum. Quam ob rem, quum realiter distincta sint, quorum unum non est alterum (§. 435.), & non-realiter distincta opponantur realiter distinctis (§. 424.), perspicuum evadit eorum, quæ realiter non distinguuntur, unum re ipsa esse alterum (§. 426.), proindeque re ipsa identificari. Demonstratum autem modo est attributa entis ab essentia ejus realiter non distingui (§. 453.). Re ergo ipsa, cum essentia entis identificantur ejus attributa.

Alii hanc propositionem ita exprimere solent: *attributa implicant ipsam essentiam.* Ubi statim, & quidem recte observant id non fieri νοητικῶς, seu, conceptibiliter, sed πραγματικῶς, seu, realiter. Formaliter enim & inter se & ab essentia differunt attributa (§. 453.), hoc ergo modo illam hæc implicare nequeunt. Sensu hinc materiali & Physico, uti loqui amant, nihil invenitur in Deo, quod non est ipse Deus. Seu, ut Scholastici dicere solent, essentia Divina identificat sibi omnia, quæ sunt in Divinis. Hoc modo

modo coincidit Justitia Dei cum Ejus Misericordia, distinctione tamen rationis per conceptus suos se mutuo excludunt. Sensu itaque hoc identico & reali perinde est in qua perfectione Dei essentiam Ejus collocemus, sive in infinitate, sive in spiritualitate infinita, sive aseitatem, sive intellectione, sive in eo quod sit Ens Necessarium, continens in se rationem sufficientem existentiae hujus mundi, sive in alia Dei perfectione: singulae enim eandem simplicissimam exprimunt essentiam; sensu autem formali, h. e. pro nostro concipiendi modo, non est perinde in qua Dei perfectione ejus essentiam constituamus. Agendum enim heic est praemeditate, ut intentum finem eo melius & plenius obtineamus, Theologiam Naturalem demonstrative exhibitori.

*Objectio solvitur.* Sed ais: *Pugnat haec asserta realis attributorum & essentiae entis identitas cum theoria attributorum, prius explicata, qua asserimus duplicis generis esse attributa, propria scilicet & communia (§. 347.). Illa quidem, quia quolibet eorum posito, ponitur integra rei essentia (§. 351.), & sublatum tollitur (§. 352.), cum essentia identificari videntur; non tamen haec, quorum quolibet posito, non ponitur integra rei essentia (§. 356.), essentiam implicare possunt. Speciosum videtur hoc dubium, quod tamen nos non turbabit: Etenim primum scias in hac & praecedenti §:pho nos praecipue intelligere attributa entis in genere, h. e. Metaphysici, cujus omnia & singula attributa sunt propria (§. 361.), quae cum essentia identificari concedis. Deinde cogites nos non*

exclusa voluisse hujus vel illius entis attributa communia, sed inclusa potius: Nam ex universalis, qua in antecedenti §.pho usi sumus, demonstratione claret nullum attributum, siue proprium, siue commune fuerit, ab essentia sui entis realiter differre, & proinde, vi demonstrationis in præsentis §.pho, reipsa cum essentia identificari: nam facilis, sine dubio, concedis attributum commune identificari cum illo essentiali, vel, illis rei essentialibus, ex quibus pro nostro concipiendi modo determinatur (§. 356). sed quatenus unum rei essentiali separari nequit ab altero, salva manente rei essentia, eatenus simul largiri debes unum essentiali cum altero identificari, seu, constituere unam eandemque rem, & per consequens attributum commune quoque identificari cum essentia rei.

## §. 455.

Non ignotum est unam eandem *Distinctio* que unius entis virtutem, seu, facultatem, *virtualis*, contrarias haud raro edere operationes, h. e. ejusmodi, quas efficere aliis, eadem virtute non præditis, omnino impossibile sit, quo minus vel res ipsæ agentes, vel etiam vires earum, quibus egerint, reali simul subsistent distinctionis generi. Oritur hinc *Distinctio virtualis*, in eo consistens, quod notiones unius ejusdemque facultatis, seu, virtutis, quæ in uno eodemque est ente, formatæ in relatione ad diversos, quos edit, vel edere potest, effectus, non possunt sibi invicem, salvis omnibus, substitui.

Hujus distinctionis exemplum præbet vis solis expansiva, calefactrix, indurativa, & liquefactrix, nam una eademque est vis solis, quæ expandit, calefacit, indurat & liquefacit, licet pro diversitate reali, quæ inter hos intercedit effectus, diversas sortiatur notiones. Pari modo idem Dei verbum & eadem Ejus efficacia, dum odorem mortis & vitæ gignit 2 Cor. II: 16. duplicis hujus respectus distinctionem virtuales

*Usus Theologicus.*

fundat. In Deo *Justitia vindicativa*, qua nocentes ob delicta punit; & *Remunerativa*, qua facta creaturarum rationalium legi, a Se latæ, congrua, ex singulari gratia & benignitate, largiter compensat; ob hos diversos effectus, quorum intuitu formatæ sunt hæ notiones, nonnisi virtualiter differunt, quum, quoad Deum una eademque simplicissima sit virtus, qua pro diversitate objectorum, vel punit, vel gratiam largitur. Neque ab simili ratione inter se secernuntur reliqua Dei attributa *ἐνεργητικά*, seu, operativa, uti sunt, omniscentia, scientia media, Visionis, præscientia, benignitas, omnipotentia, omnipræsentia, cetera: Horum enim attributorum discrimen ex objectorum & effectuum, quæ eundem, diversitate depromitur. Attributa autem Dei *ἀνεργητικά*, seu, quiescentia, cujusmodi sunt: aseitias, immutabilitas, æternitas, simplicitas, cetera, formali solum distinctione a se removeri putaverim, quamvis non negem certo sensu de operativis quoque attributis formale valere discrimen.

Evoluta & explicata distinctionis virtualis notione, paucis quoque videndum, quousque alii, præ-

præsertim ex Veterum schola, nostris consentiant cogitatis. Primus nobis occurrit *Hurtadus de Mendoza*, qui Disp. Metaph. VI. Sect. III. §. 26:27. Distinctionem virtuales expositorius, duplex ejus constituit genus, *unum in ordine ad effectus*, aut prædicata extrinseca; *alterum in ordine ad se seu prædicata intrinseca*. Prius genus esse ait, *quo res præstat effectus plurimum, & in una virtute continet effectus plurimum virtutum*. Et hac præcipue de causa distinctionem virtuales dictam esse putat, Deo & creaturis communem. *Posterius genus* altius & nobilius esse prædicat, quod in solo Deo, nec, ut ille ipse, *Mendoza* scil. præ se fert, ultra tremendum S. S. Trinitatis mysterium reperitur. Ejusque rationem, consentientibus aliis, in hoc collocatam esse docet, *quod Ipse Deus in se habeat prædicata contradictoria, sub uno conceptu, ac sub alio, ita ut in se & in ordine ad suum intrinsecum esse, ita se Deus gerat, ac si esset compositus ex duobus entibus realiter distinctis*. Et hoc modo tres Divinitatis personas distingvi, quatenus illis oppositæ conveniunt relationes, Paternitas, Filiatio, Processus. Sed præterquam quod altius hoc & nobilius virtualis distinctionis genus ad realem distinctionem analogice sic dictam (§. 447.) pertineat, est etiam, ut recte monet cum *Musæo* in Metaph. cap. XXXIV. §. 63. *Hebenstreitius* in Phil. Prim. p. 926. rationi, sibi relicta, ignotum & impervium, a Christianis Philosophis, sive Scholasticis doctoribus ad ductum Christianæ fidei, qua in unitate essentiali Divinæ, tres personas profiteamur, majoris lucis ergo traditum, tantum ergo, cetera, quan-

tum ipsum Trinitatis Dogma, mysterium esse longe maximum. Hoc itaque nobis, distinctiones, ad quas ratio, sibi relicta, pertingit, evolvere studentibus in censum distinctionum venire nequit. Potius ergo retinemus prius illud, quod Mendozæ adprobatur, distinctionis virtualis genus, a nostro de eadem distinctione enunciato non nisi quia verba diversum, cetera ex asse idem. Hinc etiam nostræ convenienter assertioni dicit *Museus* l. c. in not. ad §. 61. p. 701. *Distinctionem virtualesse, quæ id, quod alias, secundum se simplex, adeoque re unum est idem, plures & diversissimæ naturæ effectus præstat, non secus ac si potentias, realiter distinctas completeretur.* Musæo iisdem fere verbis adstipulatur *Scharffius* in *Metaph. Exempl. L. II. Cap. XVI.* Neque dissentiunt *Donatus* in *Metaph. Usuali Cap. XV. §. 46.* *Thuronius* in *comp. Metaph. p. 258.* pluresque alii. Ut clarum adeo sit a nobis non immutatum esse termini usum, semel receptum;

### §. 456.

*Distinctio  
virtualis  
continetur  
sub distin-  
ctione ra-  
tionis.*

Per modum corollarii statim intelligimus *Distinctionem virtualesse sub distinctione rationis comprehendit.* Locum enim habet distinctio rationis, quando notiones, de eodem ente formatæ, sibi mutuo salvis omnibus substitui nequeunt (§. 448.) Sed *Distinctio virtualis* est, qua notiones de eadem unius entis facultate, in relatione ad diversos effectus, formatæ, sibi mutuo, salvis omnibus sub-

substitui nequeunt (§. 455.). Hæc ergo distinctio sub illa recte continetur.

Non tamen vicissim volumus omnem distinctionem rationis esse virtualem, modo enim evicimus (§. 453.) essentiam entis nonnisi formaliter differre ab ejus attributis, & per consequens, non nisi distinctione rationis (§. 451.). Quivis vero sua sponte facilis largitur essentiam ab attributis non differre, tanquam diversi effectus unius ejusdemque facultatis. Non ergo omnis distinctio rationis, statim est virtualis, sed hæc sub illa, tanquam species sub suo genere continetur.

### §. 457.

*Scholion generale.* Præter enumeratas & explicatas distinctionis rationis species, quidam huc etiam referre solent *Distinctionem modalem*, non prout illam (§. 444.) explicuimus, sed ut Donatus illam tradit (vid. not. ad §. cit.), quo sensu, quum sub nostra formali contineatur (§. 453.), non debuimus illam, tanquam novam, distinctionis rationis speciem assumere. Huic cum *Canzio* in Ontol. Polem. §. 39. adjungere pariter solent *Distinctionem suppositalem*, quæ impedit quominus notiones de essentia & ejus suppositalitatibus inseparabilibus, commutari queant. Quo modo dicunt personalitates Dei ab Ejus essentia distinguvi. Quia vero nemo aliquam personalitatum in Deo agnoscere potest pluralitatem, nisi qui simul

simul sciat tremendum Trinitatis mysterium, adparet hanc distinctionem suppositalem æque esse mysterii plenam, æque arduam, æque rationi, sibi relictæ imperviam, ac est ipsum hoc mysterium. Hanc ergo distinctionem, ne quid omisisse videamur, tantum nominare, pluribus autem explicare noluimus, intra Philosophiæ limites nostra coarctantes cogitata.

## CAPUT III.

DE

## QUALITATE ET QUANTITATE.

§. 458.

*Ratio in-*  
*stituti.*

**E**tsi doctrina de qualitate & quantitate Veterum Categoriis, quas in Logicis tradere, & ad entia tantum finita restringere solent, comprehendatur; non tamen potuimus non recentiorum heic legere vestigia, qui Veterum Categorias, ad justum universalitatis gradum evectas, ob universalem earum usum, in Metaphysicis explicant. Mox patebit ex ipso Metaphysices objecto, quod ens esse probavimus (§. 10.), pendere de qualitate & quantitate doctrinam, illamque idcirco in Metaphysicis jure meritoque exponi debere. Taceo quantis tenebris multa Metaphysices dogmata, hac hac non præmissa theoria, involverentur. Ne-

mo



mo enim non intelligit doctrinam de simili & dissimili, simplici & composito, toto & parte, mensura & mensurato, aliisque ejusmodi Metaphysices capitibus, sine qualitatis & quantitatis notitia digne explicari & tractari haud posse.

§. 459.

Omnis determinatio rei intrin- *Qualitas & seca*, quæ sine alio intelligi potest *quantitas* adsumto, *Qualitas* dicitur. *Quan-* *desiniuntur.* *titas* autem est determinatio rei intrinseca, quæ tantum dari, sed sine alio adsumto intelligi nequit. *Dari vero tantum posse* dicitur, cujus notionem habere nequis, nisi ubi idem actu præsens intuearis, notionem adeo absentis excitare non potes, nisi id retuleris ad aliud homogeneous præsens, sive datum.

Recte hoc modo definit Illustr. *Wolffius* in *Ontol.*

§.§. 452. 453, qualitatem & quantitatem. Certum enim est utramque involvere determinationem rei, non extrinsecam sed intrinsecam, hoc tamen discrimine, quod in qualitate intelligatur illa determinatio sine alio quodam assumto, in quantitate autem intelligi nequeat, nisi adsumatur aliud, ex quo illam determinate cognoscendi ratio pendet. Hinc qualitatis notio ita, teste experientia, animo infigitur, ut licet confusa fuerit, solis tamen verbis, vel termino, notionem confusam designante, reproduci & excitari possit. Ex. gr. coloris rubri notionem et si nonnisi confusam habeas, si tamen artifice dixeris, globum te desiderare rubrum, mox sine alio quodam dato, ad quod globum desideratum

referat artis peritius, intelliget qualem desideres, eoque etiam quæstioni, ab artifice institutæ, *quali colore tinctus desideretur globus?* satisfiat. At quantitatæ oppositæ est ratio. Nam si artifice dixeris, te cupere globum, quantitate præditum, ejus te irrisioni merito expones. Quis enim nescit globo aliquam tribuendam esse magnitudinem, sed quantam ex indeterminatis tuis verbis non dum intelligit artis gnarus. Quamprimum vero quantitatæ globi rationem ad datam exprimis quantitatem, statim, quantæ eum velis magnitudinis, capit artifex. Quod si ergo verborum beneficio quantitatæ notionem, alteri explicabilem, formare velis, quantitatem datam, illi homogeneam, pro unitate adsumas & illius ad hanc exprimas rationem.

P. *Bertius* in Log. Perip. L. I. Cap. VII. *Stratemannus* in System. Log. *Itterus* in synops. Log. *Saurius* in synragm. Log. alique plures ipsum *Aristotelem* L. Categ. Cap. VIII. secuti, definiunt terminum abstractum per concretum, *qualitatem* scilicet *per id secundum quid quale dicitur*. Sed hæc definitio, explicans idem per idem, contra regulas peccat Logicales, quæ docent terminum concretum non ingredi debere definitionem abstracti, nisi separata exhibeatur definitione: At heic vel plane non explicant quid sit *quale*, vel si illud explicare conantur, id multo majori involvunt confusioni, quam habet notio ejus confusa vulgaris. Ut adeo cum Dom. *Sanchiez* in log. *Arist.* comment. de Prædic. Q. 55. & *Bechmanno* in Log. *Aristot.* L. I. cap. VIII. hanc definitionem me-

rito rejiciendam esse judicemus. Nec majori præstantia se commendant definitiones qualitatis & quantitatis, a Thomistis vel in relatione ad consecutivum formæ & materiæ, vel unice ex consideratione entitatis accidentalis efformatæ; In his enim, nec justam deprehendes universalitatem, nec desideratam verborum & notionum partialium claritatem. Wolfianæ ergo, quas adduximus, nobis placent qualitatis & quantitatis notiones, nullo, quod Logica prescribit, laborantes vitio.

## §. 460.

Quoniam determinatio entis intrinseca aut talis est, ut sine alio assumpto intelligi possit, aut talis non est (§. 63.), sequitur *omnem determinationem entis intrinsecam aut qualitatem esse, aut quantitatem* (§. 459.), seu, inter qualitatem & quantitatem non dari mediam quandam determinationem intrinsecam.

*Inter qualitatem & quantitatem excluditur medium.*

Ex. gr. Ubi considero hominem, quatenus existit, determinatam habet corporis staturam, magnitudinem, determinatos virium animæ & corporis gradus, quæ omnes & singulæ determinationes eam habent indolem, ut non possint sine alio assumpto intelligi. Quantitatum itaque in numero sunt, non qualitatum. Habet insuper homo animam rationalem, corpusque organicum, hujusque certam partium coordinationem, illiusque certas facultates, utriusque vero determinatam harmoniam, quæ singulæ ho-

minis determinationes sine alio, mensuræ loco assumpto, intelliguntur, & qualitatum proinde non autem quantitatum classi accensentur.

### §. 461.

*Limites qualitatum & quantitatum.*

Per immediatam hinc elicitur consequentiam *omnem determinationem entis intrinsecam, a quantitate diversam, esse qualitatem & vicissim: omnem determinationem intrinsecam, a qualitate diversam, esse quantitatem.*

Limites, intra quos qualitates & quantitates continentur, hinc haud difficulter agnoscere poteris, modo præsentis teneas animo, quod antea (§. 459.) adduximus, inter qualitates & quantitates, discrimen.

### §. 462.

*Qualitatum extensio.*

Determinationum intrinsecarum numero continentur essentialia, attributa, & accidentia (§. 417.). Sunt vero qualitates determinationes rei internæ (§. 459.). *Omnes ergo determinationes internæ, siue essentialium, siue attributorum, siue accidentium nomine veniant, modo sine alio assumpto intelligantur, qualitatum comprehenduntur numero. (§. cit.)*

Ex. gr. in anima humana, conscientia sui & rerum externarum, qua essentia ejus absolvitur, est qualitas, facultates intelligendi, ratiocinandi, attendendi, volendi, libere agendi, ad attributa pertinent, & qualitatum etiam continen-

tur calculo. Habitus vero ratiocinandi & disputandi, eruditio, aliaque ejusmodi animæ accidentia, qualitaturn etiam titulo insigniuntur.

§. 463.

Qualitates itaque in *Essentiales Qualitates* & *Accidentales* recte dispescimus, <sup>essentiales</sup> quarum ~~illa~~ versantur circa deter- <sup>Acciden-</sup> minationes <sup>tales.</sup> essentiales & attributa, quæ sine alio assumpto intelliguntur; *bæ* determinationibus continentur accidentalibus, sine alio assumpto intelligibilibus.

Data heic opera sub qualitatibus essentialibus comprehendo attributa, quia hæc ab illis separari nequeunt (§. 344.), neque ab eis realiter differunt (§. 453.), sed re potius ipsa cum eisdem identificantur (§. 454.). Longe vero aliam habent accidentia indolem, illa namque inconstanter enti insunt (§. 366.), & reale ab essentia entis admittunt discrimen (§. 443.). Accidentia ergo non possunt non separatam ab essentiali constituere qualitatis classem.

Ceterum discrimen qualitaturn in essentielles & accidentales illustrat & confirmat quoque usus loquendi communis. Nam ad quæstionem; *quale quid sit?* respondemus & per essentialia & per accidentia, modo sine alio assumpto intelligantur; Ita, quærenti; *mens qualis est?* respondemus; *est cogitans*. Sciscitanti; *qualis est hic vir?* responsum dare solemus, *est eruditus*. Eruditio autem est accidens, quod sine alio assumpto intelligere licet. Neque ab hoc vulgari loquendi more penitus deflectunt; quos superior tu-  
lit

litetas, Philosophi. Docet namque *Strateman-*  
*nus* in *system. Log.* p. 313. qualitatem haud ra-  
 ro latissime sumi, *pro omni eo, quo res aliqua de-*  
*terminatur, qua ratione non tantum accidentia* (scil.  
 prædicamentalia, quæ, ut parte altera demon-  
 strabitur, sub se comprehendunt & attributa &  
 accidentia prædicabilia), *sed etiam substantiæ qua-*  
*litatum nomine veniunt.* Eandem qualitatis lati-  
 tudinem cum aliis concedit quoque *Saurius* in  
*syntagm. Log.* L. I. S. 2. Cap. II. p. 150.  
 Hinc est quod *Chauvinus* in *Lex. Phil.* doceat  
 qualitatem non raro vocari vel Essentialem, vel  
 accidentalem, ad illam referens rationem, de-  
 terminantem ipsam rei essentiam, huic vero ad-  
 tribuens rationem, determinantem aliquod ex-  
 tra essentiam.

## §. 464.

*Qualitatum  
 separabilitas  
 ab ente, vel  
 inseparabi-  
 litas.*

Essentiam cum attributis con-  
 stanter & inseparabiliter rebus in-  
 esse palam faciunt prius ostensa  
 (§. 329. 341.), accidentia vero in-  
 constanter & separabiliter rebus  
 competunt (§. 366.). *Qualitates ergo essentia-*  
*les constantes sunt, & a rebus ipsis separari*  
*nequeunt, accidentales vero inconstantem & a*  
*rebus ipsis separabilem possident indolem* (§.  
 463.).

Ex, gr. Facultas intelligendi, quæ animæ huma-  
 næ essentialis est qualitas, constanter eidem in-  
 est animæ, nec ab illa unquam separari potest.  
 Eruditio autem, quæ accidentalis animæ est  
 qualitas, more accidentium, inconstanter inest,  
 po-

potestque & adesse et abesse sine animæ interitu.

§. 465.

Quoniam qualitas accidentalis *Qualitatum* constituitur determinationibus ac- *accidenta-*cidentalibus (§. 463.); in tot illa re- *lium spe-*cte dispescitur classes, quot sunt ac- *cies.*cidentium, sine alio assumpto intelligibilium. Alia ergo accidentalis qualitas est *Perpetua*, quæ accidentibus perpetuis constat; alia *Temporaria*, quæ accidentibus absolvitur temporariis (§. 383.); alia est *Propria*, quæ accidentibus propriis; alia est *Communis*, quæ communibus constituitur accidentibus (§. 384.), ubique sine alio assumpto intelligibilibus.

Hoc modo gravitas, quæ omni corpori perpetuo sed accidentaliter competit, est qualitas corporis accidentalis perpetua. Calor autem corporis est qualitas ejus temporaria. Ars musicam exercendi in homine est ejus accidens proprium, efficitque qualitatem hominis propriam. E contra habitus demonstrandi est accidens hominis commune, qualitatis communis nomine insigniendum.

§. 466.

Dari attributa entis, in certas di- *Divisio es-*visi classes, & propria & commu- *sentialium*nia, palam fecere prius ostensa (§. *in propria*347.), illa ex omnibus rei essentiali- *Et commu-*bus, hæc nonnisi ex uno vel aliquot *nia.*

eorum determinantur (§. cit.); illa pluribus diversæ essentiae rebus competere nequeunt (§. 409.), hæc competere possunt (§. 411.). Quam ob causam, quia attributa entis realiter ab essentia ejus non differunt (§. 453.), sed, re ipsa, cum eadem identificantur (§. 454.), liquet *dari*, quem ad modum attributa, *sic essentialia & propria & communia entium, in certas divisorum classes*, quorum illa pluribus non conveniunt entibus separatarum classium, hæc autem pluribus ejusmodi competunt entibus.

Idem etiam ex identitate & diversitate essentiali (§. 418. 423.) colligitur, posita enim essentialium identitate, & simul separata entium classe, quia identitas vel omnimoda est, vel respectiva (§. 391.), ponenda est vel omnium essentialium convenientia, vel quorundam tantum, ceteris manentibus diversis (§. 392.) Quæ eadem sunt separatis classibus essentialia, non possunt non esse etiam illis communia, siquidem illud, communi loquendi more, *commune* nuncupatur quod pluribus competit. Quæ autem diversa sunt essentialia separatis classibus, h. e. uni classi competunt & non simul alteri, non possunt non cuilibet classi propria esse, quum illud vulgari sermonis usu proprium vocetur, quod pluribus non competit, sed uni & determinato enti, sive singulari, sive universali. Ut adeo abundo constet argumento nos recte discernere essentialia in propria & communia.

Hoc modo essentialia, quod animantibus brutis & ho-



homini est commune, corpore organico absolvitur, anima autem rationalis est essentialiale hominis proprium, brutis haud competens. Suo docebitur loco differentiam specificam, quæ species inter se distant, semper absolvi essentialibus propriis; genericam autem notionem, quæ simul quâmlibet ingreditur speciem, essentialia speciei communia constituere.

## §. 467.

Qualitates essentialis, quæ determinationibus essentialibus, sine alio assumpto intelligibilibus, absolvantur (§. 463.), rectissime hinc dispescimus in *Proprias & Communes* (§. 466.) quarum illæ essentialia propria, hæc communia, quæ sine alio intelligi possunt assumpto, complectuntur.

## §. 468.

Quod igitur numerum qualitatum concernit, palam faciunt modo evicta, pro quâlibet re tot constitui debere ejus qualitates, quot habet essentialia & attributa, quot etiam accidentia, sine alio assumpto intelligibilia. Quodlibet enim rei essentialiale, & quodlibet attributum, immo quodlibet accidens, quod sine alio assumpto intelligi potest, qualitatis venit nomine (§. 462.).

Certus ergo sum quaternarium, ab Aristotelicis defensitatum, qualitatum numerum, ut adæquatum, adprobari haud posse. Scilicet non plures nec pauciores volunt esse qualitatum species,

cies, quam quatuor. 1:o) *Habitum & dispositionem*. 2:o) *Potentiam naturalem et impotentiam*. 3:o) *Passionem & patibilem qualitatem*. 4:o) *Formam & figuram*. Ubi observant binas voces, quæ pro qualibet specie heic conjunguntur, non significare qualitates essentialiter, sed duntaxat accidentaliter, vel gradualiter, differentes, &, quia gradus non mutat speciem, non esse nisi quatuor species. Sed hanc suam sententiam nullo con-  
 digno probant, neque probare possunt argu-  
 mento, immo *Aristoteles*, quem, tanquam De-  
 um, fallere nescium, & erroris expertem vene-  
 rantur, haud obscure indicat ipse se dubitare de  
 quaternario hoc numero, a se posito: Ita enim  
 L. Catēg. cap. VIII. *Fortassis multo plures dan-  
 tur qualitatum species, sed hæ sunt, quæ maxime  
 fere in usu versantur*. Cæca scholasticorum tur-  
 ba arbitratur *Aristotelem* hæc verba modestiæ  
 non dubitationis causa protulisse. Quidam ta-  
 men eorum hunc qualitatum numerum non a-  
 deo sanctum putarunt, quin sibi liceret aliquid  
 in eo immutare. Sic *Marsilius Ficinus* quintam  
 speciem qualitatis, scilicet *determinantem*, seu,  
*qualificantem* addere voluit; alii sextam, qualita-  
 tem nempe essentialē proferunt. *Picolomineus*  
*habitum* ad relationem, *potentiam naturalem* ad  
 substantiam refert & redigere allaborat. Sed  
 linquamus hanc controversiam, ut nullius uti-  
 litatis, suo tamen loco exposituri, quod in hoc  
 quaternario numero ad Metaphysicam pertineat.

## §. 469.

Qualitates

Primitive

Ens suo conceptu comprehendi-  
 dere prædicata, & quæ ab alio prio-

ri

ri in eodem ente non determinan- & *Deriva-*  
 tur, & quæ ex his, tanquam priori- *tivæ.*  
 bus determinantur, suo demonstravimus loco  
 (§. 319.). Hoc fundamento nititur distinctio  
 inter qualitates *Primitivas & Derivativas.* Il-  
 læ sunt, quibus aliæ priores in ente concipi  
 nequeunt, unde ratio reddi possit, cur ei-  
 dem insint, seu, unde determinantur: *Hæ* sunt,  
 quarum reddi potest ratio ex qualitatibus a-  
 liis, quæ simul insunt, cur ipsæmet vel actu  
 insint, vel inesse possint. Has iterum dispen-  
 sare licet in *Necessarias & Contingentes.* Illarum  
 ratio sufficiens in primitivis, cur actu insint,  
 continetur. Hæ vero sunt, quæ in primitivis  
 tantummodo rationem habent, cur inesse pos-  
 sint, sive proximam, sive remotam.

Tradit hoc qualitatum discrimen Illustris *Wolfius*  
 §. 460. Ontol. Lat. quod retinendum esse judi-  
 cavi, non modo, quia fundamentum habere illud  
 deprehenditur in interna rerum natura, sed quia  
 multum quoque eis inservit, qui, in scriptis  
 Wolfianis recte intelligendis, laudandam collo-  
 cant operam.

# §. 470.

*Qualitates, quas vocavimus es-* *Ad quas per-*  
*sentiales, sub se comprehendunt qua-* *tinent qua-*  
*litates primitivas & derivativas.* *litatum clas-*  
*necessarias. Qualitates autem de-* *ses, antea*  
*derivativæ contingentes absolvuntur* *explicatas.*  
*adpellatione qualitatum accidentalium.* *Quali-*  
*tates*

tates enim essentielles sub se continent essentialia & attributa rei (§. 463): illa, quia prædicatis absolvuntur, quæ ab alio priori non determinantur (§. 320.), constituunt qualitates primitivas (§. 469.); Hæc, siquidem in essentialibus, cur enti insint, rationem habent sufficientem (§. 340.), derivativas necessarias efficiunt qualitates (§. 469.) Essentiales itaque qualitates sub se comprehendunt qualitates primitivas, & derivativas necessarias.

Contingentes autem, quæ dicuntur qualitates derivativæ, quia solum, quæ inexistenti possibilitatem, a primitivis (§. 469.), i. e. essentialibus (per dem.) dependent, accidentium classi adnumerandæ sunt (§. 364.), & proinde cum qualitatibus accidentalibus coincidunt (§. 463.).

Quod ergo ad illustrandas qualitates essentielles & accidentales adduximus (§. 463.), inservit quoque distinctioni qualitatum, mox traditæ (§. 469.), ut adeo plura hæc addere frustraneum judicemus.

#### §. 471.

*Nota*      *Nota* est quodvis prædicatum, seu *quid?* quævis rei determinatio, sive intrinseca, sive extrinseca, qua una res ab altera distinguitur..

Nihil magis in vita communi est usitatum, quam rem unam ab altera, vel extrinsecis vel intrinsecis, discernere, quorum quodlibet, *notam*, Sæthice *Tecken, Märke*, adpellare solemus: Il-

la namque a se mutuo distinguimus, quæ per  
diversos nobis exhibentur conceptus (§. 431 ;  
ubi itaque circa singularia versamur entia & fi-  
nita, conceptum eorum ingreditur omnimoda  
determinatio, tum ex intrinsecis tum ex ex-  
trinsecis haurienda (conf. 217.). Distinguun-  
tur ergo hæc entia non intrinsecis solum, sed  
extrinsecis etiam determinationibus. Hinc  
loci, temporis, aliarumque circumstantiarum  
diversitas nobis præbet notam distinguendi u-  
num ab altero, ubi vel ad interna non adtendi-  
mus, vel eorum nullam deprehendere licet di-  
versitatem. Hinc quoque in Arithmeticis no-  
tas numerorum vocamus externa illorum signa,  
in sensus incurrentia, quibus illa a se mutuo se-  
cernere solemus, quorsum pertinent literæ Al-  
phabeti apud Hebræos, Græcos, Latinos, apud  
Arabes vero hæc jam usitata signa: 1. 2. 3. 4.  
5. 6. 7. 8. 9. 0. quæ tamen, ut quilibet, vel non  
admonitus, intelligit, ipsam numerorum non  
ingrediuntur naturam, sed externe tantum affi-  
ciunt & denotant. Eodem plane modo Notæ in  
Musicis ipsos non ingrediuntur tonos, sed ex-  
terne tantum significant. Et quid multis? ho-  
minem ab homine non internis modo determi-  
nationibus, sed & externis, vestimentis, nata-  
lium loco, tempore, aliisque ejusmodi distin-  
guere solemus. Minus ergo judicamus necessa-  
rium rei manifestæ plura addere specimina.

§. 472.

*Nota rei Characteristica*, seu, *Nota chara-*  
*rei Character*, est quævis ejus in- *teristica*  
terna determinatio, unde agnosci- *quid?*  
tur & ab alia dignoscitur.

Græcum vocabulum *χαρακτης* a perf. pass. verbi *χαρασσω*, vel *χαραττω*, *sculpere*, *imprimere*, descendens, vi vocis significat notam impressam, vel insculptam, aut inscriptam. Dicitur hinc proprie de notis literarum, seu literis, æneæ vel ceratæ tabulæ inscriptis. Per metaphoram vero denotat quamlibet rei internam determinationem, qua agnoscitur & ab alia distinguitur. Aliter quidem sumitur hoc vocabulum ab Apostolo Paulo Hebr. 1. 3. ubi Filius Dei dicitur *χαρακτης ὑποστάσεως τῆς πατρὸς*, aliter, inquam, pro imagine, ab alio expressa, ut exacte cum eo conveniat, quia est Filius substantialis Patris imago, cum Pater in ipso se effigiarit, totam suam essentiam & majestatem Ei communicando, qua a Patre & Spiritu Sancto non distinguitur; certum tamen, per consequens, est, vocem *χαρακτης* hoc etiam loco, quo solo in Novo T. occurrit, denotare prædicata Divinitatis, quæ omnia Deo sunt interna, quibus etiam agnoscitur, & ab omni ente finito sufficientissime distinguitur. Putamus itaque in genuino suo sensu explicatam esse notam rei characteristicam, quam, ut ideam angustiore a latiori, distinguimus a nota in genere (§ 471.), quamvis rei determinationem sive externam, sive internam, sub se comprehendente. Hoc modo notam characteristicam, qua homo a brutis distinguitur, non collocamus in loci, temporis, aliarumque ejusmodi circumstantiarum diversitate externa, sed in rationalitate, aliisque internis determinationibus diversis, sive sine alio assumpto intelligi possint, sive minus. Justo itaque

non longe ab his de angust

angustior mihi videtur notæ characteristicæ notio, quam tradit *Schubertus* in *Instit. Metaph.* §. 190. existimans illam adpellari *id, per quod res in se spectata, in præcisione a collatione cum alia re, ab aliis discernitur.* Nam secundum hanc definitionem sequeretur, e notarum characteristicarum numero exterminandas esse determinationes internas, quæ sine alio assumpto intelligi non possunt; quæ tamen, teste experientia, facta rerum collatione, inserviunt discrimini earum evolvendo, quod data mox opera pluribus declarabo.

## §. 473.

Determinatio rei intrinseca nota *Notarum* tam ejus constituit characteristicam *characte-* (*§. 472.*); sunt vero internæ rei de- *risticarum* terminations vel essentielles, vel ac- *diversitas.* cidentales (*§. 417.*). Utræque ergo notarum characteristicarum veniunt nomine, & quæ idcirco sunt vel essentielles, vel accidentales.

Sic essentialis character hominis est rationalitas, qua ab animantibus brutis dignoscitur; eruditio autem accidentalis est, qua a rudi & indocto secernitur.

## §. 474.

Eodem liquet modo *notam cha-* *Notarum* *racteristicam esse vel qualitatem, vel* *characte-* *quantitatem.* Determinationes enim *risticarum* rei internæ sunt vel qualitates, vel *latitudo.* quantitates (*§. 460.*); Notæ autem characteristica determinationibus rei internis continen-

tur (§. 472.). Illæ ergo sunt vel quantitates, vel qualitates.

Qualitates notas esse rei characteristicas, seu rerum discrimini eruendo & stabiliendo intervenire, omnes, quantum constat, ultro largiuntur, nec minus hoc certum esse de quantitate experientia demonstrat obvia. Quis enim ignorat, nos diversa corporis magnitudine distinguere parvum Davidem a magno Goliatho; hominem puerum ab eodem adulto; equum parvum a magno; ejusdem alioquin formæ & coloris; globum ligneum exiguum, ab alio majore ejusdem materiæ; & sic in sexcentis aliis? nihil sane magis in communi vita est frequens, nihil magis usitatam. Neque est, ut cum *Schuberto* consideres notam characteristicam debere considerari in præcensione a collatione cum alia re: nam dicas mihi, precor, anne destinās notas hæc rebus, a se mutuo distinguendis? ita sine dubio. Nam hoc totidem affirmas verbis. *Discas itaque mihi, quæso, ulterius, quomodo unam rem ab altera distinguas? an sine ulla collatione mutua rerum? minime: Impossibile enim est unam rem ab altera distinguere, nisi utriusque habeas ideam, menti præsentem. Sed regeris te intelligere collationem cum tertiâ re, tanquam mensura.* Sit hoc, licet non sequatur ex tuis verbis in allata definitione notæ characteristicæ; non tamen necesse est, quando res quantæ distinguendæ sensibus offeruntur externis, ut aliam adhibeas mensuram, quam quantum unum in relatione ad alterum. Et ubi eadem res quantæ sensibus tuis non sistuntur præsentem, non tamen ignoras alteram esse altera majorem; tum

ite-



iterum, solum ex idea majoris & minoris, quam habes tibi perspectam, colligere vales alteram ab altera esse discretam v. gr. si tibi dico duos mihi esse equos rubros, alterum tamen majorem & altiore altero; nonne tunc statim judicabis illos a se mutuo esse distinctos? nonne etiam oblata occasione poteris duos istos equos a se mutuo dignoscere? Ita sine dubio. Sed tandem urges, *quamlibet notam characteristicam debere in se, sine alio assumpto, habere intelligibilitatem, quia alias nec differentia alteri explicari, nec ens obitum a nobis agnosci poterit, nisi detur illud extrinsecum, sine quo intelligi nequit. Et quum quantitas hanc habeat naturam, sequitur illam non esse notam characteristicam.* Verum fateor, quantitatem in se & sine alio extrinseco assumpto intelligi haud posse, inde tamen sequi nequit, illam non esse notam rei characteristicam, nisi ex tua hac novæ notæ characteristicae explicatione, quam non adprobo, argumentare volueris. Non enim nego, posita hac tua explicatione, quantitatem esse e numero notarum characteristicarum eliminandam, nego tamen id sequi, admissa, quam nos adprobavimus, definitione, usui recepto maxime accommodata.

## §. 475

Qualitates essentielles constan- *Quando no-*  
tes sunt, & ab ente, cui com- *te caracte-*  
petunt, inseparabiles; acciden- *risticae sunt*  
tales autem inconstantes & separa- *constantes,*  
biles (§. 46+). Sed sub notarum *quando in-*  
characteristicarum numero conti- *constantes?*  
nentur, qualitates (§. 474.). Hæ ergo, si essen-

tiales sunt, constantes; si vero accidentales, inconstantes exhibent notas characteristicas.

Tum in definitionibus condendis, tum etiam in judiciis accurate instituendis & a se mutuo determinandis, maximæ est utilitatis nosse discrimen inter constantes & inconstantes notas rei characteristicas, quod, saltem generaliter consideratum, neminem fugere potest, modo non ignoret qua inter se distent ratione essentialia & accidentia.

§. 476.

*Ratio quantitatum est in eodem ente obvia, in qualitatibus qualitas. Ratio, quam habent quantitates, numerum est referenda.* Ratio, quam sentu heic mathematico sumimus, est mutua inter duas quantitates homogeneas ratio, qua attendimus quoties una alteram continet, vel una in altera continetur. Illam itaque sine tertio homogeneo assumpto intelligimus. Est vero hæc ratio, quia, per hypothesin, datur inter quantitates, in eodem ente obvias, determinatio quædam hujus entis interna (§. 201.), & quidem, per mox dicta, sine alio assumpto intelligibilis. Qualitas ergo recte nuncupatur (§. 459.).

Sic quærenti quale sit triangulum? recte respondemus, vel æquilaterum, vel æquicrurum, vel scalenum, h. e. quod vel omnia ejus latera sint in ratione æqualitatis inter se, vel bina in ratione æqualitatis, tertium in ratione inæqualitatis, vel omnia tria in ratione inæqualitatis. Ut

adeo

adeo certum fit, nos etiam communi usu numerare rationem quantitatum inter qualitates. Nec quicquam heic occurrit difficultatis, modo non confundantur quantitates ipsæ cum earum ratione; illæ non possunt sine alio assumpto intelligi, hæc vero sine ullo extraneo intelligi potest. Nam si ex. gr. dico A est ad B in ratione dupla, tripla, vel quadrupla, determinata quantitate ipsius A vel B, statim etiam quantitas ipsius B vel A ex mutua, quæ illas intercedit, relatione, sine tertio, ut patet, intelligibili assumpto, determinatur. Ipsæ vero quantitates ipsorum A & B, scorsim spectatæ, non possunt sine tertio assumpto intelligi, quum & majores & minores esse queant, salva manente eadem ratione. Sic si dico A esse ad B in ratione dupla, potest A esse 2. & tunc B est 1, si A est 4. B est 2. A. 6. B. 3. A. 8. B. 4. &c. est enim ubique eadem ratio dupla  $2:1 = 4:2 = 6:3 = 8:4$ . Intelligis ergo quantitates ipsas esse mutabiles, salva manente eadem ratione, hanc ergo cum illis non esse confundendam.

## §. 477.

Declarata, quantum satis videtur, qualitatum natura in genere, ad quantitatem plenius evolvendam nos conferimus, primum observantes *quantitatem esse vel essentialem vel accidentalem*. Illa continetur determinationibus essentialibus & attributis rei, quæ sine tertio assumpto intelligi nequeunt; Hæc determinationibus absolvitur accidentalibus, quas sine ex-

trapeo quodam assumpto intelligere haud licet. Omnis enim determinatio rei interna vel ad essentialia, vel ad attributa, vel ad accidentia pertinet (§. 417.); Omnis autem quantitas est determinatio rei interna (§. 459.); Quantitas ergo vel circa essentialia & attributa, vel circa accidentia rei versatur. Memoratum idcirco discrimen admittit quantitatis consideratio.

*Objectiones* Sed objicis: Recte quidem statuitur de-  
*soluuntur.* terminationem entis internam vel in es-  
 sentialibus & attributis, vel in acciden-

tibus esse numerandam; quatenus tamen non omnis determinatio interna, sed illa solum, quæ sine alio assumpto non est intelligibilis, quantitatis venit nomine (§. 459.), & nondum est ostensum dari determinationem essentialem, sine alio assumpto non intelligibilem; casus nondum tuto colligitur quantitatem dari essentialem. Ostendit vero adserti nostri veritatem principium exclusi medii, quo recte affirmamus determinationem rei essentialem, vel in se sine alio assumpto gaudere intelligibilitate, vel non. Neutrum aliquid involvit contradictorii (§. 43.), utrumque igitur est possibile (§. 124.) Regebris: *Essentia enti constanter competit* (§. 329.) & immutabiliter, quantitas vero omnis capax est & augimenti & decrementi, nulla ergo datur essentialis. Sic globus major & minor constitui potest salva manente ejus essentia. Sed distingueas inter quantitatem in abstracto consideratam, quatenus nulli inesse concipitur enti, sed ipsa ut ens aliquod merum quantum exhibetur; & inter eandem in concreto spectatam, quatenus certo inest enti, ut ejus determinatio intrinseca, vel essentialis, vel

acci-

accidentalis. Priori sensu omnis quantitas, prout eam concipiunt Mathematici in Mathesi pura, augeri potest & minui. Posteriori autem considerata sensu augeri nequit & minui, nisi fuerit accidentalis. Sic numerus laterum, quæ aliquam includent figuram, in abstracto si spectatur, potest & major & minor statui; ubi vero consideratur ut triangulo essentialis, ternario neque major, neque minor esse potest. Sic impossibile quoque est, ut concipias globum non quantum, possibile tamen est, ut eum vel majorem, vel minorem in singulari, i. e. accidentaliter concipias. Quid de extensione corporis judicas? estne corpori essentialis? sine dubio. Sed quid est extensio? involvitne partium multitudinem? Ita. At facile concedis multitudinem plurium esse quantitatem, simul ergo largiri debes extensionem esse quantitatem, & quidem essentialem. Vides ergo dari quantitates essentielles, neque magis implicat quantitatem hanc vel illam in singulari dicere incrementi & decrementi capacem, & tamen consideratam, ut huic enti essentialiter competentem, esse essentialem; quam contendere extensionem posse augeri & minui, & tamen esse corpori essentialem. Tandem scias omnia entia finita, quibus unice competit quantitas, ut suo demonstrabitur loco, non solum quâ accidentia sua, sed etiam quâ essentiam, quam possident, esse limitata, habere ergo determinatum & finitum prædicatorum essentialium numerum, fixum eorum gradum, quem transcendere non possunt. Hoc perpendens acutissimus *Erh. Veigelius* in sua *Phil. Mathem.* sect. 1. Det. 8. p. 32. dicit quanta-

tita-

titatem esse determinatam rationem entium finitorum.

§. 478.

*Quantitas* Essentiam & attributa constanter quando vel & inseparabiliter (§. 329. 344.), accidens, accidentia vero inconstanter & separabiliter (§. 366.) rebus competere, vel inconstans. evincunt prius demonstrata. *Quantitates ergo essentielles constanter & inmutabiliter, accidentales vero inconstanter & mutabiliter rebus competunt (§. 477.).*

Ad quantitates essentielles pertinent limitationes originariæ, quæ per essentiam rebus insunt finitis. Huc etiam referri debet extensio corporis, quia sine illa nullum est, nec esse potest corpus. Eodem modo certus & definitus gradus intelligendi in homine, quem per essentiam suam transcendere nequit, quantitas est essentialis, ipsique homini constanter competit, & inseparabiliter. Ubi autem eadem facultas ad habitum continuo exercitio deducitur, tunc diversi, quos in illo observare licet, gradus quantitatum accidentalium classi adnumerantur, quatenus ipse habitus inconstans est & separabilis. Eidem accensetur classi hæc vel illa corporis cujusdam magnitudo, quæ nunc major, nunc minor esse potest, salva manente corporis specifica natura.

§. 479.

*Ratio quantitatum,* Ratio, quam habent quantitates essentielles in eodem ente obvia,

*in qualitatum essentialium numero quando est  
est referenda: Quam autem qualitas.  
habent quantitates accidentales, in eodem ente  
quæ dantur, in qualitatum accidentalium ve-  
niunt computum. Est enim ratio, quam ha-  
bent quantitates in eodem ente obviæ, qua-  
litas (§. 476.). Si vero ratio ista datur inter  
quantitates essentielles, constanter & immuta-  
biliter; sin autem inter quantitates accidenta-  
les locum habet, inconstanter & separabiliter  
enti competit (§. 478.). Est ergo illo casu qua-  
litas essentialis, in hoc vero accidentalis (§.  
464.).*

Notum est, quod in parte altera copiosius osten-  
detur, essentiam extensi ingredi partes exten-  
sas, quare quæ inter illas est ratio, qualitatis  
essentialis nomine recte venit. Hoc modo ratio  
æqualitatis, quæ inter tria latera in triangulo  
æquilatERO datur, est eidem triangulo qualitas  
essentialis. Idem etiam ex Mechanicis illustrari  
potest. Sit aliqua machina composita, v. gr.  
horologium, ex pluribus rotis, aliisque parti-  
bus quantis essentialiter constans, sit quoque,  
quum variæ horologiorum dentur species, cer-  
ta eorum species atque determinata. Jam vero  
ex Mechanicis novimus, ad omnem machinam,  
diversis constantem partibus, requiri certam at-  
que determinatam partium rationem: alias e-  
nim, quod absurdum, ex quacunque ratione  
partium eadem construi posset machina, ex. gr.  
sint partes machinæ A, B, C. &c. ratione par-  
tium non observata, eadem specie componi qui-

ret

ret machina, sive esset A ad B, ut unum ad duo, sive ut duo ad unum, sive ut unum ad tria, & B ad C ut unum ad quatuor, sive quatuor ad unum, sive 5 ad 8 &c. quod nemo non absurdum intelligit. Postulatur itaque ad certam & determinatam machinæ vel horologiorum speciem, certa atque determinata rotarum omnium & partium ratio, qua mutata, speciem non solum horologii mutari necesse est, sed & interdum, prout ratio variat, ex horologio non horologium evadere. Evidens itaque certam atque determinatam rationem partium, rotarumque inter se, certæ atque determinatæ machinæ qualitatem essentialem & quidem propriam (§ 467.) constituere. Ubi vero horologium movetur ponderibus, quæ ex funibus suspenduntur, tunc, quia longitudo funium major vel minor, æqualis vel inæqualis, est respectu horologii accidens, ratio, quam habent inter se longitudo funium, quibus diversa suspenduntur pondera, sive æqualitatis, sive inæqualitatis, est qualitas horologii accidentalis.

## §. 480.

*Qualitates  
eædem &  
diverse.*

*Qualitates eædem* dicuntur, quæ eadem communi exhibentur notione. *Diverse* autem, quæ una communi notione exhiberi nequeunt.

Eadem enim in genere diximus, quæ prædicatis sibi mutuo conveniunt (§. 389.), diversa autem, quæ prædicatorum involvunt disconvenientiam (§. 390.). Quam ob rem, quia ex Logicis constat, illa inter se prædicatis convenire, quæ una communi exhibentur notione, illa autem prædicata-



dicatis differre, quæ una communi tradi nequeunt notione; manifestum evadit recte explicatas esse qualitates easdem & diversas. Et profecto si ad notionum vel identitatem vel diversitatem non attenderemus, dijudicaturi an qualitates sint eadem, vel diversæ, impossibile plane foret ullum heic fixum ferre iudicium, quod omne notionum, vel convenientiæ, vel disconvenientiæ innititur. Sic facultas intelligendi in angelo & in homine eadem est qualitas, quatenus una communi notione in utroque subjecto exhibetur, per potentiam scilicet distincte sibi res representandi. Eadem ratione habitus demonstrandi, qui *Euclidi*, & ille, qui *Archimedi* competit, eadem est qualitas, cui eadem communis respondet notio. Voluntas vero et intellectus in homine sunt diversæ qualitates, quia eis diversæ conveniunt notiones.

## §. 481.

*Internum qualitatum earundem discrimen, quod quidem in illis cadere potest, salva illa identitate, quantitas est.* Cuilibet enti sua competit essentia (§. 329.), & quidem una, non multiplex (§. 333.), quæ non nisi una eademque exprimenda est, ut Logica docet, notione, seu definitione. Et quia vicissim definitione non exhibenda sunt, nisi rei omnia essentialia, vel quæ loco essentialium esse possunt; liquet qualitates easdem, quatenus eadem communi definitione exhibentur (§. 480.) præ-

ciales sunt, constantes; si vero accidentales, inconstantes exhibent notas characteristicas.

Tum in definitionibus condendis, tum etiam in judiciis accurate instituendis & a se mutuo determinandis, maximæ est utilitatis nosse discrimen inter constantes & inconstantes notas rei characteristicas, quod, saltem generaliter consideratum, neminem fugere potest, modo non ignoret qua inter se distent ratione essentialia & accidentia.

§. 476.

*Ratio quantitatum est in eodem ente obvia, in qualitatibus qualitas. Ratio, quam habent quantitates, numerum est referenda.* Ratio, quam sensu heic mathematico sumimus, est mutua inter duas quantitates homogeneas ratio, qua attendimus quoties una alteram continet, vel una in altera continetur. Illam itaque sine tertio homogeneo assumpto intelligimus. Est vero hæc ratio, quia, per hypothesin, datur inter quantitates, in eodem ente obvias, determinatio quædam hujus entis interna (§. 201.), & quidem, per mox dicta, sine alio assumpto intelligibilis. Qualitas ergo recte nuncupatur (§. 459.).

Sic quærenti quale sit triangulum? recte respondemus, vel æquilaterum, vel æquicurum, vel scalenum, h. e. quod vel omnia ejus latera sint in ratione æqualitatis inter se, vel bina in ratione æqualitatis, tertium in ratione inæqualitatis, vel omnia tria in ratione inæqualitatis. Ut

adco

adeo certum fit, nos etiam communi usu numerare rationem quantitatum inter qualitates. Nec quicquam heic occurrit difficultatis, modo non confundantur quantitates ipsæ cum earum ratione; illæ non possunt sine alio assumpto intelligi, hæc vero sine ullo extraneo intelligi potest. Nam si ex. gr. dico A est ad B in ratione dupla, tripla, vel quadrupla, determinata quantitate ipsius A vel B, statim etiam quantitas ipsius B vel A ex mutua, quæ illas intercedit, relatione, sine tertio, ut patet, intelligibili assumpto, determinatur. Ipsæ vero quantitates ipsorum A & B, scorsim spectatæ, non possunt sine tertio assumpto intelligi, quum & majores & minores esse queant, salva manente eadem ratione. Sic si dico A esse ad B in ratione dupla, potest A esse 2. & tunc B est 1, si A est 4. B est 2. A 6. B 3. A 8. B 4. &c. est enim ubique eadem ratio dupla  $2:1 = 4:2 = 6:3 = 8:4$ . Intelligis ergo quantitates ipsas esse mutabiles, salva manente eadem ratione, hanc ergo cum illis non esse confundendam.

## §. 477.

Declarata, quantum satis videtur, qualitatum natura in genere, ad quantitatem plenius evolvendam, nos conferamus, primum observantes *quantitatem esse vel essentialem vel accidentalem*. Illa continetur determinationibus essentialibus & attributis rei, quæ sine tertio assumpto intelligi nequeunt; Hæc determinationibus absolvitur accidentalibus, quas sine extraneo

trapeo quodam assumpto intelligere haud licet. Omnis enim determinatio rei interna vel ad essentialia, vel ad attributa, vel ad accidentia pertinet (§. 417.); Omnis autem quantitas est determinatio rei interna (§. 459.); Quantitas ergo vel circa essentialia & attributa, vel circa accidentia rei versatur. Memoratum idcirco discrimen admittit quantitatis consideratio.

*Objectiones* Sed objicis: Recte quidem statuitur de-  
*solvuntur.* terminationem entis internam vel in es-  
 sentialibus & attributis, vel in acciden-

tibus esse numerandam; quatenus tamen non omnis determinatio interna, sed illa solum, quæ sine alio assumpto non est intelligibilis, quantitatis venit nomine (§. 459.), & nondum est ostensum dari determinationem essentialem, sine alio assumpto non intelligibilem; caetenus nondum tuto colligitur quantitatem dari essentialem. Ostendit vero adserti nostri veritatem principium exclusi medii, quo recte affirmamus determinationem rei essentialem, vel in se sine alio assumpto gaudere intelligibilitate, vel non. Neutrum aliquid involvit contradictorii (§. 43), utrumque igitur est possibile (§. 124.) Regeris: *Essentia enti constanter competit* (§. 329.) & immutabiliter, quantitas vero omnis capax est & augmenti & decrementi, nulla ergo datur essentialis. Sic globus major & minor constitui potest salva manente ejus essentia. Sed distingueas inter quantitatem in abstracto consideratam, quatenus nulli inesse concipitur enti, sed ipsa ut ens aliquod merum quantum exhibetur; & inter eandem in concreto spectatam, quatenus certo inest enti, ut ejus determinatio intrinseca, vel essentialis, vel

acci-

accidentalis. Priori sensu omnis quantitas, prout eam concipiunt Mathematici in Mathesi pura, augeri potest & minui. Posteriori autem considerata sensu augeri nequit & minui, nisi fuerit accidentalis. Sic numerus laterum, quæ aliquam includent figuram, in abstracto si spectatur, potest & major & minor statui; ubi vero consideratur ut triangulo essentialis, ternario neque major, neque minor esse potest. Sic impossibile quoque est, ut concipias globum non quantum, possibile tamen est, ut eum vel majorem, vel minorem in singulari, i. e. accidentaliter concipias. Quid de extensione corporis judicas? estne corpori essentialis? sine dubio. Sed quid est extensio? involvitne partium multitudinem? Ita. At facile concedis multitudinem plurium esse quantitatem, simul ergo largiri debes extensionem esse quantitatem, & quidem essentialem. Vides ergo dari quantitates essentielles, neque magis implicat quantitatem hanc vel illam in singulari dicere incrementi & decrementi capacem, & tamen consideratam, ut huic enti essentialiter competentem, esse essentialem; quam contendere extensionem posse augeri & minui, & tamen esse corpori essentialem. Tandem scias omnia entia finita, quibus unice competit quantitas, ut suo demonstrabitur loco, non solum quâ accidentia sua, sed etiam quâ essentialiam; quam possident, esse limitata, habere ergo determinatum & finitum prædicatorum essentialium numerum, fixum eorum gradum, quem transcendere non possunt. Hoc perpendens acutissimus Erh. *Veigelius* in sua Phil. Mathem. sect. 1. Det. 8. p. 32. dicit quanta-

titatem esse determinatam rationem entium finitorum.

§. 478.

*Quantitas*. Essentiam & attributa constanter quando vel & inseparabiliter (§. 329. 344.), accidens, cidentia vero inconstanter & separabiliter (§. 366.) rebus competere, evincunt prius demonstrata. *Quantitates ergo essentielles constanter & immutabiliter, accidentales vero inconstanter & mutabiliter rebus competunt (§. 477.).*

Ad quantitates essentielles pertinent limitationes originariae, quæ per essentiam rebus insunt finitis. Huc etiam referri debet extensio corporis, quia sine illa nullum est, nec esse potest corpus. Eodem modo certus & definitus gradus intelligendi in homine, quem per essentiam suam transcendere nequit, quantitas est essentialis, ipsique homini constanter competit, & inseparabiliter. Ubi autem eadem facultas ad habitum continuo exercitio deducitur, tunc diversi, quos in illo observare licet, gradus quantitatuum accidentalium classi adnumerantur, quatenus ipse habitus inconstans est & separabilis. Eidem accensetur classi hæc vel illa corporis cujusdam magnitudo, quæ nunc major, nunc minor esse potest, salva manente corporis specifica natura.

§. 479.

*Ratio quantitatum*, Ratio, quam habent quantitates essentielles in eodem ente obvia,

*in qualitatum essentialium numerum est referenda: Quam autem quando est qualitas. habent quantitates accidentales, in eodem ente quæ dantur, in qualitatum accidentalium veniunt computum. Est enim ratio, quam habent quantitates in eodem ente obviæ, qualitas (§. 476.). Si vero ratio ista datur inter quantitates essentielles, constanter & immutabiliter; sin autem inter quantitates accidentales locum habet, inconstanter & separabiliter enti competit (§. 478.). Est ergo illo casu qualitas essentialis, in hoc vero accidentalis (§. 464.).*

Notum est, quod in parte altera copiosius ostendatur, essentiam extensi ingredi partes extensas, quare quæ inter illas est ratio, qualitatis essentialis nomine recte venit. Hoc modo ratio æqualitatis, quæ inter tria latera in triangulo æquilatelo datur, est eidem triangulo qualitas essentialis. Idem etiam ex Mechanicis illustrari potest. Sit aliqua machina composita, v. gr. horologium, ex pluribus rotis, aliisque partibus quantis essentialiter constans, sit quoque, quum variæ horologiorum dentur species, certa eorum species atque determinata. Jam vero ex Mechanicis novimus, ad omnem machinam, diversis constantem partibus, requiri certam atque determinatam partium rationem: alias enim, quod absurdum, ex quacunque ratione partium eadem construi posset machina. ex. gr. sint partes machinæ A, B, C. &c. ratione partium non observata, eadem specie componi qui-

ret

ret machina, siue esset A ad B, ut unum ad duo, siue ut duo ad unum, siue ut unum ad tria, & B ad C ut unum ad quatuor, siue quatuor ad unum, siue 5 ad 8 &c. quod nemo non absurdum intelligit. Postulatur itaque ad certam & determinatam machinæ vel horologiorum speciem, certa atque determinata rotarum omnium & partium ratio, qua mutata, speciem non solum horologii mutari necesse est, sed & interdum, prout ratio variat, ex horologio non horologium evadere. Evidens itaque certam atque determinatam rationem partium, rotarumque inter se, certæ atque determinatæ machinæ qualitatem essentialem & quidem propriam (§ 467.) constituere. Ubi vero horologium movetur ponderibus, quæ ex funibus suspenduntur, tunc, quia longitudo funium major vel minor, æqualis vel inæqualis, est respectu horologii accidens, ratio, quam habent inter se longitudo funium, quibus diversa suspenduntur pondera, siue æqualitatis, siue inæqualitatis, est qualitas horologii accidentalis.

## §. 480.

*Qualitates eadem & diverse.*

*Qualitates eadem* dicuntur, quæ eadem communi exhibentur notione. *Diverse* autem, quæ una communi notione exhiberi nequeunt.

Eadem enim in genere diximus, quæ prædicatis sibi mutuo conveniunt (§. 389.), diversa autem, quæ prædicatorum involvunt disconvenientiam (§. 390.). Quam ob rem, quia ex Logicis constat, illa inter se prædicatis convenire, quæ una communi exhibentur notione, illa autem prædicata-



dicatis differre, quæ una communi tradi nequeunt notione; manifestum evadit recte explicatas esse qualitates easdem & diversas. Et profecto si ad notionum vel identitatem vel diversitatem non attenderemus, dijudicaturi an qualitates sint eadem, vel diversæ, impossibile plane foret ullum heic fixum ferre iudicium, quod omne notionum, vel convenientiæ, vel disconvenientiæ innititur. Sic facultas intelligendi in angelo & in homine eadem est qualitas, quatenus una communi notione in utroque subjecto exhibetur, per potentiam scilicet distincte sibi res repræsentandi. Eadem ratione habitus demonstrandi, qui *Euclidi*, & ille, qui *Archimedi* competit, eadem est qualitas, cui eadem communis respondet notio. Voluntas vero et intellectus in homine sunt diversæ qualitates, quia eis diversæ conveniunt notiones.

## §. 481.

*Internum qualitatum earundem discrimen, quod quidem in illis cadere potest, salva illa identitate, quantitas est.* Cuilibet enti sua competit essentia (§. 329.), & quidem una, non multiplex (§. 333.), quæ non nisi una eademque exprimenda est, ut Logica docet, notione, seu definitione. Et quia vicissim definitione non exhibenda sunt, nisi rei omnia essentialia, vel quæ loco essentialium esse possunt; liquet qualitates easdem, quatenus eadem communi definitione exhibentur (§. 480.) præ-

*Discriminis  
qualitatum  
earundem  
natura.*

præcisis subjectis, quibus insunt, tanquam entia eadem, qualitatibus inter se convenientia (§. 384.), considerari posse. Sed quicquid ens interne determinat, seu, quicquid enti inest (§. 201.), vel qualitas est, vel quantitas (§. 460.). Entia ergo ista nullo alio interno discrimine inter se distare possunt quam quantitate, quæ, quum qualitas non sit (§. 461.), salva, quæ supponitur, qualitarum identitate, in illa cadere potest, diversa. Perspicuum itaque hinc evadit, quod demonstrandum erat, internum qualitarum earundem discrimen, quod quidem in illas cadere potest, salva illa identitate, quantitatem esse.

Ex. gr. Calor æstatis & hyemis eadem est qualitas, quatenus ei, ut novimus, una communis respondet notio; æstivum tamen ab hyemali distinguere solemus, certa utriusque quantitate, quam notissimo instrumento, quod Thermometrum vocamus, determinare solemus. Nec alia desunt exempla, quibus præsens illustratur thesis. Ponamus, quod experientia duce ponere omnino licet, Graccum & Sempronium, ejusdem ætatis & institutionis juvenes, omni, qua possunt, adhibita attentione, certam suo intellectu conari eruere propositionem theoreticam, v. gr. Prop. XVI. El. XIII. Ponamus etiam Graccum 15 minutis primis eandem intelligere propositionem, quam post 30 denum minuta suo intellectu capit Sempronius, licet & ille & hic omnem dictis temporibus continuaverit attentionem; recte colligimus facultatem

in-

intelligendi in Gracco esse duplo majorem eadem in Sempronio, seu illam se ad hanc habere ut duo ad unum, seu, esse in ratione temporum inversa, utramque ergo admittere aliquam definitam, qua una ab altera discrepet, quantitatem, quæ tamen communem harum qualitatum naturam non immutat.

## §. 482.

Per *Terminum* vel *Limitem* *Termini* vel id intelligimus, quod alicujus rei *Limitis* definitio. est extremum, seu, ubi id, quod hætenus ponebatur, cessat & desinit, vel incipit quod antea non erat: Vel etiam cum Illustr. *Wolfio* in Ontol. Lat. §. 468. *Limes* est id, ultra quod nihil in re concipere licet, ad eandem pertinens.

Sic Linea A — B, quæ ut extensio longa ponitur, quæ longitudinem incipit & desinit in punctis A & B, ultraque nihil concipere licet, ut ad hanc lineam pertinens; nam quoad latitudinem est ipsa sibi terminus, seu, quod idem est, quoad latitudinem nullos habet terminos, quum in illa hoc respectu nihil concipere licet diversi, quamdiu non Physice sed tantum Geometricè spectatur. Eodem modo facultas nostra intelligendi terminos possidet, habet enim, experientiam testor, in quo incipiat & in quo desinat, & ultra quod nihil, ut ad illam pertinens, concipere licet.

## §. 483.

Quicquid in re concipitur, ut *Limes* quoad illam pertinens, internæ determinatæ & minime

*quantitas.* minationis venit nomine (§. 201.), quæ cum sit vel quantitas vel qualitas (§. 460.), perspicuum evadit limites versari vel circa qualitatem, vel circa quantitatem (§. 482.), & in utraque defectum involvere alicujus ulterioris (§. cit.).

Illustrationis gratia pertinent huc, quæ modo adduximus exempla ad §. præced.

#### §. 484.

*Limes est* Involvit limes defectum ulterioris, vel in qualitate, vel in quantitate (§. 483.), quæ utraque determinatio intrinseca est (§. 459.). Limes ergo, utrique competens, in determinationum intrinsecarum computum venit rei, cui tribuitur. Quivis vero suâ perspicit sponte, defectum ulterioris cujusdam non intelligi posse, nisi eundem præsentem actu intueamur, absentem vero ad aliud quid homogeneous datum referamus. Est itaque *Omnis Limes quantitas* (§. 459.).

Ne quid huic desit assertioni perspicuitatis, animus ad exempla advertas, ubivis obvia. Nam si quis tibi dicat hanc vel illam lineam involvere defectum ulterioris, videlicet, in longum extensionis, facilis video te illum, ita loquentem, intelligere non posse, nisi aliud ille mensuræ loco assumat, unde determinate scire poteris lineæ datæ in extensione lineari defectum, qui itaque aliud quam certam denotare nequit quantitatem. Simili modo, quando quis dicit tibi intellectum Gracci aliquem involvere ulte-

rioris

rioris defectum, eum profecto non intelliges, nisi coram tibi demonstret aliquod exemplum, in quo & incepit & desiit Gracii intelligendi vis, vel etiam hanc referas ad aliam similem in Sempronio qualitatem, cujus determinatam, quam habet, quantitatem, animo perspectam tenes. Ut adeo manifestum fiat, te hunc ulterioris defectum quantitatis instar merito considerare. Idem illustrent alia sexcenta, quæ præstant, exempla, sed ulteriori explicatione non indiget defectus, quem loquimur, ulterior.

## §. 485.

**Limes qualitatis *Gradus* dicitur, *Definitio* seu, limites qualitatum earundem *Gradus*. *Graduum* veniunt titulo.**

**Gradus**, quam dedimus, notionem genuinam esse exempla loquuntur per plurima. Calorem esse corporum qualitatem novimus, cujus limites, Thermometro determinatos, communissima adpellatione gradus vocare solemus, haud raro dicentes alium esse gradum caloris hodie, quam heri, hoc anno, quam præterito, hæc anni tempestate, quam alia. Eodem modo celeritati, quæ qualitas est corporis moti, certos tribuimus limites, quos gradus adpellant Physici. Facultates intelligendi, ratiocinandi, attendendi qualitates esse nemo ignorat, quibus tamen in certis subjectis certos tribuimus limites, graduum nomine denotatos: Quo enim quis diutius ad eandem rem attendere valet, h. e. quo longius attentionis limites, quoad tempus, ex-

tendere potest; quo pluribus rebus vel simul vel successive attentionem tribuere valet; quo denique minori labore hæc peragere potest, eo maiorem attentionis gradum cum possidere censemus, in casibus autem oppositis eo minorem. Ubivis itaque gradus involvit limitem qualitatis, ubivis ergo conspicitur, quam allegavimus, gradus notio. Competunt etiam extensis & magnitudinibus sui limites, quos tamen nemo vocat gradus, sed figuras, ut nemo in Geometria vel parum versatus ignorat, & a nobis parte altera apertius commonstrabitur.

Recepto igitur usu communi admodum firma est gradus, quam exhibuimus, notio, ut vix credam veteribus illam ignotam fuisse Philosophis, licet eam & sibi & aliis distincte exhibere non potuerint. Inter omnes vero, quos mihi perlustrare contigit, distinctius hanc rem persequitur *Nicol. Hunnius*, Celebratissimus ante 126 annos, & quod excurrit, *Wittenbergensium S. S. Theol. Doctor & Professor*, in suis Canonibus Log. cap. II. p. 99: ubi ostensurus notissimum canonem: *magis & minus non variat speciem*, hæc habet verba: *Magis & minus idem est, quod remissio & intensio, ex qua subiectum vel magis vel minus tale adpellatur, & proprie qualitatum est, que NB. secundum Gradus intenduntur & remittuntur.* Secundum hunc ergo Philosophum, gradus est intensio, vel remissio qualitatum, h. e. quum omnis intensio & remissio, secundum receptum usum, indicent defectum ulterioris, liquet Hunnium nihil voluisse aliud dicere, quam gradum esse limitem qualitatis. Hunnio nobis quo circa gradus explicationem optime convenit

nit *Dan. Stahlus* in Tab. Metaph. p. 25. explicaturus secundum mentem Aristotelis similia; dicit illa esse, quorum una, sed eadem est qualitas, non tamen in eodem gradu, ut duo alba, quorum unum magis, alterum minus album. Ad mentem ergo *Stahlus* gradus versabitur circa qualitates easdem, secundum magis & minus, h. est, ut *Jacobus Martini* in Exercit. Metaph. L. I. p. 442. eandem rem explicat, secundum quantitatis modum, & per consequens, ut mox visuri sumus, secundum certam limitationem. *Fonseca* in L. VIII. Metaph. Cap. III. Q. I. in eo occupatus, an detur vera intensio & remissio formarum? per totum discursum haud obscure indicat, sibi animo obversatam fuisse eandem gradus notionem, quam nos statuimus, eam licet non nisi confuse introrspexerit: Per formas enim cum intelligere qualitates docent, quæ illustrationis gratia, adducit exempla, scientiæ, habitus, virtutis, caloris, ostendit quoque promiscua terminorum, formæ & qualitatis usurpatio. Hinc quod formam vocat in quaestione prima, qualitatem in secunda adpellat: Jam vero contendit Sect. I. Q. I. p. 470. T. III. omnes concedere necessariam esse latitudinem aliquam interiorum graduum perfectionis in iis formis, quæ intenduntur & remittuntur. Tribuit ergo qualitibus, de quibus, secundum mentem ejus, prædicatur intensio & remissio, latitudinem aliquam perfectionis, vel, ut clarius se explicat Sect. III. p. 471. naturalem terminum perfectionis. Qualitatem autem eatenus intendi statuit Qu. II. sect. III. p. 476. quatenus subjectum novum aliquem ejus gra-

## §. 487.

Hinc, quem ad modum antea in §. 477. observavimus quantitatem omnem in abstracto spectatam, vel majorem, vel minorem esse posse, ita gradus, sub eadem, abstracta scilicet, consideratione spectatus & major & minor esse potest (§. 486.), vel, ut alii loqui amant, *Intensior*, vel *Remissior*. Est enim gradus limes qualitatis (§. 485.), involvit itaque aliquem ulterioris in qualitate defectum (§. 482.). Ubicunque vero aliquod adesse potest ulterius, ibi id, ut totum in partes divisum, vel quasi divisum concipimus. *Intensior* ergo, vel *Major*, locum habet gradus, quando qualitatem in alias quasi partiales divisam concipimus, & harum jam plures adsunt, quam in alio gradu homogeneo, qui ideo, facta cum illo comparatione, *Remissior* est vel *Minor*.

Ita in opticis Lumini, quod qualitatem esse novimus, remissionem & intensitatem attribuimus, dicentes *intensius* esse lumen, quod majorem vis illuminatricis quantitatem habet; *Remissius* vero, quod minorem ejusdem vis possidet quantitatem. Hinc, ubi per regulas Logicales abstrahimus remissionis & intensificationis graduum generales notiones, ad eas devenimus, quas modo proposuimus.

## §. 488.

Quantitatem æque ac qualitatem esse vel essentialem vel acci-



*accidentalis.* dentalem docuimus (§. 477. 463.); est vero gradus quantitas qualitatum earundem (§. 486.). Gradum ergo in Essentialem & Accidentalem recte dispescimus. *Ille* est quantitas essentialis qualitatum earundem essentialium, seu, est limes qualitatis essentialis (§. 485.); *hic* est quantitas accidentalis qualitatum earundem accidentalium, seu, est limes qualitatis accidentalis (§. 485.).

Sic gradus essentialis animæ est limitatio ejus originaria, quam per suam habet essentialiam, & quam superare nequit, speciatim vero facultati intelligendi, quæ animæ est qualitas essentialis, gradum tribuimus essentialem, quatenus limites agnoscit, ultra quos in distinctis ideis formandis, evolvendis & resolvendis progredi nequit. Habitus vero, quos constanti eorundem actuum repetitione, acquirit anima, sunt qualitates ejus accidentales, incrementi & decrementi capaces, quarum ergo certi limites exhibent nobis exempla graduum accidentalium.

## §. 489.

*Affectiones gradus essentialis & accidentalis.* Tum quantitates, tum qualitates essentielles rebus constanter & inseparabiliter competere demonstravimus (§. 478. 464.), accidentales vero inconstanter & separabiliter suis inesse subjectis (§. §. cit.). Nemo ergo non intelligit *Gradus essentielles non posse ab ente, cui conveniunt, eodem salvo, separari, sed constanter ei inesse; Gradus autem accidentales posse ab*

*ab ente, cui competunt, eodem salvo, separari, & inconstanti ei inesse ratione (§. 488.).*

Hoc modo determinatus facultatis intelligendi gradus, qui animæ humanæ essentialiter competit, ab illa separari nequit, neque eundem ulla sua opera transcendere & immutare valet anima. Habitus vero v. gr. attendendi gradus, qui animæ accidentaliter convenit, experientia teste, variæ subiectus est mutationi, varium increscendi & decrescendi modum agnoscit, immo totus fere evanescere potest, remanente solum potentia.

Perbrevis hæc de gradu essentiali deductio non sane displicebit *Leibnitio* atque *Wolffo*, qui contendunt, & quidem, quantum assequor, non male, essentialiter differre simplicia entia gradibus repræsentationum, qui universam immutant, uti loquuntur, repræsentationem, h. e. qui dependent ex limitatione originaria cujuslibet entis simplicis, quam illud, salva manente specie, transcendere nequit. Nec in veteri Metaphysica infrequens est res, gradum differentes essentiali, in diversis collocare speciebus. Sic aquam & glaciem, quæ gradu consistentiæ discrepant, in diversis posuerunt veteres speciebus summis, corporum solidorum scilicet & fluidorum. Eodem modo aqua & aer, diversæ densitatis gradu differentes, in diversis collocantur fluidorum speciebus. De gradu vero accidentali, qui differentiæ specificæ contradistinguitur, & strictiori sensu gradus a multis vocari solet, valet veterum Philosophorum canon; *gradus non variant speciem*. Sed de hac re insequentibus plura.

§. 490.

*Scholion generale.* Multa quidem adhuc restare videntur ad plenariam quantitatis theoriam, animo insinuandam, uti sunt discrimen inter quantitatem virtutis & molis, inter quantitatem discretam & continuam, aliaque his adnexa, quæ tamen singula commodius in sequentibus exponentur, ubi unius & continui exhibuimus ideas. Impræsentiarum vero nobis sufficiat generalem qualitatis & quantitatis tradidisse theoriam.

## CAPUT. IV.

DE

## SIMILI ET DISSIMILI, ÆQUALI ET INÆQUALI.

§. 491.

*Similium  
& dissimilium  
definitio.*

**P**arata jam in antecedentibus via, ad similiam & æqualium, eorumque oppositorum theoriam, brevi evolvendam deductione, & sequentium usui plurimum sane inservituram, nos accingimus. Quocirca omnium primo tuemur *Similitudinem* consistere in identitate qualitatum, *Dissimilitudinem* autem in qualitatum diversitate. Ut adeo *similia sint entia*, quæ e-  
asdem

asdem habent qualitates; *Diffimilia* vero, quæ diversis gaudent qualitatibus.

Hoc modo omnes inter se homines similes pronunciamus, quatenus easdem habent animæ rationalis & corporis organici qualitates essentielles, seu, quatenus in eo conveniunt, quod habeant animam rationalem corpusque organicum. Sic etiam nivi & cerussæ, quatenus ratione qualitatis, quæ albedo dicitur, inter se conveniunt, similitudinem adsignamus. Nivi autem & carbonibus, quatenus ratione coloris inter se discrepant, dissimilitudinem tribuimus.

Esse vero, quas dedimus, similibum & dissimilibum notiones Philosophis, etiam antiquissimis, usitatas, haud difficile probabit in scriptis eorum vel parum versatus. *Euclides* enim *El. VI. D.*

*I.* similes dicit figuras rectilineas, quæ & angulos singulos singulis æquales habent, atque etiam latera, quæ circum æquales angulos, proportionalia. Jam vero ex *Prop. XXXIII.*

*El. VI.* perspicue intelligimus æquales esse angulos, qui eandem habent ad quatuor rectos, seu ad circumferentias circulares, ex vertice angulorum descriptas, rationem. Proportionalia autem esse latera, quæ in eadem sunt ratione. Quare, quum ratio, quam habent quantitates in eodem ente obviæ, in qualitatum numerum sit referenda (§. 476.), facile intelligimus *Euclidem* adplicasse generalem similibum definitionem, qua illa per convenientiam qualitatum explicantur, ad similitudinem figurarum rectilinearum determinandam, seu, hanc similitudinis *Euclidæ* notionem non continere nisi illius, quæ generalis est, ad objecta specialia,

lia, figuras videlicet rectilineas, adplicationem, quam ergo dedimus, similitudinis definitionem, menti Euclidis ex affe convenire, *Aristoteles* L. V. Met. Cap. XV. ex suis categoriis discrimen inter eadem, similia & aequalia traditurus, *Eadem* adpellat, quorum una est substantia; *Similia*, quorum una est qualitas; *Aequalia*, quorum una est quantitas. Non tamen tam constans est hæc similitudinis definitio, a prædicamento accidentis desumpta, quin etiam putet idem similitudinem ad substantias quoque extendi. Hinc L. X. Metaph. Cap. IV. ait *similia esse tantum eadem* & L. II. de anima tit. 34. *numquodque viventium aliud sibi simile procreare, animal quidem animal, plantam vero plantam*. Hisce ergo aliisque ex *Aristotele* Locis in unam collectis summam, similia erunt, quæ eadem habent qualitates, sive essentielles, sive accidentales. In qua latitudine, menti *Aristotelis* conformi, an *Scholastici* & *Aristotelici* similitudinis sumant vocabulum, mox explicandi dabitur locus.

## §. 492.

*Similitudinis & dissimilitudinis intelligibilitas.*

Antea vidimus (§. 459.) qualitatem esse determinationem rei intrinsecam, quæ sine alio assumpto intelligi potest. Absolvitur ergo similitudo identitate, & dissimilitudo diversitate determinationum intrinsecarum, quæ sine alio assumpto intelligi possunt.

Definit hinc *Illustr. Wolfius* §. 195. Ontol. similitudinem per identitatem eorum, per quæ entia a se invicem discerni debebant; Entibus

autem, a se invicem discernendis, destinat intrinseca, quæ sine alio extra eadem assumpto intelligi possunt. Wolfiana ergo similium definitio cum nostra ex æsse coincidit, quod etiam ex reciprocatione, quam idem instituit Illustris Auctor §. 464. Ontol. inter identitatem qualitatum & similitudinem, abunde elucescit. Neque a nobis, vel quæ verba, dissentit Illustris *Leibnitius*, P. II. Tent. Theod. §. 212. dicens similia esse, quæ secundum qualitates non differunt. Hoc ideo monendum judicavi, ne quis putet nos in controversia de principio indiscernibilium, mox instituenda, tribuere his viris in orbe erudito celebratissimis sensum similium, a mente eorum alienum.

§. 493.

Quantitatem non esse qualitatem *Quantitas omnes ultro largiuntur, & palam faciunt prius ostensa (§. 461.), constituantur vero similia qualitatum identitate (§. 491.). Identitas ergo vel diversitas quantitatis notionem similium non ingrediuntur, neque per hanc illæ determinantur (§. 194.). Possunt itaque similia, salva sua similitudine, quantitate vel discrepare vel convenire.*

Sic nemo in Geometricis vel parum versatus ignorat, figuras circum æquales angulos, latera habentes proportionalia, h. e. figuras similes El. VI. D. I. quantitate vel differre vel convenire posse. Nam si secundum Prop. 2. El. VI. ducitur linea in triangulo, parallela ad unum ejus latus, oriuntur

untur duo triangula similia, quorum alterum pars alterius, adeoque quantitate inter se differunt, salva similitudine. Ubi vero secundum Prop. XVIII. El. VI. super data recta linea, æquali alteri rectæ, super qua descripta est figura rectilinea, delineatur alia figura rectilinea, illi similis & similiter posita, utraque figura rectilinea & similis & æqualis prodit. Plura, brevitate ergo, sciens prætereo exempla. Nemo enim non intelligit similia posse & diversam & eandem possidere quantitatem.

## §. 494.

*Externæ  
determina-  
tiones simi-  
lia non con-  
stituunt.*

Absolvitur similitudo qualita-  
tum identitate (§. 491.); sunt vero  
qualitates determinationes rei intrin-  
secæ, non autem extrinsecæ (§. 459).  
Hæ ergo similitudinem non ingre-  
diuntur; seu, quod idem est, *possunt similia,  
salva sua similitudine, extrinsecis differre de-  
terminationibus.*

Quadrat huc exemplum, quod habet Illustr. Wol-  
fius §. 27. Arithm. Ponamus duo horologia por-  
tabilia, inter se prorsus similia, eorum unum  
possideat Titius, alterum Cajus. Quod si Cajus  
in præsentia Titii horologium suum depromat,  
næ is attonitus sibi persuadebit, horologium su-  
um esse, quod Cajus manu tenet, at diversum a  
suo agnoscet, ubi & suum depromit. Horolo-  
gium ergo suum ab horologio Caji, salva, quæ  
inter illa est, similitudine, distinguit diversita-  
te loci, qui in determinationum extrinsecarum

numerum venit. Eodem modo Petrum & Paulum homines, salva, quæ inter eos intercedit, similitudine, diversa, quam uterque habet, ad distinctos parentes relatione, a se mutuo fecerimus.

## §. 495.

In similitum, quem ad modum *Similitum & dissimilitum* definitione, duo consideranda veniunt, *identitas vel diversitas*, & *qualitas*, quæ propria determinatione duas efficiunt *similitum & dissimilitum* condivisiones. Et primum quidem, ratione identitatis vel diversitatis, quæ vel omnimodæ sunt vel respectivæ (§. 391. 393.), alia *Omnimode similia* sunt, quæ omnium omnino qualitatum, quæ eis conveniunt, possident identitatem; alia *Respective similia*, quæ quarundam, quæ eis competunt, qualitatum habent convenientiam, ceteris manentibus diversis. Pari ratione *omnimode Dissimilia* vocantur, quæ omnium omnino qualitatum, quæ eis conveniunt, tenent diversitatem. *Respective* autem *Dissimilia* adpellantur, quæ quarundam qualitatum, quæ eis competunt, tenent diversitatem, ceteris manentibus iisdem.

Non nisi terminos heic explico, distinctius jam evoluturus an & quousque eis sua conveniat realitas.

## §. 496.

*Duo entia omnimode dissimilia* *Omnimode dari*



*Diffimili- dari nequeunt.* Quoniam per hypo-  
*lium repu-* thesin sunt duo entia, ideoque in  
*gnantia.* eo conveniunt, quod existentia eis  
 non repugnet (§. 226.), per consequens abso-  
 luta possibilitate (§. 228.), & ad existendum  
 aptitudine (§. 141.), inter se differre neque-  
 unt. Absoluta autem hæc possibilitas, unde  
 dependet existendi aptitudo, omni inest enti  
 (§. 228.), atque ideo est cujusvis entis inter-  
 na determinatio (§. 201.), quæ sine extraneo as-  
 sumpto ex ipsis ideis partialibus, sibi mutuo  
 non repugnantibus, intelligi potest (§. 135. conf.  
 §. 106.). Est itaque illa absoluta possibilitas cu-  
 jusvis entis communis qualitas (§. 459.). Sed  
 quæ omnimode statuuntur dissimilia, nullam  
 admittunt vel ullius qualitatis communiter  
 (§. 495.). Duo ergo entia omnimode dissimi-  
 lia dari nequeunt.

Quod ad huic similem observatum legitur pro-  
 positionem (§. 394.), hæc quoque observet ve-  
 lim attentus lector, in avia ne abeat cordi ha-  
 bens.

#### §. 497.

*Diffimilitu-* Omnimoda entium diffimilitu-  
*do non nisi* do infert omnium qualitatum di-  
*respectiva* versitatem, respectiva autem tanti  
*datur.* non est rigoris (§. 495.). Per no-  
 tiones ergo suas sibi mutuo & contradictorie  
 opponuntur (§. 43.) omnimode & respective  
 dissimilia. Aut igitur illa, aut hæc locum ha-  
 bent

bent (§. 63.): Sed non illa (§. 496.); hæc ergo tantum, seu, *omnis, quæ inter entia locum invenit, dissimilitudo, est non nisi respectiva.*

Ejusmodi respectiva dissimilitudo inter hominem & animalia bruta datur: Differunt enim rationalitate, ceterisque, inde quæ pendent, qualitatibus, conveniunt vero corpore organico & reliquis, quæ inde dimanant, qualitatibus. Recte ergo Abrah. Calovius in Script. Phil. p. 60. *Deprehenditur quædam convenientia eorum, quæ sunt sub entitatis ratione, quatenus omnia, quæ sunt, a non esse discedunt & elongata sunt: ac rursus quædam dissimilitudo, quatenus creaturæ a se invicem, & a Deo creatore differunt.*

§. 498.

*Quæcunque sunt respectively dissimilia, illa alio respectu sunt similia, & vicissim, quæ respectively sunt similia, illa alio respectu sunt dissimilia.* Quæ enim sunt respectively dissimilia quarundam qualitatum admittunt disconvenientiam, ceteris manentibus iisdem (§. 495.); sed qualitates, quæ manent eadem, ceteris disconvenientibus, respectivam efficiunt similitudinem (§. cit.). Quæcunque ergo respectively sunt dissimilia, illa respectu qualitatum, quæ in illis sunt eadem, similitudine gaudent. Q. E. U. Quæ sunt respectively similia, illa quarundam tenent qualitatum convenientiam, quarundam disconvenientiam (§. cit.)

cit.); quædam autem disconvenientes qualitates, ceteris convenientibus, respectivam inferunt dissimilitudinem (§. cit.). Quæcunque ergo respective sunt similia, illa respectu reliquarum, quas possident, qualitatum, dissimilia dici merentur Q. E. A.

Ubi animum ad has advertimus theses, & simul attendimus ad immensum rerum, quæ in hac universitate existunt, dissimilium numerum; non possumus non veterum adsentiri Philosophorum regulis: *Omne simile est etiam dissimile*; item: *omne simile claudicat*; vel, *nullum simile currit quatuor pedibus*; quibus & hanc addere licet: *omne dissimile est quoque simile*. In his enim regulis non de omnimoda, sed respectiva rerum similitudine & dissimilitudine, ut quivis sua intelligit sponte, sermo est.

#### §. 499.

*Respective similitudine illa qualitibus, quibus differunt, discrimen. quantitate, & determinationibus extrinsecis a se mutuo distingui possunt.* Nam quæ sunt similia, salva sua similitudine, quantitate (§. 493.) & extrinsecis determinationibus (§. 494.) differre possunt. Sed inter hæc respective similia datur quarundam qualitatum, quantitatum quoque & extrinsecarum determinationum discrimen (per hypoth.), duo etiam plurave entia & intrinsecis, quæ qualitatum & quantitatum veniunt nomine (§. 460.),

et

et extrinsecis, quibus differant determinationibus, a se mutuo distingui possunt (§. 433.). Quæ ergo respective sunt similia, illa qualitatibus, quæ in illis sunt diversæ, & determinationibus extrinsecis a se mutuo distinguuntur.

Inter Cajum v. gr. & Titium homines respectiva locum habet similitudo, qua ad unam eandemque referuntur speciem; hac tamen salva, differre possunt quibusdam qualitatibus, v. gr. eruditione, animi candore, morum integritate, aliisque ejusmodi, vario etiam harum qualitatum gradu, corporis magnitudine, natalium loco, aliisque ejusmodi extrinsecis determinationibus, ut adeo experientia ubivis obvia satis sit firmum, quod præsentī statuimus positione.

#### §. 500.

*Si duo plurave existunt entia omnimode similia, quæ quantitatem admittunt & determinationes extrinsecas, salva sua omnimoda similitudine distinguuntur & extrinsecis illis determinationibus, utrobique diversis.* Nam quæ dantur similia, salva sua similitudine, quantitate differre possunt & extrinsecis determinationibus (§. 493. 494); sed ponuntur heic entia omnimode similia, quæ quantitatem admittunt & extrinsecas determinationes, utrobique diversas (per hypoth.). His ergo a se mutuo distingui possunt duo plurave entia omnimode similia, salva sua omnimoda similitudine (§. 443.).

Ita si deprehendimus duo v. gr. ædificia non modo quâ colorem & reliquum extrinsecum adparatum omnem, quem sine alio intelligere licet assumpto, sed quâ intrinsecam singularum partium rationem, ordinem & constitutionem exactissime convenire; discrimen eorum communiter petimus ex quantitatis, loci, temporis, aliorumque adjunctorum, seu circumstantiarum, diversitate, qua observata, judicamus unum altero esse majus, unum in harum rerum vel ædium vicinia esse collocatum, alterum in aliarum; unum hoc tempore esse exstructum, vel dirutum, alterum alio; unum igne consumptum, alterum vehementissimo vento destructum, vel aliis modis deletum; unum ab his hominibus esse inhabitatum, alterum ab aliis; his & hujusmodi aliis extrinsecis unum ab altero secernere solemus, salva eorum similitudine, quæ deprehenditur omnimoda.

Sin vero quis obvertat nobis ejusmodi ædificia omnimode similia haud dari, non ergo opus esse tam sollicita eorum enumeratione modorum, quibus a se mutuo discriminentur; scit is præsentis positione omnimode similium nos neque actualitatem neque possibilitatem defendere, sed sub hypothese solum, si existerent, vel existere possent, inquirere, quo illa pacto a se mutuo distinguerentur; adsumtæ vero hypotheseos indolem mox plenius examinaturi sumus.

§. 501.

*Quantitas  
definitur  
in relatio-*

Quantitas est interna entium determinatio (§. 459.); sed quantitate distingui possunt omnimode similia, sal-

salva sua similitudine (§. 500.). Est i- ne ad si-  
taque *quantitas internum discrimen milia.*  
*omnimode similia.* Et vicissim, quia omni-  
mode similia includunt omnium qualitatum  
convenientiam (§. 495.), nihilque enti inter-  
ne præter qualitates & quantitates competere  
potest (§. 460.); *omnimode similia non aliud*  
*discrimen internum agnoscunt, quam quanti-*  
*tatem.* Docet Logica definitum cum sua defi-  
nitione esse debere reciprocum, notasque cha-  
racteristicas, cum definito reciprocas, ejus  
constituere definitionem. *Quantitatem* ergo  
definire possumus per *discrimen internum o-*  
*mnimode similia.*

Hanc ob causam definit Illustris *Wolffius* §. 348.

Ontol. *Quantitatem* per internum similia di-  
scrimen. Nos vero inter omnimodam & res-  
pectivam similitudinem statuentes differentiam,  
ad quam non attendit *Wolffius*, quantitatis de-  
finitionem, ex relatione ad similia adornandam,  
restringere debuimus ad omnimode similia,  
quum respectivè similia, sub similibus in ge-  
nere comprehensa, præter quantitatem aliud  
quoque agnoscant internum discrimen, ex qua-  
litatibus hauriendum (§. 499.).

§. 502.

*Duo plurave entia omnimode si-* *Quæ omni-*  
*milia, quæ quantitatem & extrin-* *mode similia*  
*secas omnes respuunt determinatio-* *existere ne-*  
*nes, existere nequeunt.* *queunt.* Omnes e-  
nim entium determinationes sunt vel intrin-  
secæ,

secæ, vel extrinsecæ (§. 201.); illæ autem sunt vel qualitates, vel quantitates (§. 460.), & per hypothesin nostræ propositionis, experia ponuntur entia, duo vel plura; omnimode similia, tum quantitatis, tum omnium determinationum extrinsecarum. Omnes ergo, quas habent & habere possunt hæc entia determinationes, seu prædicata, non nisi qualitatum continentur numero (§. 63.). Hæc autem omnia et singula, ne unica quidem excepta, quia supponuntur entia omnimode similia, inter se ex asse convenire debent (§. 495.). Duo itaque plurave entia omnimode similia, quæ quantitatis & extrinsecarum determinationum non sunt capacia, omnimode, seu absolute, sunt eadem (§. 391.); sed ejusmodi entia existere nequeunt (§. 395.). Neque ergo existere possunt duo plurave entia omnimode similia, quæ quantitatem & extrinsecas omnes respuunt determinationes.

Absolvitur quidem omnimoda identitas in iis entibus, quæ cum intrinsicis extrinsecas haud respuunt determinationes, harum omnium convenientia (§. 414.); ubi tamen omnia, ut in præsentī casu, remonentur extrinseca, cum eo intrinseco, quod quantitatis habet nomen, non potest non identitas omnimoda qualitatum unice, earumque omnium absolvi convenientia, adeoque hoc casu cum omnimoda coincidere similitudine, & hæc vicissim cum illa. Ut proinde fortissima concludendi vi gaudeat demonstra-

stra-

stratio nostræ thesæos, quæ quidem propius accedit ad principium recentioris Philosophiæ indiscernibilem, quam prior illa, qua negavimus duo absolute eadem existere posse (§. 395.); adhuc tamen inter memoratum principium nostramque præsentem thesin occurrit aliquod discriminis: illud enim ponit omnimode similia existere non posse, sive admittant quantitatem & extrinsecas determinaciones, sive minus; hæc negat illa existere omnimode similia, quæ quantitatis & extrinsecarum determinationum sunt expertia; hanc defendimus ut veritati congruam, illud ut demonstrationi & experientiæ repugnans rejicimus.

## §. 503.

*Duo plurave entia omnimode similia, quæ quantitatem & extrinsecas admittunt determinaciones, mutuo & omnimode in istis duobus entibus convenientes, existere nequeunt.* *Alter modus, quo omnimode similia repugnant.* Omnia enim prædicata, seu determinaciones omnes, quæ enti quocunque modo conveniunt, vel intrinsecæ, vel extrinsecæ sunt (§. 201.): illæ sunt vel qualitates, vel quantitates (§. 460.), hæc neque qualitatibus, neque quantitatibus ingrediuntur numerum (§. 459.). Per hypothesein vero hæc duo entia sunt omnimode similia, adeoque omnium qualitatibus absolvuntur identitate (§. 495.); possident etiam (per hypoth.) quantitatem & extrinsecas determinaciones omnes mutuo & ex asse con-



venientes. Omnium ergo & singulorum, quæ eis conveniunt, prædicatorum, seu determinationum, constituuntur convenientia. Et proinde sunt omnimode eadem (§. 391.); per consequens, dari seu existere nequeunt (§. 395.).

Videlicet ob eandem rationem his omnimode similibus repugnat existentia, ac antea vidimus (§. 395.) omnimode eisdem eandem competere haud posse: Quoniam omne, quod inter entia datur & dari potest discrimen, vel ex intrinsecarum, vel extrinsecarum, diversitate dependet (§. 433.), illaque omnia & singula heic ponuntur eadem; liquet hæc, quæ sumuntur, entia esse plane indistinguibilia (§. 431.), ideoque non plura, sed unum idemque (§. 431. 432.); Fictam ergo & imaginariam esse, quæ putatur, pluralitatem.

De cetero neque hanc, quam stabilivimus, propositionem cum principio indiscernibilium Leibnitii confundas precor: illa enim, ut ex demonstratione ejus patescit, quæ rem ipsam coincidit cum propositione, qua negavimus duo absolute eadem existere posse; hoc vero tantum negat omnimode similia existere posse, si ve admittant quantitatem & extrinsecas determinationes convenientes, si ve disconvenientes. Ad hoc ergo examinandum, ut propius nos accingamus, propositionem, quæ caput rei tangit & convellit, addere & adferre decet.

§. 504.

*Quibus omnimode simili-*

*Duo plurave entia omnimode similia, quæ quantitatem & extrin-*

*trin-*

*trinfecas admittunt determinatio- bus existentia-  
nes, vel figillatim, vel conjunctim, non repugnat.  
in illis entibus, inter se differentes, existere  
possunt. Si enim hæc duo plurave existere ne-  
quirent entia, repugnantia ad existendum la-  
borarent, vel in se, h. e. figillatim, vel non in se,  
sed conjunctim (§. 63.). Illis vero in se specta-  
tis existentia repugnare nequit: Nam præter  
qualitates, quantitates, & extrinfecas determi-  
nationes nihil continent aliud; eidem vero en-  
ti & qualitatem & quantitatem simul compete-  
re posse, suo jam docuimus loco (§. 461.).  
Neque repugnat, ut cum determinationibus  
intrinfecis, in eodem ente constituendo, simul  
conjugantur determinationes extrinfecæ (§.  
201.). Entia ergo, quæ cum qualitibus, qua-  
rum convenientia similitudo absolvitur (§.  
491.), copulatas habent determinationes ex-  
trinfecas & quantitatem, nulla ad existen-  
dum in se laborant repugnantia. Neque con-  
junctim spectata hæc duo plurave entia ad exi-  
stendum implicant. Ponuntur enim omnimo-  
de similia, h. e. quæ omnes, quas possident,  
qualitates ex æsse convenientia (§. 495.), seu ea-  
dem (§. 389.), quæ quantitatem vero & exter-  
nas determinationes, quas admittunt, discon-  
venientia; seu diversa statuuntur (per hy-  
poth.): Quare, si inter se relata repugnantia  
ad existendum laborarent, illa derivaretur vel  
ex ratione identitatis, vel ex ratione diversita-*

tis mutuæ. *Non ex ratione identitatis*: nam ponuntur hæc entia omnimode similia, & simul quantitate & extrinsecis determinationibus differentia, quod salva eorum omnimoda similitudine omnino ponere licet (§. 493. 494.). Non ergo sunt absolute eadem (§. 391.), et, per consequens, ratione identitatis, existentia eis repugnare nequit (§. 396.). *Neque ex ratione diversitatis eis repugnat existentia*. Nam etsi ponatur quantitatum & determinationum externarum in his entibus disconvenientia (per hypoth.); simul tamen sunt omnimode similia (per hypoth.), & ideo, quæ qualitates omnes, eadem (§. 495.). Non ergo sunt omnimode diversa (§. 393.), & per consequens, eis ratione diversitatis repugnare nequit existentia (§. 397.). Quoniam itaque hæc duo plurave supposita entia neque figillatim, neque conjunctim spectata ulla laborant ad existendum repugnantia (per Dem.), fudo clarius est cælo, existere posse duo plurave ex asse similia entia, quantitate & determinationibus externis vel figillatim vel conjunctim differentia.

Horum itaque evicimus possibilitatem similium, quam etiam largitur Illustris *Wolffius*, totidem verbis concedens §. 207. Adnot. ad Metaph. Germ. ratione omnipotentia Divinæ, hoc est, absolute loquendo, non repugnare existentiam duorum perfecte similium. Idem inculcat in notis ad §. 1107. Theol. Nat. part. I. Nullibi

ergo

ergo in Ontologia sua latina, quæ non nisi universalissima tradere debet principia, hanc, quæ negant alii existere posse duo perfecte similia, adhibet propositionem, neque eadem, ut Ontologica, usus est illustris *Leibnitius*, prout mox indicabo plenius.

*An vero in hac universitate non existant duo plurave perfecte similia, sola quantitate & extrinsecis determinationibus differentia? alia est quæstio, quam affirmavit ill. Leibnitius, qui in Ep.*

*An in mundo dentur duo ex asse similia?*

IV. ad *Clarkium* §. 4. T. 1. du *Recueil de diverses pieces* &c. p. 50. contendit non dari duo individua indiscernibilia, h. e. ex mente ejus perfecte similia: Electricem enim Hannoveranam cum Nobili viro diu, sed frustra, quæsisisse memorat duo arborum folia ex asse similia: duas quoque aquæ & lactis guttas, per microscopium inspectas, dissimiles inveniri. Huic *Leibnitii* effato album addit calculum *Canzius* in *Ontol. Polem.* §. 96. cum aliis recentioris Philosophiæ scriptoribus haud paucis, qui etiam in rebus suæ sententiæ adducere solent testimonium *Ciceronis*, qui L. II. Quæst. Acad. ita philosophatur: *Dicis nihil esse idem quod sit aliud. Stoicum est quidem, nec admodum credibile, nullum esse pilum, omnibus rebus talem, qualis sit pilus alius, nullum granum* &c. Et ibidem contra *Democritum*, qui innumerabiles esse mundos assererat, & quidem sic quosdam inter sese non solum similes, sed undique perfecte & absolute ita pares, ut inter eos nihil prorsus intersit, contra hunc, inquam, disputans *Cicero*, ita loquitur: *Quid pugnas aut quid tibi vis in geminis?*

conce-

conceditur enim similes esse; quò contentus esse potueras. Tu autem vis eosdem esse plane non similes, quod fieri nullo modo potest. Et paucis interjectis: *Primum quidem me ad Democritum vocas, cui non assentior; potiusque refellam propter id, quod dilucide docetur a politioribus Physicis, singularum rerum singulas esse proprietates. Fac enim antiquos illos Servilios, qui gemini fuerunt, tam similes quam dicuntur; num censes etiam eosdem fuisse? Non cognoscebantur foris; at domi: non ab alienis, at suis. Annon videmus hoc usu venire, ut, quos nunquam putassemus a nobis internosci posse, eos consuetudine adhibita tam facile internosceremus, uti ne minimum quidem similes esse viderentur?* Et quibusdam iterum interjectis: *Videsne ut in proverbio sit ovorum inter se similitudo? tamen hoc accepimus Deli fuisse complures, qui gallinas alere permultas quæstus causa solerent: hi cum ovum inspexerant, quæ id gallina peperisset, dicere solebant. Qui hæc Ciceroniana animo, a præjudiciis vacuo, pensitaverit, facile is deprehendet, Ciceronem negare duas res esse easdem, licet similes ponantur; singularum enim rerum singulas esse proprietates rectissime urget. Potius ergo hunc Philosophum, sua sane ætate & diu post celebratissimum, negare velle existentiam duorum perfecte eorundem, quam duorum perfecte similium, & ideo plus nostræ (§. 395.), quam adversariorum favere thesi, perspiciet. Non tamen negamus dari in rerum natura immensa dissimilium specimina, quæ Microscopiorum ope detexere Robertus Hooke in Micrographia, Franciscus Tertius de Lanis in Magisterio naturæ & artis, & Job. Francisc. Grienel von Ach in Micrographia no-*

va. Quibus & ipse addam me, non inferioris ordinis microscopio, multum diuque varia examinasse arenæ minutissima grana, nec adhuc potuisse invenire alterum alteri ex asse simile. Hæc aliaque plura etsi egregie ostendant magnam esse rerum existentium dissimilitudinem; inde tamen ad rerum omnium, quæ existunt, dissimilitudinem firma inductione certoque animo licite non colligi, verior docet Logica, nisi præmissa omnium plane singularium, maximorum, minutissimorum, propinquorum, remotissimorum, totorum & partium denique omnium, non superficialia, sed accurata inspectione & experientia, quam ne totum quidem genus humanum, conjunctim sumtum, multo minus hic vel ille homo in singulari sibi pollicebitur unquam. De cetero observant accuratiores Physici discrimen figuræ in particulis majoribus nequaquam arguere ultima solida figuram discrepantem possidere: Posse enim particulas, sibi ex esse similes, pro vario concursu, adplicatione & positione varia, varium formare compositum in sensus incurrens externos. Corpora tam magna, ut oculo vel nudo vel armato videri possint, licet plerumque observentur dissimilia, adparentibus hinc inde aliquot notis, quibus unum ab altero distinguatur; non tamen semper id obtinere experientia docet: Purissimum quippe mercurium, concitatum in fumum, aut trans poros corii pressum, si excipimus supra mundum speculum, globulos sibi simillimos, nec ulla nota distinguendos, observabimus. Pari modo se habent vapores calidæ aquæ puræ, atque torte multorum corporum partes, quarum convenien-

en-

entiam posteriorum deteget industria. Taceo lucis radiolum, v. gr. rubrum, ope prismatis vitrei, accurate separatum, neque per novam refractionem, vel reflexionem, vel ullam aliam artem, hactenus nobis cognitam,, posse in alios heterogeneos & dissimiles radiolos separari; Non commemoro perfecte similes spatii partes, cujus actualitatem ex motus existentia, diversa corporum gravitate specifica, varia diversorum fluidorum resistentia, aliisque ejusmodi argumentis fortissime evincunt hodierni Physici: Satis enim superque constat ex experientia, nunquam probatam esse universalitatem propositionis, quæ præsentì nostræ e diametro opponitur.

## §. 505.

*Definitur* Propositio, qua negatur existere  
*Principium* re posse duo plurave entia in natu-  
*identitatis* ra rerum omnimode seu perfecte  
*indiscerni-* similia, *Principium identitatis indi-*  
*bilium* *scernibilium Leibnitii* vocari jam  
*Leibnitii.* cœpit.

*Illustris Leibnitius*, qui primus hoc excogitavit principium, si modo ita vocetur, contra *Clarkium*, celebrem Anglum, disputans, in Ep. IV. §. 4. seq. et Ep. V. §. 23. seq. primum illud adplicuit ad corpora in hoc mundo existentia, quorum alterum alteri perfecte simile esse negavit. Deinde vero in Principiis Philosophiæ suæ §. 9. extendit illud ad entia simplicia, seu monades, ut elementa rerum naturalium. Quem locum integrum exhibebo, ut eo clarius eluceat, quid per hoc principium  
 inten.



intendat vir Illustris. Ita vero habet: *Immo opus est, ut quaelibet monas differat ab alia quacunque. Neque enim unquam dantur in natura duo entia, quorum unum ex asse convenit cum altero, & ubi impossibile sit quandam reperire differentiam internam, aut in denominatione intrinseca fundatam. Quod si substantiæ simplices qualitatibus non differrent, nulla etiam in rebus mutatio observari posset: quoniam quod in composito reperitur, aliunde quam ex simplicibus ingredientibus resultare nequit. Et si monades qualitatibus destituerentur, nec una ab altera distingui posset, quoniam eadem nec quantitate differunt: consequenter si plenum supponatur, locus quilibet in motu non reciperet nisi quod æquivaleret ei, cui succederet, & unus rerum status indiscernibilis foret ab altero. Ex his liquet Leibnitium qualitates rebus a se mutuo discernendis adsignare, omniaque entia, quæ in hac existunt rerum universitate, qualitatibus a se mutuo differre, nec dari posse duo entia, quæ intrinsece, h. e. quâ qualitates, plene conveniant. Jam vero ubi simul attendimus ad definitionem similitum, quam dedit Leibnitius, nostræ omnino consentientem (§. 492.), perspicuum evadit me recte & menti Leibnitii conformiter definivisse ejus principium identitatis indiscernibilium. Neque ab hac nostra definitione differt, quam *Hanschius* Def. 46. Princip. Phil. more Geom. demonstr. hoc tradit modo: *Principium identitatis indiscernibilium est id, in quo ratio sufficiens invenitur, cur non existant duo entia per omnia similia.* De cetero ubi animum advertimus tum ad ea, quæ ex Leibnitio modo citavimus, tum ad Theorema XIX. *Hanschii*, quod negat ullam*

mona-



*monadem creatam in rerum universitate alteri monadi create per omnia similem existere, & quod, observante Hanschio, principium identitatis indiscernibilium Leibnitio vocatur; ubi, inquam, ad hæc advertimus, statim elucescit Illustrem virum hoc suo principio, res, in hac universitate existentes, respexisse, eodemque negare voluisse, duas in natura res perfecte similes existere posse. Recte hinc adsecutus est mentem Leibnitii Illustris Wolfius, qui dicit absolute non implicare, si ponantur duo perfecte similia in singulari (conf. loca prius §. 504. citata); implicare tamen, si ponantur in natura. Principium itaque indiscernibilium nullibi inter Ontologica retulit, sed in Cosmologia illud assumens, negat §. 195, *dari substantiam simplicem, quæ in numero elementorum est, alteri cuidam in eodem numero similem*. Et licet §. 1107. Theol. Nat. P. I. sæpius nominatum principium ad unitatem Dei demonstrandam adplicare videatur; re tamen ipsa non ad hoc, quod Ontologicum non agnovit, sed alterum illud, quo in Ontologia recte negatur non dari posse duo entia perfecte eadem (§. 395.), provocavit, unitatem Dei ostensurus. In notis ergo ad citatam Theologiæ Naturalisthesin expresse monet, principium indiscernibilium, quod excludit existentiam duorum individuorum similium, per omnem rerum actualium seriem regnare; ita tamen, ut Deus, cui tanquam causæ primæ substant omnia, non habeat sui similem per ipsam essentiam (adeoque absolute), cetera vero non agnoscant sui similia individua per voluntatem Ipsius, quatenus summa regitur sapientia, etsi in se non repugnet,*

net, ut in serie aliqua naturali duo ponantur similia. Non ergo existimat Wolfius principium indiscernibilium esse universalissimum principium concludendi tum Dei unitatem, tum dissimilitudinem rerum naturalium, sed ratione conclusionum inde formandarum solum pertinere ad naturam rerum existentium, non vero ad unitatem Dei demonstrandam; dari tamen quandam analogiam inter res in mundo obvias, & Deum, ut, quemadmodum illæ excludunt suarum similia per sapientissimam Hujus voluntatem; ita Hic excludit ens sui simile per absolutam suam naturam. Ideoque quando dicit Wolfius principium indiscernibilium regnare per omnem rerum actualium seriem, nihil intelligit aliud, quam dari inter omnia actualia dissimilitudinem, ex eodem tamen haud derivandam fundamento: Nam secundum mentem Wolfii, ubi illa adplicatur ad res naturales, non dependet ex earum essentia, sed solum ex sapientissima Creatoris voluntate; de Deo autem enunciata deduci nequit ex Ejus voluntate, quasi absolute loquendo posset alius dari Deus, modo vellet, quod dictu absurdissimum est & essentiae Dei absolute repugnat. Re ergo ipsa cenlet Wolfius diversissimum esse principium indiscernibilium ab eo, ex quo dependet unitas Dei.

## §. 506.

Perspicue jam patere arbitror, *principium indiscernibilium Leibnizii, cum principio, quo absolute ne-*

N

*Discrimen  
hujus prin-  
cipii a pro-  
gavi-*

*positione §. 395. gavimus possibilitatem duorum pluriumve entium omnimode eorundem (§. 395.), non esse confundendum.* Illud enim agit non nisi de entibus, quæ in natura rerum, per sapientissimam Dei voluntatem, existere possunt (§. 505.); hoc vero, de omnibus, quæ existere possunt, entibus absolute loquendo (§. 395.): Illud excludit duo perfecte similia (§. 505.), hoc duo removet perfecte eadem. Involvit quidem omnis similitudo identitatem (§. 491.), sed non omnis identitas similitudinem vicissim infert: Hæc enim, in genere spectata, versatur circa determinaciones tum extrinsecas, tum intrinsecas (§. 413.); Illa vero circa qualitates (§. 491.), seu determinaciones rei intrinsecas, quæ sine alio assumpto intelligi possunt (§. 459.), unice detinetur, non occupata vel circa determinaciones rei intrinsecas, quæ sine alio assumpto intelligi nequeunt, & quantitatum veniunt nomine (§. 459.), vel circa extrinsecas, ad quas tamen omnes & singulas refertur omnimoda identitas in iis entibus, quæ & intrinsecas et extrinsecas admittunt determinaciones (§. 414.). Nisi ergo diversissima confundere velis, fatearis necesse est insigne dari discrimen inter principium indiscernibilium Leibnitii, nostrumque, quo negavimus duo dari entia omnimode eadem.

Indolem itaque principii indiscernibilium Leibnitii non perspexere, putantes illud cum hac  
propo-

propositione: *Non existere possunt duo plurave entia omnimode eadem*, coincidere, quasi utraque propositio apud Leibnitium & Wolfium eodem inniteretur fundamento, & ejusdem ab illis statueretur latitudinis. Facem huic errori prætulit Vir cetera acutissimus, *Georg. Bernh. Bülfingerus*, qui in §. 411. Dilucidat. Philosoph. anno 1725. primum editarum, arbitratur principium identitatis indiscernibilium utile esse & necessarium ad unitatem Dei demonstrandam, licet §. 94. fateatur illud a Leibnitio ejusdem extensionis non fuisse habitum. Hinc *Canzius*, vir singularis sane eruditionis T. I. cap. I. sect. IV. Ufus Philosoph. Leibnitianæ & Wolf. in Theolog. contendit principium Leibnitii indiscernibilium tam late explicandum esse, ut etiam inserviat unitati Dei ostendendæ, existimans hanc explicationem a mente Leibnitii non esse alienam, quatenus ille Ep. IV. ad Clarkium §. 5. statuatur principium rationis sufficientis & identitatis indiscernibilium mutare habitum veteris Metaphysicæ, eamque reddere realem & demonstrativam. Sed non bene attendit *Canzius* ad sensum citati Leibnitiani loci, quo in evolvendo argumento cosmologica contra Clarkium est occupatus. Nota est res, Leibnitium atque Wolfium sub vocabulo Metaphysices comprehendere Ontologiam, Cosmologiam, Psychologiam & Theologiam Naturalem. Quanquam ergo Leibnitius adpellavit Principium suum indiscernibilium Metaphysicum, non tamen ideo illud voluit Ontologicum. *Canzius* itaque idem adplicare studens principium ad omnia entia, tum finita, tum infinita, non potest non

præter mentem Leibnitii atque Wolfii illud habere Ontologicum, adeoque cum principio, quo possibilitatem duorum perfecte eorundem negavimus, inepte confundere. Hos in hoc antesignanos errore sequuntur Philosophi tantum non omnes, qui suam scriptis hoc ævo declarare voluerunt industriam. *Winklerus* in *Instit. Phil. Wolfianæ* §. 181. non incongrue definit principium indiscernibilium per illud, *quo negatur existere duo individua, quæ nulla qualitate a se invicem possunt discerni.* Hoc tamen in §. §. sequentibus demonstraturus, plenariam omnium determinationum internarum & externarum, quibus individuum in rerum natura constituitur, identitatem, cum qualitatibus convenientiam, seu similitudinem, rotunde commiscet, ab illius negatione, quam nos quoque tuemur, ad hujus absurditatem, quam inficiamur, contra verioris Logicæ elementa, quæ vetant minus in conclusione ponere, quam fuit in præmissis, vitiose colligens. Idem committunt vitium *Baumeisterus* in §. 169. *Metaphys. Reuschius* §. 571. *System. Metaph.* Oppido vero a Leibnitii mente discedit *Schubertus*, in §. 189. *Metaph.* statuens hanc propositionem: *Non dantur absolute eadem, esse principium indiscernibilium Leibnitii*, qui tamen, quantum mihi videre licuit, id nullibi dixit.

## §. 507.

*Principii identitatis indiscernibilium falsitas.* *Principium identitatis indiscernibilium Leibnitii veritati non est congruum, seu, ut universaliter verum admitti nequit.* Hoc enim princi-

principium negat in natura rerum existere posse duo plurave entia omnimode, seu perfecte similia (§. 505.). Jam vero extra omnem positum esse controversiam sumo, omnia, quæ existunt & existere possunt, entia naturalia, quatenus existunt, & intrinsecas & extrinsecas admittere determinationes, in intrinsecis quoque cum qualitatibus conjunctam habere quantitatem. Si itaque duo plurave ejusmodi entia ponuntur perfecte similia, hoc est, quæ omnes qualitates inter se convenientia (§. 495.), salva sua omnimoda similitudine, differre inter se possunt quantitate & extrinsecis determinationibus, utrobique vel conjunctim, vel sigillatim diversis (§. 500.). Ejusmodi autem duo plurave entia existere possunt (§. 504.). Principium itaque indiscernibilium Leibnitii, quod negat hanc possibilitatem, ut veritati congruum admitti nequit.

Suum hoc demonstraturus principium Illustris Leibnitius, duplici utitur argumento, alterum ex principio rationis sufficientis, alterum ex experientia desumens. Vi illius ita argumentatur: *Argum-  
ta pro  
Leibnitio  
solvuntur.*

*Si existerent duo individua, in omnibus sibi perfecte similia, quodvis eorum peculiarem haberet existentiam, & peculiarem occuparet locum, adesse itaque deberet ratio sufficiens, cur alterum in loco A potius esset, quam in loco B. Hæc autem ratio deprehendi nequit in ipsis individuis, quia perfecte ponuntur similia, adeo ut si ponatur aliquod ens illa duo pro-*

duxisse & in separatis collocasse locis, sine ratione  
sufficienti egisset; neque potuisset illud ens producere  
sine principii rationis sufficientis læsione, quæ admi-  
ti nequit, unum istorum individuorum alteri sua e-  
lectione præferre, quum alterum ob perfectam simi-  
litudinem æquo producere debuisset. Eodem fere ar-  
gumento elementorum suorum dissimilitudinem  
ostendere conatur *Illustris Wolfius* §. 195. Cos-  
mol. Sed totus argumentandi nervus in eo con-  
sistit, quod colligant *Illustres Viri* ex negatio-  
ne rationis objectivæ, nonnisi ex diversitate re-  
rum desumendæ, ad negationem rationis suffi-  
cientis omnis, putentque principium rationis  
sufficientis, quatenus circa objectivas versatur  
rationes, rerum interre diversitates, quod tamen  
ut vitiosum antea rejecimus (§. 115. 116.). Non  
ergo valet hæc principii indiscernibilium præ-  
tensa demonstratio. Quo vero habendum sit lo-  
co alterum illud, quo pro hypothese sua tuen-  
da utitur *Leibnitius*, argumentum, ex experi-  
entia derivatum, mox declaravimus ad §. 504.  
ut adeo nova heic non indigeat illud expositio-  
ne & confutatione. Neque objectioni locus est:  
*Si existerent duo individua perfecte similia, essent ab-  
solute indiscernibilia, quod implicat.* Nam licet a  
se mutuo non discernantur qualitatibus ullis,  
quarum omnimoda identitate perfecta constitui-  
tur similitudo; hac tamen salva diversitatem  
produnt quantitate & determinationibus ex-  
trinsecis (§. 500.), quorsum inter alia pertinent  
circumstantiæ, quæ rebus non insunt, sed ad-  
sunt tantum & cum illis aliquo conjunguntur  
modo, finis pariter & usus, quos quælibet ear-  
um sibi habere potest peculiares. Regeris: Li-

*cet possibili perfecte similium existentie non obstat omnipotentie Divinae consideratio, illam tamen admittere nequit summus, quæ Deo convenit, sapientia, ob quam Is nihil sine ratione agit, acturus vero, si alterum e perfecte similibus collocaret hoc loco & tempore, alterum alio. Sed si omnis objectiva ratio ex qualitatibus, quæ objectis insunt, desumeretur diversitate, fateor nullam heic locum habere objectivam rationem, cur unum perfecte similium præ altero existeret, fateor, inquam, & ita fateor, ut nihil detrimenti capiat vel principium rationis sufficientis, quod ad hunc, quoad objectivam rationem, non extenditur casum (§. 115.), vel suprema res similes producentis sapientia, quæ sine ullo sui detrimento res producere potest similes: Usus enim & finis cujuslibet rei peculiaris, & relativus ad has vel illas res, hujus productionis esse potest ratio, neque hæc unica; per plurimæ enim aliæ adesse possunt rationes, nobis licet incognitæ, absit tamen inde colligamus, nullas dari, quum nemo Logicorum hanc admiserit argumentationem: *in dato casu ipse nullam deprehendo rationem, ergo nulla datur.* Caveamus itaque quam maxime, ne ad exiguæ nostræ cognitionis mensuram, immensam Dei reducamus sapientiam, & nostra inscitia ullas dari rationes negemus. Modo notavimus usum, quem quælibet res in relatione ad alias habet, rationem constituere posse, cur ens sapientissimum duo perfecte similia producat. Quod, ut clarius adpareat, exemplo illustrare lubet. Quindecim planetas, quinque primarios & decem secundarios illustrat Sol nostri systematis. Suppone jam Deum, quod*



ut probabile plures supponunt Astronomi, alios constituisse quindecim a nostro sole, immensa spatii intercapedine, tam remotos, ut ab illo aut. parum aut nihil fortiri queant luminis, E-  
 umque voluisse eos eadem ratione, ac nostri systematis planetas, illuminatos. Quam ob rem solem etiam illis adsociasset planetis, nostro ex-  
 asse convenientem. Vides itaque finem in cau-  
 sa fuisse, cur sapientissimum Ens ejusmodi pro-  
 duxisset entia: usus enim corporum istorum so-  
 larium, in diversis illis Systematibus, idem de-  
 sideratus in causa esset, cur duo soles perfecte si-  
 miles conderentur. Vides etiam hos duos soles  
 posse nihilominus a se mutuo distingui, quate-  
 nus enim systemata, quibus isti duo soles adsi-  
 gnati essent, differunt, eatenus eorum quoque  
 observare licet discrimen, vel ex diversa co-  
 rum quantitate, vel exinde desumptum, quod  
 unus huic, alter isti inserviret systemati. Sed ad-  
 huc instas; *Posito Deum justas habuisse rationes*  
*creandi duos v. gr. soles perfecte similes; quia ta-*  
*men omnimoda gaudere supponuntur similitudine,*  
*nulla adfuisse ratio collocandi unum in hoc systemate,*  
*alterum in alio: agere vero aliquid sine ratione est*  
*sapientie adversum Divinæ, unde confici putatur per*  
*hanc non licere, ut duo perfecte similia existant.* Sed  
 mox indicavi, frustra heic provocari ad obje-  
 ctivam rationem, quum nulla detur, neque ul-  
 lam in hoc casu locum invenire sapientiæ, quæ  
 Deo convenit, læsionem. Est enim sapientia  
 Dei scientia absolute perfecta quàm exactissime  
 subordinandi media finibus. Ubi itaque fines  
 sunt iidem, ubi etiam media sunt æque perfe-  
 cta, æque apta, ubi respectu sapientiæ perinde  
 est,

est, quodnam horum mediorum huic vel isti adplicetur fini: utrobique enim aptissimum medium fini adcommodatur, utrobique ergo sapientia manet salva. Excipis ulterius: *Existere quidem posse duos soles, sibi simillimos, secundam convenientiam speciei, non secundum omnes conditiones individuas, quæ si etiam ex æsse convenirent, debent vero convenire, siquidem soles perfecte supponuntur similes, nulla, vel minutissima, inter illos observari posset differentia, non ergo esset, nisi unus idemque sol bis positus.* Conf. Canzii L. I. Psychol. p. 666. ubi Oederi instantiam contra principium indiscernibilium confutare conatur. Sed egregie confundis, quas mox demonstravi sejungendas, perfectam similitudinem cum perfecta identitate; illa versatur circa determinationes intrinsecas tantum, & quidem eas unice, quæ qualitatuum veniunt nomine (§. 495.); hæc autem comprehendit & intrinsecarum & extrinsecarum omnium convenientiam (§. 414.). Ab hujus ergo negatione ad illius impossibilitatem colligere non vales, nisi contra usum receptum & propriam adsertionem in Ontol. Polem. §. 84. sub notione similitudinis, præter qualitatum, quantitatum simul & determinationum extrinsecarum comprehendas convenientiam. Una hinc eademque opera rejicimus omnes eorum argumentationes, qui a negatione perfectæ identitatis ad negationem perfectæ similitudinis colligunt, contra Logicorum præcepta, quatuor in syllogismo adhibentes terminos. Eidem obnoxium est vitio ejusdem Canzii argumentum in Ontol. Polem. §. 94. licet sibi nimis fidens dicat se nescire, quid sibi a quoquam

possit obverti. Sed juvat ad ipsam attendere argumentationem, quia, ut decet virum, acri judicio celebrem, ingeniosa est: *Omne ens, quod salvis omnibus alteri cuidam potest substitui, seu, quod ab altero ne ex tantillo quidem differt, est idem cum altero; ideoque alterum non est alterum nisi hætenus nomine.* Hanc propositionem majorem, quæ de perfecta omnium determinationum & internarum & externarum agit identitate, lubentissimi concedimus. Sed subsumit: *atqui duo perfecte similia si supponimus, alterum alteri potest salvis omnibus substitui, nec alterum ab altero vel tantillum differt.* De sola qualitatum convenientia agit hæc minor propositio, quæ ergo, ex notione similitudinis, quam tradit idem auctor §. 84. Ontol. Polem. huic æquivalet propositioni: *atque duo perfecte similia si supponimus, alterum alteri potest salvis omnibus qualitatibus substitui, nec alterum ab altero vel tantillum, quâ qualitates, differt.* Re ergo ipsa quatuor in præmissis occurrunt termini. Non itaque nisi illegitime concluditur: *Ergo duo perfecte similia sunt reapse unam idemque.*

Adest adhuc argumentum, non contemnendum, quo principii indiscernibilium Leibnitii realitatem & universalitatem evincere conantur quidam ejus defensores: Putant, hoc remoto principio, nunquam contra Polytheismi dubia sufficienter probari posse unitatem Dei. Si, inquiunt, non repugnat dari res perfectissime similes, quia principium indiscernibilium falsissimum est, tum & possibile erit existere præter unum infinitum ens, quod omnes veneramur, plura infinita, illi perfectissime similia. Atqui prius verum est ex mente eorum, qui  
hoc

*hoc principium negant. Ergo plura entia infinita, perfectissime similia, existere possunt. Quod quum sit absurdum, absurdos esse patet, qui memoratum negant principium. Fateor tanti colendam & venerandam esse Divini Numinis unitatem, ut si, hac salva, nunquam negari posset nominatum sæpius principium, illud omni opera, omnique conatu, amplectendum & defendendum esse; Sed eo nos non indigere docent argumenta, quibus adcuratior Theologiæ Naturalis expositio unitatem altissimi Numinis fortiter evincit. Immo, qui argumentum horum Philosophorum, pro unitate Dei tuenda, ex hoc principio allatum, justa, uti loquuntur, anatomia secare & resolvere velit, facilis mecum fatebitur, eos frustra, & nonnisi hypotheseos suæ favendæ gratia, provocare ad principium indiscernibilium Leibnitii, quod, ut vidimus (§. 505.), re ipsa non afficit ens in genere, neque quodvis singulare, nisi illud contra Leibnitii & Wolfii mentem cum principio identitatis, de quo in §. 395. incongrue confundere velis, sed respicit unice entia finita. Quæ ergo quæso consequentia: si duo entia finita, quæ omnes qualitates inter se convenientia, seu similia, diversa tamen, vel quæ quantitatem, vel minimum quæ externas determinaciones, existere possunt: Ergo etiam duo entia infinita, quibus nulla quantitas, nulla externa competit determinatio, sed solæ convenient qualitates, eademque realitates absolutæ, perfecte similia existere possunt. Idem itaque, quod de ente finito, ut tali, valet, prædicabitur de Ente Infinito. Absit & quam longissime absit. Recte igitur defendimus unitatem*

Entis

Entis Infiniti neque debere neque posse demonstrari ex Principio indiscernibilium Leibnitii, neque ab ipsis Leibnitio & Wolfio inde esse demonstratam (conf. not. ad §. 505.), verissime vero demonstrari ex nostro principio identitatis indiscernibilium (§. 395.), & speciatim ex §. 502. prout suo contabit loco plenius. Sed hæc de principio indiscernibilium impræsentiarum dicta sunt.

## §. 508.

*Similium divisio quoad qualitates.* Exposuimus jam similium æque ac Dissimilium discrimen quoad identitatem & diversitatem, sequitur propius agamus de eorum quoad qualitates differentia. Absolvitur similitudo qualitatum identitate (§. 491.), sunt autem qualitates vel essentielles, vel accidentales (§. 463.). *Similitudo* itaque alia est *Essentialis*, quæ qualitatum essentialium, alia *Accidentalis*, quæ qualitatum accidentalium constituitur identitate. Hinc facile intelligis quæ in concreto vel essentialiter, vel accidentaliter, sint similia.

Hoc modo essentialiter inter se similes sunt omnes homines, quia omnibus & singulis anima rationalis & corpus organicum conveniunt. Quoad eruditionem vero si plures inter se consentiunt homines, locum inter illos habet similitudo accidentalis.

## §. 509.

*Dissimilium divisio quoad* Quemadmodum similia, sic etiam dissimilia alia sunt *essentialiter*,

*ter*, alia *accidentaliter* talia: illa qua- ad qualita-  
 litates essentialis inter se habent dis- tes.  
 convenientes; hæc qualitatibus gaudent acci-  
 dentalibus iisdem.

Cujusmodi essentialis dissimilitudo datur inter  
 homines & bruta animantia, quorum quoad al-  
 terum essentialis, corpus scilicet organicum, da-  
 tur convenientia, saltem generalis, quoad alte-  
 rum vero, rationalitatem puta, locum habet  
 disconvenientia.

§. 510.

Nulla dantur entia, quæ absolu- *Essentialis*  
 ta sua destituuntur possibilitate (§. *Dissimili-*  
 228.), eamque, in qualitatum refe- *tudinis af-*  
 rendam numerum (conf. demonstr. *fectio.*  
 §. 496.), vi essentialis suæ omnia possident en-  
 tia (§. 324.). Nulla itaque dantur entia, quæ  
 perfecta eademque essentiali inter se distin-  
 guuntur dissimilitudine. *Omnis ergo, quæ da-*  
*tur essentialis dissimilitudo, est nonnisi respecti-*  
*va, seu Partialis*, consistens in quarundam  
 qualitatum disconvenientia, ceteris iisdem ma-  
 nentibus.

Facit huc exemplum modo allatum.

§. 511.

Qualitates essentialis constanti *Similitudi-*  
 & inseparabili rebus insunt ratio- *nis & diss-*  
 ne; accidentales vero inconstan- *similitudinis*  
 tem & separabilem inexistendi pos- *essentialis &*  
 sident

*accidentalis* fident modum (§. 464.). Similitudo *affectiones*. igitur & dissimilitudo essentialis, circa qualitates essentielles occupatæ (§. 509. 510.), rebus, quibus competunt, constanter & inseparabiliter insunt: Quæ vero accidentales sunt, quia circa qualitates ejusdem nominis detinentur (§. cit.), inconstantem & separabilem tenent inexistendi modum.

Essentialis hæc similitudo & dissimilitudo in disciplinis unice attenditur, utpote quæ stabilem & fixam generat similitudinum & dissimilitudinum rerum cognitionem. Sic in Geometria de duorum triangulorum similitudine judicium laturi, non curamus, an latera eorum hac vel ista materia sint ducta, vel an habeant hanc vel illam quantitatem, vel hoc vel illo tincta sint colore, quæ singula, quoad triangula Geometricæ consideraverimus, accidentalibus adnumerari debent; perpendimus vero, an anguli sint æquales, & latera, quæ angulos homologos includunt, sint proportionalia. Mutabilis itaque, seu accidentalis qualitas cum similitudine & dissimilitudine rerum essentiali nihil habet commercii, nisi quatenus subjecti determinationem ingrediatur, quo in casu constantem, seu essentialem, rerum similitudinem & dissimilitudinem non turbat, quia subjecto, ita determinato, est constanter intrinseca, & tamdiu talis manet, quamdiu res ita determinata subsistit, i. e. quamdiu res ipsa, seu essentia rei, ita determinatæ, salva manet. Sic diligentia in studiis est mutabilis & accidentalis hominis qualitas, salva

salva enim speciei humanæ essentia abesse potest; respectu autem habito ad bonum studiosum, constans est & essentialis; nam repugnat esse bonum studiosum & simul in studiis excolendis nullam adhibere diligentiam.

## §. 512.

*Essentialis, quæ inter duo plurave entia obtinet, similitudo potest esse sine accidentali, seu, possunt duo plurave entia essentialiter esse similia, & tamen accidentaliter dissimilia.* Quoniam enim identitas essentialis non infert identitatem accidentalem (§. 419.), nequit identitas qualitatum essentialium inferre accidentalium identitatem (§. 463.). Absolvitur vero essentialis similitudo essentialium identitate qualitatum, & accidentalis convenientia accidentalium constituitur (§. 508.). Illa ergo hanc non infert, seu, illa sine hac esse potest.

*Similitudo essentialis non infert accidentalem.*

Est quippe similitudo essentialis ab entibus, inter quæ obtinet, omnino inseparabilis, quum accidentalis, quæ inter illa datur, similitudo ab iis removeri possit & separari (§. 511.). Hoc modo essentialem inter se possident similitudinem homines, quatenus anima rationali & corpore organico conveniunt; hinc tamen non sequitur, eos omnes accidentaliter, v. gr. quæ eruditionem, pietatem, aliasve qualitates accidentales, similes esse. Et licet accidente perpetuo & communi tamdiu convenient, quamdiu



existunt duo ista plurave entia (§. 383.); hæc tamen convenientia ex posita essentialium identitate minime fuit (§. 365.)

§. 513.

*Accidentalis  
similitudo  
infert essen-  
tialem.*

*Quæ entia similitudine inter se  
gaudent accidentali, illa etiam ea-  
tenus aliquam inter se habent essen-  
tialem similitudinem.* Omnia enim  
& singula, quæ enti convenire possunt, acci-  
dentia postulant aliquam in essentia entis dis-  
positionem illa admittendi (§. 376.). Posita ita-  
que identitate qualitaturn accidentalium,  
poni debet eadem dispositio entium essentialis,  
qualitatis essentialis titulo merito decoranda  
(§. 463.). Sed illa identitas, quæ inter qualita-  
tes accidentales locum habet, accidentalis si-  
militudinis nomine venit, & hæc, quæ inter  
qualitates duorum pluriumve entium obtinet  
essentialis, ejusdem nominis constituit simili-  
tudinem (§. 508.). Illa ergo sine hac omni ef-  
se nequit.

Non hinc sequi putabis quamcunque accidenta-  
lem similitudinem essentialium omnium inferre  
convenientiam: Nam si accidens fuerit commu-  
ne, quo duo plurave conveniunt entia, ejus in-  
existendi possibilitas subit vicem attributi com-  
munis (§. 384.), cujus identitas, non totius es-  
sentia, sed quorundam saltem essentialium in-  
fert convenientiam (§. 403.). Si autem propri-  
um fuerit accidens, ejus inexistendi possibilitas  
attributi proprii locum recte tueretur (§. 384.),  
& id-

& ideo dum duo plurave entia hoc conveniunt accidente, integram simul inter se possident omnium essentialium convenientiam (§. 404.). Pro hoc itaque qualitatis accidentalis discrimine judicium est ferendum de similitudine essentiali, quam ex accidentali determinari demonstravimus.

## §. 514.

*Si existunt duo plurave entia, Perfecte & perfecte & essentialiter similia; quæ essentialiter qualitates accidentales, quantitatem & extrinsecas determinaciones admittunt, salva sua perfecta essentiali similitudine, qualitatibus accidentalibus, quantitate & extrinsecis determinationibus, utrobique diversis, a se mutuo distingui possunt. Quæcunque existunt entia, omnimode sunt determinata (§. 218.), si itaque & intrinseca & extrinseca admittunt, hæc omnia habebunt determinata (§. 217.). Intrinsecas vero determinaciones constituunt qualitates & quantitates (§. 460.), illæque sunt vel essentielles vel accidentales (§. 463.). Et per hypothesin supponuntur entia, de quibus loquimur, existere, perfecteque & essentiali similitudine, quæ omnimoda identitate omnium qualitatum essentialium constituitur, gaudere, & ad hæc admittere qualitates accidentales, quantitatem & extrinsecas determinaciones; erunt itaque duo ista plurave entia, quoad hæc omnia & singula, omnimode*

mode determinata. Perfectam vero essentialem similitudinem non ingreditur nisi convenientia omnium qualitatum essentialium (§. 508.), hac igitur similitudine salva differre possunt illa duo plurave entia qualitibus accidentalibus, quantitate & determinationibus externis. His ergo a se mutuo distingui possunt (§. 433.).

Sic si deprehendimus duos v. gr. homines non quâ animam solum rationalem & corpus organicum, sed & dispositione naturali ad intelligendum, ratiocinandum, hos vel illos habitus animæ & corporis comparandos, inter se non discrepare, essentialem & perfectam eis tribuere licet similitudinem, qua salva, eosdem homines a se mutuo distinguere valemus diverso dispositionum istarum habitu, ejusque gradu, quem unus præ altero actu ipso sibi acquisivit, gestibus, majori & minori statura, loco, & interdum diverso, quo vixere, tempore.

#### §. 515.

*Partialiter & essentialiter similitudinem discrimin.* Si duo plurave entia gaudent similitudine essentiali tantum, sed partiali, quæ in quarundam qualitatum essentialium convenientia versatur, reliquis manentibus diversis; his qualitibus essentialibus, utrobique diversis, inter se distinguuntur. Et si præterea admittunt qualitates accidentales, quantitatem & extrinsecas determinaciones, his inter se mutuo distingui possunt, salva similitudine essentiali, quæ inter

*ter illa entia partialiter obtinere ponitur.* Quoniam enim inter duo plurave entia tantum essentialis & quidem partialis ponitur similitudo, admittunt quarundam qualitatum essentialium diversitatem. Est vero omnis qualitas determinatio rei intrinseca (§. 469.). Habent itaque hæc entia aliquas determinationes intrinsecas inter se diversas, quibus ergo a se mutuo recte distinguuntur (§. 433.).

Si vero hæc duo plurave entia qualitatibus præterea instructa sunt accidentalibus, quantitate & extrinsecis determinationibus, tum, quia essentialis tantum inter illa ponitur similitudo (per hypoth.), non item accidentalis, quæ ab illa separari potest (§. 512.), & quia quantitas, cum extrinsecis determinationibus, similium non ingreditur notionem (§. §. 493. 494.), tum, inquam, salva sua essentiali similitudine qualitates accidentales, quantitatem & extrinsecas determinationes habere possunt diversas. His ergo a se mutuo recte distinguuntur (§. 433.).

Inter homines & animantia bruta est essentialis similitudo, sed partialis, quatenus nonnisi corpore organico inter se conveniunt. Sed, hac similitudine salva, a se mutuo distinguuntur rationalitate, altero videlicet hominum essentiali, quod brutis non competit; dignoscuntur quoque accidentibus, iis potissimum, quorum possibilitas fundatur in eorum essentiali discrimine;

immo diversitatem produnt quantitate corporis, & externis determinationibus variis.

§. 516.

*Essentialiter & accidentaliter, sed utroque modo partialiter similia.* Si duo plurave entia similitudinem inter se tenent essentialem & accidentalem, sed utramque non nisi partialem; inter se mutuo distingui possunt iis, quibus differunt, tum essentialibus, tum accidentalibus, immo & quantitate determinationibusque externis. Hæc thesis, uti & prior illa (§. 415.), in se est planissima, eodemque ac illa modo, mutatis saltem mutandis, demonstratur.

Possunt hoc pacto duo ædificia & quæ internam structuram, & quæ externum apparatus inter se partialiter convenire, quæ ergo a se mutuo dignoscimus illa vel internæ structuræ, vel externi apparatus parte, qua inter se differunt, loco, quo existunt, diverso, aliisque extrinsecis circumstantiis, immo quantitatis diversitate, quam vel oculorum iudicio, vel adhibita mensura, æstimamus.

§. 517.

*Modus generalis distinguendi similia.* Explicatis & simul cognitis, quibus similia inter se distingui possunt, modis (§. §. 493. 494. 499. 500. 514. 515. 516.) patre arbitror eorum discrimen a nobis non posse deprehendi prius, quam mutua eorum facta comparatione, aut immediate, quod fit vel *re ipsa*, dum unum æque

æque ac alterum externis nostris observamus sensibus, vel *in mente tantum*, dum ideas eorum, quas omnia intrinseca & extrinseca, quibus quocunque modo duo distingui possunt entia, ingrediuntur, nostra vel aliorum opera acquisitas, nobis tamen repræsentatas, inter se mutuo conferimus; aut *mediate*, mediante aliquo tertio, mensuræ loco assumpto, adplicando illud utrique similium, ad diversam eorum quantitatem detegendam. Hanc mutua similium comparisonem, termino novo, *compræsentiam* quidam vocarunt, asserentes ea esse similia, quæ nonnisi compræsentia distingui possunt, dissimilia autem contrario se habere modo. Horum e numero, quantum constat, primus est Illustris *Leibnitius*, quem postea secuti sunt Illustr. *Wolffius* in prima Elem. Mathes. editione §. 22. Arithm. & *J. J. Schillingius* in sua Phil. Rat. Cap. VI. §. I. Fatemur quidem similia non posse, nisi mutua hac eorum comparatione, vel, ut laudatis placet viris, compræsentia distingui; eam tamen per hanc non ideo esse definiendam contendimus: Etenim quum definitiones debeant esse planæ atque perspicuæ, seque statim legentium animis sine ulla difficultate insinuare: quum etiam novus hic terminus, nondum explicatis modis, quibus similia a se invicem distingui-mus, magna, ut quivis facile percipit, obscuritate laboret; nulli non perspicuum esse potest,

est, similitudinem definitionem comparationis vocabulo eo minus constitui debere, quo certius est illam, si a termini, non sufficienter explicati, obscuritate liberetur, aliam se simpliciorum & planiorum præsupponere similitudinem ideam. Hoc perspicuus ipse *Wolffius*, admonitione præsertim *Heinrichii*, in altera edit. Elem. Math. §. 24. Arithm. sententiam suam correxit, similitudinem & dissimilitudinem planas, communique loquendi usui adaptatas, retinens notiones.

§. 518.

*Eidem tertio similia, Quæ eodem modo sunt similia eidem tertio, illa quoque inter se sunt similia.* Nam si A aliquo modo simile est  $\tau\omega$  B, & huic eidem B simile est  $\tau\theta$  C, tunc eadem qualitates, quæ in  $\tau\omega$  A sunt, dantur in B, & quæ in  $\tau\theta$  C reperiuntur, locum habent in  $\tau\omega$  B (§. 491.). Unde, quia utrobique supponitur idem qualitatum modus, eadem qualitates eodem modo insunt ipsis A & C (§. 421.). Sunt ergo hæc A & C inter se similia (§. 491.).

Ab aliis, hanc eandem regulam ita exprimentibus: *quæ similia sunt eidem tertio, similia sunt inter se*, vitandi omnis in applicatione erroris causa, merito discessimus, postulantes utrobique eundem relationis modum: Nam quamvis omnis accidentalis similitudo inferat aliquam in essentiis convenientiam (§. 513.), quia tamen nisi acci-

dens

cidens fuerit proprium, non involvit omnium essentialium inter duo entia similitudinem, quia etiam ab unius essentialis, quæ fundamentum esse potest alicujus accidentis communis, convenientia ad reliquorum identitatem non est colligendum; posita similitudine accidentali inter duo entia A & B, & essentiali inter B & C, non sequitur A & C, invicem relata, vel essentialiter vel accidentaliter esse similia. Ut ergo regulæ verissimæ suus constet in adplicatione usus, suus rigor, jure requisivimus eundem utrobique relationis modum, vel essentialem vel accidentalem: in priori casu essentialis oritur inter extrema A & C similitudo, in posteriori nonnisi accidentalis.

Generale hoc, quod demonstravimus, enunciatum ad varios casus speciales transferunt Geometræ, docentes adductum prop. 11. El. VI. *rationes similes eidem tertiæ esse similes inter se*, & ad prop. 21. El. VI. *figuras rectilineas eidem rectilineo similes, inter se similes esse*. Aliaque ejusmodi, quibus nulla veritas & certitudo competere, nisi huic nostræ sua constaret evidentia. Verum, ut magis pateat principiorum Metaphysices in Mathesi adplicatio, alias, eidem inseruituras fini, addere placet propositiones.

§. 519.

*Si quantitates in duobus, vel pluribus entibus obviæ, eandem inter se, singulæ singulis relata, habuerint rationem, similia erunt ista duo plurave entia.* Hoc est si fuerint duo entia A & B, fuerintque quantitates in τῶ A obviæ c, e, f.

*Similitudo ex rationis identitate pendens.*



in τῷ B vero  $g, b, k$ , ita ut  $c$  sit ad  $e$ , ut  $g$  ad  $b$ , &  $e$  ad  $f$ , ut  $b$  ad  $k$ ,  $c$  ad  $f$ , ut  $g$  ad  $k$ ; dico A & B esse similia. Hæ enim rationes, quas habent quantitates in uno ente obviæ, in qualitatibus veniunt numerum (§. 476.), eademque sunt in duobus entibus (per hypoth.). Datur ergo inter hæc entia qualitatibus identitas, similitudinem constituens (§. 491.).

Huic principio insistit *Euclidis* demonstratio in prop. V. El. VI. *qua ostendit duo triangula, quæ latera habent proportionalia, esse æquiangula & similia.* In idem ultimato principium resolvuntur propositiones XVI. XVII. El. VI. aliæque plures, ut adeo de hujus propositionis in Mathematici usu non sit dubitandum.

§. 520.

*Similitudo essentialis ex rationis identitate pendens.* Si quantitates essentielles, in duobus vel pluribus entibus obviæ, singule ad singulas relatæ, eandem inter se habuerint rationem, essentialiter similia erunt illa duo plurave entia.

Rationes enim, quas habent quantitates essentielles, in entibus obviæ, sunt eorum qualitates essentielles (§. 479). Sed ponuntur hæ rationes eadem (per hypoth.); Eadem ergo in his entibus obviæ sunt qualitates essentielles, quibus idcirco essentialiter constituuntur similia (§. 508.).

Spectant huc exempla, ad § præced. allata, Triangulorum enim & figurarum, quæ in Geometria

tria traditur, similitudo originem traxit ex ratione quantitatum essentialium in iis. Essentiale quippe est, quod omnis figura rectilinea includatur rectis lineis, in longitudinem extensis. Quod vero hæc vel illa sit linearum longitudo, illud ipsis figuris non est essentialiale, sed salva figurarum essentia, & salva laterum proportionem, aliud esse potest & aliud.

## §. 521.

*Æqualia* sunt, quorum eadem *Æqualium* est quantitas. *Inæqualia* contrà, quorum diversa est quantitas. Ut adeo *Æ* *inæqua-* in abstracto *æqualitatem* collocemus *lium defini-* in quantitatis identitate; Quemadmodum *in-* *æqualitatem* in quantitatis diversitate.

Sunt hæ æqualitatis & inæqualitatis notiones u-  
fui communi, & constanti Mathematicorum  
praxi admodum familiares, in veterum etiam  
Scholis multum frequentatæ: *Aristoteles* enim L.  
V. Met. cap. XV. *æqualia* statuit quorum una est  
quantitas. Canonem hinc formarunt Aristoteli-  
ci: maxime proprium est quantitati dici *æquale* &  
*inæquale*. Quem ad ductum Aristotelis expli-  
caturus *Hunnius* in Canon. Log. p. 413. dicit  
*in omni ente, cum alio comparato, esse convenientiam*  
*quandam aut disconvenientiam, quæ in substantiis*  
*adpellatur identitas & diversitas, in qualitate simi-*  
*litudinem & dissimilitudinem, in quantitate æqualitas &*  
*inæqualitas*. Fuere quidem multi, ut *Fonsæca* L.  
V. Metaph. Cap. XIII. Q. 13. S. I. narrat,  
qui hanc proprietatem quantitati denegare vo-  
luerunt; omnia tamen, quæ pro negativa sen-

tentia adferunt, argumenta tam parvi, meo quidem iudicio, sunt æstimanda, ut non judicentur digna, quod aliquid chartæ & temporis vel iis enumerandis impendatur: ubique enim sensum relativum cum absoluto confundunt, quasi æqualitas & inæqualitas dicerentur de una quantitate, sine ulla ad aliam vel quasi aliam facta relatione, quod tamen nemo unquam statuit: semper enim eo in casu, & quidem hoc solo, locum habent æqualitas & inæqualitas, quando entia, vel unum ens cum se ipso, quæ quantitatem comparantur, secundum convenientiam, vel disconvenientiam.

*Sensus æqualitatis Theologicus.*

Licet æqualitas potius sit affectio entis finiti, quam Infiniti, proprieque & rigoroſe nihil aliud involvat, quam quod jam expreſſimus, ſolent tamen Theologi in articulis de S. S. Trinitate, & de Chriſto, alio ſenſu hoc adhibere vocabulum: Dicunt enim Tres in S. S. Trinitate perſonas eſſe ſibi mutuo æquales, & Filium æqualem Patri. Sed reſpondet hoc in caſu æqualitas voci Græcorum, *ὁμοῦσιος*, adeoque non quantitatis, ſed eſſentiæ denotat identitatem. Hæc æqualitatis notio, etſi in Metaphyſicis non ſit in uſu, obſervanda tamen eſt, ut eo melius obviam ire poſſimus Photinianis, qui Metaphyſicorum regulis, jam jam adferendis, peſſime abutuntur ad negandam Chriſti Divinitatem.

§. 522.

*Æqualium ſubſtitutio.* Immediate ex allatis ſequitur definitionibus: *Quæ æqualia ſunt, ſi & inæquali mutuo ſubſtitui poſſe ſalva quantitate*

tate (§. 389.): & quæ inæqualia sunt, sibi invicem substitui non posse quantitate salva (§. 390.). Immo vice versa: Quæcunque sibi mutuo, salva quantitate, substitui possunt, eandem habere quantitatem (§. 389.), æqualitatemque ergo inter se tueri (§. 521.). Et, quæ sibi mutuo substitui nequeunt, salva quantitate, esse quæ quantitatem diversa (§. 391.), proindeque inæqualia (§. 521.).

His axiomatibus sæpius utuntur Mathematici non modo in variis propositionibus legitime demonstrandis, sed iisdem quoque innituntur plura, quæ apud illos occurrunt, axiomata.

### §. 523.

Nec minori certitudine & evidentiâ claret hæc propositio: *Idem quantum sibi metipso est æquale.* Nam dum idem quantum A ad se ipsum referimus, unum tanquam duo consideramus, adeoque idem bis ponimus, scilicet, quod B sit A, & C sit A. Quam ob rem, quum A heic consideretur ut aliquod tertium, cum quo B & C sunt, quæ quantitatem, eadem; sunt quoque inter se eadem (§. 421.), æqualitatemque idcirco inter se possident (§. 521.): hoc est; A est sibi ipsi æquale.

Certum quidem est æqualitatis ideam esse relativam, & ideo proprie loquendo versari inter duo plurave quanta; quatenus tamen idem ad se ipsum, etiam in vita communi (ubi v. gr. dicere

Inter axiomata *Euclidis* El. I. primum obtinet hæc propositio locum, cuivis adeo familiaris & nota, ut nemo, vel ex infima plebe, de illius dubitet certitudine. Hinc etiam sine demonstratione ab Euclide assumitur. Nec opus habuit Euclides illam demonstratione munire, cum egregia ejus versaretur opera non in integro systemate Philosophico conscribendo, sed in particulari pertractanda disciplina, in qua multa assumere licet axiomatice, quæ tamen demonstranda sunt in Metaphysica, in qua nulla diligentia & sollicitudo nimia censeri debet, quæ primis scientiarum fundamentis stabiliendis impenditur. Longe præstat ut multæ demonstrationes redundare, quam ut una videatur deficere, ne Sceptici vel minutissimam habeant de certitudine scientiarum subdubitandi ansam.

§. 526.

*Æqualia equalibus sunt inter se equalia*, seu, si  $A$  est æquale  $\tau\omega$   $B$ ,  $C$   $\tau\omega$   $D$ , &  $D$   $\tau\omega$   $B$ , dico  $A$  &  $C$  esse æqualia. Quoniam enim  $A$  est æquale  $\tau\omega$   $B$ , &  $D$   $\tau\omega$   $B$  (per hypoth.), erit  $A$  æquale  $\tau\omega$   $D$  (§. 525.); sed jam est quoque ex hypothese  $C$  æquale  $\tau\omega$   $D$ , ergo  $A$  æquale  $\tau\omega$   $C$  (§. cit.).

Alii cum *Baumeistero* in *Metaph.* §. 126. hanc regulam ita efferendam volunt: Si  $A$  &  $B$  sunt æqualia mensuris  $C$  &  $D$ , & mensuræ  $C$  &  $D$  sunt sibi ipsæ æquales, intelligitur ipsa quoque  $A$  &  $B$  sibi ipsæ esse æqualia. Sed est hæc regula specialis casus, sub nostra, seu generali, comprehensus.

CAP.

## CAPUT V.

DE

## ENTE SINGULARI ET UNIVERSALI.

§. 527.

**P**ræmissis, quæ ad ens singulare & universale plenius intelligendum facere putamus, hanc adgredi conabimur doctrinam, quæ tanto diligentior meretur explicationem, quanto frequentior ejus ubique est usus: Certum quippe, immo certissimum est, objecta omnium disciplinarum, Theologiam Naturalem si exceperis, esse entia magis vel minus universalialia, nostræque Metaphysicæ esse ens universalissimum (§. 10. conf. §. 25.); Evidens est Theologiam Naturalem sine universalibus principiis & ideis demonstrativam exhiberi non posse (§. 25.): Perspicuum quoque sine debita consideratione singularium & universalium evanescere omnem in definiendo exactitudinem, in judicando rigorem, & in ratiocinando indubitaram concludendi rationem. Sudo itaque clarius est cælo distinctionem inter ens universale & singulare amplissimi esse usus, & in omnibus occurrere disciplinis, illamque proinde, diligentior

est, similitudinem definitionem compræsentia vocabulo eo minus constitui debere, quo certius est illam, si a termini, non sufficienter explicati, obscuritate liberetur, aliam se simpliciorē & planiorē præsupponere similitudinem ideam. Hoc perspicuus ipse *Wolffius*, admonitione præsertim *Heinrichii*, in altera edit. Elem. Math. §. 24. Arithm. sententiam suam correxit, similitudinem & dissimilitudinem planas, communique loquendi usui adaptatas, retinens notiones.

§. 518.

*Eidem tertio similia, an similia inter se?* *Quæ eodem modo sunt similia eidem tertio, illa quoque inter se sunt similia.* Nam si A aliquo modo simile est τω B, & huic eidem B simile est τὸ C, tunc eadem qualitates, quæ in τω A sunt, dantur in B, & quæ in τω C reperiuntur, locum habent in τω B (§. 491.). Unde, quia utrobique supponitur idem qualitatum modus, eadem qualitates eodem modo insunt ipsis A & C (§. 421.). Sunt ergo hæc A & C inter se similia (§. 491.).

Ab aliis, hanc eandem regulam ita exprimentibus: *quæ similia sunt eidem tertio, similia sunt inter se*, vitandi omnis in adplicatione erroris causa, merito discessimus, postulantes utrobique eundem relationis modum: Nam quamvis omnis accidentalitudo inferat aliquam in essentiis convenientiam (§. 513.), quia tamen nisi accidens

cidens fuerit proprium, non involvit omnium essentialium inter duo entia similitudinem, quia etiam ab unius essentialis, quæ fundamentum esse potest alicujus accidentis communis, convenientia ad reliquorum identitatem non est colligendum; posita similitudine accidentali inter duo entia A & B, & essentiali inter B & C, non sequitur A & C, invicem relata, vel essentialiter vel accidentaliter esse similia. Ut ergo regulæ verissimæ suus constet in adplicatione usus, suus rigor, jure requisivimus eundem utrobique relationis modum, vel essentialem vel accidentalem: in priori casu essentialis oritur inter extrema A & C similitudo, in posteriori nonnisi accidentalis.

Generale hoc, quod demonstravimus, enunciatum ad varios casus speciales transferunt Geometræ, docentes ad ductum prop. 11. El. VI. *rationes similes eidem tertiæ esse similes inter se*, & ad prop. 21. El. VI. *figuras rectilineas eidem rectilineo similes, inter se similes esse*. Aliaque ejusmodi, quibus nulla veritas & certitudo competeret, nisi huic nostræ sua constaret evidentia. Verum, ut magis pateat principiorum Metaphysices in Mathesi adplicatio, alias, eidem inseruituras fini, addere placet propositiones.

§. 519.

*Si quantitates in duobus, vel pluribus entibus obviæ, eandem inter se, singulæ singulis relatæ, habuerint rationem, similia erunt ista duo plurave entia.* Hoc est si fuerint duo entia A & B, fuerintque quantitates in  $\tau\phi$  A obviæ c, e, f.

*Similitudo ex rationis identitate pendens.*



in  $\tau\phi$  B vero  $g, b, k$ , ita ut  $c$  sit ad  $e$ , ut  $g$  ad  $b$ , &  $e$  ad  $f$ , ut  $b$  ad  $k$ ,  $c$  ad  $f$ , ut  $g$  ad  $k$ ; dico A & B esse similia. Hæ enim rationes, quas habent quantitates in uno ente obviæ, in qualitatibus veniunt numerum (§. 476.), eademque sunt in duobus entibus (per hypoth.). Datur ergo inter hæc entia qualitatibus identitas, similitudinem constituens (§. 491.).

Huic principio insistit *Euclidis* demonstratio in prop. V. El. VI. *qua ostendit duo triacula, que latera habent proportionalia, esse æquiangula & similia.* In idem ultimato principium resolvuntur propositiones XVI. XVII. El. VI. aliæque plures, ut adeo de hujus propositionis in *Mathe-*si usu non sit dubitandum.

#### §. 520.

*Similitudo  
essentialis  
ex rationis  
identitate  
pendens.*

*Si quantitates essentielles, in duobus vel pluribus entibus obviæ, singulæ ad singulas relatæ, eandem inter se habuerint rationem, essentialiter similia erunt illa duo plurave entia.*

Rationes enim, quas habent quantitates essentielles, in entibus obviæ, sunt eorum qualitates essentielles (§. 479). Sed ponuntur hæ rationes eadem (per hypoth.); Eadem ergo in his entibus obviæ sunt qualitates essentielles, quibus idcirco essentialiter constituuntur similia (§. 508.).

Spectant huc exempla, ad § præced. allata, Triangulorum enim & figurarum, quæ in Geometria

tria traditur, similitudo originem traxit ex ratione quantitatum essentialium in iis. Essentiale quippe est, quod omnis figura rectilinea includatur rectis lineis, in longitudinem extensis. Quod vero hæc vel illa sit linearum longitudo, illud ipsis figuris non est essentialia, sed salva figurarum essentia, & salva laterum proportionem, aliud esse potest & aliud.

## §. 521.

*Æqualia* sunt, quorum eadem *Æqualium* est quantitas. *Inæqualia* contrà, quorum diversa est quantitas. Ut adeo *Æ* *inæqua-* in abstracto *æqualitatem* collocemus *lium defini-* in quantitatis identitate; Quemadmodum *in-* *æqualitatem* in quantitatis diversitate.

Sunt hæc æqualitatis & inæqualitatis notiones u-  
fui communi, & constanti Mathematicorum  
praxi admodum familiares, in veterum etiam  
Scholis multum frequentatæ: *Aristoteles* enim L.  
V. Met. cap. XV. *æqualia* statuit quorum una est  
quantitas. Canonem hinc formarunt Aristoteli-  
ci: maxime proprium est quantitati dici *æquale* &  
*inæquale*. Quem ad ductum Aristotelis expli-  
caturus *Hunnius* in Canon. Log. p. 413. dicit  
in omni ente, cum alio comparato, esse convenientiam  
quandam aut disconvenientiam, quæ in substantiis  
adpellatur identitas & diversitas, in qualitate simi-  
litudo & dissimilitudo, in quantitate æqualitas &  
inæqualitas. Fuere quidem multi, ut *Fonseca* L.  
V. Metaph. Cap. XIII. Q. 13. S. I. narrat,  
qui hanc proprietatem quantitati denegare vo-  
luerunt; omnia tamen, quæ pro negativa sen-  
ten-

...tentia adferunt, argumenta tam parvi, meo quidem iudicio, sunt æstimanda, ut non iudicentur digna, quod aliquid chartæ & temporis vel iis enumerandis impendatur: ubique enim sensum relativum cum absoluto confundunt, quasi æqualitas & inæqualitas dicerentur de una quantitate, sine ulla ad aliam vel quasi aliam facta relatione, quod tamen nemo unquam statuit: semper enim eo in casu, & quidem hoc solo, locum habent æqualitas & inæqualitas, quando entia, vel unum ens cum se ipso, quæ quantitatem comparantur, secundum convenientiam, vel disconvenientiam.

*Sensus æqualitatis Theologicus.*

Licet æqualitas potius sit affectio entis finiti, quam Infiniti, proprieque & rigoroſe nihil aliud involvat, quam quod jam expreſſimus, ſolent tamen Theologi in articulis de S. S. Trinitate, & de Chriſto, alio ſenſu hoc adhibere vocabulum: Dicunt enim Tres in S. S. Trinitate perſonas eſſe ſibi mutuo æquales, & Filium æqualem Patri. Sed reſpondet hoc in caſu æqualitas voci Græcorum, *ὁμοῦσιος*, adeoque non quantitatis, ſed eſſentiæ denotat identitatem. Hæc æqualitatis notio, etſi in Metaphyſicis non ſit in uſu, obſervanda tamen eſt, ut eo melius obviam ire poſſimus Photinianis, qui Metaphyſicorum regulis, jam jam adferendis, peſſime abutuntur ad negandam Chriſti Divinitatem.

§. 522.

*Æqualium ſubſtitutio*, Immediate ex allatis ſequitur definitionibus: *Quæ æqualia ſunt, ſi & inæquali* bi mutuo ſubſtitui poſſe ſalva quantitate

tate (§. 389.): & quæ inæqualia sunt, *lium substitui* sibi invicem substitui non posse *quantitatis* quantitate salva (§. 390.). Immo vice ver- *negatio.* sa: Quæcunque sibi mutuo, salva quantitate, substitui possunt, eandem habere quantitatem (§. 389.), æqualitatemque ergo inter se tueri (§. 521.). Et, quæ sibi mutuo substitui nequeunt, salva quantitate, esse quàm quantitatem diversâ (§. 391.), proindeque inæqualia (§. 521.).

His axiomatibus sæpius utuntur Mathematici non modo in variis propositionibus legitime demonstrandis, sed iisdem quoque innituntur plura, quæ apud illos occurrunt, axiomata.

## §. 523.

Nec minori certitudine & eviden- *Idem si* tia claret hæc propositio: *Idem quan-* *bi æqua-* *le.* *tum sibi metipsum est æquale.* Nam dum idem quantum A ad se ipsum referimus, unum tanquam duo consideramus, adeoque idem bis ponimus, scilicet, quod B sit A, & C sit A. Quam ob rem, quum A heic consideretur ut aliquod tertium, cum quo B & C sunt, quàm quantitatem, eadem; sunt quoque inter se eadem (§. 421.), æqualitatemque idcirco inter se possident (§. 521.): hoc est; A est sibi ipsi æquale.

Certum quidem est æqualitatis ideam esse relativam, & ideo proprie loquendo versari inter duo plurave quanta; quatenus tamen idem ad se ipsum, etiam in vita communi (ubi v. gr. di-  
cere

cere solemus, Petrus est idem Petrus) referimus, eatenus inde tum Mathematici, apud quos hunc canonem videre licet, tum Philosophi occasionem sibi sumere, æqualitatem de eodem quanto enunciandi, idem quantum ad se ipsum sub diversa fictione referentes, utilissima sane & maxime necessaria ad complendas demonstrationes, quibus evincere solent Geometræ triangulorum, quæ habent latus commune, æqualitatem, secundum Propos. IV. VIII. & XXVI. El. I. Quod nemo in Geometricis vel parum versatus ignorare potest.

§. 521.

*Æqualium* Si fuerint duo entia *A* & *B*, & *diversitas*. *A* fuerit æquale ipsi *B*, *A* non est unum idemque cum *B*, seu, ens unum *A*, æquale alteri *B*, non est unum idemque cum altero. Nam si *A* esset cum *B* unum idemque, quia eidem æquale, inferret æqualitas omnimodam omnium prædicatorum entium *A* & *B* convenientiam (§. 391.); sed non tantæ amplitudinis est æqualitas, quantitatibus modo inferens identitatem, non autem qualitatem, prædicatorumque externorum (§. 521.). Ens ergo unum *A*, æquale alteri *B*, non est unum idemque cum altero.

Alii cum *Calovio* in Script. Phil. p. 573. hunc canonem ita exprimere solent: *æquale non est idem*. Quæ enunciatio cum nostra, quæ rem ipsam plane coincidit, etsi quæ verba, mox explicata (§. 523.), opposita videatur, cujus vitandi causa magis determinate illam exprimere maluimus.

Ce-

Ceterum perversè utuntur hac regula Photiniani, ita argumentantes: *æquale non est idem, at Christus est Patri suo æqualis; Ergo non est idem & ipse Deus.* Sic Crellius L. I. S. 2. Cap. XXXVI. *æquale*, ait, *semper aliam habet essentiam ab eo, cui æquale est, alias idem foret æquale sibi ipsi, cum tamen æqualia relata, & porro opposita sint.* Sed agit præsens regula, quæ majorem, in adducto syllogismo, constituit propositionem, de æqualitate proprie sic dicta, extra quantitatis identitatem non extendenda, agit, inquam, ut ex ipsa ejus liquet demonstratione, qua ostendimus ex notione æqualitatis removendam esse identitatem qualitatum: Minor vero propositio loquitur de æqualitate in sensu Theologico, quo integræ essentiae denotat identitatem. Quatuor ergo in his binis propositionibus occurrunt termini, vitiosum reddentes adductum syllogismum. Deinde alio adhuc vitio laborat Crellii figmentum, putat enim idem non posse esse sibi æquale, quod tamen non esse absurdum mox demonstrata evincunt (§. 423.).

## §. 525.

*Æqualia eidem tertio, æqualia sunt inter se.* Si A est æquale  $\tau\alpha$  B, & Ceidem B æquale, dico A & C esse æqualia. Quia enim C est æquale  $\tau\alpha$  B (per hypoth.), C poni potest loco  $\tau\alpha$  B, salva quantitate (§. 522.); sed facta substitutione in eo casu ubi A ad B ratione ejusdem quantitatis refertur, oritur A æquale  $\tau\alpha$  C. Quod ostendere debuimus.

In-

Inter axiomata *Euclidis* El. I. primum obtinet hæc propositio locum, cuivis adeo familiaris & nota, ut nemo, vel ex infima plebe, de illius dubitet certitudine. Hinc etiam sine demonstratione ab Euclide assumitur. Nec opus habuit Euclides illam demonstratione munire, cum egregia ejus versaretur opera non in integro systemate Philosophico conscribendo, sed in particulari pertractanda disciplina, in qua multa assumere licet axiomatice, quæ tamen demonstranda sunt in Metaphysica, in qua nulla diligentia & sollicitudo nimia censeri debet, quæ primis scientiarum fundamentis stabiliendis impenditur. Longe præstat ut multæ demonstrationes redundare, quam ut una videatur deficere, ne Sceptici vel minutissimam habeant de certitudine scientiarum subdubitandi ansam.

§. 526.

*Æqualia equalibus sunt inter se equalia*, feu, si  $A$  est æquale  $\tau\omega$   $B$ ,  $C$   $\tau\omega$   $D$ , &  $D$   $\tau\omega$   $B$ , dico  $A$  &  $C$  esse æqualia. Quoniam enim  $A$  est æquale  $\tau\omega$   $B$ , &  $D$   $\tau\omega$   $B$  (per hypoth.), erit  $A$  æquale  $\tau\omega$   $D$  (§. 525.); sed jam est quoque ex hypothese  $C$  æquale  $\tau\omega$   $D$ , ergo  $A$  æquale  $\tau\omega$   $C$  (§. cit.).

Alii cum *Baumeistero* in Metaph. §. 126. hanc regulam ita efferendam volunt: Si  $A$  &  $B$  sunt æqualia mensuris  $C$  &  $D$ , & mensuræ  $C$  &  $D$  sunt sibi ipsæ æquales, intelligitur ipsa quoque  $A$  &  $B$  sibi ipsa esse equalia. Sed est hæc regula specialis casus, sub nostra, ceu generali, comprehensus.

CAP.

## CAPUT V.

DE

## ENTE SINGULARI ET UNIVERSALI.

§. 527.

**P**ramissis, quæ ad ens singulare *Necessita*  
 & universale plenius intelli- & *usus bu-*  
 gendum facere putamus, hanc *jus Do-*  
 adgredi conabimur doctrinam, quæ *ctrinæ.*  
 tanto diligentior meretur explicationem,  
 quanto frequentior ejus ubique est usus: Cer-  
 tum quippe, immo certissimum est, objecta  
 omnium disciplinarum, Theologiam Natu-  
 ralem si exceperis, esse entia magis vel mi-  
 nus universalialia, nostræque Metaphysicæ es-  
 se ens universalissimum (§. 10. conf. §. 25.);  
 Evidens est Theologiam Naturalem sine u-  
 niversalibus principiis & ideis demonstrati-  
 vam exhiberi non posse (§. 25.): Perspicuum  
 quoque sine debita consideratione singulari-  
 um & universalium evanescere omnem in de-  
 finiendo exactitudinem, in judicando rigo-  
 rem, & in ratiocinando indubitatum conclu-  
 dendi rationem. Sudo itaque clarius est cælo  
 distinctionem inter ens universale & singula-  
 re amplissimi esse usus, & in omnibus occur-  
 rere disciplinis, illamque proinde, diligentio-  
 rem,



rem, quam hoc capite tradere constituimus, mereri expositionem.

§. 528.

*Entis singularis definitio.* Quicquid existit, seu actu datur, *Ens singulare*, seu *Individuum*, vocare mos est. Quia vero quicquid existit, vel actu datur, omnimode est determinatum (§. 218.), & vicissim, quod omnimode determinatum est, existit (§. 219.); recte definimus *Ens singulare* per illud, quod omnimode est determinatum.

Bene observavit *Illustris Wolfius* ad §. 227. Ontol. formulas Algebraicas omnium optime illustrare notionem entis singularis, si pro literis substituuntur notæ numericae. Ex gr. sit pro determinanda summa progressionis Geometricæ adscendentis hæc formula  $x = \frac{bv - ba + a}{b - a}$ . u-

bi  $x$  denotat summam,  $a$  terminum primum,  $b$  secundum,  $v$  ultimum. Si determinas  $a$ , quod sit unitati æqualis, abit illa formula in hanc  $x = \frac{bv - b + 1}{b - 1}$ . Nondum tamen  $x$  ut singularis

summa agnoscitur; Addo itaque  $b$  esse æquale numero ternario. Hinc magis determinata oritur formula:  $x = \frac{3v - 3 + 1}{3 - 1}$ . quæ tamen e-

tiamnum non constituit singularem summam  $x$ . Sit itaque  $v = 81$ . Ergo exsurgit formula:  $x = \frac{3 \times 81 - 3 + 1}{3 - 1} = 121$ . in qua nihil adest in-

determinati, quæ etiam summam  $x$ , ut numerum

rum singularem, exprimit. Abiit. ergo formula in singularem, si nihil eorum, quæ ad illam pertinent, possidet indeterminati, h. e. si omnimode determinata evadit. Eodem plane modo dicimus *Petrum* & *Paulum* Apostolos entia esse singularia, quatenus in illis est ratio decidendi omnem quæstionem, quæcunque tandem de iis potest formari, seu, quatenus omnimode determinata sunt.

Neque hæc entis singularis notio Veterum Philosophorum effatis inimica deprehenditur, utut ab illis distincte non sit animadversa. Ipse *Aristoteles* L. III. Metaph. Cap. IV. hoc modo singulare definit: τὸ γὰρ ἀριθμῶ ἐν, ἢ τὸ καθ' ἑκάστων λέγειν διαφέρει, ὅτεν ὅτω γὰρ λέγομεν τὸ καθ' ἑκάστων, τῷ ἀριθμῶ ἐν. καθόλου δὲ, τὸ ἐπὶ τῶν. *Unum numero, an singulare dicas, nihil interest: Et enim hoc pacto singulare exponimus, quod numero est unum: universale vero quod in bis est.* Pluribus quidem modis aliquid unum numero Aristoteli dicitur, ut ex L. I. Top. Cap. 5. observat *Museus* in Metaph. Cap. XXXII. Singulare tamen non quocunque modo unum numero est, sed eo præcise, quo *Aristoteles* L. V. Metaph. Cap. VI. vocat aliquid *unum omniq.* Et hoc modo illa unum esse dicit, quorum *ratio quidditativa indivisibilis est, & nec tempore, nec loco, nec ratione separari potest.* Non quod plane & simpliciter re dividi non possit, quod unum omnino dicitur, nam sic nullum compositum esset hoc modo unum; sed quod dividi nequeat in plura talia, quale ipsum adæquate est. Hoc vero fieri nequit nisi ex consideratione eorum, quæ quocunque modo ei conveniunt, quod o-

mnimode unum dicitur, dari possit determinata responsio ad quamvis de eo instituendam questionem. Est ergo secundum mentem Aristotelis ens singulare, quod est numero omnimode unum, seu, quod est omnimode determinatum (conf. §. 217.). Alii *Porphyrium*, qui Cap. de Specie dicit individuum esse, quod *ex hisce constat proprietatibus* (intelligit determinationes), *quarum collectio alteri cuiquam eadem prorsus minime convenit*. Porphyrium, inquam, sine dubio respicientes *Svarezius* Disput. Metaph. IV. Sect. I. *Mendoza* Disp. Metaph. IV. Sect. V. & *Franc. Bonæ Spei* Disp. log. V. Dub. I. Resol. I. paulo uberius individuum describere amant per id, quod *habet differentiam intrinsecam, nulli alteri communicabilem, sic, ut ratione illius ipsi repugnet dividi in plura, quorum unum quodque sit adæquate idem cum ipso*. Hinc est quod *Micrælius* in Lex. Phil. sub tit. *individ.* quinque enumeret individui requisita, quod scil. 1:o) sub generibus & speciebus ad certas existentiae circumstantias sit determinatum, 2:do adeoque hic & nunc sit, 3:o) cujus proprietates omnes simul non conveniant alteri, 4:o) nec possit individuum dividi in multa ejusdem rationis, seu, non sit communicabile pluribus inferioribus, 5:o) de uno solo prædicari possit. Qui hæc *Micræliana* accuratiori perpendit lance, & cum *Porphyreo-Svarezianis* confert, facilis nobiscum intelliget primum, quod allegat *Micrælius*, requisitum, omnimodæ determinationis titulo insigniendum (§. 217.), esse fundamentum reliquorum omnium, quæ potius per modum confectariorum considerari debent, quam ut di-

stin-

stincta prædicata, individui quæ ingradientur definitionem. Recte ergo, etiam secundum mentem veterum Philosophorum definimus individuum per id, quod omnimode est determinatum.

§. 529.

Illam vocavimus omnimode seu *Individui* perfecte eadem, quæ omnium & *perfecta i-* singulorum prædicatorum absol- *dentitas.* vuntur convenientia (§. 391.). Idem ergo, rigorose loquendo, eousque manet individuum, quousque omnem, ne tantilla excepta, eandam habet, quam antea habuit, determinationem, seu, quousque eandem constanter retinet determinationem (§. 528.). Ubi vero alia accedit, vel, quæ adfuit, perit, aut mutatur determinatio, perfecte idem manere nequit individuum (§. 391.).

Habet hoc consuetarium usum non exiguum, ut, in multis aliis controversiis, sic potissimum in illa, quam cum Materialistis habemus; contra hos enim recte urgemus, quicquid in nobis cogitat, idem manere, absoluta quadam cogitatione, quod erat ante eam susceptam: Nullum vero compositum in rerum imaginibus formandis, earundemque discrimine notando idem manere in individuo subjectum, sed intrinsicis affici mutationibus; quod ergo in nobis cogitat, non posse compositum esse, sed simplex. Sed excipiunt Materialistæ: *Si compositum in rerum imaginibus formandis, & earum discrimine observando occupatum non maneret idem individuum, tum & quod nos circumgestamus corpus, quia circulatio-*

*ne sanguinis perpetua, perenni spirituum animalium agitatione, & fluidarum partium mutatione constanter alteratur, singulis momentis fieret aliud & aliud, quod tamen nemo dicet, Qui autem præsens, quod allegavimus, cogitat corollarium, haud difficulter contra Materialistas ostendit, accurate loquendo, non manere corpus nostrum singulis momentis idem individuum, quum continuæ subjaceat mutationi, &, ut ex Sanctiorii observatis, circa insensibilem transpirationem, colligit Cl. Bernoullius in Dissert. de Nutrit. absoluto decennio pereat totum, alia succedente massa. Sed ut pateat quo sensu vulgus, qui nimia haud raro in loquendo ludere solet inconstantia, dicat se idem hodie possidere corpus, quod habuit heri, aliqua, hanc illustraturam rem, addere placet.*

## §. 530.

*Accidens primitivum & derivativum.*

Quid accidens in genere sit, antea explicuimus (§. 364.), pariterque vidimus nullum accidens nisi existenti competere (§. 367.), illudque omne mutabile esse & inconstans (§. 366.). Indicavimus quoque dari ens, vel potius existens, cujus existentiae ratio sufficiens non continetur in ejus absoluta possibilitate (§. 242.), quam ens vi essentiae tenet (§. 324.). Ipsa ergo hujus entis existentia nequit esse ejus attributum (§. 340.), sed accidentium classi est accensenda (§. 364.), quæ tamen, quia nonnisi existenti competunt accidentia, prius ponenda est, quam ponere licet reliqua  
eis

eis competere accidentia. Recte hinc dispicere licet accidentia in *Primitiva* & *Derivativa*; illa sunt, ex quibus reliqui omnes intelliguntur, quorum exemplum præbet ipsa rerum genesis & existentia. *Hæc* vero sunt, quæ ab existentia pendent, eamque varie & mutabiliter afficiunt.

## §. 531.

Quamvis rigore loquendo non *Individuum* maneat idem individuum, vel tantillo in omnimoda ejus determinatione alterato (§. 529.); facit tamen vulgi in loquendo inconstantia, ut *idem* haud raro dicant *individuum*, quod accidens primitivum retinet, licet multa derivativa adpareant mutata.

Hoc sensu dicunt homines se possidere idem corpus trecesimo v. gr. ætatis suæ anno, quod vicesimo tenuere, quatenus æque jam ac antea existit, eandemque specie retinet constitutionem, licet re ipsa, ut Physici ostendere volunt, quæ internam constitutionem harum vel istarum partium, omnino sit alterum. Simili dictionis genere eandem adpellant domum, cujus fundamentum & muri, tanquam partes principales, conservantur, licet reliqua omnia, ceu partes minus principales, pereant. Eadem putatur civitas, quæ ante centum annos fuit, quamvis alii nunc existant omnes cives, quam tum fuere.

## §. 532.

*Duo plurave entia singularia, seu Individua, perfecte eadem dari ne- tas duorum*

ipso in singulari affirmatur, ubi dico hunc Paulum esse hunc Paulum & non alium, seu hunc Paulum bis non existere, vel in binos Paulos non esse divisum. Sic M. Tullius & Cicero, quatenus utrumque nomen eundem designat hominem, de se ipso in singulari affirmatur, & bis sub hac hypothese existere nequit.

*Daniel Stablius* in *Tabulis Metaph.* p. 19. dicit *Numero unum, seu unum omnino esse, quod re & ratione est idem.* Scilicet, quod non modo de una re affirmatur, uti aliquod speciale prædicatum de hoc vel illo individuo, sed quod omni conceptu, quem de illo habere licet, idem denotat, seu, quod omnimodam negationem diversitatis a se ipso in conceptu suo involvit.

### §. 535.

*Prona hinc fluit consequentia omne individuum esse idem numero, & vicissim, idem numero esse individuum.* Dari enim nequeunt duo individua perfecte eadem (§. 532.); nullum ergo individuum bis existere potest, & per consequens est idem numero (§. 534.).

*Numero ejusdem & individui reciproca.*

Vicissim idem numero de se ipso in singulari affirmari potest (§. 534.). Non ergo potest non ens esse singulare, seu individuum (§. 528.).

Hinc, ut antea audivimus ad §. 528. definivit *Aristoteles* individuum per id, quod est unum numerum. Hinc etiam Aristotelicorum non pauci vocant illud *unum individuale, singulare, hoc aliquid.*

## §. 536.

*Principii individuationis definitio.* *Principium individuationis est id, unde intelligitur cur ens aliquod sit individuum, & per quod individuum unum ab alio quovis differt.*

Hanc principii individuationis notionem menti veterum Philosophorum conformem esse, multa, quæ apud eos occurrunt, dicta ostendunt, licet non diffitear magnam in illis regnare confusionem, quam tamen perbrevis opera extricare conabor. *Suarezius* Disp. V. Metaph. p. 92. T. I. Disputationem de unitate individuali ejusque principio inchoaturus, hæc habet verba: *Tria in hac disputatione inquiremus, primum an hæc unitas omnibus rebus existentibus conveniat, deinde quid sit, ac denique quod principium, seu radicem, in singulis habeat.* Principio ergo individuationis id denotatum voluit; unde intelligitur unitas individualis. *Scotus* 2. Dist. 3. totis septem quæstionibus & in Reportat. super. 2 sent. Dist. 12. a Quæst. 3. usque ad 8. multus in eo est, ut probet principium individuationis consistere in *Hæcceitate*, & cum hac coincidere illud. Barbaram hanc explicaturus vocem, dicit illam esse *συσατην* individuatorum differentiam, per quam natura & differentia speciei ad singularitatem contrabatur. Scoti sententiam adprobant *Bacconius* 2. Dist. II. a 2. & 3. D. 12. *Antonius Andreæ* L. V. Metaph. Q. V. *Fonseca* L. VI. Metaph. cap. V. Q. V. sect. I. Qui ultimus ita philosophatur: *Oportet ejusmodi principium individuationis quærere ac tradere, ut ipsum totum ad di possit naturæ specificæ, nec constitutum sit ex alia natura specifica, & alio individuationis principio, sed sit*



*fit simpliciter simplex, & ultimum in constitutione individui. Et paucis interjectis: Hoc posito respondendum est universe principium individuationis esse differentiam quandam positivam, & primo incommunicabilem, quæ adjuncta speciei per se constituit individuum; quas differentias alii vocant Hæcceitates, alii minus barbare Hecceitates. Secundum Fonseca ergo & reliquos eam habebit principium individuationis naturam, quæ exponet cur unum individuum ab altero differat. Haud ignoro quibusdam displicere hanc Scoti & affectarum opinionem, juxta tamen scio eos cum Jacobo Martini in Exercit. Metaph. L. p. 311. Henningio in Disput. de Princip. individ. Th. 1. §. 6. aliisque non negare principii individuationis officium esse exponere causam & rationem differentiae individualis, vel ut propriis Henningii verbis utar: principium individuationis esse, per quod individuum differt ab omni alia re; Negare autem, quod neque nos statuimus, ipsam hæcceitatem, non explicatam & legitime determinatam, absolvere principium individuationis. Hinc ad mentem veterum Philosophorum recte Chauwinus in Lex. Phil. sub tit. individuatō: Id, quo aliquid intrinsece & formaliter est in rerum natura, & per quod ita se habet, ut nequeat esse aliud, procul dubio est principium, a quo pendet intrinsece & formaliter singularitas, seu individuatō.*

## §. 537.

Duplex ergo est principium individuationis, alterum *Incomplexum*, alterum *Complexum*. Illud est, quod rem singularem interne constituit,

*Principii individuationis divisio.*

teu est ratio sufficiens intrinseca individui.  
*Hoc* est propositio, unde intelligitur quodvis  
 individuum ab alio quovis differre debere.

Hæc bina uno principii individuationis titulo  
 comprehendere voluisse veteres Philosophos,  
 palam faciunt quæ modo adduximus ad §. 536,  
 licet illa accurate a se invicem non discreverint,  
 quod causa sane erat non exigua prolixæ & in-  
 tricatæ, quæ inter eos agitabatur, de natura &  
 indole principii individuationis, controversiæ,  
 vix ac ne vix quidem sine discrimine quod  
 heic adferimus, tollendæ. Joh. *Micrælius* in Lex.  
 Phil. p. 539. *Donatus* in Metaph. Usuali Cap.  
 XVII. §. 33. *Wolffius* in Ontol. Lat. §. 228. &  
 qui hos sequuntur, principium individuationis  
 explicaturi acquiescunt in illo, quod nos incom-  
 plexum vocamus, non attendentes illud in sua  
 latitudine consideratum, menti etiam veterum  
 Philosophorum conformiter, duplex omnino  
 statui debere, complexum & incomplexum,  
 singulatim nunc evolvendum.

### §. 538.

*Principium individuationis in-*  
*individuationis in-*  
*complexum.* *Principium individuationis in-*  
*complexum consistit in omnimoda de-*  
*terminatione eorum, quæ enti ætæ*  
*insunt.* Ipsa enim individui indoles  
 & natura constituitur omnimoda determina-  
 tione eorum, quæ ei conveniunt (§. 528.). Est  
 ergo hæc omnimoda determinatio principium  
 individuationis, incomplexum (§. 537.). Idem  
 alio evincitur argumento: Docet Logica de-  
 fini-

fnitionem exponere internam definiti naturam, illamque definito fufficienter intelligendo fervire, & proinde rationem ejus effe fufficientem intrinfecam (§ 83.). Absolvitur vero individui definitio omnimoda determinatione eorum, quæ ei conveniunt (§. 528.). Est ergo hæc omnimoda determinatio principium individuationis incomplexum (§. 537.).

Hinc fimul patet ratio, cur illud, quod rationem fufficientem intrinfecam individui fubminiftrat; principium individuationis incomplexum vocetur. In genere diximus (§. 12.) principium cognofcendi incomplexum effe, quod notione fimplici exhibetur. Unde, quia definitio rei, ut Logica docet, vicem fubit notionis fimplicis, recte illa vocatur principium incomplexum, atque adeo in præfenti cafu, omnimoda determinatio, per quam definitur ens fingulare, merito a nobis adpellatur principium individuationis incomplexum. Sed dicis: *hoc modo convertitur principium individuationis, quod Scholaftici voluerunt effendi, contra mentem eorum, quam tamen in hoc negotio fequendam effe nobis propofuimus, in principium cognofcendi.* Fateor plerosque Scholafticorum ita explicare principium fuum individuationis, ut potius fit aliquod effendi & fiendi, quam cognofcendi. Quorfum pertinet *Svarezzii* effatum *Disp. Metaph. V. Sect. III.* quo ftatuit ille in quæftione de principio individuationis fermonem non effe de principio Metaphyfico, fed Phyfico, quod omne eff vel effendi, vel fiendi. Fateor, inquam, hoc, fed juxta feio hos Scholæ doctores, minimum, qui ce-  
teris

teris accuratiores esse volunt, principium individuationis, eo sensu acceptum, restringere ad entia composita tantum, nullumque ei in entibus simplicibus concedere locum. Conf. *Suarezii Disp. Metaph. V. Sect. VI*, Neque ignoro quosdam Scholasticorum intra entium finitorum ambitum restringere principium individuationis, & ideo enti Infinito subtrahere omnem individuationem. Hinc *Durandus* in 1. Dist. 35. seq. voluit naturam Divinam neque singularem neque universalem esse, cui tamen sententiæ accuratiores Philosophiæ doctores nigrum addunt calculum, potius cum *Joh. Christ. Hundsleben* in annot. ad Tab. XIX, Metaph. p. 83. contendentes principio individuationis eam concedendam esse latitudinem, ut ad Deum & omnes substantias simplices extendatur. Quod si verum est, esse autem verissimum suo loco uberius demonstrabo, docetque ipsa entis singularis notio, quæ in genere per rem existentem exhibetur; quilibet perspicit ita adornandum esse principium individuationis, ut enti quoque conveniat Infinito, quod quum omne & essendi & fiendi respuat principium, sequitur illud, quod ab individuatione habet nomen, in congrua consideratum extensione, non esse nisi cognoscendi, minime vero vel essendi, vel fiendi.

Distinctæ & completæ individui notionis defectus, qui apud veteres regnavit Philosophos, in causa fuit, cur diu licet inter se disputantes, amica tamen consensione convenire non potuerint in eruendo & statuendo principio individuationis incomplexo. Omnes circa hanc materiam

teriam ultro citroque ab illis agitatae contro-  
versias quæ singula recensere momenta nimis  
longum foret & tædiosum, parum etiam uti-  
le. Qui vero desiderat in his Scholasticorum tri-  
cis se exercere, ei abunde satisficient *Svare-  
zius c. l. Jacobus Martini Exercit. IX. Metaph.  
L. I. p. 308* & seqq. *Scheiblerus L. I. Metaph.  
Cap. VII. tit. IV. integro; Henningius l. c. Hun-  
desbagen l. c.* aliique plures. Proxime ad rei ve-  
ritatem accedunt, qui principium individuationis  
consistere dicunt vel *inexistentia rei singularis*, vel  
*in forma specifica, non prout essentiam, sed prout ex-  
sistentiam cum materia conjunctam a parte rei constituit.*  
Prioris sententiæ defensor est *Carthus* in 2. Dist.  
3. quem secutus est *Henric.* Quodlib. L. 2. Q.  
7. Posteriorem tuetur *Henningius c. l. Th. 6.* E-  
videns est & apertum, nullum ens esse singula-  
re, nisi quod existat (§. 528.), ipsamque existen-  
tiam consistere in aptitudine ad agendum vel  
patiendum (§. 207.), omnimodam quoque in-  
volvere determinationem (§. 218.). Philosophos  
ergo collocantes principium individuationis  
in existentia rei singularis vel in existentia,  
conjuncta cum materia, re ipsa nihil intende-  
runt aliud, quam principium illud in omnimo-  
da determinatione consistere, suis itaque sub-  
obscuris effatis nostræ sententiæ consensum  
præbuere.

§. 539.

*Principium individuationis com-  
plexum est hæc propositio: Duo plu-  
rave entia singularia, seu individua,  
perfecte eadem dari nequeunt. Hac*

*Principium  
individua-  
tionis com-  
plexum.*

enim

enim propositione (§. 532.) intelligimus quodlibet individuum ab alio quolibet differre. Est ergo illa principium individuationis complexum (§. 537.).

Certum quidem est, prout antea monuimus (§. 537.), veteres Philosophos distinctam hujus principii individuationis complexi mentionem non iniecisse; putamus tamen hanc nostram assertionem non modo non difforem, sed potius conformem esse veterum effatis, qui etiam inter alia postularunt, quod principium hoc declararet; cur unum individuum ab altero differat (conf. not. ad §. 536.). Quod postulatum non adimplet sola mentio omnimodæ determinationis, quæ omni convenit individuo, neque proinde alterum ab altero secernit, sed aliud omnino requiritur, huic satisfacturum negotio. Dicere vero unum ab altero differre, seu, unum non esse alterum, infert duarum a se mutuo idearum disjunctionem, judiciumque proinde negativum, verbisque expressum, propositionem negativam, quæ ergo manifestabit cur unum non sit idem alterum. Has autem partes accurate adimplet propositio, qua negatur duo plurave individua ex asse eadem. Illam igitur jure, eoque optimo, statuimus principium individuationis & quidem complexum.

#### §. 540.

*Entis universalis definitio.* *Ens universale* est, quod omnimode determinatum non est.

Ut huic definitioni aliquid accedat lucis, planum & facile ex Geometricis proponere lubet exemplum.

xemplum. Notio trianguli æquilateri, quam tradit Euclides, sistit nobis ens universale: Illa enim alias non involvit determinationes, quam numerum ternarium & rationem æqualitatis rectarum, unde ratio angulorum & inter se & ad quatuor rectos pendet. Non tamen heic attenditur laterum ad magnitudinem datam ratio, sine qua existere nequit triangulum æquilaterum, & sine qua, per consequens, omnimode determinatum non est (§. 217.). Non itaque continet hæc notio omnimodam determinationem, sed ens exhibet universale, comprehendens determinationes, omnibus individuis, quæ triangula æquilatera dicuntur, communes. Sic notio hominis, qua dicitur ille esse ens compositum anima rationali & corpore organico, quæ talis non nisi ens universale sistit. Illa enim non determinatur, an homo sit doctus vel indoctus, probus vel improbus, ex his vel aliis natus parentibus, his vel illis determinatis loco & tempore existat, & quæ sint alia ejusmodi ad omnimodam hominis determinationem requisita. Homo itaque sub illa notione non continet omnimodam determinationem. Communi autem ore dicimus allatam hominis notionem universalem esse. Recte ergo definimus ens universale per id, quod omnimode determinatum non est.

## §. 541.

Quia quodlibet est vel non est *Inter ens*  
 (§. 63.), ens aut est omnimode de- *singulare*  
 terminatum, aut non est omnimode *& univer-*  
 determinatum. Si prius, singulare *sale exclu-*  
 (§. 528.),

*ditur me-* (§. 528.), si posterius, universale au-  
*dium.* dit (§. 540.). *Omne ergo ens aut u-*  
*niversale, aut singulare est.*

Sumitur heic ens in latissimo suo significato, non autem in strictiori, quo unice ad existens restringitur. Nam hoc posteriori sensu nullum datur ens nisi singulare. Sed si priori sensu ens accipitur, recte affirmatur omne ens esse vel universale vel singulare. Hoc modo, ut maneamus in exemplo, quod statim adhibuimus, homo est ens universale. Hic autem homo, cui nomen est Petrus, ens *singulare* recte vocatur.

§. 542.

*Enti univer-*  
*sali denega-*  
*tur existen-*  
*tia.*

*Ens universale, quò tale, non*  
*existit.* Ex reciprocatione, quæ lo-  
 cum habet inter id, quod omni-  
 mode est determinatum & existens  
 (§. 218. 219.), perspicue intelligitur non existe-  
 re nisi quod sit omnimode determinatum; sed  
 ens universale, quò tale, non est omnimode  
 determinatum (§. 540.). Illud ergo, quò tale,  
 non existit.

Sic Petrus, Paulus, Johannes existunt, non ta-  
 men existit homo, de quo nihil amplius dicere  
 liceret, quam quod possideret animam rationa-  
 lem & corpus organicum, neglectis iis deter-  
 minationibus, quibus constituuntur individua.  
 Ut adeo communissimus loquendi usus nostram,  
 præsentì positione comprehensam, uberrime  
 confirmet adsertionem.



Tertia Scholasticorum ætate, quæ priores impudentia vicit, & Aristotelem quasi in thronum evexit, in Gallia floruit *Guilielmus Occamus*, qui ob portentosum, quod ei a *Jacobo Gaddio* adsignatur, ingenium, vulgo *Doctor invincibilis* est dictus. Recoxit hic a *Joh. Rucelino* Britanno primum ortam opinionem, qua statuitur universalia non existere, seu non esse in rebus citra mentis operationem, esse meros conceptus, & his respondentes voces unice universales esse. Huic & adseclis vehementer se opposuerunt Thomistæ & Scotistæ, arbitantes universalia in ipsis rebus esse quærenda, eademque etiam citra mentis operationem existere, neque esse mera nomina, sed res. Qui Occamo ad sensum præbebant, dicti sunt *Nominalistæ*, item *Occamistæ*, qui autem a Scotistarum & Thomistarum stabant partibus, *Realistæ* sunt nuncupati. Inter hos acerba & perpetua fuit contentio, quæ Parisiis & Oxoniæ, utpote in quibus locis eorum regnum fuit, inter studiosos in cruenta prorupit prælia. Sed facile deciditur hæc controversia, modo observemus, quod mox demonstratum est, universalia, quæ talia, non existere; existere tamen in singularibus, quorum cuilibet inesse, quod ens universale constituit, statim declarabunt sequentia. Neque a Realistis unquam fuit defensitatum seorsim existere universalia, seu, remotis singularibus, in quibus ante omnem operationem mentis fundamentum universalium quæerunt, existere nihilo secius universalia. Ut adeo certum sit veritatem stare a partibus Re-

*Historia & indoles controversiæ de existentia universalium.*

*ditur me-* (§. 528.), si posterius, universale au-  
*dium.* *dit* (§. 540.). *Omne ergo ens aut u-*  
*niversale, aut singulare est.*

Sumitur heic ens in latissimo suo significato, non autem in strictiori, quo unice ad existens restringitur. Nam hoc posteriori sensu nullum datur ens nisi singulare. Sed si priori sensu ens accipitur, recte affirmatur omne ens esse vel universale vel singulare. Hoc modo, ut maneamus in exemplo, quod statim adhibuimus, homo est ens universale. Hic autem homo, cui nomen est Petrus, ens *singulare* recte vocatur.

#### §. 542.

*Enti univer-*  
*sali denega-*  
*tur existen-*  
*tia.*

*Ens universale, quò tale, non existit.* Ex reciprocatione, quæ locum habet inter id, quod omnimode est determinatum & existens (§. 218. 219.), perspicue intelligitur non existere nisi quod sit omnimode determinatum; sed ens universale, quò tale, non est omnimode determinatum (§. 540.). Illud ergo, quò tale, non existit.

Sic Petrus, Paulus, Johannes existunt, non tamen existit homo, de quo nihil amplius dicere liceret, quam quod possideret animam rationalem & corpus organicum, neglectis iis determinationibus, quibus constituuntur individua. Ut adeo communissimus loquendi usus nostram, præsentì positione comprehensam, uberrime confirmet adsertionem.

Tertia Scholasticorum ætate, quæ priores impudentia vicit, & Aristotelem quasi in thronum evexit, in Gallia floruit *Guilielmus Occamus*, qui ob portentosum, quod ei a *Jacobo Gaddio* adsignatur, ingenium, vulgo *Doctor invincibilis* est dictus. Recoxit hic a *Job. Rucelino* Britanno primum ortam opinionem, qua statuitur universalia non existere, seu non esse in rebus citra mentis operationem, esse meros conceptus, & his respondentes voces unice universales esse. Huic & adseclis vehementer se opposuerunt Thomistæ & Scotistæ, arbitantes universalia in ipsis rebus esse quærenda, eademque etiam citra mentis operationem existere, neque esse mera nomina, sed res. Qui Occamo adensum præbebant, dicti sunt *Nominalistæ*, item *Occamistæ*, qui autem a Scotistarum & Thomistarum stabant partibus, *Realistæ* sunt nuncupati. Inter hos acerba & perpetua fuit contentio, quæ Parisiis & Oxoniæ, utpote in quibus locis eorum regnum fuit, inter studiosos in cruenta prorupit prælia. Sed facile deciditur hæc controversia, modo observemus, quod mox demonstratum est, universalia, quæ talia, non existere; existere tamen in singularibus, quorum cuilibet inesse, quod ens universale constituit, statim declarabunt sequentia. Neque a Realistis unquam fuit defensitatum seorsim existere universalia, seu, remotis singularibus, in quibus ante omnem operationem mentis fundamentum universalium quærun, existere nihilo secius universalia. Ut adeo certum sit veritatem stare a partibus Re-

*Historia & indoles controversiæ de existentia universalium.*

listarum, & his sine omni fundamento Nominalistas se opponere. Arbitrantur nonnulli inter hos dimicantes disceptatum fuisse: *an universalia sint res, an mera nomina?* vel, *an universalia existant vel minus?* atque ideo tolli posse controversiam, modo explicetur quid res sit. Existimant enim, si res pro existente sumitur, verum statuisse Nominalistas; sin autem pro eo, quod non omnimodam, sed aliquam saltem habet determinationem, accipitur rei vocabulum, veram esse Realistarum sententiam; totamque proinde controversiam, meram esse logomachiam. Sed hi talia sentientes abunde testantur se in scriptis veterum Philosophorum non esse versatos. Profecto non disputatum fuit inter Nominalistas & Realistas, an universalia, quæ talia, existant vel minus? ab utraque enim parte concedebatur eadem non existere; sed differentiatum fuit de fundamento universalium, seu, ut ipsi loquuntur, de ea ratione, per quam est aliquod universale, an scil. illud fundamentum vel illa ratio ipsis singularibus, seu rebus, insit ante omnem mentis operationem? Hanc quæstionem a Nominalistis negatam recte affirmarunt Realistæ, jure defendentes, quod & nos suo mox loco demonstrabimus, dari in rebus ipsis, ante omnem mentis operationem, fundamentum universalium. Qui dubitat, an recte mentem veterum Philosophorum in hac controversia expresse- rim, evolvat is *Thomam* Libr. de ente & essentia Cap. IV. *Durandum* L. 1. Sent. Dist. 3. qu. 5. *Svaregium* Disp. Metaph. VI. Sect. V. & VI. *Mendozam* Disp. Metaph. V. Sect. X. subsect. 2 & 3. aliosque. Abunde hi declarabunt, quam in-

indicavi, & non aliam fuisse veterum sententiam in quæstione, inter Nominalistas & Realistas agitata.

§. 543.

*Enti universali non conveniunt Quæ determinationes accidentales, & nationes enti externæ, quæ cum actualibus copulantur entibus. Non existenti nulla competant.* Non existenti nulla competunt accidentia (§. 367.), ens autem universale non existit (§. 542.). Ei ergo nulla conveniunt accidentia.

Idem valet de determinationibus externis, quæ cum actualibus copulantur entibus, seu, quæ cum actualitate entis, de quo prædicantur, sunt conjunctæ: Hoc enim posito, non possunt convenire nisi actualibus, quorum e numero quum non sit ens universale (§. 542.), sequitur huic non convenire ejusmodi determinationes externas.

Non negamus cum universalibus, quatenus rebus singularibus fundamentaliter, & ut ita loquar, radicaliter insunt, actu ipso conjuncta esse accidentia et extrinseca prædicata. Sed considerantur tunc universalia, ut determinationes entium singularium communes, seu in concreto, non autem in abstracto, remota individuatione; non illo, sed hoc sensu proprie sunt universalia, seu entia non omnimode determinata, quibus, quæ talibus, existentiam & accidentia recte denegamus. Sic quando cogitamus hominem, ut ens universale, in abstracto, constans anima rationali & corpore organico, iisque attributis, quæ ex hac essentia necessario deducuntur, ei

tribuere nequimus doctrinam, hujus vel illius artis notitiam, hunc vel alium existendi locum, quæ singula & cetera ejusmodi nonnisi homini existenti conveniunt, minime autem ei universaliter & abstracte spectato.

## §. 544.

*Quæ determinationes enti universali competant.*

Ex modo ostensis patere arbitror *Ens universale* esse, quod continet determinationes essentialis, pluribus singularibus communes, exclusis accidentalibus & determinationibus extrinsecis, ceterisque omnibus, quæ in singularibus sunt diversæ, seu, quia identitas essentialis constituitur essentialium & attributorum convenientia, remotis quæ modo removenda diximus (§. 418.). *Ens universale* absolvitur convenientia, seu identitate essentiali plurium singularium, exclusis accidentalibus & extrinsecis determinationibus, ceterisque omnibus, quibus inter se differunt singularia.

Scilicet mox ostendimus enti universali non competere omnimodam determinationem (§. 540.), ab eodem quoque removenda esse accidentia & extrinseca prædicata (§. 543.). Competunt tamen ei, quia ens est, aliquæ determinationes internæ (§. 416.), quæ proinde non possunt non in solis essentialibus & attributis consistere (§. 417.). Jam vero præeunte Aristotele, qui L. VII. Metaph. cap. XIII. ait: τὸ δὲ καθόλου κοινόν. Τῆτο γὰρ λέγεται καθόλου, ὃ πλείοσιν ὑπάρχει.

*ἀρχὴν πᾶσι.* *Universale autem commune est, id enim universale dicitur, quod pluribus inesse aptum est.* Hoc, inquam, præcunte, uno consentiunt ore omnes ens universale continere determinationes, singularibus communes, neglectis tamen iis, quibus illa inter se differunt, determinationibus. Rei ergo veritati & usui apud Philosophos recepto conformem exhibuimus entis universalis definitionem,

Ceterum observetur universale, quod heic definimus, esse universale in essendo, & ideo entis nomine insigniri solere. Apud Scholæ doctores, qui universale in genere explicare solent per *aliquid ad multa pertinens*, considerari solet universale vel *Complexe*, vel *Incomplexe*. Priori spectatum sensu accipiunt pro enunciatione, vel universali, sive vera sive falsa, sive necessaria sive contingenti, quam, quia de illa agit Aristoteles prioribus Analyticis L. I. Cap. 1. *Universale Prioristicum* vocant: vel *summe necessaria*, cujus prædicatum convenit subiecto omni, per se & quatenus est ipsum, de quo Aristoteles L. I. Poster. Analyt. cap. IV. Quam ob causam ab iisdem vocatum est *Universale Posterioristicum*. Ubi vero universale posteriori consideratur sensu, sive incomplexo, dicunt illud sumi vel in *causando*, pro causa universali; vel in *repræsentando*, pro notione universali, quæ ens universale repræsentat; vel in *significando*, pro termino, qui notionem universalem designat; vel in *essendo*, pro eo, quod pluribus inesse aptum est, vel in *prædicando*, quod de pluribus prædicari aptum: Prout illud ad

ductum Aristotelis Libr. de Interpret. Cap. VII. explicare solent, inter universale in essendo & prædicando istud intercedere discrimen docentes, quod universale in prædicando per *proprietaem*, in essendo, per *essentiam* describatur. Hinc illud ut effectum, hoc ut illius causam, vel qualemcunque rationem a priori exprimunt: Ideo enim aliquid de pluribus prædicari posse recte statuunt, quia pluribus inest, aut inesse aptum est. Statim largiuntur universale, complexive sumtum, Metaphysices non esse considerationis, neque ad illam pertinere universale incomplexum in significando, repræsentando, & prædicando, sed solum universale in causando et essendo: de illo agere solent. in Capite de causa & causato, quo etiam loco nos illud explicabimus; hoc vero præsentis esse loci, quo de indole entis universalis & singularis disquiritur, contendunt. Hoc etiam & nos uberiori adhuc subjiciemus expositioni, certo persuasi & convicti illud esse fundamentum legitimum non modo universalis in prædicando, sed etiam in repræsentando & enunciando, amplissimæ ergo esse utilitatis & latissimæ extensionis.

## §. 545.

*Ens magis* Universale ens diximus, quod  
*& minus* essentiali identitate singulare ab-  
*universale.* solvitur (§. 544.); quare si determi-  
 nationes istæ essentielles, quæ pluribus enti-  
 bus universalibus, inter se relatis, conveniunt,  
 ita comparatæ fuerint, ut, aliis manentibus i-  
 isdem, aliæ iterum differre possint; determi-  
 nationes istæ, quæ hoc casu eadem manent,

*ens*



*ens magis universale* constituunt. Eodem modo, ubi plura entia magis universalia, inter se comparata, possident iterum quasdam determinationes communes, ceteris manentibus diversis, ex illa communitate denuo oritur *ens adhuc magis universale*. Et ita porro, usque dum deventum fuerit ad *ens metaphysicum*, quo universalius datur nullum (§. 10. 227.): Ut adeo perspiciamus inter *ens metaphysicum* & *ens singulare* varios dari universalitatis gradus, vel adscendendo a singularibus ad *ens illud metaphysicum*, vel ab hoc ad illa descendendo. Prior methodus perveniendi ad notiones entium magis & magis universalium Logicis vocari solet *Analytica*, seu per *Adscensum*; Posterior vero *Synthetica*, seu per *Descensum*. Ita per adscensum, seu analytice, recedendo a singularibus, modo formatæ sunt notiones entium magis & magis universalium, quæ eadem etiam facile evolvuntur per descensum, seu synthetice: Ens enim universale non est omnimode determinatum (§. 540.), quo ergo illud magis & magis determinatur, eo minus & minus redditur universale. *Minus* itaque *universalia* absolvuntur determinationibus essentialibus, quæ eadem sunt pluribus, aut adhuc minus universalibus, aut individuis. *Magis* autem *universalia* constituuntur determinationibus essentialibus, quæ tantum communes sunt minus univer-

salibus, sepositis iis, quæ in his sunt diversa.

Ex. gr. Si duo plurave consideramus triangula æquilatera, delineata in chârta vel tabula, videmus illa inter se in eo convenire, quod tria habeant latera recta, mutuo æqualia. Oritur hinc idea trianguli æquilateri rectilinei universalis. Pari modo, ubi attendimus ad hæc vel illa triangulorum individua, quorum quodlibet duo latera recta æqualia, tertium autem inæquale; exsurgit ex hac convenientia idea universalis trianguli æquicruri. Simili ratione, quando observamus hæc vel illa triangulorum individua, quorum quodlibet includitur tribus rectis, mutuo inæqualibus, originem inde trahit idea universalis trianguli scaleni. Hæc jam tria universalia inter se ulterius comparans, in eo convenire deprehendo, quod sint figuræ tribus rectis lineis inclusæ. Hac convenientia constituitur Triangulum rectilineum quodvis, quod ergo ut ens magis universale recte consideratur. Quando iterum mihi repræsentō triangulorum curvilineorum, seu sphæricorum, varia individua, deprehendo illa eodem modo esse vel æquilatera, vel æquicrura, vel scalena, quæ singula, ut entia minus universalia, in eo magis universali conveniunt, quod sint figura tribus curvis inclusa, seu, quod sint triangula curvilinea. Iterum, triangulum curvilineum cum triangulo rectilineo, tanquam duo magis universalia inter se comparans, pervenio ad aliquod adhuc magis universale, quod explicatur per figuram tribus lineis comprehensam, & sine addito, *trianguli* venit nomine. Eodem modo con-

ferens figuras trilateras cum quadrilateris, quinquelateris &c. acquirō ideam figuræ in genere, & sic porro comparans extensa cum non-extensis, devenio ad ideam entis universalissimi. Si cui displiceat hoc Geometricum exemplum, displicere tamen nequit nisi Geometriæ ignaro, in ejus gratiam aliud adferre placet, satis obvium: Minus universale est idea hominis, nonnisi individua sub se comprehendens. Magis autem universale est animal, quod, per ens vivens & sentiens, definitum, hominem & animantia bruta sub se comprehendit. Magis vero adhuc universale est ens vivum, quod præter animalia etiam plantas continet, & ita porro ad ens usque metaphysicum, quod omnium est universalissimum.

#### §. 546.

*Duo plurave entia universalia neque perfecte eadem neque perfecte diversa statui possunt.* *Entia universalia perfecte eadem, vel perfecte diversa non dantur.* Quia enim duo plurave quævis entia dari nequeunt vel perfecte eadem (§. 395.), vel perfecte diversa (§. 394.), neque ergo duo plurave entia universalia statuere licet vel perfecte eadem vel perfecte diversa. Quodvis enim ens universale, sive magis, sive minus universale fuerit, constat determinationibus essentialibus, quæ pluribus vel minus universalibus, vel singularibus sunt communes, seu, in illis sunt eadem (§. 544. 545.); unde etiam attributorum dependet identitas (§. 399.). Quoniam vero ab ente universali

removendæ sunt determinationes accidentales & externæ (§. 543.); omnesque entis alicujus determinationes sunt vel externæ, vel internæ (§. 201.), & hæ sunt vel essentialia, vel attributa, vel accidentia (§. 417.); sequitur duo entia universalialia A & B, perfecte eadem, constitui perfecta convenientia determinationum essentialium inter se (§. 391.), perfecte autem diversa, earundam perfecta disconvenientia (§. 393.). Quo ipso in priori casu redit generale argumentum, quo antea (§. 395.) usus sumus; in posteriori, quia universalibus non repugnat existere in individuis, recurrit generalis demonstratio §:phi 394. Recte ergo negamus perfectam identitatem, vel diversitatem duorum pluriumve entium universalium.

Hoc modo quis dixerit triangulum æquilaterum esse perfecte idem cum triangulis æquicruris vel scalenis, figuram circularem esse perfecte eandem cum quadrangulari, & sic porro? Quis etiam non concesserit figuras triangulares, quadrangulares & circulares inter se convenire in generali figuræ notione? Quis itaque non intelligit duo entia universalialia & perfecte eadem & perfecte diversa repugnare.

### §. 547.

*Definitio* Memoratas entium universalium *speciei.* classes, majoris gratia distinctionis, distinctis & separatis titulis insignere solent Philosophi. Ita infimam universalium classem, quæ

quæ tantum singularia sub se comprehendit, *speciem* vocant, quæ itaque absolvitur essentiali convenientia, seu identitate, eademque perfecta plurium singularium, seu consistit inter plura individua, quatenus eandem inter se habent essentiam.

Sic Petrus, Paulus, Johannes & reliqua hominum individua, habent easdem determinationes essentielles, animam scilicet rationalem & corpus organicum, ob hanc ergo convenientiam ad eandem referuntur speciem, quæ homo dicitur. Pari ratione Bucephalus & cetera equorum individua communes habent determinationes essentielles, quibus species constituitur equina.

Vocabulum *species*, Græcis *εἶδος*, varias habet apud Philosophos, præsertim veteres, significationes; vel enim notat 1:o *cujuslibet rei formam*, teste *Porphyrio* in *Isag.* Cap. II. §. 18. vel, ut dicto loco reddit *Ammonius*, cujusque rei pulchritudinem. 2:do *alteram partem corporis naturalis*, materiæ contradistinctam, quam formam substantialem adpellant; hoc modo nonnunquam apud Aristotelem sumitur vox *εἶδος*. 3:o) *Modum*, ut apud Herodianum. 4:o) *Imaginem objecti* respectu potentiæ cognoscentis, h. e. objectorum in mente ideas; Hoc sensu Aristoteles L. III. de anima Cap. IV. t. 6. vocat animam locum specierum, scil. intelligibilium, per quas, tanquam imagines, intellectus objecta sua cognoscit. Eodem significatu vocabulum hoc sumit

*Æquivocatio termini speciei.*

sumit Cicero, quando ita in Topicis: *In divisione formæ sunt, quas Græci ideas vocant, nostri, si qui hæc forte tractant, species adpellant.* §. 0) Quod Logico & Metaphysico sensu Speciem adpellant, quæ acceptio hujus loci est. Speciei, hoc sensu acceptæ, confusam quidem tradunt veteres Philosophi definitionem, nostræ tamen, quæ rem ipsam, satis conformem; Porphyrius in Isagog. Cap. II. §. 3. duplicem adfert speciei definitionem, unam; *Species est id, quod subicitur generi, & de quo genus hoc ipso in quid est prædicatur.* Alteram; *Species est, quod de pluribus differentibus numero (h. e. individuis) in quid est prædicatur.* Voluit Porphyrius pro duplici relatione, quam habet species ad genus, & ad individua, duplicem ejus tradere definitionem. Nos methodum observantes syntheticam non nisi ad posteriorem heic attendimus. Evidens est de pluribus non posse prædicari individuis, nisi quod illis sit commune. Statim ergo intelligimus Porphyrium ad speciem constituendam postulare determinationes pluribus communes individuis. Prædicari *in quid*, quod opponunt prædicationi *in quale*, adeo confuse & varie explicant Scholastici, ut Oedipo opus sit non Davo, qui genuinum ejus eruat sensum. Quantum tamen colligere potui, per prædicationem *in quid* intelligunt prædicationem necessariam, seu essentialem, ut adeo ad quæstionem *quid res sit?* respondere soleant per ipsam ejus quidditatem seu essentiam. Re ergo ipsa Porphyrius cum Aristotelicis, nostræ conformiter sententiæ, constituit speciem in determinationibus essentialibus, quæ pluribus communes sunt individuis. Requiritur vero omnium

um essentialium in individuis, ad eandem speciem referendis, convenientiam iidem docent Philosophi, statuentes, ut mox indicabo, individua ejusdem speciei non differre essentia, sed numero. Cui assertioni usus consentit communis. Licet enim Bucephalus & Alexander eo essentiali, quod corpore organico in genere constituitur, inter se convenient; dicere tamen non solemus, illos esse individua ejusdem speciei, ad id postulantes alterius etiam essentialis partis, quæ anima rationali in Alexandro absoluitur, convenientiam, ex cujus defectu Alexandrum & Bucephalum ut individua diversæ speciei collocare solemus.

## §. 548.

*Quæ sunt individua ejusdem speciei, eadem habent attributa tum propria, tum communia, easdem accidentium possibilitates proximas, easdem etiam remotas, sed conditionate enunciatas.* Attributorum  
communio in  
individuis e.  
jusdem spe-  
ciei. Quæ enim sunt ejusdem speciei, omnia essentialia inter se habent eadem (§. 547.), ideoque possident etiam omnia attributa eadem (§. 399.), sive propria fuerint sive communia (§. 347), easdem quoque habent accidentium possibilitates proximas (§. 400). Est quidem accidentium possibilitas remota in accidentibus referenda (§. 380.); quatenus tamen ejus ratio sufficiens in essentia & simul in aliis rebus ab essentia diversis, quæ heic conditionis gerunt nomen, fundatur

tur (§. 377.), eatenus etiam, posita essentiae identitate, quæ in individuis ejusdem speciei omnino est ponenda (§. 547.), posita etiam conditionum identitate, ponuntur eadem possibilitates accidentium remotæ.

Paulus v. gr. & Petrus sunt individua ejusdem speciei humanæ, illis itaque recte attribuimus omnia attributa, quæ homini conveniunt, non solum, quæ humanæ speciei sunt propria, sed & quæ homini cum animantibus brutis sunt communia. Sic Petrus æque ac Paulus sunt rationales, viventes, sentientes, possunt musicam exercere, & quæ hujus generis sunt alia.

#### §. 549.

*Individuis ejusdem speciei eadem competunt attributa propria.* *Quæ eadem habent attributa propria; easdemque accidentium possibilitates, quæ attributorum priorum instar sunt, ea ejusdem sunt speciei.* Quæ enim eadem habent attributa propria, quorsum etiam pertinent accidentium possibilitates, quæ per modum attributi proprii enti insunt, illa eandem integram possident essentiam (§. 404.), & proinde ejusdem sunt speciei (§. 547.).

Quivis sua intelligit sponte sermonem heic esse de iis entibus, quæ possunt sub aliqua consistere specie, præsentem ergo propositionem non valere de supernaturali & mysterii plena S. S. Trinitate: Absit enim & quam longissime absit, hinc incaute colligas: *Tres in S. S. Trinitate personæ eadem habent attributa propria, ergo sunt ejusdem*



*jusdem speciei, erga tres personæ sunt tria individua, eidem subjecta speciei.* Agit præsens, quam demonstravimus, thesis de individuis, quorum quodlibet suam habet essentiam, ab alterius separatam: At tres in Divinitate Personæ subsistunt in una eademque essentia inseparabili, non ergo speciem formant, nec speciei instar ullo modo considerari debet Divinitas.

In naturalibus vero eximie utilitatis esse præsentem thesin jam dudum observarunt Mathematici, ex identitate proprietatum ad speciei identitatem colligentes, quod præsertim in Geometria curvarum præstant, examinaturi an hæc vel illa curva, ab hoc vel illo tanquam nova proposita, re ipsa sit nova et prius incognita: Detecto enim attributo ejus proprio, statim intellexere an nova sit figura, an ejusdem cum prius inventa speciei.

§. 550.

Suo jam evicimus loco, duo plura individua non dari perfecte eadem (§. 532.), & singula proinde aliquo modo diversa esse (§. 533.).

Plura ergo ista individua, quorum essentiali convenientia species constituitur (§. 547.), inter se differunt & distinguuntur. Originem hinc trahit *Differentia Numerica*, locum habens inter individua ejusdem speciei, & consistens in iis determinationibus, quibus hæc individua inter se distinguuntur. Hæ determinationes in individuis ejusdem speciei diversæ *Numericæ* vocari solent. *Entia* autem

Nu-

*Numero* diversa sunt plura individua sub eadem comprehensa specie.

Sic Petrus, Paulus, Johannes, differunt numero, quia sunt individua ejusdem speciei humanæ. Duplicem faciunt Scholastici numerum, alium dicunt esse *Numerantem*, quo utitur intellectus ad res numerandas, ut binarius, ternarius &c. & nihil est aliud quam multitudo entium in abstracto, qui ergo in relatione ad notionem entis in genere concipitur; alium *Numeratum*, seu rebus existentibus concretum, qui itaque est multitudo rerum, quæ ab intellectu numerantur, h. e. individuorum, ut numerus binarius, vel ternarius hominum. Omnia & singula existentia convenire in notione entis in genere facile liquet. Numero itaque numerante unum ens ab altero differre nequit. Neque, quantum constat, id unquam voluerunt Aristotelici, numero diversa recte statuentes; qui ergo hoc casu numerum numeratum intellexere. Quod, ut alios taceam plurimos, vel solus ostendit *Bechmannus*, qui in *Instit. Log. Aristot. L. I. Cap. III. §. 53.* dicit per *numero differentia* intelligi illa, *quæ ita distinguuntur a se invicem, ut numerum faciant, v. gr. tres lapides, tres homines.* Considerat itaque hoc loco numerum, ut existentibus concretum, h. e. numerum numeratum; minime vero gentium numerum numerantem. Duplicis autem generis constituit *Bechmannus numero diversa, 1:o Plura individua* ejusdem speciei, ut Alexandrum & Aristotelem. *2:o Plura quævis individua diversæ speciei, ut Petrum & hunc equum.* Priora vocat solo  
nume-

numero diversa, seu numero tantum diversa: posterioribus præter numerale, etiam essentialè adsignat discrimen. Illa ergo, non autem hæc, per numero differentia potissimum intelliguntur. Illustris *Wolffius* binas istas numero diversorum species inter se conferens, genus inde formavit, ut *Numero diversa* ei sint plura individua sive ejusdem, sive diversæ, speciei. Illa ergo ita definivit: *Numero diversa sunt, quorum unum de altero in singulari affirmari nequit, seu quorum unumquodque propriam sibi habet existentiam.* §. 184. Ontol. Fateor ejusmodi generalem explicationem menti veterum non prorsus esse difformem, juxta tamen fatendum est, strictiorem illam numero diversorum explicationem, nobis adprobatam, veterum sententiæ magis congruere & simul inservire variis, apud illos controversiis, melius decidendis, Theologorum quoque statutis magis esse adcommodatam, qui diu jam dicere siveverunt Tres in Divinitate personas numero inter se non differre, quia essentia Divina, in qua subsistunt, singularis est, nec instar speciei considerari potest. Sed si *Wolffiana* retineretur definitio, quia tres Divinitatis personæ de se mutuo in singulari affirmari nequeunt, essent omnino distincta individua, quod tamen nostri Theologi non admittunt. Dicit quidem *Damasceus* L. 3. de Orthod. Fid. Cap. IV. & inde *Chemnitius* de Duabus Nat. in Christo Cap. I. f. I. *Personas Divinitatis differre numero*, statim tamen addit *Chemnitius* essentiam Divinam prædicari de tribus personis, non ut genus de speciebus, nec ut species de individuis, sed alio quodam ineffabili & incom-

prehensibili modo. Non itaque in rigore suo sumunt, hi numeralem diversitatem, quæ est & manet comprehensibilis, sed in latissimo significatu, quatenus ad tres Divinitatis Personas applicari possunt nomina numeralia, unum, duo, tria. Nos ergo, retinentes nostram Differentiæ Numeralis notionem, ad illius indolem plenius evolvendam pergimus.

## §. 551.

*Differentiæ Numericæ quidditas.* Constituitur numerica differentia determinationibus, quibus inter se differunt individua ejusdem speciei (§. 550.). Postulat ergo aliquid, ut certo modo in uno individuo determinatum (§. 200.), quod in altero, vel abest, vel ita determinatum non est (§. 390.). A vero itaque discedunt existimantes numericam differentiam nihil esse, neque existere posse duo individua ejusdem speciei, solo numero differentia.

Sæpius eontra hoc corollarium peccatur in controversia de principio identitatis indiscernibilium, quasi existere non possent individua, nisi essentialibus inter se differrent qualitatibus, & quasi sola numerica differentia, quam statuunt Scholastici, nihil involveret. Sed ut melius intelligatur hæc res, ad sequentia animum advertamus.

## §. 552.

*Differentia numerica in quam re consistat.* Licet duo plurave individua ejusdem speciei perfecte eandem inter se habeant essentiam, ad numericam tamen inter illa constituendam differren

*rentiam sufficiunt determinationes accidentales & extrinsecæ.* Quia sunt hæc individua ejusdem speciei (per hypoth.), habent easdem omnes determinationes essentielles (§. 547.), eademque attributa (§. 548.). Sed essentialis hæc identitas, ex qua non sequitur identitas vel determinationum accidentalium (§. 419.), vel extrinsecarum (§. 420.), salva manet, etiamsi individua, inter quæ illa obtinet, determinationibus accidentalibus & extrinsecis differant. Neque ratione identitatis repugnat ut duo plurave sint individua, nisi ponerentur perfecte eadem (§. 396.); Sed in præsentī casu adest quidem perfecta identitas determinationum essentialium & attributorum (per hypoth. & demonstr.), non tamen ideo identitas determinationum accidentalium & extrinsecarum, quæ tamen simul requiritur ad perfectam duorum entium, quæ ejusmodi admittunt determinationes, identitatem (§. 414.). Possunt itaque ejusmodi duo plurave individua existere ejusdem speciei, quæ solis inter se differant determinationibus accidentalibus & extrinsecis, & inter quæ proinde, quia datur harum discrimen determinationum, differentia locum habet numerica (§. 550.); Cui itaque statuendæ sufficiunt illæ determinationes.

Hinc est quod Aristotelici dicant numericam differentiam subsistere inter individua, quæ nul-

prehensibili modo. Non itaque in rigore suo sumunt hi numeralem diversitatem, quæ est & manet comprehensibilis, sed in latissimo significatu, quatenus ad tres Divinitatis Personas applicari possunt nomina numeralia, unum, duo, tria. Nos ergo, retinentes nostram Differentiæ Numeralis notionem, ad illius indolem plenius evolvendam pergamus.

## §. 551.

*Differentia Numerica quidditas.* Constituitur numerica differentia determinationibus, quibus inter se differunt individua ejusdem speciei (§. 550.). Postulat ergo aliquid, ut certo modo in uno individuo determinatum (§. 200.), quod in altero, vel abest, vel ita determinatum non est (§. 390.). A vero itaque discedunt existimantes numericam differentiam nihil esse, neque existere posse duo individua ejusdem speciei, solo numero differentia.

Sæpius contra hoc corollarium peccatur in controversia de principio identitatis indiscernibilium, quasi existere non possent individua, nisi essentialibus inter se differrent qualitatibus, & quasi sola numerica differentia, quam statuunt Scholastici, nihil involveret. Sed ut melius intelligatur hæc res, ad sequentia animum advertamus.

## §. 552.

*Differentia numerica in quam re consistat.* Licet duo plurave individua ejusdem speciei perfecte eandem inter se habeant essentiam, ad numericam tamen inter illa constituendam differ-  
ren

*rentiam sufficiunt determinationes accidentales & extrinsecæ.* Quia sunt hæc individua ejusdem speciei (per hypoth.), habent easdem omnes determinationes essentielles (§. 547.), eademque attributa (§. 548.). Sed essentialis hæc identitas, ex qua non sequitur identitas vel determinationum accidentalium (§. 419.), vel extrinsecarum (§. 420.), salva manet, etiam si individua, inter quæ illa obtinet, determinationibus accidentalibus & extrinsecis differant. Neque ratione identitatis repugnat ut duo plurave sint individua, nisi ponerentur perfecte eadem (§. 396.); Sed in præsentī casu adest quidem perfecta identitas determinationum essentialium & attributorum (per hypoth. & demonstr.), non tamen ideo identitas determinationum accidentalium & extrinsecarum, quæ tamen simul requiritur ad perfectam duorum entium, quæ ejusmodi admittunt determinationes, identitatem (§. 414.). Possunt itaque ejusmodi duo plurave individua existere ejusdem speciei, quæ solis inter se differant determinationibus accidentalibus & extrinsecis, & inter quæ proinde, quia datur harum discrimen determinationum, differentia locum habet numerica (§. 550.); Cui itaque statuendæ sufficiunt illæ determinationes.

Hinc est quod Aristotelici dicant numericam differentiam subsistere inter individua, quæ nul-

lam habent in essentia dissimilitudinem. Conf. *Bechmanni Log. Aristot. L. I. Cap. III. p. 51.* & *Stratemanni System. Log. p. 113.* Hinc etiam *Chauvinus in Lex. Phil. sub. tit. Species.* Numero differunt singularia, seu individua, in eadem quidem natura & essentia convenientia, sed accidentibus inter se distincta. Sic *Aristoteles & Plato* conveniunt in natura humana, sed multa sunt in *Aristotele accidentia, quæ Plato non habet.*

§. 553.

*Accidentia non ingrediuntur speciem, sed differentiam numericam.*

Est species ens universale (§. 547.), illam ergo non ingrediuntur accidentia & extrinsecæ determinationes (§. 543.), quæ tamen differentiam numericam & ingrediuntur, & illam constituunt (§. 552.).

§. 554.

*Quæ sit inter individua ejusdem speciei similitudo.*

Individua ejusdem speciei essentiali similitudine, eademque perfecta, inter se gaudent. Habent enim individua ejusdem speciei omnes determinationes essentielles, quæ ipsis conveniunt, inter se communes (§. 547.), imo etiam omnia, quæ eis sigillatim competunt attributa (§. 548.). Possident itaque omnes qualitates essentielles inter se communes (§. 463.): Et per consequens perfecta essentiali gaudent similitudine (§. 508.).

Ex. gr. Singula hominum individua, quatenus ad eandem pertinent speciem, essentiali similitudine eademque perfecta, inter se gaudent:

Ha-



Habent enim non solum animam rationalem & corpus organicum, sed & omnes facultates, hinc pendentes, easdem.

## §. 555.

*Quem ad modum ergo inter individua ejusdem speciei datur identitas qualitatum essentialium (§. 508.), ita etiam inter eadem locum habet identitas quantita-*

*titatum essentialium inter individua ejusdem speciei.*

Constituuntur enim individua ejusdem speciei identitate plenaria omnium determinationum essentialium, quæ illis conveniunt (§. 547.). Continetur vero inter determinationes essentielles quantitas essentialis (§. 477.). Hanc igitur eandem inter se possident individua ejusdem speciei.

Certum quidem est Enti Infinito non competere quantitatem, juxta tamen constat omnia individua, quæ sub aliqua subordinantur specie, finita esse & limitata, & idcirco illa omnia possidere quantitatem essentialem, quæ non potest non eorum specificam ingredi identitatem. Sic numerus æqualium laterum ternarius est quantitas discreta, triangulo æquilatere essentialis, quæ non potest non eadem esse, salva manente hæc figura, quæ trilatere vocatur.

Patet hinc ratio, ut arbitror, sufficiens, cur cum plerisque recentiorum non definiam speciem per *similitudinem individuorum* Nam 1.º) in hac definitione non determinatur an essentialis, an vero accidentalis intelligatur similitudo; illa quidem speciem ingreditur (§. 554.); hæc au-

tem, quia ex accidentibus pendet, speciem ingredi nequit (§. 553.). 2:do) *Per hanc definitionem* excluditur omnis identitas quantitatis essentialis, qua tamen, ut modo demonstravimus, constare debent individua ejusdem speciei. Definitionem ergo speciei, apud Aristotelicos magis usitatam, huic recentiorum definitioni præferendam esse judico.

## §. 556.

*Qui gradus variat speciem, qui non?* *Diversus essentialis gradus, non vero accidentalis, obvius in individuis, eorum variat speciem.* Nam diversus in individuis essentialis gradus infert diversitatem quantitatis essentialis qualitatum earundem essentialium, quæ in illis dantur (§. 488.). Hæc itaque diversitas si non mutaret speciem, identitas quantitatis essentialis illam non ingrederetur, quod tamen mox demonstratis repugnat (§. 555.). Concedendum ergo est, diversum essentialem gradum in individuis mutare eorum speciem.

Alia autem est ratio gradus accidentalis, qui in eodem ente est inconstans (§. 489.), & consistit in quantitate accidentali earundem qualitatum accidentalium (§. 488.). Speciem ergo ingredi nequit (§. 553.). Hac igitur salva, ille alius & alius esse potest.

Ne te offendat appellatio: *diversus essentialis gradus*, quasi ex illa sequi putares, gradum essentialem esse inconstantem, quod tamen absurdum antea evicimus (§. 489.); scias precor me hac ad-

pel-

pellatione non dicere velle uni eidemque individuo varium esse essentialem gradum, quod sane contradictorium foret, sed diversa individua, quibus diversus essentialis gradus competit, ad diversam pertinere speciem. Sic in Tobia v. gr. homine, & Raphaële angelo, diversus est gradus intelligendi, in hoc longe excellentior, quam in illo; vi ergo præsentis propositionis vere colligo, Tobiam & Raphaëlem non ejusdem, sed diversæ esse speciei. Intelligis hinc, quod alibi dicetur plenius, entia simplicia, quæ gradibus repræsentationum, qui universam mutant repræsentationem, differunt, ad diversas referri species. Longe vero alia est ratio graduum accidentalium, qui notionem speciei non ingrediuntur, illamque proinde variare & mutare nequeunt. Hoc modo quamvis *Petrus Remundus de Monmort*, de quo *Fontenellius* in *Hist. Acad. Paris.* pro anno 1719. p. 115. eum attentionis possederit gradum, quo potuit in eodem conclavi, quo instrumenta musica pulsabantur, & filiulus, hinc inde cursitans, patrem interpellabat, problematum difficilium solutionem ad finem perducere; non tamen ideo hic Gallorum Mathematicus alterius est speciei, quam is, qui eum attentionis gradum sibi non comparavit, & vel musitatione aliorum in attentionis suæ exercitio turbatur. Pari modo licet rectissime judicet *Tacquettus*, paucissimorum attentionem fore tam diuturnam, & constantem, ut demonstrationibus *Clavianis* de Astrolabio, admodum prolixis, rite perpendendis, & Schematibus de eodem, admodum implexis & intricatis, distincte extricandis & perspiciendis,

sufficiat; nemo tamen ideo dixerit alios, quos hoc attentionis gradu, qui solum accidentalis est, superat Clavius, non esse ejusdem cum illo speciei humanæ. Idem illustrent aliarum quoque qualitatum accidentalium gradus, qui in diversis ejusdem speciei individuis multum differunt.

Explicuimus sic & legitime determinavimus triam illam apud veteres Philosophos regulam: *Gradus non variat speciem*, vel ut illam habet Zabarella L. I. de Math. pr. Cap. IX. *Differentia secundum magis & minus non variat speciem*, vel ut Nicol. Hunnius in Canon. Log. Cap. II. p. 99. *Magis & minus non variat Speciem*. Quilibet perspicit, distinctione tacta inter gradum essentialem & accidentalem, valere canonem de hoc, non autem de illo. Quæ sane causa fuit, cur indeterminata, qua veteres utuntur, dictione non contenti, aliis illam exprimere verbis debuimus, ut determinatæ & distinctæ, quam desideramus, cognitioni daretur locus, sine duplici graduum discrimine, distincte proposito, haud obtinendus. Habet de cetero hic veterum canon, ubi, omisso gradus vocabulo, cum Zabarella vel Hunnio exprimitur, latiore adhuc extensionem, ipsius etiam quantitatis variationem, suo comprehendens ambitu, unde sequens exsurgit propositio.

§. 557.

*Quantitas accidentalis non variat speciem.* *Diversa quantitas accidentalis, major scilicet vel minor, in individuis obvia, eorum non variat speciem.* Absolvitur enim quantitas acci-

accidentalis determinationibus accidentalibus, quæ sine alio assumpto intelligi nequeunt (§. 477.). Nullum vero individui accidens notionem ingreditur speciei (§. 553.), hæc igitur salva, illud varium esse potest. Intelligimus ergo diversam quantitatem accidentalem, in individuis obviā, eorum non mutare speciem.

Hoc modo intelligimus quod *Saurius* in Syntagm. Log. L. I. Sect. I. Cap. III. p. 89. regulam: *magis & minus non variant speciem*, illustraturus, adducit, cultrum & cultellum, pygmaeum & gigantem, specie non differre. Antea enim ad §. 477. observavimus, omni quidem corpori essentialiter competere quantitatem, hanc tamen vel illam in singulari esse ejus accidens. Cultri ergo ut & corporis humanæ staturæ quantitas hæc vel illa est eorum accidens, quæ itaque speciem mutare nequit.

#### §. 558.

*Completam rei notionem* in Logi. *Notio completa* dicimus, quæ notas continet ad *pleta* quid? rem a quavis alia dignoscendam immo & agnoscendam sufficientes,

Non est ut multis heic explicemus vel notionem in genere, vel varias ejus species, inter quas etiam locum invenit, quæ completa vocatur; Totam enim hujus rei expositionem sibi attribuit Logica. Sufficit nobis in usum sequentium heic indicasse quid nomine notionis completæ intelligamus.

## §. 559.

*Notio individui completa componitur ex notione speciei, sub qua continetur, & differentia numerica.*

Habet quodvis individuum, sub aliqua comprehensum specie, eandem cum altero ejusdem speciei essentiam (§. 547.), diversam vero ab altero diversæ speciei essentiam (§. cit.): Et quæ ejusdem speciei sunt individua, a se mutuo secernuntur per differentiam numericam (§. 550.). Distinguitur ergo individuum quodvis ab alio diversæ speciei per essentia diversitatem h. e. per diversam speciei notionem (§. 547.), & ab individuis ejusdem speciei per differentiam numericam. Neque præter individua vel ejusdem, vel diversæ speciei, dari alia permittit principium exclusi medii, quodlibet est vel non est. Notione ergo speciei & differentia numerica unum individuum ab alio quovis sufficienter dignoscitur. Est vero essentia, qua notio speciei constituitur, determinatio ejus intrinseca (§. 417.). Differentia autem numerica constituitur determinationibus externis & accidentalibus, quæ internis sunt adnumerandæ (§. cit.). Exhibent itaque notio speciei & differentia numerica sufficientes notas dignoscendi unum individuum ab altero (§. 471.). Ex illis ergo constat cujusvis individui notio completa (§. 558.).

Ex. gr. notionem Petri, ut individui, ingreditur omni-

omnimoda; ejus determinatio, in qua quidem continetur identitas essentialis specificæ, quam cum Paulo habet, & qua ab animalibus brutis, immo ab alio quovis individuo alterius speciei, distinguitur; omnimodam tamen Petri determinationem non absolvit speciei humanæ notio, quia per hanc a Paulo non discernitur; accedente vero differentia numerica, quæ inter utrumque intercedit, sufficienter dignoscitur Petrus, tam a Paulo, quam ab alio quovis individuo alterius speciei.

§. 560.

*Abunde hinc elucescit plures esse in individuo determinationes, Major individui determinationes, quam in specie. Hæc enim continet tantum determinationes essentielles, pluribus communes individuis (§. 547.), illud vero, præter has, differentiam quoque possidet numericam (§. 559.).*

Facit huc exemplum, modo allatum (§. 559.), aliaque innumera, quæ sine ulla difficultate eruantur.

Quamvis individuum, quæ tale, nihil superaddat speciei essentiali, sed sola accidentia cum extrinsecis determinationibus (§. 552. 553.); inde tamen cum *Zabarella* L. I. Post. V. §. 38. non est colligendum, plus non esse in singulari quam in specie: Falsum enim est, plus illud semper involvere respectum ad essentiali. Potius, quia inter intrinsecas individui determinationes numerantur accidentia (§. 552.), illudque quatenus sub specie continetur, & ideo finitum est,

com-

comprehendit determinationes extrinsecas, potius, inquam, hæc determinationes, cum accidentalibus junctæ, & notioni speciei superadditæ, semper aliquod plus, quam quod in notione speciei est, constituunt.

## §. 561.

*Modus concludendi ab individuo ad speciem & vicissim.*

*Non igitur a determinato individuo ad speciem, sed ab hac ad illud universalis valet conclusio.*

Ubi enim a determinato individuo colligitur, ratio concludendi ex differentia numerica, quæ determinatum efficit individuum (§. 550.), desumitur. Quam ob rem, quia notionem speciei differentia numerica non ingreditur (§. 547. 550.), a determinato individuo ad speciem non valet argumentatio; semper tamen a specie, quæ individuorum involvit essentialem convenientiam (§. 547.), ad individuum, quod speciei notionem includit (§. 559.), universalis valet conclusio.

Vitiose ergo ex *Newtoni* y. gr. in Mathematicis notitia inferitur, omnes homines esse Mathematicos. Vitio autem caret collectio, quæ exinde, quod species humana intelligendi possideat facultatem, infert. *Newtono* eandem competere facultatem. Ceterum has regulas pluribus exponunt Logici, quorum præcipuum est officium, ratiocinandi tradere leges. Sufficit Metaphysico harum legum indicasse & demonstrasse fundamentum.

## §. 562.



## §. 562.

Præter speciem, quæ infimam *Definitio*  
constituit entium universalium clas- *generis.*  
sem (§. 547.), dantur classès adhuc superiores  
(§. 545.); inter has, quæ comprehendit plures  
infimas, dicitur Genus, quod itaque absolvi-  
tur determinationibus, quæ pluribus specie-  
bus sunt communes, seu constituitur identi-  
tate, vel convenientia determinationum, quæ  
pluribus insunt speciebus.

Ex. gr. Species, qua hominum singulorum con-  
stituitur convenientia, in eo convenit cum spe-  
ciebus equorum, boum, canum, aliorumque a-  
nimantium brutorum, quod vitam habeat &  
sensus. Oritur hinc notio animalis, quæ per  
ens vivens & sentiens explicata, genus harum  
constituit specierum.

Alias vox *genus* ambigua est & va- *Ambiguitas*  
rie sumitur, uti ex L. IV. Meth. *vocis genus.*  
Cap. XXVIII. Aristotelis, & ex  
*Porphirii* Isag. Cap. II. prolixè constat. Nam  
1:0) *Significat Genus familiam*, seu hominum col-  
lectionem ex eodem genitore., Heraclidarum  
hinc genus, quod ab Hercule originem traxit.  
2:do) *Notat collectionem aliquorum*, qui ad unum  
quoddam inter se sunt affecti. Sic dicimus ali-  
quem esse genere Suecum, i. e. patria & na-  
tione: Genere nobilem, i. e. familia & stirpe.  
3:0) *Sumitur Physice pro subiecta materia*, quam  
Aristoteles vocat γένος ὑποκείμενον, & de hoc ge-  
nere valet illud L. I. Post. Analyt. ὃ δὲ μετα-  
βαίνει εἰς ἄλλο γένος: Non licet transilire seu e-  
vaga-

vagari in aliud genus, h. e. in aliam peregrinam materiam. 4:o *Pro aliquo magis universali quam species est.* Et in hac acceptione, quæ præsentis est loci, ita definitur ab *Aristotele* L. IV. Top. Cap. V. γένος ἐστὶ τὸ κατὰ πλεονάζον καὶ διαφερόντων τῶ εἶδει ἐν τῷ τι ἐστὶ κατηγορούμενον. Quam eandem definitionem generis tradit quodue *Porphyrus* in Isag. Cap. II. Hinc Aristotelici uno quasi ore dicunt genus esse, quod de pluribus specie differentibus in quid prædicari potest. Eodem itaque jam liquet modo, prout de Specie ad §. 547. observavimus, Aristotelis & eorum, qui illum sequuntur, generis definitionem ei, quam nos tradidimus, ex affe. conformem esse.

## §. 563.

*Quæ determinationes notionem generis ingrediuntur.* Constituitur species perfecta indentitate omnium essentialium determinationum, quæ in individuis sunt obviæ (§. 547.), remotis accidentibus & determinationibus externis (§. 553.). Absolvitur vero genus convenientia determinationum, quæ speciebus inlunt (§. 562.). *Non ergo nisi determinationes essentielles, speciebus communes, ingredi possunt genus.*

Ex. gr. Notionem trianguli rectilinei in genere non ingrediuntur nisi determinationes essentielles, communes triangulis æquilateribus, æquicruris, & scalenis; non autem quæ harum specierum individuis competunt accidentia, ne speciei quidem adjudicanda notioni.

## §. 564.

## §. 564.

Est genus ens universale (§. *Impossibilitas* 562.), sed duo entia universalia *perfectæ identitatis generum.* perfecte eadem dari nequeunt (§. 546.): *Impossibile ergo est locum inveniant duo plurave genera, perfecte eadem.*

Sint genera A & B perfecte eadem, ad genus A pertineant species C. D. E., easdem ergo species comprehendet genus B, iisdemque ac A constituetur determinationibus. Et proinde non nisi nomine differre poterunt A & B, quæ, per consequens, re ipsa coincident, & unum idemque erunt, nullaue generum pluralitate distinguenda.

## §. 565.

Quoniam genera perfecte eadem dari nequeunt (§. 564.), locum semper inter plura genera ob-  
*Modus distinguendi generis diversi species.*  
 tinet aliqua diversitas (§. 391. 392.) determinationum essentialium, quæ diversis communes sunt speciebus (§. 563.): *Species itaque diversi, sub quo continentur, generis a se mutuo distinguuntur determinationibus, quæ genera, quibus species illæ substant, ingrediuntur (§. 431.).*

Er. gr. Duo sunt figurarum genera, quadrilaterum scilicet & trilaterum, quæ a se mutuo discernuntur numero laterum quaternario & ternario, quibus figuræ istæ includuntur. Quævis ergo species, sub quadrilatero comprehensa, verb. gr. Rhombus, a quavis specie, sub trilatero

tero complexa, v. gr. æquicruro dignoscitur diverso laterum numero, quo earum inter se distant genera.

§. 566.

*Quæ identitas Genus constitui nequit perfecte in genere. Est, sed respectiva, seu partiali identitate specierum, quæ ad illud referuntur.* Duæ pluresve species, quia entia sunt universalis (§. 547.), quarum quælibet perfectam involvit essentialem convenientiam suorum individuorum (§. cit.), dari nequeunt vel perfecte eadem, vel perfecte diversæ (§. 546.). Constituitur vero genus determinationibus, quæ pluribus speciebus sunt communes (§. 562.). Plures ergo species, ad gentis aliquod pertinentes, neque perfecte eadem, neque perfecte diversæ esse possunt. Sunt itaque non nisi partialiter diversæ (§. 393.).

Sic sane si perfecta daretur identitas triangulorum, æquilateri, æquicruri, & scaleni, ex quibus, ceu suis speciebus, constituitur triangulum in genere; neque inter species istas inter se mutuo, neque inter quamlibet speciem & genus, ullum daretur discrimen, quod tamen res ipsa absurdum loquitur: Perspicuum namque est in notione trianguli æquilateri esse æqualitatem trium laterum, in notione trianguli æquicruri, esse æqualitatem duorum, tertio remanente inæquali, in notione autem trianguli scaleni esse omnium trium laterum inæqualitatem, quæ singulæ specierum efficiunt di-

diversitatem, a notione generis removendam, iis solum constante determinationibus essentialibus, quæ his speciebus sunt communes, & quæ per figuram tribus lineis inclusam expōnuntur. Neque ergo dictæ triangulorum species absolutam inter se habent diversitatem.

## §. 567.

Per modum consecrarii hinc statim patet genus constitui partiali *Natura* convenientia determinationum essentialium, *generis.* quæ in pluribus dantur speciebus (§. 563.).

Hinc quidam Aristotelicorum cum *Mendozæ* Disp. Log. IV. Sect. I. th. 3. Genus definituri, dicunt illud esse universale, quod de pluribus speciebus prædicatur incomplete, h. e. ita ut non exprimat totam essentiam speciei, de qua dicitur. Ex. gr. cum dico: *homo est animal*, incomplete prædicatur genus, *animal*, de specie, *homo*, quia hujus essentiam totam non exprimit. In essentia hominis, præter hoc, quod animal sit, simul continetur quod rationis sit particeps. Recte vero observat *Bechmannus* in Inst. Log. Aristot. L. I. Cap. III. p. 46. non opus esse ut addatur vox *incomplete* in definitione generis, quia, quod huic respondet voci, in definitione implicite continetur, & ex illa per modum consecrarii recte deducitur, cujus rei veritatem præsentī exhibuimus consecrario.

## §. 568.

Quia itaque species sub aliquo *Differentiæ* comprehensæ genere, nonnisi par- *specificæ no-* tialem, seu respectivam determina- *tio.*

tionum suarum essentialium habent convenientiam (§. 567.), datur aliqua inter dictas species determinationum essentialium diversitas (§. 393.), quæ itaque *differentiam* constituit *specificam*, consistentem ergo in determinationibus, quibus species, ad idem pertinentes genus, inter se differunt.

Hoc modo ratio æqualitatis laterum inter se in triangulo æquilatelo, ratio æqualitatis duorum & inæqualitatis cum tertio in triangulo æquicrulo, ratio inæqualitatis omnium trium in triangulo scaleno constituit *differentiam specificam*, qua quælibet harum specierum, sub eodem genere comprehensarum, ab altera differt.

Multa monere solent Aristotelici de *differentia* in genere & variis ejus speciebus, de quibus tamen omnibus, quantum judicavimus satis, in Capite de eodem & diverso egimus. Hæc ergo unice circa *differentiam*, quæ *specificam* audit, nostræ detinebuntur meditationes. Hanc *differentiam* *Porphyrus* in *Isag.* Cap. IV. ita definit: Διαφορά ἐστὶ τὸ χωρίζειν πεφύκως τὰ ὑπὸ τὸ αὐτὸ γένος, ὅπερ εἰς τὸ εἶναι συμβάλλεται, καὶ εἰς τὸ τί ἦν εἶναι καὶ ὃ τῷ πράγματι ἐστὶ μέρος: *Differentia* est id, quod habet vim separandi ea, quæ sunt sub eodem genere, quodque ad *essentiam* rei & ad id, quod res est, confert, atque est pars rei. Adeo perspicuum arbitror hanc *Porphyrii* definitionem *differentiæ*, aliis licet prolatam verbis, cum nostra tamen ex æse convenire, ut, ad ejus ostendendam cum nostra convenientiam, ne verbulo quidem babeamus

mus opus. Multo itaque melius rem suam egissent, & distinctiori rerum cognitioni consulissent, si hanc Porphyrii retinissent definitionem, et loco ejus hanc non substituisent: *Differentia est quod prædicatur de pluribus in quale quid essentialiale, seu constitutivum*; vel ita: *Differentia est quæ cum genere constituit certam speciem, & prædicatur de pluribus in quale quid*. Nam magna laborant hæ notiones obscuritate tum ob inexplicatum, immo ausim addere, inexplicabile discrimen prædicationis *in quid*, & *in quale*, quasi illud de genere & specie solum valeret, hoc autem de differentia, & quasi ex qualitatibus constitutivis & essentialibus, inter se convenientibus, non determinarentur genera & species, quali etiam differentia, quæ circa quale versaretur, ingrederetur notionem speciei, ex prædicatione *in quid*, secundum hos Philosophos desumptam. Deinde non minoris est obscuritatis dictio, in definitione differentiæ occurrens: *prædicatur de pluribus*. Certe differentia non prædicatur de pluribus speciebus, nam sic non esset differentia, nec de pluribus generibus, quorum notionem, neque constitutive, neque consecutive ingreditur; sed solum de pluribus individuis, sub specie, cujus est differentia, comprehensus. Rejecta igitur Scholasticorum definitione differentiæ, nostram retinemus rei veritati & Porphyrianæ definitioni amicissime consentientem,

## §. 569.

*Differentia specifica non ex accidentalibus vel extrinsecis determinatur*      *Differentia specifica annotationis*

*de desumenda. nationibus, sed ipsis rei essentialibus*  
*est desumenda.* Differentiam enim non ingrediuntur aliæ determinationes, quam quæ cuilibet insunt speciei, & quibus una species ab altera dignoscitur (§. 568.). Sed a notione speciei removendæ sunt determinationes accidentales & externæ (§. 553.), illamque ingrediuntur sola essentialia (§. 547.). Non ergo ex accidentibus & extrinsecis determinationibus, sed solis rei essentialibus desumenda est differentia specifica.

Veritatem hujus propositionis perspexit etiam Aristoteles, qui L. VI. Top. Cap. VI. §. 10. bene monet, *videndum esse an differentia per accidens insit rei definitæ: ἡδεμία γὰρ διαφορά τῶν περὶ συμβεβηκὸς ὑπαρχόντων ἐστὶ καὶ ἄπειρ' ὃ δὲ τὸ γένος.* Nulla enim differentia est in numero illorum, quæ per accidens insunt, quem ad modum nec genus; quia fieri nequit, ut differentia eidem insit & non insit, uti illam rationem rectissime ibidem addit Aristoteles. Idem quoque innuit Porphyrius, ad differentiam specificam, ut mox audivimus (§. 568.), id, quod ad essentiam rei confert, requirere.

*Usus Theologicus.*

Recte hinc impugnamus Pontificios, qui verbum Dei, tanquam genus, dividunt in verbum scriptum & non scriptum, tanquam in binas species, quasi ex scripture, quæ verbo Dei nonnisi accidentalis est, differentiam desumere liceret specificam. Manet idem Dei verbum, idem conceptus divinus, sive scribatur, sive prædicetur, sive legatur,



gatur, five audiatur, five cantiletur. Hæc accidentalia solum sunt & extrinseca, ex quibus notio speciei & differentia specifica nonnisi absurde conditur. Peccant quoque, qui Philosophiam in varias divisuri species, dicunt aliam ante, aliam post lapsum esse, aliam sectariam, aliam electivam. Accidentia hæc Philosophiæ sunt, quæ aliam & aliam non faciunt Philosophiam. Certe si hæc divisio tam esset genuina, quam est absona, eodem diceremus jure Philosophiam aliam esse auditam, aliam prælectam, aliam disputatam, aliam pictam. In eandem hanc impingere videntur cautelam, qui, mineralia & vegetabilia in certas distincturi classes, ex accidentium, quæ illis conveniunt, discrimine, & locorum, quibus inveniuntur & crescunt, differentia, totam instituunt classificationem, potius ex interno, ubi obtineri poterit, quam ex hoc externo indicio derivandam.

## §. 570.

*Ubi tamen ipsa essentialia cum Ignoratis essentialibus attributis latent, differentiam specificam desumere licet ex possibilitate unde desumenda differentia specifica accidentis proprii, non autem communis.* Nam in casu, ubi cum essentialibus latent attributa, ex intrinsicis determinationibus aliæ non remanent, quam solæ accidentales (§. 417.), quæ tamen, quæ tales, differentiam specificam ingredi nequeunt (§. 569.). Si vero accidens fuerit proprium, tum ejus possibilitas locum tenet attributi proprii entis, cui competit (§. 384.),

adeoque pluribus diversæ essentiae entibus (§. 409.), & per consequens, speciebus (§. 547.), convenire nequit. Constituit itaque determinationem, qua una species ab altera differt, seu quod idem est, differentiam specificam (§. 568.).

Longe vero aliter comparata est accidentis communis possibilitas, quæ enti instar attributi communis competit (§. 384.), pluribusque idcirco diversæ essentiae entibus (§. 411. 412.), &, per consequens, pluribus speciebus simul convenit (§. 547.). Constituit ergo determinationem pluribus speciebus communem, quæ differentiam non ingreditur specificam (§. 568.). Quam ob causam ex possibilitate accidentis communis condi nequit differentia specifica.

Habet hæc veritas insignem in Physicis usum, ubi nonnisi per accidentia, quæ in organa nostra agunt sensoria, ad interiora corporum penetrare licet. Quare non penitus improbamus eorum in Historia Naturali operam, qui ex accidentium consideratione mineralium & vegetabilium instituunt classificationem, modo non acquiescant in accidentibus communibus, sed propriorum eligant possibilitates, speciem unam ab altera distincturi.

§. 571.

*Definitio generum superiorum.*

Quem ad modum in constituendo ente magis & magis universali progredi licet per varios gradus

us, usque dum deventum fuerit ad ens universalissimum (§. 545.); ita comparando varia genera, ex deprehensa mutua eorum convenientia oritur genus aliquod superius. Scilicet Genus, quod per convenientiam specierum definivimus (§. 562.), *Inferius*, seu *subalternum*, Philosophis jam dici suevit. Quod vero convenientia determinationum, quæ pluribus insunt generibus inferioribus, absolvi-  
tur, *Superius* vocari solet. In quo constituendo varii adhuc dantur gradus, usque dum deventum fuerit ad *genus generalissimum*, quod supra se nullum aliud habet genus, & Entis nomine venit.

Valent huc, quæ antea allegavimus, exempla (§. 545.), gradus in ente universali constituendo illustraturi.

### §. 572.

Genera ergo inferiora eodem modo referuntur ad superius, cui sub-  
stant, quo species ad suum genus (§. 562.). Quam ob causam, respectu generis sui superioris, recte considerantur, ut species, genera hæc inferiora.

*Generum inferiorum & superiorum affectiones.*

De genere itaque superiori, immo & inferioribus, sub superiori comprehensis, eadem valent, quæ modo demonstravimus (§. 563. ad §. 567. inclusive), de genere inferiori in relatione ad suas species, & de his in relatione ad suum genus.

Ex. gr. *Animal & vegetabile*, tanquam duo genera inferiora, referuntur ad suum genus superius, *vivum*, eodem modo, quo diversæ animalium & vegetabilium species sua hæc genera inferiora spectant.

§. 573.

*Differentia Generica* desinitio. Patescit hinc eodem modo de terminari differentiam, quæ inter diversa intercedit genera inferiora, ac antea (§. 568). eam eruiamus, quæ inter diversas locum habet species, ad idem pertinentes genus inferius. Exsurgit hinc *Differentia Generica*, quæ constituitur determinationibus, quibus genera inferiora, sub eodem contenta superiori, inter se differunt.

Triangulum v. gr. rectilinum genus est, quod sub se continet species, triangulum æquilaterum, æquicrurum & scalenum. Figura quadrilatera est etiam genus, quadratum, Rhombum, Rhomboidem & Trapezia comprehendens. Tertium genus constituit figura multilatera, continens illas figurarum species, quæ pluribus quam quatuor rectis lineis continentur. Hæc tria genera inferiora in eo conveniunt, quod sint figura rectis lineis inclusa. Primum genus inferius a secundo distat ratione trium laterum ad quatuor, a tertio vero ratione trium ad numerum laterum quaternario majorem. Hæc ergo numerorum laterum, quæ figuras includunt, diversitas differentiam constituit genericam harum figurarum, sub eodem genere superiori comprehensarum.

## §. 574.

Habent se genera inferiora ad *Differentia* superius, quo continentur, ut spe- *generica af-*  
cies ad suum genus (§. 572.). Dif- *fectiones.*  
ferentia igitur generica, quæ est inter diversa  
genera inferiora (§. 573.), ejusdem est affectio-  
nis ac differentia specifica (§. 568.). De illa i-  
taque eadem valent, quæ de hac demonstra-  
vimus (§. 569. 570.).

## §. 575.

Ubi in entium universalium in- *Generis pro-*  
stituendis classibus (§. 545.) ulterio- *ximi & re-*  
us considerarunt Philosophi, quam *moti definitio.*  
habeant inter se vel remotiorem, vel propin-  
quiorem relationem, quæ supra infimam, spe-  
ciei nomine insignitam, sunt collocatæ, occa-  
sionem nacti sunt sat prægnantem distinguen-  
di genus in *Proximum* seu *Propinquum* &  
*Remotum*, *Illud* est, inter quod & alterum, cu-  
jus esse debet genus, aliud non intercedit. *Hoc*  
vero est, inter quod & illud, cujus est genus,  
aliud genus, vel plura etiam genera interce-  
dunt.

Ex. gr. Quando in Logicis distinguitur notio,  
in genere spectata, in claram & obscuram; cla-  
ra in distinctam & confusam; distincta in com-  
pletam & incompletam; genus proximum ul-  
timæ distinctionis, seu specierum notionis com-  
pletæ & incompletæ, est notio distincta, quia  
inter hanc & dictas species, quarum est illa ge-  
nus, aliud non intercedit genus. Notio autem

clara est dictarum specierum genus remotum, quia inter illas & hoc genus aliud intercedit, quod nomine notionis distinctæ insignitur. Eodem modo notio in genere est genus remotum in relatione ad notionem distinctam, generis inferioris loco consideratam, quia inter hanc & illam aliud intercedit genus, cui nomen est notio clara.

## §. 576.

*Notio speciei quibus componitur. Notio speciei completa constat notione generis, sub quo ea proxime continetur. & differentia specifica.*

Habet enim quævis species, sub eodem comprehensa genere, easdem determinaciones essentielles, quibus genus illud constituitur, ab altera sub eodem contenta genere (§. 562. 563.), altera vero ab altera per differentiam specificam distinguitur (§. 568.). Notionem itaque speciei ingrediuntur tum eæ determinaciones essentielles, quibus constat ejus genus, tum quæ differentiam absolvunt specificam: illis distinguitur species ab aliis speciebus diversi generis (§. 565.), his a se mutuo distinguuntur species ejusdem generis (§. 568.). Jam vero ex principio exclusi medii (§. 63.) liquet, species aut esse ejusdem, aut diversi generis, & præterea non dari alias. Differentia itaque specifica & notione generis, cui substat species, sufficienter dignoscitur species ab alia quavis. Sed sunt determinaciones istæ essentielles, tum in genere obviæ (§. 563.), tum in

in differentia specifica conspicuæ (§. 568.), cuilibet speciei, quæ sub genere comprehenditur, intrinsecæ (§. 417.). Notio itaque generis & differentia specifica sufficientes exhibent notas (§. 471.) dignoscendi unam speciem ab altera (per demonstr.). Illis ergo notio speciei completa componitur (§. 558.).

Nihil itaque pro adserti veritate restat aliud, quam ut ostendatur ad completam speciei notionem formandam, cum differentia specifica copulatam, non sufficere notionem generis remoti, sed requiri genus proximum. Quod quamvis ex modo allata demonstratione haud obscure patescat, majoris tamen gratia perspicuitatis licebit idein indirecte ostendere. Ponamus ad completam speciei notionem non requiri genus proximum, sed sufficere remotum; quare, quia inter hoc & speciem intercedit aliud, vel etiam plura alia genera (§. 575.), & proinde est genus quoddam superius, ex convenientia generum inferiorum, inter quæ locum habet illud genus, cui proxime substat dicta species, originem trahens (§. 571.); sequeretur notionem generis superioris cum differentia specifica exhibere notionem speciei completam. Distinguuntur vero inter se genera inferiora, sub eodem superiori comprehensa, per differentias genericas (§. 573.), quæ constant determinationibus in genere superiori non obviis, obviis tamen in inferiori.

feriori (§. cit.), adeoque cuilibet speciei, sub illo comprehensæ, communibus (§. 571.), quæ differentiam non ingrediuntur specificam (§. 568.). Notio itaque speciei, præter notionem generis superioris & differentiam specificam, alias adhuc continet determinationes essentialles, neque ex notionem generis superioris, neque ex differentia specifica deducendas, differentiam illam constituentes genericam: Docet autem Logica notionis completæ inter alia munus esse ea continere, quæ reliquis omnibus, quæ rei constanter insunt, inde deducendis inserviant: Notio itaque speciei, quæ ex notionem generis superioris, seu remoti (per Demonstr.), & differentia specifica componitur, non est completa; Sed completa esse debet vi hypotheseos. Fieri ergo nequit, ut completa speciei notio constet notione generis remoti & differentia specifica; Adeoque, quia genus remotum & proximum per notionem suas sibi mutuo & contradictorie opponuntur (§. 575. 424.), ut completa obtineatur speciei notio, cum differentia specifica coniungenda est notio generis nonnisi proximi.

Ex. gr. Genus proximum hominis, tanquam speciei, est animal, differentia autem specifica est rationalitas, qua ab animantibus brutis dignoscitur. Notio itaque hominis completa exprimitur per animal rationale, seu, quod idem est, per ens compositum corpore organico & ani-



anima rationali. Genus hominis remotum est *τὸ vivum*, quod, cum rationalitate conjunctum, non constituit hominis notionem completam, quia inde, nisi absurde dicere velles facultatem sentiendi, quæ corpus supponit organicum, vel ex *τῷ vivo* fluere, atque ideo etiam vegetabilibus competere, vel ex animæ rationalis simplicitate, omnis organismi nescia, dependere; quia, inquam, facultas sentiendi inde derivari nequit. Genus itaque illud hominis remotum, *τὸ vivum*, cum rationalitate copulatum, non sufficit ad completam hominis notionem, sed requiritur genus proximum, animal puta, ex quo facultas sentiendi, quæ homini cum brutis est communis, recte determinatur.

Quam demonstravimus propositionem ita exprimit *Aristoteles* L. VI. Top. Cap. VI. §. 4. *ἡ ἀπὸ τοῦ εἰδονοῦς διαφορά πρὸς τὸ γένος εἶδος ποιεῖ*, *omnis differentia specifica cum genere speciem efficit.*

Hinc omnes Aristotelici & Scholastici hanc eandem adprobarunt regulam, licet nemo eorum, ex vitio seculi, ejus demonstrativam introspexerit indolem, putans sibi satis esse ad auctoritatem magni Philosophi Aristotelis provocare, in qua tamen acquiescere non est gentium Philosophi character, qui assertorum addere debet sufficientes rationes, ex ipsis rebus hauriendas.

§. 577.

Quia genera inferiora referuntur *Notio* ad suum superius, ut species ad genus, *genis inferioris quæ* cui proxime substat (§. 572.): quia e- *tiam*

*bus con-* tiam differentia generica, qua inter  
*stat.* se distinguuntur genera inferiora, ad  
 idem pertinentia superius (§. 573.), ejusdem  
 cum differentia specifica est conditionis (§.  
 574.), evidens omnino est, *notionem generis*  
*inferioris completam componi ex notione gene-*  
*ris superioris, cui proxime subest, & differen-*  
*tia generica (§. 576.).*

Propositionem præsentem, per modum corolla-  
 rii ex præcedenti deductam, illustrat figuræ  
 quadrilateræ, tanquam generis inferioris, notio,  
 quæ componitur ex notione figuræ rectilinæ,  
 ceu generis superioris, & numero laterum ter-  
 nario, tanquam differentia generica. conf. not.  
 ad §. 573.

### §. 578.

*Pluralitas* Plures sunt in specie determina-  
*determina-* tiones quam in ejus genere, & plu-  
*tionum in* res in genere inferiori, quam in e-  
*specie &* jus superiori. Genus enim, cui pro-  
*generi in-* xime subest species, continet tantum  
*fesiori.* determinationes speciebus commu-  
 nes (§. 562.); species vero quælibet præterea  
 comprehendit differentiam specificam (§. 576.),  
 h. e. determinationes sibi proprias (§. 568.).  
 Plures itaque sunt in specie determinationes,  
 quam in ejus genere. Pari modo: Genus su-  
 perius, cui proxime substat genus inferius, ab-  
 solvitur tantum determinationibus, quæ ge-  
 neribus inferioribus, sub illo comprehensæ,  
 sunt

sunt communes (§. 571.), genus vero quodlibet inferius insuper simul involvit differentiam genericam (§. 577.), quæ determinationibus absolvitur, cuilibet generi inferiori propriis (§. 573.). Plures itaque dantur in genere inferiori determinationes, quam quæ in ejus superiori occurrunt.

Ex. gr. Notionem hominis plures ingrediuntur determinationes, *rationalitatem* puta, quam quæ dantur in notione animalis, ceu generis. Plures etiam sunt in notione animalis, tanquam generis inferioris, puta *sentiens*, quam in notione generis ejus superioris, *vivi*, sub quo & vegetabilia continentur, facultate sentiendi destituta.

Recte hinc dixit *Aristoteles* L. IV. Top. I. §. 12.

ἐπὶ πλεον γὰρ αἰὲν τὸ γένος τῇ εἰδὲς λέγεται, genus semper latius patet quam species. Et *Porphyrius* in *Isag.* Cap. IX. τὰ μὲν γένη πλεονάζει τῇ τῶν ὑπ' αὐτὰ εἰδῶν περιοχῇ. τὰ δὲ εἶδη τῶν γενῶν πλεονάζει ταῖς οἰκείαις διαφοραῖς. Genera superant species comprehensione, species autem superant genera propriis differentiis, & ita ex hisce magis perficiuntur, ut ibidem habet *Porphyrius* §. 5.

# §. 579.

*E contra autem genus latioris est* Genus extensionis, b. e. de pluribus valet *extensio major* rebus, quam ejus species, & quo superius est genus, eo latioris etiam est *quam speciei.* extensionis. Quia enim genus constituitur determinationibus essentialibus, quæ speciebus sunt communes (§. 562.), species vero constat deter-

determinationibus essentialibus, quæ pluribus insunt individuis (§. 547.), & quælibet species, ab altera, quæ sub eodem comprehenditur genere, secernitur per differentiam specificam (§. 568.), quæ aliis, quam individuis ejusdem speciei, competere nequit (§. 547.); Perspicuum est generis notionem non solum cuilibet comprehensæ speciei competere, sed & omnibus & singulis cujuslibet speciei individuis; speciei vero notionem non attribui posse nisi illis individuis solum, quæ sub hac specie continentur; Generis ergo notionem latioris esse extensionis, notione suæ speciei. Quoniam genera inferiora respectu superioris, sub quo continentur, specierum habent naturam (§. 572.), eodem liquet modo, genus superius latioris esse extensionis, quam ejus inferius, & quo superius est genus, eo etiam latioris esse extensionis.

Manifestum hinc fit recte ab Aristotelicis esse observatum, *Speciem* actu ipso plures continere determinationes; *genus* autem potestate plura comprehendere ratione latitudinis & prædicationis suæ. *Stablius* ex *Cajetano* tit. 10. Reg. 5. genus esse magis collectivum dicit multorum extensive, quia multo plura sub ejus adunatione cadunt; speciem autem intensive, quia magis adunat adunata. Hinc comparat speciem & genus cum duobus ducibus, quorum alter habet exercitum parvum, sed valde unanimum, alter exercitum magnum, sed diversarum factionum,

§. 580.

## §. 580.

*Non igitur a determinata specie ad genus, sed ab hoc ad illam universalis valet conclusio.* Quando enim argumentandi fundamentum præbet determinata species, consideratur illa cum sua differentia specifica, quæ notionem generis non ingreditur (§. 568.). Quam ob rem a determinata specie ad genus universaliter non est colligendum; semper tamen a genere, quod prædicatur de qualibet comprehensa specie (§. 579.), ad speciem universalis valet conclusio.

*Modus concludendi a genere ad speciem, & ab hac ad illud.*

Dico a specie ad genus universalem non valere conclusionem, quo simul indicare volui, ab illa ad hoc particulariter recte colligi, quod pluribus ostendunt & illustrent Logici, quorum est officium distinctas tradere ratiocinandi leges, in indole rerum, quam Metaphysica subministrat, & natura mentis humanæ fundatas.

## §. 581.

*Posito individuo, quod sub aliqua specie stare potest, ponitur ipsa species; posita specie, ponitur genus, & posito genere inferiori, ponitur ejus superius.* Individui enim, quod alicui subest speciei, notio componitur ex notione illius speciei & differentia numerica (§. 559.). Posito itaque individuo, ponitur, sub qua illud continetur, species.

Notionem speciei completam ingreditur

notio generis (§. 576.), & generis inferioris notionem efficit cum differentia generica notio generis superioris (§. 577.). Posita itaque specie, ponitur genus, & posito genere inferiori, ponitur superius.

Studio in allata propositione additur, quod individuum alicui subsit speciei: Enunciatum enim, affirmans notionem individui constare notatione speciei & differentia numerica (§. 559.), ut ipsa ejus insinuant hypothesis & demonstratio, non valet de alio individuo, quam de eo, quod sub aliqua specie continetur. Sine allata ergo restrictione non valeret hæc universalis assertio: *Posito individuo, seu ente singulari, ponitur aliqua ejus species.* Quam in abusum trahere posset, qui exinde, quod Deus sit ens singulare, incaute inferret dari aliquam speciem Divinam, Theologiæ & Revelatæ & Naturali profus inimicam.

Vim præsentis, quem attulimus, canonis de specie & genere tantum enunciat *Porphyrus* in *I. sag.* Cap. IX. §. 6. ubi ita loquitur: *εἰδὸς ὅτος, πάντως ἐστὶ τὸ γένος: ubi est species, ibi omnino est genus.* Nobis vero, ob universalem inde deducendum usum, placuit etiam de individuo & genere inferiori efferre, quia ab illius positione ad speciei, & ab hujus ad generis superioris eodem colligitur modo, ac a specie ad genus.

§. 582.

*Generum & specierum* Posita itaque existentia individuum duorum, quæ speciebus subsint, poni-

ponitur simul existentia specierum, *existentia in* generum quoque tum inferiorum, *individuis* tum superiorum. Licet ergo species & genera, ut entia universalia (§. 547. 562.), quæ talia, non existant (§. 542.), existunt tamen in individuis existentibus.

Scilicet dum existit ejusmodi individuum, existit cum omnimoda determinatione (§. 528.), in qua etiam ipsa ejus continetur essentia, sine qua existere nequit. In ipsa individui essentia continetur notio tum speciei (§. 547.), tum generis (§. 563.). Er. gr. dum existit homo, actu simul datur animal rationale, seu notio speciei, existit animal, seu hominis genus proximum, existit itaque ens vivens & sentiens, consequenter existit vivens, quod genus hominis remotum constituit. Agitur vero hoc loco non de universalibus, quæ talibus, sed quatenus individuis insunt. Præsens itaque assertio non pugnat cum priori, qua evicimus universalia, quæ talia, non existere.

### §. 583.

*Sublata licet actualitate omnium entium singularium, quæ speciebus subsunt, remanet, nihilominus possibilitas tum specierum, tum generum inferiorum.* Est enim entis possibilitas interna constans (§. 229.), quæ ergo, sublata licet entis actualitate, remanet. Hac autem remanente, remanet entis essentia (§. 324.), cum attributis (§. 343.),

*Sublata singularium actualitate, remanet possibilitas specierum & generum.*

tam propriis quam communibus (§. 347.), & per consequens, una cum determinationibus essentialibus & communibus & propriis (§. 466.); salva itaque manet tum notio speciei (§. 547.), tum generis (§. 562.), & inferioris & superioris (§. 571.).

Formarunt Aristotelici canonem, qui primo intuitu nostro videtur oppositus: *Remotis omnibus speciebus, tollitur & genus*. Sed agit hic canon de actualitate generis, quam tolli dicunt, remota actualitate omnium specierum, quod verissimum esse ex modo ostensis haud obscure colligitur (§. 582.). Nos vero, præsenti, quam stabilivimus, regula, de possibilitate, quæ in concipiente, h. e. intellectu Divino, remanet, agentes turbare nequit memoratus Aristotelicorum canon, circa cujusadplicationem iidem recte monent, caute esse agendum, ut plenaria Specierum inductio instituat: Quod si enim vel unica species fuerit omissa & ignota, nihil certi concludetur, quum in illa, actu existente, nihilo secius conservetur actualitas generis (§. 585.), quod contra *Keckermanni Log. system. p. 56.* recte observat *Saurius* in Syntagm. Log. L. I. S. I. Cap. III. Q. I. p. 82.

§. 584.

*Differentiarum specificarum oppositio.* Differentiæ specificæ plurium specierum, quæ sub eodem genere continentur, sigillatim generi suo minime, simul tamen eidem repugnant. Componitur enim notio speciei completa ex differentia specifica & genere pro-



ximo (§. 576.). Differentia ergo specifica & notio generis eidem speciei simul insunt. Idem locum habet de qualibet alia specie, sub eodem comprehensa genere. Differentiæ igitur specificæ plurium specierum, quæ sub eodem comprehenduntur genere, sigillatim spectatæ, generi suo non contradicunt (§. 43.). Constituunt differentiæ specificæ v. gr. A. & B, determinationibus diversis plurium specierum, quæ ad idem pertinent genus (§. 568.). Quam ob rem, quum fieri nullo modo possit, ut idem genus C habeat determinationes A, & simul determinationes B, h. e. habeat determinationes A, & simul non (§. 49.); differentiæ specificæ plurium specierum, quæ sub eodem continentur genere, simul eidem enti inesse nequeunt, atque ideo simul generi repugnant (§. 43.).

Ex. gr. Rationalitas & irrationalitas sunt differentiæ specificæ hominis & animantium brutorum, tanquam duarum specierum, sub eodem genere animalis comprehensarum: sigillatim si spectantur hæ species, neque rationalitas, neque irrationalitas notioni generis repugnat. Ubivero conjunctim considerantur, impossibile sane est, ut detur aliquod genus, quod & rationale & irrationale simul sit: hoc ergo sensu differentiæ specificæ generi suo repugnant.

Prolixe docet *Aristoteles* L. IV. Top. Cap. III. quomodo ex contrariis disputandum sit de genere aut specie. Inde occasionem sumserunt A-

ristotelici formandi canonem: *Nulla species habet aliquid, quod repugnat generi.* Qui canon, quia de qualibet specie sigillatim spectata agit, ex praesenti, quam demonstravimus, propositione, verissimus intelligitur: Quicquid enim speciei inest, vel differentiae specifica, vel generis nomine insignitur (§. 576.); sed neque illa repugnat generi (per dem.), neque hoc sibi ipsi contradicere potest. Recte ergo adseritur nullam speciem habere aliquid, quod repugnat generi.

§. 585. *Differentiarum numericarum oppositio.* Quoniam notio individui completa componitur ex notione speciei, sub qua continetur, & differentia numerica (§. 559.), quem ad modum notio speciei ex notione generis, sub quo continetur, & differentia specifica (§. 576.); eodem, quo mox factum (§. 584.), ostenditur modo, *differentias numericas plurium individuorum, quae sub eadem specie comprehenduntur, sigillatim speciei suae minime, simul tamen eidem repugnare.*

Sic quavis Petri differentia numerica non sit Pauli, atque adeo hujus & illius eidem homini simul inesse nequeat; neque tamen Petri neque Pauli differentia numerica, sigillatim considerata, homini repugnant.

§. 586. *Attributorum communio inter differentias ejusdem generis.* Quae ejusdem sunt generis, eadem habent attributa communia, easdemque modorum possibilitates, quae

*quæ attributorum communium instar sunt.* Quæ enim ejusdem sunt generis, illa non omnia, sed quædam tantum essentialia eadem habent (§. 567.), consequenter iisdem quoque inter se conveniunt, quæ per essentialia ista communia determinantur (§. 398.). Sed per quædam ista essentialia non determinantur nisi attributa communia (§. 347.), & accidentium possibilitates, quæ per modum attributi communis insunt (§. 375.). Quæ ergo ejusdem sunt generis, eadem possident attributa communia, easdemque accidentium possibilitates, quæ attributorum communium instar sunt.

Homo v. gr. & animal brutum ejusdem sunt generis, quod animalis venit nomine, eadem ergo eatenus habent attributa communia. Vivunt scilicet & sentiunt, tactu, visu, auditu, gustu & odoratu prædita sunt: facultate ambulandi & se movendi gaudent, & quæ sunt alia communia, ex notione animalis fluentia. Fieri ergo nequit, ut homo & brutum idem habeant attributum proprium, nam sic eandem integram possiderent essentiam (§. 404.), quod omnino repugnat. Non negamus quodlibet genus habere suum proprium, quo ab alio genere seceratur; species tamen, quæ eidem subsunt generi, eandem possidere nequeunt proprietatem, quæ non plures, sed unam eandemque generat speciem (§. 549.).

§. 587.

*Quæ eadem habent attributa communia,*  
T 4 *ad*

*ad idem aliquod genus referuntur.* Identitas enim attributorum communium infert identitatem quorundam essentialium (§. 403.). Genus autem constituitur partiali identitate essentialium, quæ speciebus insunt (§. 567.). Quæ ergo eadem habent attributa communia, ad idem aliquod pertinent genus, sive inferius, sive superius (§. 571.).

Ex. gr. in Geometria triangulis quibusvis rectilineis, sive æquilatera fuerint, sive æquicrura, sive scalena, idem convenit attributum commune, quod Euclides Prop. XXXI. El. I. exprimit per æqualitatem trium angulorum cum duobus rectis. Eidem ergo subsunt generi hæc triangulorum species.

## CAPUT VI. DE NECESSARIO ET CONTIN- GENTE.

§. 588.

*Admonitio  
generalis.*

**Q**uam utile & necessarium sit ad ultiores in scientiis progressus nosse necessarij & contingentis naturam; tam injucundum pariter & disciplinarum incrementis noxium, a multis tribui his terminis inconstantem & sine legitimo fundamento evolutum significatum.

tum. Quod sane causa fuit non exigua multarum in hoc capite controversiarum, quæ sine distinctis horum terminorum notionibus tolli nequeunt. Has ergo evolvere & discretim enodare conabor.

## §. 589.

*Necessarium* in genere dicitur, *Necessarii* cuius oppositum est impossibile: *definitio.* seu, quia oppositum est, quod involvit negationem alterius (§. 424.), *Necessarium* est, quod aliter positum involvit negationem possibilitatis suæ.

Ex. gr. In triangulo æquilatèro omnes tres anguli sunt sibi mutuo æquales, & impossibile est ut sint inæquales, sunt itaque necessario æquales. Eodem modo necessarium iudicamus, ferrum in aqua descendere, quum natatio ferri in aqua, positis his naturæ legibus, naturaliter sit impossibilis.

## §. 590.

*Contingens* est, cuius oppositum est possibile, seu quod aliter positum nullam involvit negationem possibilitatis suæ. *Contingentis definitio.*

Ita contingens est hæc mea scripto, nam possum scribere & non scribere, vel etiam aliud agere. Quod ergo scriptioni opponitur est possibile.

## §. 591.

*Quicquid est, illud aut est necessarium, aut est contingens.* *Exclusio medii inter necessarium & contingens.*

*cessarium* & *contingens*. *cessarium* enim est, cuius oppositum est impossibile (§. 589.), seu, cuius oppositum involvit contradictionem (§. 125.). *Contingens* autem, cuius oppositum est possibile (§. 590.), seu, cuius oppositum nullam involvit contradictionem (§. 124.). Jam vero contradictionem involvere & eandem non involvere, sunt sibi mutuo contradictoria (§. 43.); *Necessarium* ergo & *contingens* contradictorie sibi opponuntur, & ideo non admittunt medium, seu: quicquid est, illud aut est necessarium, aut est contingens (§. 63.).

Observetur necessarium & contingens non eo contradictionis modo inter se opponi, quasi non possent simul esse; hoc enim manifestam involvere contradictionem, quivis fatebitur de entis necessarii & contingentis coëxistentia convictus. Omnis ergo, quæ inter necessarium & contingens locum habet, contradictio dependet ex eorum notionibus, sibi contradictorie oppositis, ita ut idem non possit uno eodemque respectu esse simul necessarium & simul contingens, sed vel necessarium, vel contingens. Hac ratione, si necessarium est, bis duo esse quatuor, non potest idem esse contingens. Similiter si contingens est me sedere, nequit idem uno eodemque respectu esse necessarium.

### §. 592.

*Mutabilis* Si in aliquo A pro B, quod ei  
*Definitio* competit, substitui potest aliud C,  
 vel

vel, quod non inerat D iis, quæ insunt, super-  
accedere, ceteris, quæ in eodem A sunt, ma-  
nentibus iisdem; dicitur tum B, tum ipsum  
A *mutabile*. Ut adeo *Mutabile* sit, quod pos-  
sit fieri diversum ab eo quod est, aliquo sui  
remanente.

Quando ex tritico, sublata ejus contextura, re-  
manentibus tamen ipsis ejus elementis, fit fa-  
rina, & ex hac iterum, admittance aquæ, fit  
panis, mutationem tritico & farinæ tribuere so-  
lemus. Idem ostendunt alia vel sexcenta exem-  
pla, scilicet quod actu mutatur, non amplius  
manere idem, quod antea erat, licet aliquid sui  
retineat. Nam ubi nihil prioris remanet, non  
tam mutatur quam potius annihilatur ens. Ad  
omnem mutationem requiritur subjectum a par-  
te rei, recipiens mutationem, quod est in poten-  
tia ad illam. Quatuor hinc postulat *Cbauvinus*  
in Lex. Phil. sub tit. *Mutabilitas*, ejus requi-  
sita: 1:o) mutabilitatem esse non nisi existentis,  
quia non-existens, seu merum possibile, ut mox  
demonstrabitur, mutari nequit. 2:do illud ens  
non remanere post variationem in totum idem.  
3:o) aliquid tamen prioris remanere. 4:o) ali-  
quid recipi, vel haberi, quod antea non aderat.

### §. 593.

Mutabili opponitur *Immutabile*, *Immutabi-*  
quod ergo non potest fieri diver- *lis Defini-*  
sum ab eo, quod est, aliquo sui re- *tio.*  
manente: scilicet si rei cuidam nihil inest, pro  
quo aliud substitui potest, ceteris iisdem ma-  
nen-

mentibus, quæ eidem insunt, neque etiam iisdem non repugnantibus aliquid accedere potest; erit ea res, & id, cui nihil aliud in eadem re substitui potest, *Immutabile*.

Er. gr. Quadratum, quatenus est figura quadrilatera, æquilatera & rectangula, mutari nequit. Fieri enim nullo modo potest, ut, salvo manente vel angulorum numero, plura aut pauciora sint latera, vel salvo laterum numero, numerus angulorum alius fiat, vel etiam salva quadrati natura, qualitas angulorum mutetur.

### §. 594.

*Contingentis  
& mutabilis  
Reciproca-  
tio.*

*Omne contingens est mutabile, & omne mutabile contingens.* Contingens enim est, cujus oppositum est possibile, seu, quod aliter positum nullam infert possibilitatis negationem (§. 590.). Non ergo repugnat ut contingens fiat aliud, seu diversum ab eo, quod est, remanente prioris status possibilitate. Recte itaque statuimus Contingens esse mutabile (§. 592.).

Vicissim: Quod est mutabile, illud potest fieri diversum ab eo, quod est, aliquo sui remanente (§. 592.); ejus ergo, quod jam est, oppositum nullam involvit contradictionem (§. 124.). Omne igitur mutabile est contingens (§. 590.).

Ex.



Ex. gr. Contingens est me sedere, idem est quodque mutabile, quum hoc eodem temporis articulo vel ambulare, vel stare, vel cubare possem.

Ob hanc mutabilitatis & contingentiae reciprocam indolem, quam ex notionibus datis sponte fluere vidimus, qui contingentiam per ordinem ad mutabilitatem definiunt, nostrae, quam dedimus, contingentiae definitioni amicissime consentiunt. Nobiscum ergo facit Aristoteles L. VI. Eth. Cap. III. & L. I. Prior. Anal. Cap. XIII. §. 2. qui contingens definit per τὸ ἐνδεχόμενον ἄλλως εἶναι, quod potest se aliter habere. Quare etiam Thomas definit contingens per id, quod potest esse & non esse.

§. 595.

*Quod est necessarium, illud est Necessarii & immutabile, & vicissim immutabile immutabilis est necessarium.* Nam necessarium, *reciprocatio.* sine emergente impossibilitate, aliter poni nequit (§. 589.). Nequit ergo fieri diversum ab eo, quod est, & per consequens est immutabile (§. 593.).

Vicissim: Immutabile nequit fieri diversum ab eo, quod est (§. 593.); aliter itaque positum involvit negationem possibilitatis, & proinde est necessarium (§. 589.).

Necessitas itaque & immutabilitas adeo arcto nexu inter se sunt copulata, ut, uno posito, simul ponatur alterum, & uno sublato una tollatur alterum. Factum hinc est, ut ab immutabilitate con-

concludatur ad necessitatem, tanquam a definitione ad definitum. Recte itaque, & nostræ conformiter sententiæ, definit *Aristoteles* necessarium (*ἀναγκάσιον*) per τὸ μὴ ἐνδεχόμενον ἄλλως εἶναι, quod non potest aliter esse. L. VI. Metaph. Cap. V. & L. I. Post. XXIX. & alibi. Sic etiam Commentatores Hispani in Log. fol. 133. *Necessarium* dicitur ens, impossibile ad aliter se habere & mutari. Mutari enim nihil aliud est quam aliter se habere nunc quam prius. Hinc etiam *Mejerus* cum multis aliis Ecclesiæ nostræ doctoribus, in Met. Usual. Div. p. 243. dicit *Necessitatem esse entitatem invariabilem.*

### §. 596.

*Duplex Ne-* Duplex esse impossibile, aliud  
*cessarii con-* absolutum, aliud hypotheticum,  
*fideratio,* antea evicimus (§. 128.); Sed necessarium est, cujus oppositum est impossibile (§. 589.). Duplex ergo est necessarium, aliud *Absolutum*, cujus oppositum est absolute impossibile, seu quod aliter positum, in se & idea sua, sine ullo alio respectu contradictionem involvit (§. 128.); Aliud *Hypotheticum*, cujus oppositum est hypothetice impossibile, seu quod aliter positum, non in se & idea sua, sed propter conditionem, ideæ superaccidentem, contradictionem involvit.

Ex. gr. Absolute necessarium est, *bis duo esse quatuor*; nam si ponatur bis duo esse quinque vel tria, statuitur quid ipsis numerorum notionibus e diametro repugnans. Quare absolute impossibile

-libile est, ut bis duo non sit quatuor. Eodem sensu absolute necessarium est, *Deum existere*. Contrarium enim fingi nequit sine absoluta impossibilitate. Motus autem corporum cœlestium est nonnisi hypothetice necessarius, nam quod ei opponitur, non in se, sed respectu legum, quæ in natura jam stabilitæ sunt, est impossibile. Eodem modo ad generationem hominis hypothetice necessarius est maris & sceminae congressus, quum id unice innitatur ordinario naturæ cursui. Quare etiam homo *Christus* sine concursu viri genitus est ex virgine Maria.

Veterum Philosophorum, cum nostra hac evoluta & explicata necessarij distinctione, ostendere consensum, eo minus judicamus necessarium, quo certius est omnes eorum nobiscum favere. Ex multis sufficiat allegasse *Stabium*, qui pag. 17. Tab. Metaph. dicit *Absolutam necessitatem esse, cujus oppositum includit contradictionem, ut Deum esse justum, hominem esse animal*. Ex hypothese vero, vel suppositione, necessarium vocat, *quod aliter se habere potest, posito tamen aliquo, non potest non esse, vel posito aliquo, non potest aliter se habere*.

Varia sunt vocabula, quibus absolutam necessitatem exprimere solent Philosophi. Nam nonnunquam vocatur *intrinseca*, quia ejus oppositum per ipsam rei ideam contradictionem involvit: *Metaphysica*, quia essentias concernit & attributa rerum, quæ Metaphysicæ sunt considerationis: *Geometrica*, quia attributa extensorum & figurarum, a Geometris considerari solita, ex ipsa eorum essentia fluunt, quam

quam unicum esse absolutæ necessitatis fundamentum mox demonstrabitur: *Logica*, quia ex rerum definitionibus & ideis, quas *Logica* tractat, fluit. *Cæca* aliquando & *Bruta*, ubi enim unicum tantum est possibile, adimitur agentis electio & optio omnis aliud & aliud agendi.

## §. 597.

*Immutabilis  
Divisio.*

Quia necessarium & immutabile reciprocum inter se habent naturam (§. 595.), statim intelligimus immutabile æque ac necessarium (§. 596.) duplex statui debere: Aliud scilicet *Absolute immutabile*, quod absoluto sensu nequit fieri diversum ab eo, quod est: aliud *Hypothetice immutabile*, quod sub certa hypothese non potest fieri diversum ab eo, quod est.

Illustrationis gratia videantur exempla mox allegata.

## §. 598.

*Absolute Ne-  
cessarii & ab-  
solute im-  
mutabilis re-  
ciprocatio.*

Sine ulteriori deductione statim hinc elucet absolute immutabile esse absolute necessarium, & vicissim, absolute necessarium esse absolute immutabile; Hypothetice autem immutabile esse hypothetice necessarium, & inversim, hypothetice necessarium esse hypothetice immutabile (§. 596.).

Quemadmodum enim necessarium & immutabile in genere inter se reciprocantur (§. 595.), ita etiam absolute necessarium & absolute im-  
muta-

mutabile, hypothetice necessarium & hypothetice immutabile, reciprocam inter se habent indolem. Nec ulla fieri potest ratio, ut una necessarii & immutabilis species in alteram degeneret.

## §. 599.

*Absoluta necessitas repugnat contingentie, seu: quod est absolute necessarium, illud nequit esse contingens.* Absolute necessarium est, cujus oppositum est absolute impossibile (§. 596.), adeoque contradicit absolute possibili (§. 137.). Contingens autem est, cujus oppositum est possibile (§. 590.), neque fieri potest ut aliqujus oppositum simul contradicat possibili, & simul sit possibile (§. 53.). Ergo fieri etiam nequit, ut absolute necessarium sit contingens.

Qui itaque cum Spinoza & fatalistis absolutam mundo adfingunt necessitatem, tollunt ejus contingentiam, Deumque non modo a gubernaculis universi remouent, sed, quod pejus est, ipsam Dei existentiam aut directe, aut indirecte, negant. Hi enim mundum unicam substantiam somniantes, ex cujus diversa modificatione singula partialia generarentur, serie absolute immutabili, impiissimo ausu Deum cum mundo confundunt. Sed hanc impietatem facile evitabit, qui, evicta mundi contingentia, omnem ab illo remouet absolutam necessitatem.

## §. 600.

*Quod hypothetice est necessarium, Hypothetice est contingens. Quandoquidem illud*

U

con-

*tatis contin-* contingens dicitur, cujus opposi-  
*gentia.* tum est possibile (§. 590.), hypo-  
 thetice autem necessarij oppositum est hypo-  
 thetice impossibile (§. 596.), adeoque in se  
 possibile (§. 139.); Hypothetice igitur neces-  
 sarium est contingens.

Qui itaque mundo non absolutam sed hypothe-  
 ticam tribuunt necessitatem, ejus non tollunt  
 contingentiam. Cavendum tamen ne hypothe-  
 ticam mundi necessitatem ultra justos suos eve-  
 hamus limites, & in consecutione omnes mun-  
 di eventus inevitabili subjiciamus fato.

### §. 601.

*Necessitas* In propositione hypothetica, quæ  
*consequen-* ex suo antecedente & consequente  
*tis & con-* constat, aut absolute necessarium est  
*sequentia.* antecedens & absoluta necessitate in-  
 fluit in suum consequens; aut nonnisi hypo-  
 thetice est necessarium, eademque necessitatis  
 specie influit in suum consequens. Si prius,  
 necessitas oritur consequentis, si posterius,  
 consequentiæ. *Necessitatem enim Consequentis*  
 esse dicunt, quando tam antecedens, quam  
 consequens, est absolute necessarium. *Necessi-*  
*tatem vero Consequentia* vocant, quando ne-  
 cesse est aliquid esse vel non esse, ex eo, quod  
 positum est aliud esse vel non esse, etsi neu-  
 trum in se sit necessarium,

Sic necessitas consequentis est, *Deum esse æternum,*  
 quia necessarium ens est, & absoluta necessitate  
 est

est æternus. Necesitas autem consequentiæ est, si dicas, necesse est hominem incalescere, si diebus æstivis stet sub sole. Quanquam enim utrumque in se sit contingens, nimirum & quod sub sole stet, & quod incalescat, illo tamen posito, non potest non hoc contingere. Eadem consequentiæ necessitate necesse est, *esse hæreses*, quia causa hæresium non tollitur, id est, quia diabolus cœlum terræ miscere non desistit, nec homines ipsius obtemperare libidini cessant. Hoc autem absolute non est necessarium, quum unusquisque diaboli incitamenti per Dei gratiam resistere possit.

## §. 602.

Necessitatem consequentis cum absoluta, & consequentiæ cum hypothetica coincidere manifesto hinc elucet (§. 596.), atque ideo consequentiæ necessitatem contingentiam rerum non officere (§. 600.).

*Necessitatis consequentis & consequentiæ identitas cum necessitate absoluta & hypothetica.*

Observat quidem *Museus* Cap. XXVII. Metaph. §. 10. distinctionem necessitatis consequentis & consequentiæ, a distinctione necessarii in absolutum & hypotheticum, id præcipue differre, quod non nisi in pluribus enunciationibus, quarum una ex altera, vel aliis colligitur, locum habet illa, hæc vero extra propositiones obtinet etiam in entibus incomplexis. Totum vero hoc discrimen, ex Logicis, ut largior, desumptum, quoad res ipsas, quæ necessaria dicuntur, ex-

traneum est, atque ideo, ut recte monet *Donatus* in *Metaph. Usuali* §. §. 42. 43. 44. quā rem ipsam necessitas consequentis eadem plane est atque necessitas absoluta, & necessitas consequentiæ eadem ac hypothetica.

Ceterum non de necessitate consequentis sed consequentiæ, seu hypothetica, intelligenda sunt Scripturæ dictæ: *Matth. XVIII. 7. Necessè est ut scandala veniant. Matth. XXVI. 54. Quomodo ergo implebuntur Scripturæ, quod sic oportet fieri. I. Cor. II. 18. Oportet hæreses esse.* Nam præsupposita & simul a Deo prævisa hominum horum vel istorum malitia, in se contingente, non possunt non, quatenus præscientia Dei infallibilis est, venire hæreses, scandala, ipsaque Christi traditio; absoluta vero necessitate non eveniunt.

§. 603.

*Determinabilitatis unitas quid?* *Unico modo determinabile est, seu, unicitatem Determinabilitatis possidet,* cui absolute repugnat, vel impossibile est alias habere determinationes, quam quas habet.

*Ex. gr. Triangulo æquilatèro absolute repugnat alias habere determinationes, quam quas habet, & quæ trium æqualium laterum, figuram includentium, ratione exprimuntur, & quæ inde necessario deducuntur.* Nam si alias habere posset determinationes, posset simul esse triangulum æquilatèrum & simul non, quod omnino repugnat. Atque hinc triangulo æquilatèro recte tribuimus unicitatem determinabilitatis.

§. 604.



## §. 604.

*Absolute necessarium est unico modo determinabile, & quod habet unicam determinabilitatem, illud est absolute necessarium.* Quando *Absolute necessarium determinabilitas.*

Quidem enim absolute necessarium est absolute immutabile (§. 598.), adeoque ei absolute repugnat fieri diversum ab eo, quod est (§. 597.), consequenter, neque admittere potest alias, quam habet, determinationes (§. 390.); non potest non absolute necessarium possidere unicam determinabilitatem (§. 603.).

Vicissim: quod unico modo est determinabile, ei absolute repugnat alias, quam habet, possidere determinationes (§. 603.), consequenter ei absolute impossibile est fieri diversum ab eo quod est (§. 390.), & ideo est absolute immutabile (§. 597.), proindeque absolute necessarium (§. 598.).

Ab unitate itaque determinabilitatis ad absolutam necessitatem recte colligi iudicat Illustr. Wolfius in Comment. Luc. de Diff. nex. & fat. Necess. Sect. I. §. 2. Et licet in Ontol. Lat. §. 284. unitatem determinabilitatis necessario in genere tribuere videatur, quatenus tamen §. 325. hypothetice necessario mutabilitatem addicit, & per consequens possibilitatem diversas possidendi determinationes; eatenus certum est hypothetice necessario non competere determinabilitatis unitatem, nisi huic termino complexo alia, quam nos ei assignavimus (§. 603.),

attribuatur notio, sed aliam receptus termini  
usus non videtur admittere.

§. 605.

*Necessarii de-      Tam absolute quam hypotheti-*  
*terminatio.      ce necessarium determinatum est.*

Ponamus A quodcunque esse absolute neces-  
sarium, & ei competere determinationes B,  
C, D. Ita ergo habebit has determinationes,  
ut ei absolute impossibile sit illas non habere  
(§. 596.). Excluditur itaque sine omni formi-  
dine oppositum, quod scilicet illas non habe-  
at. Per consequens, absolute necessarium est  
determinatum (§. 193.).

Sit A hypothetice necessarium, habeatque  
determinationes B, C, sub conditione F. Po-  
sito F. impossibile est, ut non ponatur B, C,  
(§. 596.).  $\therefore$  A igitur ita competunt determina-  
tiones B, C, ut oppositum harum, quæ com-  
petunt, posita conditione F, simul excludatur.  
Quam ob causam A illud, quod hypothetice  
necessarium esse diximus, est simul determi-  
natum (§. 193.).

Ex.gr. Triangulum æquilaterum tria æqualia late-  
ra absoluta possidet necessitate, ergo etiam deter-  
minato, non quâ quantitatem laterum hanc vel il-  
lam, quæ dicto triangulo non est essentialis, sed  
quâ rationem æqualitatis laterum. Positis occa-  
sione, instituto, & facultate scribendi, hypothet-  
ica necessitate ponitur scriptio, quæ ideo de-  
terminata est. Positis enim illis conditionibus,  
certum & indubium manet me scribere. Pari  
mo-

modo, posito in ordinario naturæ cursu, quod sol versetur in principio arietis, hypothetica necessitate fit æquinoctium, immo certum & determinatum est sub illa conditione æquinoctium fieri. Et profecto nisi determinata essent, quæ in mundo sunt hypothetice necessaria, tum præterita, tum præsentia, tum futura, omnis certitudo omniscientiæ divinæ absurde tolleretur. Prout in Theologia Naturali contra Socinianos, determinatam futurorum præscientiam negantes, uberius demonstratur.

## §. 606.

Per bonam hinc elicitur consequentiam, *non omne determinatum esse absolute necessarium*. Nam *Determinati & abs. necessarii distinctio.* datur determinatum, quod non est nisi hypothetice necessarium (§. 605.).

Habet hoc consuetarium insignem usum in quaestione satis nota: *An infallibilitas præscientiæ Divinæ rerum, præcipue actionum humanarum, tollat earum contingentiam?* Sunt qui ita argumentantur: *Quicquid est certum & infallibile, illud est necessarium, non contingens. At actiones hominis, a Deo præscitæ, sunt Deo certæ & infallibiles; Ergo.* Sed certum & infallibile æquipollet determinato, quare major propositio in hoc syllogismo, non est universaliter vera, ut præsentio ostendimus consuetario. Nihil ergo miri, quod contra regulas Logicales primæ figuræ falsa inde inferatur conclusio. Certum enim, immo certissimum est, determinatam rerum veritatem cum contingentia optime consistere posse, immo actu ipso consistere.

§. 607.

*Possibilibus* Quod est absolute possibile, id absolute necessario est possibile. Nam absolute possibili opponitur absolute impossibile (§. 137.). Cujus vero oppositum est absolute impossibile, id est absolute necessarium (§. 596.). Omnis ergo absoluta. seu intrinseca, possibilitas est absolute necessaria.

Intrinsecas rerum possibilitates esse absolute necessarias cum *Cartesio* negat *Poiretus*, qui, evitaturus absurditatem nonnullorum, ut perhibetur, Scholasticorum Sententiæ de possibilitatum a Deo independentia, in alterum incidit absurdum, easdem liberrimo Dei Decreto subjiciens. Distinguit enim inter *Possibile anteideale* & *postideale*: illud nullum esse dicit sine decreto Dei libero; hoc, interveniente decreto divino, tale constitui. Unde si dicas absurdum esse quod bis duo v. gr. sint quinque, concedit *Poiretus* sensu postideali, quatenus scilicet decretum Divinum mutari nequit, non autem sensu anteideali, quo potuere, ex ejus mente, bis duo esse quinque. Sed vana & absurda est hæc distinctio a *Poireto* efficta. Ponamus possibile anteideale, ex mente *Poireti*, nihil esse, nisi liberrimæ voluntatis Divinæ efficaciam, qua statuere possibilitates pro lubitu possit. Ante hoc ipsum decretum, aut determinate novit Deus veritates, quas formare possit, aut non: si novit, non opus erat decreto, veritates enim jam tum erant determinatæ, & a Deo, ut tales cognitæ: si non novit, tum non erat eo statu omni-  
scius.

scius. Prius per hypothesin Poireti est absurdum, posterius dictu impium. Ergo ex absurditate & impietate composita est illa Poireti distinctio. Largitur Poiretus in Cogit. Rat. L. III. Cap. X. §. 5. Deum necessario concipere Se Ipsum, quæque ad essentiam, naturam, & attributa Ejus pertinent, & Illum nunquam fuisse ad hæc indifferentem. Largitur etiam, certus scio, cognitionem hanc Entis Infiniti de Se Ipso & viribus suis non minus ante, quam post ullum decretum, esse adæquatam. Sed an adæquata virium cognitionis requisitum necessarium est, specificæ, determinate, & distincte concipere, quicquid per hæc vires præstari quacunque ratione possit? Ita sane. Quis enim illam cognitionem adæquatam vocabit, quæ nonnisi indeterminata & confusa continet? Et numne adæquatio est cognitio, in qua nihil est vagi, nihil indeterminati, nihil confusi, numne, inquam, hæc adæquatio est illa, quam aliquid vagi, indeterminati & confusi obfuscat? Certissime, id notio adæquati postulat, a Logicis evoluta. Quam ob rem Deus antecedenter ad omne decretum adæquata Sui Ipsius & virium suarum cognitione gaudens (per concessa a Poireto), adæquate etiam, i. e. specificæ, determinate, & distincte cognoscit, quæcunque per virium immensitatem sunt possibilia, idque antecedenter ad omne decretum. Perspicimus itaque vanum & irritum esse Poireti metum, quasi ex adserta possibilitatum necessitate sequeretur earundem a Deo independentia; omnino enim a Deo dependent, liberrimo tamen Ejus Decreto non subjacent, sed in immenso &

neccessario Ejus intellectu radican-  
*limites hac sententia poni infinitæ Dei potentia, si*  
*possibilitates rerum Ejus liberrimæ dispositioni non*  
*subjicerentur.* Limites non ponimus Dei poten-  
 tiæ, quam sufficientissimam esse contendimus  
 ad actuandum omne possibile; sed statuimus  
 potentiam Dei non posse sibi ipsi & reliquis  
 Dei attributis contrariam esse, jubendo aliquid  
 esse possibile & simul non possibile, intellectum-  
 que possidealiter sibi repræsentare aliquod pos-  
 sibile; quod in eodem intellectu anteidealiter  
 plane nihil vel impossibile fuit. Tolleretur sic  
 infinita Dei perfectio & ex immutabili ente  
 mutabile & successivum absurde constitueretur.  
 Harmonica sunt Divina attributa, non subordi-  
 nata, multo minus sibi inimica.

### §. 608.

*Possibilitatum* Quodvis absolute necessari-  
*immutabilitas.* um esse absolute immutabile an-  
 tea demonstravimus (§. 598); Possibilitati-  
 bus vero rerum absolutam modo attribuimus  
 necessitatem (§. 607.). *Eisdem ergo possibilita-*  
*tibus absoluta quoque competit immutabilitas.*

Tribuit etiam Poiretus in Cogit. Rat. L. III.  
 Cap. X. §. 5. p. 295. rerum possibilitatibus im-  
 mutabilitatem, sed ex beneplacito Dei depen-  
 dentem, quatenus non habemus causam suspi-  
 candi Deum, illas statuentem, ad tempus sta-  
 tuisse, cum placeat Ei suum placitum; in se ve-  
 ro & ex se mutabiles esse, ita ut, quando ad tem-  
 pus præsentis duraverunt, potuerint deinceps  
 immutari, aliæque vel nullæ prorsus statui, si  
 hoc

hoc Deo placuisset. Nihil vero ex tota hac philosophandi ratione sequitur aliud, quam Deum actu simplicissimo sibi non repræsentare omnia possibilea, sed alia & alia successive excogitare posse, atque adeo ipsum Dei intellectum esse successivum & mutabilem, quod infinitati Divinæ e diametro adversatur. Nunquam ergo Poireto, quod statuit, est concedendum, sed omni potius conamine rejiciendum.

§. 609.

*Essentia rerum sunt absolute ne-* *Essentiarum*  
*cessariae.* Per essentiam habet ens, *necessitas.*  
seu res quævis, intrinsecam possibilitatem (§. 324.), & per consequens, absolutam necessitatem (§. 607.), seu, quod idem est, essentia rerum sunt absolute necessariae. Idem alio demonstratur modo: Posito ente, ponitur ejus essentia, & posita essentia, ponitur ens (§. 332.); posito autem ente, ponitur intrinseca ejus possibilitas (§. 228.), & hac posita, ponitur absoluta necessitas (§. 607.). Posita igitur essentia, ponitur absoluta necessitas, seu, essentia est absolute necessaria.

Alio adhuc modo & quidem indirecte. Ponamus essentias rerum non esse absolute necessarias, earum itaque oppositum non esset absolute impossibile (§. 596.), sed absolute possibile (§. 137.). Quam ob rem, quia opposita sunt, quorum unum involvit negationem alterius (§. 424.), absolute possibile esset, ut rebus denegarentur suæ essentia, & per consequens

quens, possibile esset, ut enti constanter non competeret sua essentia. Quod tamen absurdum esse ex antea demonstratis patet (§. 329.). Evidens ergo est, essentias rerum esse absolute necessarias.

*Ufus doctrinae.* Dici vix potest, quantæ sit necessitatis & utilitatis præsens propositio, qua posita, ponitur, & sublata, tollitur fundamentum omnium disciplinarum. Nemo ignorat scientias inniti veris & accuratis rerum definitionibus, quæ nonnisi essentias rerum, vel quod earum esse potest loco, continebunt. Si ergo essentiæ rerum non essent necessariae, sed contingentes, & mutabiles; contingentes quoque & mutabiles essent definitiones, ipsæque idcirco scientiæ. Taceo in Philosophia Practica, sine adserta & concessa essentiarum necessitate, vix ac ne vix quidem confutari posse & crassiores & subtiliores Indifferentistas; Non commemoro quam insignem habeat usum hæc doctrina in contutandis Socinianis; jussitiæ Divinæ contingentiam absurde defendentibus. Ut adeo mirari conveniat, dari adhuc, qui seposita apodictica, quam habet hæc doctrina, veritate, & secus habito omnium fere ex antiquitate Philosophorum consensu, Poireti, strenui arbitrariarum defensoris, legant vestigia, & ex confusa, quam habent, hujus rei notione seducti, consequentias forment, quæ inde non sequuntur. Putant ex adserta essentiarum necessitate, sequi earum in existendo necessitatem, absolutamque rebus omnibus creatis affingi necessitatem.



sitatem. Dubium eorum ita & quidem recte ex-  
 pressit *Canzius* in *Ontol. Polem.* §. 48. *Talis est existentia rei, qualem esse* *Solvuntur*  
*se essentia permittit; atqui essentia est* *objectiones.*  
*necessaria, ergo & existentia.* vel ita: *Nulla exi-*  
*stentia aliter habere potest, quam essentia permittit,*  
*cujus est complementum. Atqui essentia necessario ta-*  
*lis est, ergo & existentia. Aut accedens ad essentiam*  
*existentia essentiae necessitatem aufert, aut non: si au-*  
*fert, tum existentia essentiam mutat, nec complet,*  
*quod est contra existentiae definitionem Si necessi-*  
*tatem essentiae non aufert, tum ens existens omne*  
*necessarium manet.* Sed salva est res. Nam essen-  
 tiarum necessitatem defendentes, non conside-  
 ramus essentiam *sensu Physico*, quo existentiam  
 simul includit, sed *sensu Metaphysico*, quo illa  
 consistit in prædicatis, sibi mutuo non repu-  
 gnantibus, quorum unum non determinatur ex  
 altero, neque ex alio priori in ipsa re (§. 320.),  
 quo etiam sensu competit enti tum actuali tum  
 potentiali (§. 330.), ipsisque rerum possibili-  
 tatibus inest (§. 331.). Quamvis igitur existen-  
 tia essentiam non mutet, neque mutare possit;  
 inde tamen non sequitur, ut volunt adversarii,  
 omne ens, quæ existentiam, eodem modo esse  
 necessarium; potius inde colligitur omne ens,  
 quæ possibilitatem, in qua essentia continetur,  
 semper manere necessarium, etsi existentia  
 contingenter accesserit. Absolute est neces-  
 sarium, ut trianguli rectilinei possibilitas con-  
 stet tribus rectis lineis, quarum duæ, utcunque  
 sumtæ, tertia sunt majores, quæ sic ad spatium  
 includendum sibi mutuo non repugnant; sed  
 quis inde excuspat; ergo. triangulum rectiline-  
 um

um quodvis, in tabula v. gr. descriptum, absoluta existit necessitate? Non confundatur existentia cum essentia, quarum una alteri non est involuta & implicata, nisi in Ente Infinito, minime vero gentium in entibus finitis, de quibus adversariorum agit argumentum, quod hac etiam ratione in eos facile retorquetur: *Talis est rei existentia, qualis ejus essentia*. Est hæc fundamentalis adversariorum thesis. Inde subsumo: *atqui talis est rei essentia, ut meris etiam conveniat possibilibus (§. 331.)*. Ergo talis est rei existentia, ut meris quoque conveniat possibilibus. Ergo quicquid est possibile, existit. Quicquid mihi responderint, sibi, ex hac allata majori propositione essentiarum necessitatem impugnantibus, responsum credant.

*Essentiæ fundantur in Inteligente necessario.*

Sed instant: *Ex adserta essentiarum necessitate sequitur earum a Deo independentia*. Absit. Nam essentiæ rerum, quatenus in solis earum continentur possibilitatibus (§. 331.), ipsæque possibilitates in absentia contradictionis consistunt (§. 124.), & per consequens in absentia simultaneæ adfirmationis & negationis unius ejusdemque de uno eodemque (§. 43.), idèoque vel in sola ejusdem adfirmatione, vel negatione; quia etiam tam adfirmatio, quam negatio, in conceptu consistit; certum manet ipsas rerum possibilitates & essentias sibi ens aliquod intelligens præstruere, sine quo nulla essent possibilia, nullæ essentiæ. Sunt vero essentiæ & possibilitates rerum absolute necessariae, ut modo demonstravimus; debet ergo ens illud intelligens esse absolute necessarium. Nam ponas illud

lud hypothetica solum gaudere in existendo necessitate, ponendum simul erit ipsas possibilitates, quæ huic enti, ut evicimus, suam debent realitatem, tantum hypothetice esse necessarias, contingentes & mutabiles (§. 600. 594.), quod cum modo demonstratis conciliari nequit. Arguit itaque essentiarum necessitas ens intelligens absolute necessarium, in quo fundantur. Quare quum hoc ens non sit aliud, quam ens Infinitum, quod Dei nomine veneramur, perspicuum evadit, necessitatem essentiarum ex necessitate intellectus Divini dependere. Vanus igitur & irritus est metus, quem arbitrariarum essentiarum patroni sibi formant, quasi ex adsumta earundem necessitate sequeretur earum a Deo independentia, quum potius contrarium inde fluat.

Ex his bene intellectis facile solvitur objectio: *Si essentiae rerum sunt absolute necessariae, sequitur præter Deum esse aliquod absolute necessarium, quod absurdum.* Absoluta essentiarum necessitas, non ut a Deo independens, sed dependens concipitur: Deus enim, vi infiniti sui intellectus, omnes rerum ideas, non aliunde, ob summam, quæ Ei convenit, independentiam, haustas, sed ut in Se Ipso radicas adæquatissime intuetur. Quam ob rem nihil, nisi ut ab intellectu Divino immediate & necessario dependens, heic concipitur necessarium. Confunditur de cetero ab adversariis absoluta essentiarum necessitas cum Dei Ipsius necessitate: hæc existentiam includit, illa in meris versatur possibilitatibus; ab illa ergo ad hanc non valet consequentia.

Putavit *Aristoteles* L. VIII. *Phys.* cap. I. L. I. de

de cœlo. Cap. VIII. L. XII. Metaph. Cap. VI. aliisque in locis, non modo Deum, sed etiam reliquas substantias separatas, corpora cœlestia, materiali, elementa secundum se tota, & species omnes, saltem quæ ad universi perfectionem spectant, atque adeo ipsum universum, esse res simpliciter necessarias, nec ulla ratione posse non esse. Absurdam vero esse hanc Aristotelis opinionem, vel ex eo liquet, quod falso sibi persuasit, ex necessitate naturæ Divinæ profluxisse hunc mundum, Deumque non potuisse non exhibere, hanc rerum universitatem, partim per causas medias, partim immediate per se. confer L. IX. Metaph. Cap. IX. L. XII. Cap. VI. & L. II. de cœlo Cap. III. Hinc tamen occasiopem sibi sumserunt Scholastici proponendi questionem: *Utrum præter Deum aliquid sit necessarium simpliciter?* Quam questionem varii varie resolvere conantur. *Fonsæca* L. V. Metaph. Cap. V. Q. I. *Scheiblerus* L. I. Metaph. Cap. XVIII. n. 38. 40. *Stahlius* Tab. XII. Metaph. aliique distinguunt inter entia incomplexa, & complexa, seu, ut *Fonsæca* loquitur, inter res & connexiones rerum. Concedunt illi in entibus incomplexis solum Deum esse ens absolute necessarium; interim non esse absurdum plurimas quoque dari connexiones rerum, seu propositiones, essentias rerum concernentes, absolute necessarias. Sed hæc responsio non probatur *Jacobo Thomasto* in Dilucidationibus *Stahlianis* p. 44. & seqq. qui arbitratur hoc modo non aboleri periculofam doctrinam: *Dari ali-quod simpliciter necessarium præter Deum, neque dici posse necessitatem absolutam connexionibus* (h. e.

h. e. essentiis) rerum advenire a se ipsis; siquidem, ut ille putat, *necessitas est quædam existendi perfectio*. Atque hinc pag. 56. n. 83. 84. non nisi hypotheticam necessitatem essentiis rerum attribuit, quatenus, ut existimat, non sit ens nisi actuale, in quo, ubi sermo est de creaturis, semper sit relatio ad tempus præsens, præteritum & futurum. Sed duplici potissimum falsitatis fundamento innititur Thomasi adsertio: Alterum est, quod contra prius demonstrata (§. 227.) entis conceptum ad sola actualia restringat: Alterum vero, quod absolutam necessitatem judicet esse quandam existendi perfectionem, seu existentiam includere, quo sensu ultro largimur solum Deum esse necessarium, nec dari hoc modo ullam essentialium necessitatem absolutam, sed omnem esse hypotheticam. Ubi vero ab absoluta necessitate removetur existentia, nihil adest periculi illam essentiis rerum tribuendi, non tamen ipsis a se advenientem, sed ab intellectu Divino pendulam. Neque penitus adprobo Fonseca & sequacium sententiam, qua putarunt illi dari entia incomplexa præter Deum absolute necessaria, nisi simul fateantur a necessitate removendam esse existentiam, illamque solum versari circa possibilitates rerum, ab intellectu Divino pendulas. Taceo distinctionem istam inter necessitatem rerum complexarum & incomplexarum, sensu Metaphysico, firmam non esse: debent enim propositiones, uti veritatem, sic etiam necessitatem, vel contingentiam, rebus ipsis, seu entibus incomplexis. Verissimus namque est canon: Modus prædicandi sequitur modum essendi. Omnis itaque, de qua hoc lo-

co differitur, essentiarum necessitas circa entia versatur incomplexa; inde tamen non sequi vidimus, præter Deum existere ullum ens absoluta necessitate.

§. 610.

*Essentiarum  
immutabili-  
tas.*

Quoniam absolute necessarium est absolute immutabile (§. 598.), & essentiis rerum absoluta competit necessitas (§. 609.); eidem quoque attribuenda est absoluta immutabilitas.

Scrupulum, quem incautos circa adserendam essentiarum immutabilitatem, haud leviter turbare solet, uberioris illustrationis gratia, breviter exhibebo. Est vero talis: *Multæ dantur res in aliud, quæ essentiam a priori diversum, mutabiles, immo sæpius actu ipso mutatæ. Sic seminis essentia, seu id, cui seminis essentia competierat, in essentiam arboris mutatur: ex tritico fit farina, ex farina panis, ex pane chylus, inde caro, quæ essentialiter a pane differt; sic quoque in aliis per plurimis.* Fateor composita entia & speciatim corpora ejusmodi & longe plures, ut Physica docet, subire mutationes; nego tamen illud essentiarum immutabilitati quicquam officere: Notum enim est compositi essentiam in partium combinatione esse quærendam, composita idcirco, prout hac vel illa partium conjunctione gaudent, essentialiter differre. Constat etiam, omne compositum corporeum partes habere actu divisibiles, mobiles, translocabiles. Si igitur compositi partes actu ipso dividuntur, moventur, translocantur, & ablatae per alias sive similes sive dissimiles restituuntur, fit, ut in hoc subjecto essentia

sp-

specifica una, quæ inexistentiam, pereat, & inde enascatur altera, minime vero, quæ possibilitatem suam abstractam & intrinsecam, in qua essentia, cui immutabilitatem adjudicavimus, continetur; nisi absone dicere velis, possibilitatem mutatam fuisse, vel mutari posse in impossibilitatem. Liquet igitur allata exempla essentialium immutabilitati nihil derogare, accepto essentialis vocabulo sensu metaphysico, quo existentiam excludit. Ultro autem largimur essentialitas rerum finitarum, sensu acceptas physico, quo cum existentia conjunctæ spectantur, mutabiles esse, indeque natam, quæ in Physicis statuitur, mutationem essentialem. *Sed si verum est, instas, quod scribere non verentur quidam Scholasticorum, Deum potuisse essentialitas rerum perfectiores aliterque creare, falsa erit de immutabilitate essentialium assertio.* Taceo quod sacer docet codex omnia & singula initio creationis fuisse, valde bona, potius urgens, quod rem adficit præsentem, Deum scilicet initio creationis potuisse creare & non creare, creare has & alias essentialitas, non eo tamen sensu, quasi hæc eadem essentialitas, jam creatæ, perfectiores creari potuissent, quod manifestam inferret repugnantiam, sed quod loco harum alia constitui potuissent. De cetero nondum ingredimur illam controversiam, an hic mundus præ reliquis omnibus possibilibus sit perfectissimus, vel anne dentur alii mundi hoc perfectiores. Certum est, nullius momenti esse Scholasticorum sententiam ad infrigendam essentialium immutabilitatem.

Assertionis, quæ statuit essentialitas rerum esse immutabiles.

*Ufus Theo-  
logicus.*

mutabiles, insignis occurrit usus in controversia, quæ nostris olim cum *Matthia Flacio* intercessit. Hic enim in fervore disputationis, Vinarix cum *Victorino Strigelio*, synergista, anno sexagesimo seculi decimi sexti, habitæ, contendit, & deinde cum adseclis propugnavit, hominem post lapsum in essentia sua mutatum, peccatumque ipsam hominis substantiam esse, ut videre licet in Disputationis illius actibus a *Simone Museo* editis. Est vero hæc sententia admodum absurda. Nam quum essentix rerum sint immutabiles, homo in statu corruptionis, sive peccati, aliam ab ea, quam in statu integritatis habuit, essentiam haud suscipere potuit: Nec diversi status & modi rem essentialiter variare possunt.

Nec minus utilitatis præbet essentiarum immutabilitas contra Pontificium dogma de transubstantiatione, ab Innocentio III in Synodo Lateranensi audacter definitum, & a Tridentinis patribus sess. XIII. Cap. IV. repetitum, quo per consecrationem panis conversionem fieri totius substantiæ panis in substantiam corporis Christi, Domini nostri, & totius substantiæ vini in substantiam sanguinis ejus, perversè docent. Sed quatenus per substantiam heic intelligunt essentiam, catenus evidens est, ex hoc eorum dogmate sequi essentiarum mutabilitatem, dudum explosam. Rejiciamus ergo illud dogma cum tota patronorum ejus cohorte.

Neque audiendi amplius sunt Hallenses, qui hominem regenitum & irregenitum specie differre credunt: Quia enim differentia specifica non est nisi essentialis (§. 569.), ex hac opinio-

ne



ne sequeretur hominis immutari essentiam, cum ex irrogenito fit regenitus, aut contra. Sed sunt essentiae rerum immutabiles. Falsa ergo facile agnoscitur hæc Hallensium Doctrina.

## §. 611.

Adfirmata jam & demonstrata *Essentialis* essentiarum absoluta immutabilitate (§. 610.), abunde patescit nullum *mutatio nulla.* ens esse essentialiter mutabile, atque adeo essentialem mutabilitatem, a quibusdam adfirmatam Philosophis, contradictionem in adjecto involvere (§. 48).

Ubivero ad mentem, non ad verba horum attendimus Philosophorum, qui essentialem attribuunt rebus mutationem, modo a Poiretianismo alieni tueriat, nobis re ipsa contradicere non videntur, quum essentiae vocabulum non metaphysico, cui nos constanter innitimur, sed physico sumant sensu, quo essentialem rebus non denegavimus mutationem. conf: not. ad §. 610.

## §. 612.

*Essentia rerum augmenti & diminutionis sunt incapaces.* Sua enim *Essentia augeri & minui nequeunt.* sponte largiuntur omnes nihil augeri & minui posse, nisi quod sit mutabile. Sed sunt essentiae rerum immutabiles (§. 610.). Augeri ergo & minui nequeunt.

Consistit essentia rei in certis prædictis, sibi mutuo non repugnantibus, quæ neque a se invicem, neque ab alio priori in ipsa re determinantur (§. 320.),

*Essentia sunt sicut numeri.*

& quorum quodlibet essentialis nomine venit (§. cit.). Hæc a se invicem, salva manente eadem essentia, & salva ejusdem immutabilitate, separari nequeunt, neque alia eis addi possunt. Considerari ergo potest essentia rei ut numerus determinatus, cui nihil addi, nihil demi potest, salvo manente eodem numero. Hinc dicit *Aristoteles* L. VIII. Metaph. Cap. III. *οἷοι πῶς ἀριθμοὶ αἱ οὐσίαι. Essentiae sunt sicut numeri.* Certumque est ante *Aristotelem* in schola *Pythagoræ* & *Platonis* essentias fuisse non numeris modo, sed & figuris Mathematicis comparatas, sed alio, quam fecit *Aristoteles*, sensu: In schola *Pythagoræ* & *Platonica* plenissima fuit mysteriis hæc de numeris doctrina. Neq: quamlibet essentiam cui-libet numero similem statuebant, sed cui numero cujus rei essentia responderet, studebant definire, adeo ut *Eurytus* *Pythagoræus* dispositis calculis diceret, hunc esse hominis, illum cujusvis rei numerum, teste *Ramo* L. XIV schol. Metaph. Cap. V. fol. 1054. Vim ergo similitudinis, iudice *Jacobo Thomasio* in *Dilucid. Stahlianis* p. 21. magis quærebant in perfectione, pulchritudine, ac proportionem numerorum, inter se comparatorum, quam ut *Aristoteles* in eorundem singulorum indivisione, salvo manente eodem numero. Quod expressis verbis indicat *Aristoteles*, quando citato loco ita ratiocinatur: *Quem ad modum de numero ablato, aut addito aliquo, ex quibus numerus est, non est amplius idem numerus, sed diversus, etiam si minimum auferatur, aut addatur; ita nec definitio (quam cum essentia dicto loco permutat), nec ipsius quid erat esse (h. e. ipsa essentia), erit amplius,*

plius, ablato aliquo aut addito. Quod totum ut facilius capiant juniores, sit exemplum essentiae hominis, quam in compositione ex anima rationali & corpore organico consistere, communiter statui solet. Ponamus demi rationalitatem, remanente corpore vivo organico, transiturus erit homo in animal brutum: fingas removeri corpus organicum, & habebis ens spirituale finitum: huic ponas addi maiorem perfectionem essentiali, & transibit illud in angelum. Ut adeo perspicias, demto vel addito aliquo essentiali, non amplius manere idem ens. Certum quidem est *Aristotelem* cit. l. præcipue intellexisse essentias rerum compositarum, quia verbis paulo antecedentibus mentionem injicit *ἡ ὁλὴ οὐδέτερά, essentialis composita*, quæ realem admittit essentialium distinctionem; & quia vetusta Philosophia Deum, ob summam simplicitatem unitati potius quam numero similem statuebat; Quatenus tamen omnis entis essentia, utut simplicissima, pro nostro tamen concipiendi modo diversis constat essentialibus (§. 320.), inter quæ si non reale, formale tamen datur discrimen (§. 453.); eatenus etiam dicere licet, omnem essentiam esse sicut numerum, modo caveamus ne hanc similitudinem ultra comparationis tertium extendamus, realemque enti adfingamus compositionem, quod nonnisi formalem admittit, & potius realem, ut cum Scholasticis loquar, identificationem (§. 454.), quam separationem.

Regula hæc, quæ docet indivisibilia esse entis essentialia, salvo manente eodem ente, insignem habet usum.

*Usus Theologicus.*

in decidenda quaestione, inter Scholasticos agitata: num *Christus triduo mortis suae verus fuerit homo?* Affirmant *Hugo de S. Victore* L. II. de Sacram. P. I. cap. II. & *Lombardus* L. III. Dist. 22. qu. I. sed principiis confisi diversis. *Hugo* enim hominis essentiam in sola anima rationali collocat, ideoque quum mortuo Christo anima ejus fuit superstes, Eum triduo mortis hominem mansisse censet. *Lombardus* vero Christum ideo triduo mortis hominem fuisse putat, quia post separationem animae a corpore partes eae remanserint, & cum utraque Divinitas Filii personali unione fuerit conjuncta. Ab his discedunt alii Scholasticae Philosophiae doctores. *Omnes fere moderni*, ait *Albertus* in illam *Lombardi* distinctionem art. I. concordant in hoc, quod falsa sit affirmativa, & quod magister hic deceptus fuerit. His consentit *Thomas* P. III. Sum. qu. 50. art. 4. *Christum vere fuisse mortuum est articulus fidei: unde asserere omne illud, per quod tollitur veritas mortis Christi, est error contra fidem. Pertinet autem ad veritatem mortis hominis, vel animalis, quod per mortem desinat esse homo, vel animal.* Cum *Thoma* faciunt *Durandus* in L. III. Sent. Dist. 22. qu. I. *Johannes de Rada*, *Scotista*, P. III. Controv. Theol. controvers. II. art. 3. aliique plures, immo & *Orthodoxi*. Quoniam enim essentialia rerum sunt sicut numeri, & indivisibiles, divisas a se & solutis humanae naturae partibus essentialibus, manere nequit eadem natura, neque ergo homo; sed triduo mortis Christi anima humanae ejus naturae a corpore verè fuit soluta, quia teste S. Sacra vere fuit mortuus; triduo ergo mortis verus non mansit homo.

mo. Neque sufficit cum Lombardo dicere tri-  
duo mortis mansisse hypostaticam unionem Fi-  
lii cum anima & corpore, & ideo Christum il-  
lo tempore verum fuisse hominem. Nam unio  
animæ & corporis inter se fuit necessaria ad hoc,  
ut Christus esset homo. Hugonem vero, inte-  
gram hominis essentiam in sola rationalitate col-  
locantem, oppido errare vel exinde liquet, quod  
differentiam rei specificam cum integra ejus es-  
sentia confundat, quæ genere & differentia spe-  
cifica simul componitur.

Ceterum abutuntur præsentī regulæ Ariani &  
Photiniani, ita arguentes: *Quicquid ab æterno  
habuit essentiam suam, ei ab æterno nihil potuit ad-  
di, vel illud ab æterno non potuit generari.* At Fi-  
lius Dei ita; Ergo. Sed vacillat major propo-  
sitio. Nam Filius Dei absolute non habuit ab  
æterno essentiam, citra sui ex essentia Patris  
generationem. Corruit ergo tota argumentandi  
vis, cui tamen multum semper tribuerunt hæ-  
retici.

### §. 613.

*Attributa rerum sunt absolute ne- cessaria.* Unice per essentias rerum de- terminantur attributa (§. 340.), sed *cessitas.*  
aut necessario aut contingenter (§. 591.): si  
contingenter, possent attributa per essentias  
determinari, & non determinari (§. 590.). Po-  
sita igitur essentia, possent illa poni & non  
poni (§. 194.). Quod tamen manifestam in-  
volvit contradictionem (§. 343.). Non ergo  
nisi necessario per essentiam determinantur at-

tributa; sed aut absolute aut hypothetice (§. 596.). Si hypothetice, contingens esset attributorum ex essentia determinatio (§. 600.), quod modo demonstratis repugnat. Absolute ergo necessaria est attributorum ex essentia determinatio, seu, quod idem est, attributa rerum sunt absolute necessaria. Aliud pro eadem veritate argumentum: Attributa rei ipsa identificantur cum essentia rei (§. 452.). Re ipsa igitur sibi mutuo convenientem habent indolem attributa & essentiae (§. 389.). Sed sunt essentiae rerum absolute necessariae (§. 609.). Non ergo possunt non attributa rerum de eadem hac absoluta necessitate participare.

Ex. gr. Sub dupla trium angulorum ad quatuor rectos ratio est trianguli rectilinei attributum necessarium. Absolute enim est impossibile triangulum esse triangulum, & tamen hanc rationem posse aut maiorem aut minorem constitui, prout propositione XXXII. El. I. demonstrat *Euclides*. Est igitur hoc trianguli rectilinei attributum absolute necessarium. Pari ratione intellectus & voluntas sunt absolute necessaria spiritus attributa, nam essentiae spiritus eorum repugnant opposita.

## §. 614.

*Possibilita-  
tum acciden-  
tium necessi-  
tas.*

Sunt accidentium possibilitates proximæ attributa (§. 379.). Illis ergo absoluta quoque competit necessitas (§. 613.).

Exem-

Exempli loco sit figuræ quadrilateræ, cujus anguli oppositi sunt æquales duobus rectis, in circulo inscriptibilitas, quæ ex ipsis hujus figuræ essentialibus facile demonstratur, & ita quidem, ut si illa dictæ figuræ non competere poneretur, manifesta exurgeret absurditas. Quam ob rem non potest non hæc in circulo inscriptibilitas esse absolute necessaria. Eodem modo se habet inflammabilitas pulveris nitrati, quæ ex essentialibus hujus pulveris partibus, sulphure nimirum, carbonibus & nitro immediate deducitur, ut adeo, posita hac essentia pulveris, non possit non ei competere, etsi actus ejus, ut experimenta physica docent, possit in vacuo Boyleano suspendi, ubi non major sed minor ejus copia in ferrum candens demittitur, ut observat cum *Hauksbejo Musschenbroekius*, remanente nihilo secius ipsa inflammabilitate, ut essentiæ pulveris hujus insita.

## §. 615.

Prona hinc fluit consequentia, at *Attributis* rebus (§. 613.), & accidentium possibilitatibus proximis *rum immutabilitas* (§. 614.), absolutam competere immutabilitatem (§. 548.).

Illustrari hoc potest exemplis modo allatis (§. 613. 614.), vel etiam ejusdem generis aliis.

## §. 616.

*Accidentia enti contingenter insunt.* Accidentia enim enti, cui competunt, inconstanter insunt (§. 366.), *Accidentium contingentia.* seu, quod idem est, quando insunt, possunt non

non inesse, salvo manente eodem ente (§. cit.). Oppositum ergo inexistentiæ accidentium est possibile, & proinde ipsa contingenter enti insunt (§. 590.).

Quot accidentium dantur exempla, tot manifestissima sunt hujus veritatis specimina: Est enim communis accidentium natura, quod rationem sufficientem, cur actu insint, in essentia rei minime habeant, sed rationes, inexistentiā determinantes, adhuc requirant alias (§. 370.), atque ideo, posita essentia, non statim ponantur (§. 365.), sed sint in se a suis subjectis separabilia (§. 366.). Ex. gr. Calor & frigus sunt lapidis accidentia, quæ pro circumstantiarum, in quibus collocatur lapis, varietate, variant, eique proinde non nisi contingenter insunt.

#### §. 617.

*Contingentium* *Quicquid enti contingenter in-*  
*accidentalis est, accidens ejus est.* *Quicquid e-*  
*natura.* nim enti inest, id vel inter essen-  
tialia, vel attributa, vel accidentia est refe-  
rendum (§. 372.); Sed tum essentialia, tum  
attributa absolute sunt necessaria (§. 609. 613.),  
accidentibus autem competit contingentia (§.  
616.). Quicquid ergo enti contingenter inest,  
accidens ejus est. Idem alio ostenditur mo-  
do: Quod inconstans est, esse potest & non  
esse, & ideo contingentem habet naturam (§.  
590.); sed quod inconstanter enti inest, ejus  
accidens est (§. 373.). Quodcunque ergo  
enti contingenter inest, ejus est accidens.

#### §. 618.



## §. 618.

Quia omne contingens mutabile est, & omne mutabile contingens (§. 594.), omnia accidentia enti mutabiliter insunt (§. 616.), & quicquid enti mutabiliter inest, ejus est accidens (§. 617.). Proinde ens, quod accidentibus destituitur, expers est omnis mutabilitatis, & vicissim, quod mutabilitatis est expers, accidentibus destituitur.

*Accidentium & entium mutabilitas.*

Insignem pollicentur hæc confectaria usum Theologiæ Naturalis tractationi, ad removenda a Deo tum accidentia, tum omnem mutabilitatem, En i absolute perfecto & necessario prorsus incommunicabilem.

## §. 619.

*Accidentia enti insunt non absolute, sed hypothetica necessitate.* Accidentium soluta, sed hypothetica necessitate. *hypothetica necessitas.* Habent accidentia in existendo contingentiam (§. 616.), quæ absolutæ necessitati repugnat (§. 599.). Nequeunt ergo accidentia absolutam possidere in inexisterendo necessitatem. Ratio sufficiens, cur accidentia actu insint, non continetur in essentialibus entis, sed in aliis rebus, ab essentia ejus diversis (§. 364.): Impossibile autem est, ut his rebus positis, in quibus continetur ratio sufficiens accidentium, accidentia ipsa simul non ponantur (§. 199.), etiamsi remotis illis conditionibus extraessentialibus in se non sit impossibile.

le

le, ut posito ente, ejusque essentia, nondum ponantur accidentia (§ 365.). Quod ergo existentiae accidentium opponitur, non est nisi hypothetice impossibile (§. 128.). Ipsa idcirco accidentia non nisi hypothetica necessitate enti insunt (§. 596.).

Ex. gr. Hypothetice necessarium est, ut lapidi insit calor, qui ejus est accidens. Nam posito lapidem aliquandiu calori solis fuisse expositum, ponitur ejus calor, non ergo nisi conditionate. Neque putandum est hypotheticam accidentium necessitatem eorum tollere mutabilitatem, oprime enim consistit illa necessitatis species cum contingentia (§. 600.), & per consequens; cum mutabilitate (§. 594.).

### §. 620.

*Essentiale unius entis de-  
generare ne-  
quit in acci-  
dens alterius.*

*Quod est vel essentiale, vel attributum unius entis, nequit esse alterius accidens.* Sint duo entia A & B. Habeat A essentiale vel attributum C, contendo hoc idem C non posse esse accidens entis B. Sed ponamus contrarium. Idem ergo C, quod quoad A est immutabile (§. 615.), quia est ejus vel essentiale, vel attributum (per hypoth.), esset quoad B mutabile (§. 618.), quia ejus accidens (per hypoth.). Consequenter immutabilitas, attributo vel essentiali C attribuenda, non esset absolute, sed sub certa conditione talis (§. 597.). Hoc autem per ante demonstrata (§. 615.) est

est absurdum. Fieri ergo nequit, ut essentialē vel attributum unius entis sit accidens alterius.

Ex. gr. Extensio est attributum corporis, nequit ergo illa fieri accidens animæ. Facultas intelligendi, quæ Angelo, prout attributum, inest, nequit competere animæ, ut accidens, quia inde sequeretur, quod, quoad Angelum est absolute immutabile, esset quoad animam mutabile, adeoque, quod sine ulla conditione est mutabile, esset sub certa conditione mutabile. Quod, ut nemo non intelligit, in ipsis terminis contradictionem involvit.

Objicis: *Durities lapidi, ut attributum, inest, sed competit aquæ, dum in glaciem abit, ut accidens. Quod igitur est attributum unius, potest fieri accidens alterius.* Putas ergo eandem duritiem, quæ lapidi, ut attributum, inest, aquæ in glaciem concretæ competere; sed contrarium docet penitior naturæ consideratio. His accedit multos dari lapides, qui in igne suam duritiem amittunt, in liquidam mutati massam. Horum lapidum æque ac aquæ concretæ accidens est durities, non attributum. Neque præsentī positione negatur, posse duo plurave entia habere aliquod vel accidens, vel attributum commune, quorum utrumque conceditur, sed id solum removendum esse demonstravimus, posse essentialē, vel attributum unius entis, salva sua indole, abire in accidens alterius.

§. 621.

*Quicquid enti absoluta inest ne-*      *Quid in*  
*ces-*

*ente abs. ne-* cessitate, id vel inter essentialia, vel  
*cessarium.* attributa ejus est referendum. Quic-  
 quid enti inest, id vel inter essentialia, vel at-  
 tributa, vel accidentia est numerandum (§. 372.). Sed accidentia non insunt enti absoluta  
 necessitate (§. 619.), quæ tamen essentialibus  
 & attributis convenit (609. 613.). Quicquid  
 ergo enti absoluta inest necessitate, id vel in-  
 ter essentialia vel attributa locum habet.

Accurate itaque scimus, quæ sint absolutæ ne-  
 cessitatis prædicata, essentialia scilicet & attri-  
 buta, quæ omni competunt enti (§. 329. 342.),  
 adeoque etiam potentiali (§. 295.) & mere  
 possibili (§. 294.). Unde statim patescit, quod  
 mox demonstrandum est plenius, extra intrin-  
 secam rerum possibilitatem, cui fundamentum  
 præbet essentia (§. 344.), non quærendam esse  
 ullam, ut rebus competentem, absolutam ne-  
 cessitatem.

Ceterum, vel me tacente, liquet contra disjun-  
 ctivam prædicati, quod præsens ingreditur e-  
 nunciatum, peccare naturam, qui ita colligit:  
 Hoc vel illud absoluta inest necessitate huic vel  
 isti enti, ergo ejus constituit essentiam, quum  
 potius concludere debeat: ergo ejus constituit  
 vel essentialia vel attributum. In hanc impingit  
 cautelam *Cartesius*. P. II. Princ. §. 4. ex ex-  
 tensionis absoluta necessitate & immutabilitate,  
 quam ex relatione illius cum mutabili duritiei,  
 ponderis & coloris natura, ostendere conatur,  
 ad essentiam corporis, in sola extensione col-  
 locandam, colligens, quum potius disjunctive  
 dice-

dicere debuisset, extensionem esse vel essentiam vel attributum. Nihil magis ex propositis sequitur præmissis.

## §. 622.

*Absoluta necessitatis fundamentum est sola essentia entis; quæ vero necessitatis fundamen-  
necessitas aliunde originem trahit, tum.  
non est nisi hypothetica.* Quicquid enti absolu-

ta inest necessitate, id vel inter essentialia, vel attributa, est numerandum (§. 621.). Essentialia neque a se invicem neque ab alio priori in ipsa re determinantur (§. 320.); Attributa autem ex essentialibus unice determinantur (§. 340.), & positis essentialibus, statim ponuntur (§. 343.). Sola ergo essentia absolutæ necessitatis est fundamentum.

Quicquid vero aliunde quam ex essentia determinatur, accidens est (§. 364.) quod non nisi hypotheticam habet necessitatem (§. 620.). Omnis ergo necessitas, aliunde quam ex essentia proveniens, non est nisi hypothetica.

Maxime est momenti fundamentale, quod inter necessitatem absolutam & hypotheticam intercedit, discrimen, sine quo vix ac ne vix quidem contra fatalitas, absolutam rebus omnibus assergentes necessitatem, digne disputabitur, nec sine eo quicquam præstabitur contra Platonicos, creationem mundi per emanationem ex essentia Divina explicantes. Taceo alias plures & admodum intricatas, quæ in Theologia Naturali occurrunt, quæstiones, quæ ex notitia hujus  
Y  
discrim-

discriminis, quàm maximam partem, solvi possunt, & solvuntur.

§. 623.

*Entis necessarii definitio.* Ens, cujus existentia fundatur in ejus essentia, est absolute necessarium (§. 622.). Ut adeo *Ens Necessarium* sit, cujus existentia est absolute necessaria, seu, quod rationem sufficientem suæ existentiae in propria sua essentia habet (§. 622.).

Est hoc Necessarium, quod alii dicunt *Necessarium in essendo*, h. e. secundum mentem eorum, *in existendo*, & quod *Chauvixus* in Lex. Phil. sub hoc tit. explicat per id, quod habet essentiam semper exercitam; i. e. semper existentem, vel, ut alii loqui amant, quod a semet ipso semper, & nulla habita ratione aut causæ, aut effecti, aut cujuslibet alterius adjuncti, existit. Non ergo nisi verbis a nostra entis necessarii explicatione differt *Chauvinus* cum aliis, quos citat. Solent quidem alii cum *Donato* in Metaph. Usuali Cap. XX. §. 13. seq. sub entis necessarii adpellatione comprehendere omne id, quod ita existit, ut non possit non existere, sive absolute, sive hypothetice. Longe vero est accuratius, & ad varias evitandas confusiones melius, entis necessarii notionem extra absolutam in existendo necessitatem non extendere. Immo certum non aliunde magis, quam ex latiori ista entis necessarii acceptione, originem traxisse quæstionem istam inter Scholasticos vehementer agitatam: *an præter Deum aliquid sit necessarium simpliciter?* quam quæstionem, quantum nobis visum fuit satis, aprea dilucidavimus (§. 609.).

Ens

Ens necessarium, quod heic explico, & existere & solum Deum esse demonstrat Theologia Naturalis, consentiente Sacra Scriptura, quæ nomen  $\text{יהוה}$ , ut Deo proprium & essentialē proponit Exod. XV. 3. Ex. VI. 2. 3. Es. XLVIII. 2. LIV. 5. XLII. 8. & soli Deo vindicat Es. XXXVII. 20. Ps. LXXXIII. 19. Descendit hæc vox ex radice Chaldaica  $\text{יהוה}$ , cui respondet radix Hebræa  $\text{יהוה}$  fuit. Ratione igitur Etymologiæ denotat existens, & quidem non contingenter, quod creaturarum proprium est, sed necessario. Ut adeo, teste S. Scriptura, non nisi Deo competat esse ens necessarium.

## §. 624.

*Ens contingens* est, cuius existentia non est absolute necessaria, *Entis contingentis definitio.* cuius existentia ratio sufficiens non continetur in ejus essentia.

Ejusmodi entia sunt, quæ in hac existunt universitate, mundus quoque ipse, verbo omnia creata & finita.

## §. 625.

Quoniam quodlibet est vel non est (§. 64.), omne existens habet existentiam vel absolute necessariam, vel non; si prius, Necessarium ens est (§. 623.), si posterius, Contingens (§. 624.). *Excluditur medium inter necessarium ens & contingens.* Omne ergo existens est vel necessarium, vel contingens.

Ratione igitur existentia recte dispescimus ens in necessarium & contingens, nec præter hæc duo

duo datur aliud tertium. Ratione autem possibilitatis internæ, quæ cum ente in genere reciprocatur (§. 228.), ens omne est necessarium (§. 607.), nec ullum hoc respectu est contingens. Sed magno cavendum est studio, ne ens necessarium cum necessario in genere confundatur. Illud respicit existentiam unice, hoc suam considerationem ab existentia abstrahit & removet. Unde recte dicimus, essentias rerum, etiam finitarum, esse absolute necessarias (§. 609.), male vero & perversè illas esse entia necessaria; nam sic etiam necessario existerent, quod absurdum. Non ergo mirum eos, qui ens metaphysicum cum ente actuali confundunt, & in necessarij notatione relationem semper habent ad existens, ferre non posse absolutam essentialium necessitatem, quæ tamen, modo propositum discrimen inter ens necessarium & necessarium in genere ante oculos habeas, & digne respicias, nec ens actuale cum ente metaphysico idem statuas, nihil habet absurdi.

### §. 626.

*Qualitas existentie entis  
necessarii &  
contingentis.*

*Essentia entis necessarii est ejus attributum. Existentia autem entis contingentis est ejus accedens.* Ratio enim sufficiens existentie entis necessarii continetur in ejus essentia (§. 623.). Sed attributum est, cujus ratio sufficiens continetur in essentia entis (§. 340.). Existentia igitur entis necessarii est ejus attributum.

Existencia entis contingentis non est absolute.



solute necessaria (§ 624.), non igitur vel ad essentialia vel ad attributa referri debet (§. 621.); Quia tamen enti contingentī, ex hypothesi, comperit, pluraque entis interna prædicata non sunt, quam essentialia, attributa & accidentia (§. 372.); perspicuum manet existentiam entis contingentis esse ejus accidens.

Quam utile & simul necessarium est nosse, quantum licet, accuratum discrimen inter ens necessarium & contingens, ne vel atheorum vel gentilium perverso instituto Deum cum mundo & rebus mundanis confundamus; tantæ quoque est necessitatis scire, ad quam classē interiorum prædicatorum pertineat existentia entis cum necessarij, tum contingentis, ne illam in utroque ente ejusdem censeamus ordinis. Quod ut clarius adhuc pateat, plura addere decet, eandem expositura rem.

§. 627.

*Cujuscunque entis existentia est ejus attributum, illud est ens necessarium. Et cujuscunque entis existentia est ejus accidens, illud est ens contingens.* Cujuscunque enim entis existentia est ejus attributum, illius existentia est absolute necessaria (§. 613.); sed cujus existentia est absolute necessaria, illud est ens necessarium (§. 623.). Cujuscunque ergo entis existentia est ejus attributum, illud est ens necessarium.

E. contra: cujuscunque entis existentia est ejus accidens, illius existentia non est absolu-

te necessaria (§. 619.); Sed ens, cujus existentia non est absolute necessaria, est contingens (§. 624.). Ens ergo, cujus existentia est ejus accidens, contingens recte statuitur.

Ob hanc reciprocationem inter existentiam entis necessarii & ejus attributum, nec non inter existentiam entis contingentis & ejus accidens, modo demonstratam, verioris Logices præceptis convenienter definire potuissimus Ens Necessarium per illud, *cujus existentia est ejus attributum*, & Contingens per illud, *cujus existentia est ejus accidens*; maluimus tamen receptas entis necessarii & contingentis retinere notiones, ne novis, etsi in se veris, turbetur lector.

### §. 628.

*Existentiæ ab essentia discrimen.* Uberrim hinc patescit, inter existentiam & essentiam entis necessarii non reale, sed formale dari discrimen (§. 453.), & re ipsa inter se identificari (§. 454.); Inter existentiam vero & essentiam entis contingentis, modalem locum habere differentiam (§. 444.), & per consequens etiam realem (§. 445.).

Multum inter se disputant scholasticæ Philosophiæ Doctores, quomodo inter se distinguantur essentia & existentia entis. Largiuntur cum *Svareziô* Disp. Metaph. XXXI. lect. VI. p. 159. T. 2. accuratiores, Existentiam Dei, seu Entis Necessarii, esse de ejus essentia; entis vero contingentis non esse de ejus essentia, sed provenire ex efficientia alterius entis, scil. necessa-

cessarii: Ultro itaque concedunt & simul recte contendunt, essentiam Entis Necessarii ab ejus essentia non differre realiter. Circa distinctionem vero essentiae & existentiae entis contingentis in diversa rapiuntur. Quidam pugnant pro distinctione reali, quidam pro modali, quidam pro rationis. Tota autem lis, quantum capio, inde originem trahit, quod alii existiment essentiam ab existentia, etiam in ente contingente, non esse separabilem, essentiam semper cum actualitate copulatam considerantes, urgentesque praeterea reale non dari discrimen nisi inter existens unum & aliud. Hoc sensu, ad quaestionem propositam: *an inter essentiam actualem & existentiam reale detur discrimen?* respondent negando, & recte quidem ex suppositis; quum fingere reale discrimen inter essentiam actualem & existentiam, quia essentia actualis nihil est aliud quam existentia, idem plane sit, ac fingere reale discrimen inter unum idemque a se ipso. Quod definitioni distinctionis realis, etiam a nobis traditae (§. 435.), e diametro adversatur. Alii contra essentiam entis in praecisione ab ejus existentia considerantes, & ipsam internam entis contingentis possibilitatem, in qua essentiam ejus contineri recte dicunt, ab ejus existentia, re ipsa, separabilem contendentes, reale quoque discrimen non modo inter existens & existens, sed etiam inter ea, quorum unum quocunque modo non est alterum citra intellectus nostri operationem (§. 435.), statuentes, censent inter essentiam & existentiam entis contingentis idem dari discrimen ac inter ens in potentia & ens in actu, seu,

inter potentialitatem & actualitatem ejusdem entis, a se mutuo separabiles. Conf. Svarerii l. c. p. 161. n. 22. Hoc etiam sensu nos dicimus, secundum regulam prius propositam (§. 442.), & ab antiquitate agnitam, dari reale discrimen inter essentiam & existentiam entis contingentis. Hinc est quod graves Scholasticæ Philosophiæ auctores, prout observat Svarerius l. c. p. 163. statuunt existentiam creaturæ esse ejus accidens. His re ipsa non advertatur Svarerius, etsi ponat creaturam, quando est, necessario esse, actu scilicet composito (§. 68.); nam creaturæ, sensu diviso, quem nos spectamus, nullam in existendo affingit necessitatem. Sed ais: *Si verum est, quod heic statuitur, dari scilicet reale discrimen inter essentiam & existentiam entis contingentis, sequi inde absurdum, quod antea profligavimus (§. 208.), existentiam nimirum essentiae novam addere realitatem.* Neutiquam. Nam omnis realitas habet suam quidditatem, ut cum Scholasticis loquar, seu entitatem (§. 271. 272.), & per consequens, essentiam (§. 329.). Jam vero, quum unius entis non sit nisi una essentia (§. 333.), intelligitur existentiam enti contingentem novam non addere realitatem. Neque contrarium sequitur ex adserta distinctione reali inter essentiam & existentiam entis contingentis, quum illa distinctio locum habeat non modo inter ens & ens, quæ distinctio realis est essentialis (§. 437.), sed etiam inter ens & ejusdem entis modos (§. 414. 445.). Hanc, non illam, inter existentiam & essentiam entis contingentis statuimus: Illa vero, non hæc, novam, vel potius aliam, infert essentiam, aliam realitatem.

Di-

Distinctio itaque realis, heic loci a nobis defensa, non infert quod existimat opponens.

§. 629.

*Entis necessarii immutabilitas.* *Ens necessarium & quâ essentiam, & quâ existentiam, est absolute immutabile.* Ens necessarium est, cujus existentia est absolute necessaria (§. 623.), adeoque etiam absolute immutabilis (§. 598.). Est vero etiam essentia ejus absolute immutabilis (§. 610.). Ens ergo necessarium & quâ existentiam, & quâ essentiam, est absolute immutabile.

Esse ens necessarium quâ omnia, quæ possidet prædicata, absolute immutabile, suo demonstrabitur loco, ubi notionem infiniti evolvimus. Heic sufficit nobis ostendisse existentiae & essentiae immutabilitatem, quæ ex notionem entis necessarii sponte fluit.

§. 630.

*Entis contingens, quâ existentiam, est mutabile, & quodcunque mutabili ratione existit, contingens est.* *Entis contingens mutabilitas.* Existentia entis contingens est ejus accidens (§. 626.) ideoque mutabilis (§. 618.). Vicissim: Quicquid mutabili ratione existit, illud existit accidentaliter (§. 618.), sed quod accidentaliter existit, est ens contingens (§. 627.). Quodcunque ergo mutabili ratione existit, illud est ens contingens.

Recte hinc ex actuali mutatione rerum, quæ in mundo sunt, ad earum & totius mundi conclu-

dimus contingentiam. Docent variae & innumeræ Physicorum observationes, tum homines ipsos, tum etiam omnia animalia, immo & vegetabilia, ipsamque tellurem, & qua internam & qua externam constitutionem, solem, lunam, & reliqua astra, constanti subiecta esse mutationis legi, ut adeo hinc non obscure pateat horum omnium contingens & mutabilis existendi ratio, quam in Theologia Naturali, ex contemplatione hujus universi Dei ostensuri existentiam, plenius D. IV. exponemus.

§. 631. *Ens Necessarium oriri & interire* *Enti necessario repugnat ortus & interitus.* Cui enim ortus & interitus non repugnat, illud potest quâ existentiam & incipere, cum antea non existeret, & desinere, cum antea existeret (§. 308.); ei itaque non repugnat, quâ existentiam fieri diversum ab eo quod est (§. 390.), & per consequens, mutabili ratione existere (§. 592.). Sed Enti Necessario repugnat mutabilis existentia (§. 629.); Ergo etiam Eidem repugnat ortus & interitus.

Hinc ut absurdam rejicimus non modo Deorum Dearumque generationem, a gentilibus effectam, sed & perversum atheorum principis *Anaximandri* figmentum, quo nativos esse Deos, longis intervallis orientes occidentesque, eosque innumerabiles esse mundos somniavit, prout de eo testatur *Cicero* L. I. de nat. Deor. Nihil enim excogitari potest absurdius, quam Deum eum mundo, Ens necessarium cum contingente, com-

miscere, Illique æque ac huic ortum & interitum assignare. Tollunt hæc somnia tum ipsam Entis Necessarii, tum Contingentis naturam; illius, ut præsentī demonstravimus thesi, hujus vero, quia sublato inter ens Necessarium & Contingens discrimine, utriusque sejuncta negatur natura.

*Entis contingens oriri & interire potest.* Est enim ens contingens, quā existentiam, mutabile *petit ortus & interitus.* (§. 630.), potest itaque fieri diversum ab eo, quod est (§. 592.), seu, potest existere & non existere. Potest itaque, ubi antea non existit, quā existentiam incipere, & cum antea existit, quā existentiam desinere. Potest ergo & oriri & interire (§. 308.).

Inferunt ortus & interitus mutationem status vel meræ possibilitatis in actualitatis, vel actualitatis in meræ possibilitatis: Ejusmodi autem mutatio de alio prædicari nequit ente, quam cujus existentia est ejus accidens (§. 618.); ideoque valet non nisi de ente contingente (§. 627.). De mundi, ut entis contingentis, ortu & interitu, tum ex veterum, tum recentiorum hypothsibus multa hic adferri possent, modo id permetteret instituti, quo detinemur, ratio, non Theologicis, sed Metaphysicis destinata curis. Monere tamen placet, vehementer eos errare, qui censent omnes eos ab atheismi labe esse immunes, qui quovis modo mundi concedunt ortum & interitum: Nam quamvis, de jure, cer-

tum sit, ortum & interitum de mundo statui non posse, nisi simul concedatur illum esse contingens, & proinde, ut mox demonstrabitur, rationem suæ existentiae non agnoscere nisi in Ente Necessario, h. e. Deo; juxta tamen de facto testatur Historia *Anaximandrum, Democritum, Lucretium*, aliosque hujus generis, hunc, quem incolimus, mundum & factum & certo tempore interiturum esse docuisse, sed, quod dolendum, atheismi tamen occupatos fuisse vitio.

## §. 633.

*Contingentis existentiae ratio in Ente Necessario.* Si existit ens contingens, ejus existentiae ratio sufficiens contineri nequit nisi in Ente Necessario. Quia existit ens contingens (per hypoth.), habet existentiae suæ rationem sufficientem aut in se ipso, aut in alio existente (§. 216.). Si in se ipso, tum aut in essentia sua, aut in propria virtute, qua se ipsum produxisset, possideret existentiae suæ rationem sufficientem. Illud contra rei veritatem & adsumptam hypothesein, adeoque absurde mutat ens contingens in necessarium (§. 623.); hoc ab omni ratione est alienissimum, quum ponat ens contingens agere, antequam existeret, adeoque existere antequam existeret (§. 207.). Utrumque ergo in primum incurrit principium (§. 53), utrumque contradictione laborat (§. 54.). In se ipso itaque continere nequit contingens rationem existentiae suæ sufficientem



tem, adeoque vi disjunctivi, quem modo proposuimus, syllogismi, habet ens contingens rationem existentiae suae sufficientem non nisi in alio existente, quod aut est ens contingens, aut necessarium (§. 625). Si contingens, tunc ob mox demonstrata, illius iterum existentiae ratio daretur in alio existente, & sic porro in infinitum, quousque permanemus in serie entium contingentium. Nunquam ergo heic pervenire liceret ad rationem ultimam, seu sufficientem (§. 85.); daretur itaque progressus rationum in infinitum (§. 104), qui tamen dari nequit (§. 105). Ens igitur illud, in quo continetur ratio sufficiens contingentis, nequit esse contingens, adeoque non potest non esse ens necessarium (§. 625.).

Dicunt hinc nonnulli cum *Leibnitio* in Princip. Phil. §. 36 37. analysin contingentium esse infinitam, h. e. quousque in serie entium contingentium progredimur, nos nunquam reperire posse rationem ultimam, sed oportere ex hac rerum serie tandem egredi, & principium omnium rerum contingentium agnoscere altius, quod præter substantiam necessariam esse nequit aliud. Comparat itaque *Leibnitius* analysin contingentium cum numeris irrationalibus: Nam quemadmodum illi, v. gr. radix quadrata ex numero quinario, quamdiu in Arithmetica permanemus, nunquam accurate & determinate exprimi possunt, licet

*Analysis contingentium infinita Leibnitii defenditur.*  
ap-

approximando magis magisque ad illos deveniamus, facto autem ad Geometriam adscensu accurate determinantur: ita quousque in serie entium contingentium subsistimus, nunquam reperire licet rationem existentiae talem, de qua non iterum quærere novam & liceat & debeat, ut rationem ultimam existentiae contingentis consecuturis necessum sit, missa contingentium serie, sua cogitatione ad ens adscendere necessarium. Diversissima ergo est *Leibnitii*

*Anaximandri & Spinozæ negatur.*

sententia de analysi contingentium infinita, ab illa, quam cum *Anaximandro* propugnat *Spinoza*, qui atheistico furore fingunt, dari progressum rationum in infinitum in serie entium contingentium, & præter hunc progressum aliam non dari rationem contingentium.

Vera enim est *Leibnitii* sententia, ad agnoscendam supremi Numinis existentiam manifesto deducens: Impium autem & absurdum est *Anaximandri* & *Spinozæ* figmentum, ad negandam summi Numinis existentiam efformatum: Incurrit namque in manifestissimam, quam antea (§. 105.) demonstravimus, veritatem. Ponamus tamen, ut hos atheos eo majoris convincamus absurditatis, dari ejusmodi infinitam contingentium seriem, quæ in se, sine provocatione ad ens necessarium, contineret rationem existentiae sufficientem; tunc illa ratio aut sita esset in tota ista serie, aut in una vel altera ejus parte, aut in duabus, tribus vel pluribus conjunctim. Plures casus sub hac hypothesis non dantur. Sed a veritate distcedit primus. Nam quia quælibet pars,

*In serie contingentium non est ratio sufficiens existentiae contingentium.*

sc-

seriei ingrediens compositionem, conceditur contingens, & proinde non ut in se, sed ut in alio rationem suæ existentiae habens, compositum, seu totum, non haberet hoc ex singulis partibus, sed ex earum conjunctione: At *non possidere in se rationem suæ existentiae*, est aliquis realitatis defectus, ut per se patet. Ex privationibus autem & negationibus utcunque additis & multiplicatis nunquam oriri potest aliquid positivum, sunt enim non-entia (§. 282.), ex quibus fieri nequit ens (§. 262.). In tota ergo serie contineri nequit ratio sufficiens existentiae. Pari modo ostenditur eandem non reperi in duabus vel pluribus partibus seriei, simul sumtis, unde tertii, quod assumimus, membri patescit absurditas. Sed *neque secundum valet*: Nam quælibet pars, ex hypothesi, ejus est indolis, ut rationem existentiae in se non contineat sufficientem, ergo multo minus totius. Falsa itaque & erronea est sententia, in serie entium contingentium, rationem existentiae ejus quaerens sufficientem. Potius hinc sat luculenter colligimus tot dari exstantissima existentiae Entis Necessarii documenta, quot in hac universitate dantur entia contingentia, quorum sane immensus est numerus. Huic principio nititur quæ inter quinque *Thomæ* vias tertio ponitur loco, a contingenti ad ens necessarium colligens, *Leibnitio*, atque *Wolffio* eousque adamata, ut hic non dubitet in Rat. Prælect. Sect. 2. Cap. III. hoc argumentum pro existentia Dei demonstranda reliquis præferre omnibus. Quod quousque veritati sit consonum, heic exponendi non est locus, qui demum dabitur in plenaria Theologiæ Naturalis pertractatione. §. 634.

## §. 634.

*Ens contin-  
gens existit  
vi aliena.*

Quia ens contingens rationem suæ existentiae non habet nisi in ente necessario (§. 633.), intelligitur ens contingens non existere vi propria, sed vi alterius entis, a se diversi, vi scil. Entis Necessarii.

## §. 635.

*Ratio existen-  
tiae contingen-  
tis non conti-  
netur in essen-  
tia vel attri-  
butis Entis  
Necessarii.*

*Ratio sufficiens existentiae entis contingentis non continetur in essentia vel attributis entis necessarii.* Nam si ex essentia Entis Necessarii determinaretur existentia entis contingentis, absoluta hæc laboraret necessitate (§. 622.). enti contingentis prorsus inimica (§. 624.). Idem sequitur absurdi posita determinatione entis contingentis ex aliquo entis necessarii attributo, quod ex essentia unice determinatum (§. 340.), mutaret ens contingens in necessarium (§. 622.).

Hinc ut absurdam rejicimus eorum opinionem, qui mundum ex essentia Divina emanasse statuunt. Est perantiqua hæc de rerum omnium ex Deo emanatione opinio. Placuit illa multis populis orientalibus, ut observat *Hinckelmannus* in detectione fundam. Boehmiani p. 84. Recepta fuit Judæis Cabbalistis, quod fuse ac copiose docet *Jac. Basnage* Histoire des Juifs L. IV. C. VII. & VIII. Placuit etiam Ægyptiis & Indis, Non eodem tamen modo omnes hanc

explicant opinionem: Sunt qui æternam mundi a Deo promanationem profitentur, cui opinioni Aristotelem cum Platoniciis addictum fuisse perhibent. Sunt qui certo demum tempore hanc contigisse promanationem sibi imaginantur, ut *Weigelius*, *Fluddius*, *Boehmius* & alii. Horum rursus alii somniant mundum ejusdem esse cum Deo naturæ, alii a Deo differre ut animam a corpore. Sunt porro qui necessitati totum tribuunt negotium, Deumque non potuisse non ex se mundum generare credunt. Alii aliter. Confer *Mosheimii* Not. ad *Cudworthi* system. Intellect. p. 358. Et quamvis hi omnes absurditatis arguantur ex præsentī, quam demonstravimus, positione; Potissimum tamen hinc detegitur error Platoniorum, eorumque, qui mundum ejusdem cum Deo faciunt naturæ, & absolutæ necessitatis fato hanc attribuunt promanationem. Hæ opiniones, si tam essent veræ; quam sunt falsæ, oppido sequeretur mundum, tanquam ens contingens, existentia suæ rationem sufficientem agnoscere in essentia entis necessarij. Sed absurda est hæc sequela, absurdæ ergo sunt dictæ opiniones, ex quibus illa sponte fluit.

## §. 636.

*Ens necessarium non opus habet vi entis alterius ad existendum. Ens necessarium vi alieno non existit. Et vicissim: Ens, quod non opus habet vi entis alterius ad existendum, est ens necessarium.* Ens necessarium continet rationem sufficientem existentia suæ in sua essentia (§. 623.), adeoque in nullo ente alio, a se diverso.

Existit igitur, etiamsi ponatur nullum aliud ens, ab ipso diversum existere (§ 199). Consequenter vi entis alterius ad existendum non indiget.

Idem etiam indirecte sic ostenditur: Ponamus ens necessarium indigere vi entis alterius ad existendum, quare ideo de illo affirmanda esset existentia, quia ponitur vis entis alterius; ex alio itaque ente determinaretur ejus existentia (§. 194.), & per consequens, non in se ipso, sed in alio. illo ente rationem suæ existentiae haberet sufficientem (§. 198). Possidet vero ens necessarium rationem sufficientem suæ existentiae in sua essentia (§. 623), adeoque in semet ipso. Quare ex assumpto, quod ens necessarium indigeat vi entis alterius ad existendum, sequitur illud non esse necessarium; quod quum manifesta laboret absurditate, intelligitur ens necessarium non indigere vi entis alterius ad existendum.

Nec majori difficultate evincitur veritas conversæ propositionis: Quod non opus habet vi entis alterius ad existendum, illud aut est ens necessarium, aut contingens (§. 625.); Sed contingens indiget vi entis alterius ad existendum (§. 634). Ergo quod non opus habet vi entis alterius ad existendum, illud est ens necessarium.

§. 637. *Ens neces-* Per immediatam hinc fluit con-

se-

sequentiam, *Ens Necessarium vi propriam vi propria existere, sibi que ipsum sufficit ad existendum. Et quod vi propria existit sibi que ipsum sufficit ad existendum, esse ens necessarium.*

Quamvis certum sit ens, vi propria existens, vi suæ essentiae existere; modum tamen, quo ens vi propria existat, distincte explicare non valeamus. Probe scimus modum, quo quid vi aliena existat, quum quotidie experiamur causarum efficientium influxum ad producendum, quod antea non erat. Hinc, ut recte observat *Wolffius* §. 26. Th. Nat. P. I. magis negante, quam agente sensu, ens quodpiam a nobis dicitur vi propria existere, ita ut idem sonet ac non existere vi aliena; re tamen ipsa non est negativum quid, sed maxime positivum: Removemus enim ab hoc conceptu existere vi aliena, quod te ipsa denegat enti, cui illud competit, existentiae rationem in se ipso possidere. Vi ergo oppositorum denotat *to* vi propria existere non negativum quid, sed positivum.

§. 638.

Quum nullum ens se ipsum præ- *Ens neces-*  
stare vel producere possit existens (§. *sarium non*  
296.), sequitur id, quod nonnisi vi *est existibi-*  
propria existit, per nullas vires exi- *le, & vicis-*  
stentes præstari posse existens, & *sim.*  
proinde non esse existibile (§. 156.). *Ens ergo*  
*necessarium, quod non nisi vi propria existit*  
(§. 637.), *esse nequit existibile. Et vicissim: quod*  
*Z 2* *est*

*est existibile, illud nequit esse Ens necessarium.* Nam quod per vires existentes præstari potest existens, illud nequit vi propria existere, & per consequens, nequit esse ens necessarium (§. 637.); Sed omne existibile per vires existentes præstari potest existens (§. 156.). Quod ergo est existibile, illud nequit esse Ens Necessarium.

Objicitur: *Ens necessarium existit (§. 623.), ideoque est possibile quid (§. 211.), & per consequens existere potest (§. 141.); seu est existibile.* Supponit hæc argumentatio existibilis notionem, a nostra (§. 156.) diversam, nihil ergo nostræ detrahit sententiæ. Nam si definiveris existibile per absolute possibile, eo lubentius largior Ens Necessarium esse existibile, quo certius est sub absolute possibili in antecedentibus (§. 154.) comprehendi etiam illud ens, cujus absoluta possibilitas est ratio sufficiens existentiae ejus, h. e. Ens Necessarium (§. 623.). Sin vero concesseris existibilis notionem, quam nos usui recepto conformiter exhibuimus (§. 156.), & qua diximus illud esse existibile, quod per vires existentes produci potest existens, nisi enti necessario omnem ad existendum necessitatem absurde detrahere velis, eique meram adfingere dependentiam, fatearis necesse est illud non posse esse existibile. De cetero conferas quæ antea & evicimus & dilucidavimus (§. 157.).

Intelligere hinc licet eos, qui cum *Javello* in fine *Quæst. Metaph.* contendunt Ens Necessarium nullo modo esse possibile, per vocabulum pos-



possibilis aliud non denotare velle quam existibile. Nam alioquin negare non licet Deum, seu Ens Necessarium, esse possibile quid, etsi non possibile merum, tamen possibile non-merum, & quidem illud, cujus existentiae ratio continetur in ejus possibilitate.

## §. 639.

*Diversissima vero est entis con-* *Existibilis &*  
*tingentis indoles; illud enim omne* *contingentis*  
*est existibile, & quicquid est existi-* *reciprocatio.*  
*bile, illud est contingens.* Siquidem enim contingens non vi propria, sed vi alterius entis, a se diversi, existere potest (§. 634.), per vires ergo alterius illius entis praestari potest existens; Et idcirco est existibile (§. 156.).

Vicissim: Existibile per vires existentes, seu alicujus existentis, praestari potest existens (§. 156.), & ideo existentiam habere nequit vi propria. Non ergo est ens necessarium (§. 637.). Sed inter necessarium & contingens ens non datur medium (§. 625.). Quicquid igitur est existibile, illud est ens contingens.

Aliter: Omne existibile est ens (§. 231.); Omne vero ens est vel necessarium vel contingens (§. 625.). Nequit autem existibile esse necessarium (§. 638.). Non ergo est nisi contingens.

Huic in speciem obverti potest: *Omne existibile est absolute possibile (§. 160.); sed absolute possibile est*

*est absolute necessario tale (§. 607.); ergo omne existibile est absolute necessarium, non contingens.* Sed peccat hæc argumentatio contra regulas Logicales; minus in conclusione continens quam fuit in præmissis, ex quibus positus nihil amplius sequitur, quam *omne existibile esse absolute necessario & non contingenter tale.* Inde vero quomodo exsculpat Opponens, existibile esse necessarium, non plane video. Nemo ignorat eam esse contingentis naturam, ut absolute impossibile sit ejus mutatio in Ens Necessarium, omneque idcirco contingens necessario contingens sit, scilicet quoad essentiam & definitionem. Sed quis inde sine aperta absurditate colligat, ens contingens esse necessarium, scil. quoad existentiam. Par ratio est illius, quo opponens militat, argumenti.

Quod de reciprocatione existibilis & contingentis modo stabilivimus, convenit effatis veterum, quorum plerique contingens in latissimo significato explicaturi, dicunt esse id, quod impossibili opponitur, seu quod pro possibili accipitur. Hinc *Thomas Aquinas* Part. I. Quæst. 2. art. 3. Summ. Theol. p. 15. argumentum, ex contingenti ad Ens Necessarium colligens, vocat viam sumtam *ex possibili & necessario.* Jam si possibile explicatur per id, cui producendo suppetit aliqua causa, quam possibilis definitionem hi adprobare solent, licet in quæstione de omnipotentia Divina probanda aliam malint possibilis definitionem, allata tamen non inimicam (conf. quæ obs. ad §. 163.); liquet hos Philosophos sua contingentis explicatione nihil

hil aliud dicere voluisse, quam contingentis & existibilis reciprocationem.

## §. 640.

Ens, quod vi propria existit, seu *Entis a se*, quod non indiget vi entis alterius *& ab alio* ad existendum, dicitur *Ens a se*. *Es.* *definitio.* se vero ens a se, abstracte consideratum, *A-*  
*seitatem* Scholastici vocant. Ens, quod indiget vi entis alterius, ut existat, *Ens ab alio* adpellatur.

Quod mox adnotavimus (§. 637.), idem de aseitate valet, quæ est negativum quid in modo, uti loquuntur, significandi, quia nos illam aliter explicare non valemus. Non vero esse negativum in modo essendi: sic enim est vere positivum quid, fundamentum ei præbens, quod per aseitatem ab Ente a se removemus.

## §. 641.

Prona hinc fluit consequentia, *Entis a se & Ens a se esse ens necessarium*, & *& Necessarii*, vicissim: *Ens necessarium esse ens* *Contingentis* *a se* (§. 637.). Pari modo: *Ens con-* *vero & Entis* *tingens esse ens ab alio*, & *ens ab* *ab alio reci-* *procatio.* *alio esse ens contingens* (§. 634.).

Quilibet, vel me non monente, intelligit, Ens Necessarium non dici Ens a se, quasi esset sui ipsius causa, sibi que ipse existentiam largitus esset, quod repugnat (§. 296.); sed in oppositione ad ens contingens, quod vi aliena existit (§. 634.), vocari ens a se, quia essentia ejus, si-

ne ullo alio adveniente, ipsa sibi ad existendum sufficit. Quamvis igitur absurda sit sententia, statuens Ens Necessarium, seu Deum, esse ens a se effective; videtur tamen *Platonem* ei additum fuisse, qui L. X. de Republ. dicit *Deum tum cetera omnia, tum semetipsum fecisse & produxisse*. Eandem cum Platone tibiam inflat *Lactantius Firmicus*, qui in Inst. Div. L. I. Cap. VII. ita philosophatur: *Quia fieri non potest, quin id, quod fit, aliquando esse ceperit; consequens est, ut quando nihil ante illum fuit, ipse ante omnia ex se ipso procreatus*. & in L. II. Cap. VIII. *Ex se ipso est, ut in primo libro diximus, & ideo talis est, qualem se esse voluit, impassibilis, immutabilis, &c.* Nec ab hoc errore abhorruit *Seneca*, quem ut sibi consentientem citat *Lactantius* L. I. cap. VII. Quidam *Lactantium* excusare conantur; Sed ostendit *Moshemius* in notis ad Cudworthi Syst. Intell. T. I. p. 485. illum nullo jure defendi posse, quum tota ejus argumentatio satis ostendat absurdam, quam tuctur, sententiam.

## §. 642.

*Necessitatis Physicæ & Moralis definitiones.* Plura quidem adhuc restant de Ente necessario; ejusque ab Ente contingente discrimine, notatu dignissima; sed Methodi, quam nobis proposuimus, memores, singula suis reservamus locis, ad species hypothetice necessari curatius evolvendas pedem promoventes. Est hypothetice necessarium, cujus oppositum est hypothetice impossibile, seu quod aliter positum, non in se & idea sua, sed propter condition-

ditiones ideæ superaccedentes, contradictionem involvit (§. 596.). Est vero hypothetice impossibile aliud Physicum, aliud Morale (§. 170. 175.). Hypotheticam itaque necessitatem in *Physicam* & *Moralem* dispescere solent. *Illa* est cujus oppositum est physice impossibile, seu, quæ ob virium naturalium sufficientiam & ordinem naturæ aliter poni nequit (§. 170.). *Hæc* est, cujus oppositum est moraliter impossibile, seu, quæ ob observandam actionum rectitudinem aliter poni non potest (§. 175.).

Ejusmodi physicam necessitatem deprehendere licet in tota rerum corporea natura. Physicam necessitatem habent solis, lunæ, & reliquorum astrorum motus & aspectus, & quæ inde proveniunt Eclipses, dierumque & noctium vicissitudines, quæ salvo naturæ ordine aliter quam eveniunt, evenire nequeunt. Physice necessarium est ignem comburere in illo conjectos crines; aquam ad inclinationem alvei in flumine defluere, & ejus generis sexcenta alia. Moraliter necessarium est homini, præsertim probo, ab aliorum abstinere læsionibus, quia si aliud ageret, turbaretur actionum rectitudo. Eodem sensu necessarium est officiali in republica, rite & secundum legem præscriptam, suum obire munus; Necessarium Regi, urgente salute reipublicæ, foedus cum aliena pangere civitate, & quæ sunt hujus generis alia.

Qui *Aristotelem* presse sequuntur, dicunt physice necessarium esse, quod ob causam, physicam scilicet, ali-

*Physice Necessarii divi-*

*secundum Aristotelicos.* ter esse nequit. Hinc præcunte eodem L. II. Post. Cap. II. t. 48. & seqq. L. II. Phys. Cap. IX. totum  
 plicem constituunt necessitatem physicam, quod  
 duplex ab eo ponitur causa. Sic aliud statuitur  
*Physice necessarium a causa efficiente*, quod posita  
 tali causa efficiente non potest non poni, seu,  
 quod tanquam effectus, perpetuo & indissolu-  
 bili nexu cohaeret cum efficiente. Quo modo  
 sol necessario efficit diem; Glacies, a frigore  
 concreta, necessario resolvitur per calefactionem  
 ignis. Sed hanc necessitatem a causa efficiente  
 bipartitam ponit idem Aristoteles, alteram  
 κατὰ Φύσιν & τὴν ὀρμὴν, quam interpretes vo-  
 cant necessitatem naturæ. Hoc modo lapis, su-  
 ne suspensus, resecto fune, perpendiculariter ad  
 superficiem terræ tendit; alteram βίαιαν, ἢ πα-  
 ρὰ τὴν ὀρμὴν, violentam, quæ est præter aut  
 contra subjecti appetitum, seu instinctum. Hoc  
 modo violente movetur lapis, quando in altum,  
 contra naturalem gravitatis directionem, proji-  
 citur. Aliud *Necessarium est ob finem*, sive, ad fi-  
 nem acquirendum, & quidem bifariam, α) *ad esse*  
*finis simpliciter*, ita ut finis sine eo plane obtine-  
 ri nequeat. Quæ hinc exsurgit *ne-*  
*cessitas* vocari solet *Exigentia*. β) *ad bene finis*, ut scilicet melius & fa-  
 cilius acquiratur. Quæ hinc oritur  
*necessitas*, vocari solet *Expedientia*. Ita homini ad  
 vitam prolongandam necessaria quidem est re-  
 spiratio cum cibo & potu, necessitate exigen-  
 tiæ, Medicamenta autem necessitate expedien-  
 tiæ. Eodem modo cum possit quis pedes pere-  
 grinari,

grinari, equus necessarius est peregrinanti, necessitate expedientiæ tantum. Hoc etiam sensu diximus & probavimus (§. 35.) Metaphysicam esse futuro Theologo necessariam, non necessitate exigentiæ, sed expedientiæ. Diffiteri non possumus, necessitatem finis tam late a quibusdam explicari, ut non modo, prout Aristoteles voluit, sit species physicæ necessitatis, sed & simul sub se comprehendat moralem. Loquuntur hoc exempla, passim allegata: Ita dum dicunt diligentiam esse necessariam Studioso necessitate finis, ad acquirendam eruditionem; Christiano esse necessaria exercitia charitatis ad ostendendam fidem; bellum esse necessarium ad repellendos hostes: dum inquam, hæc & similia tanquam necessitatis finis exempla allegant, vel primo intuitu & sine ulteriori discursu ad necessitatem moralem pertinentia; satis superque manifestant, se sub necessitate finis etiam comprehendere necessitatem moralem. Neque hoc, etiam si fortassis a mente Aristotelis discedat, in se absurdum est: versatur enim necessitas moralis nonnisi circa actiones liberas spirituum, ad certam dirigendas rectitudinis mensuram, utcumque æstimatam, quæ heic finis obtinendi, vel cum suis actionibus uniendi, obtinet locum. Evidens præterea est, omnem actionem liberam ob certum suscipi finem, quia ideo suscipitur, ut fiat. Hactenus itaque dicere possumus necessitatem moralem esse necessitatem finis. Maluimus tamen ab illa nimis universalis, quæ ad physicam quoque pertinet, formula abstinere, quum magis jam usitata clariorque sit moralis necessitatis appellatio, quæ statim,

- optimam, vel ipso titulo, distinguitur a physica ne-  
 - cessitate. Tertiam speciem physicæ necessitatis,  
 - secundum Aristotelem, constituere solent *Ne-*  
 - - cessitatem Formæ, qua aliquid propter formam im-  
 - - mutabiliter se habet: Sic homo necessario est ra-  
 - - tionalis, quia formam ipsius dicunt animam ra-  
 - - tionalem. Nondum quidem locus est explican-  
 - - di formam, quam Aristoteles ipse vocat λόγον  
 - - τῆς ψυχῆς, Peripatetici *rationem substantiæ*, Car-  
 - - tesiani cum Gassendistis *rationem essentialis*; quan-  
 - - tum tamen adsequor, differentiam rei specifi-  
 - - cam absolvit. Unde, quia illa differentia non  
 - - ex accidentalibus rei, sed ejus essentialibus de-  
 - - sumitur (§. 569.), quibus absolutam tribuimus  
 - - necessitatem (§. 609.), perspicuum est necessi-  
 - - tatem formæ potius ad necessitatem absolutam  
 - - quam physicam, quæ hypotheticæ est species,  
 - - pertinere. Quarto loco ad necessitatem physi-  
 - - cam, qui Aristotelem sequuntur, numerant *Ne-*  
 - - cessitatem materiæ, qua aliquid immutabiliter in-  
 - - esse rei propter materiam dicunt. Exempli lo-  
 - - co allegant laternam, quatenus necessario trans-  
 - - mittit lumen, quia ex vitro & cornu constat,  
 - - quod materiam habet pellucidam: Provoçant  
 - - quoque ad animalia, quæ ratione corporis cor-  
 - - ruptioni necessario sunt obnoxia: entia enim  
 - - materialia sunt & composita. Quatenus heic  
 - - loci sumunt materiam non sensu metaphysico,  
 - - quo notionem generis vel comprehendit, vel ei  
 - - respondet, sed sensu physico; eatenus ambabus,  
 - - ut ajunt, manibus concedo necessitatem mate-  
 - - riæ esse quandam necessitatis physicæ speciem,  
 - - quum nec ipsi materiæ, nec vi ejus, ulla absolu-  
 - - ta competat necessitas.



## §. 643.

*Ex allata definitione physice & moraliter necessarii statim intelligitur, & illud & hoc in se esse contingens.* Est enim physice necessarium, cujus oppositum est physice impossibile (§. 642.), adeoque cujus oppositum est nonnisi hypothetice impossibile (§. 171.); cujus ergo oppositum in se est possibile (§. 139.). Sed contingens est, cujus oppositum in se est possibile (§. 590.). Physice ergo necessarium in se contingens est. Q. E. U.

Moraliter necessarium diximus, cujus oppositum est moraliter impossibile (§. 642.), & per consequens, cujus oppositum in se est possibile (§. 182.). Sed quod sibi oppositum habet possibile, contingens est (§. 590.). Ergo moraliter necessarium in se est contingens Q. E. A.

Utrumque hoc conjunctim & breviter sic demonstratur: Tam physice quam moraliter necessarium est hypothetice necessarium (§. 642.), utrumque ergo contingens est (§. 600.).

Competit ordini naturæ sua necessitas, sua immutabilitas, non tamen tanta, quæ tollat ejus contingentiam & absolutam mutabilitatem. Sic licet physice sit necessarium, aquam ad inclinationem alvei in flumine defluere; in se tamen est contingens, & viribus infinitis mutabile. Potuit itaque per miraculum, tempore *Josue*, aqua

qua fluminis Jordani, muri instar perpendiculariter adscensa, subsistere & non defluere. Sed de ordinis naturæ legumque motus contingentia alias plura.

§. 644.

*Absoluta necessitas a physica & morali remouetur.*

Quia contingentia cum absoluta necessitate conciliari nequit (§. 599.), intelligitur neque physicam, neque moralem necessitatem esse absolutam (§. 643.).

Fecit quidem quorundam in loquendo inconstantia, ut sub absoluta necessitate physicam quoque comprehendere soleant: Quare absolutam subinde explicant per eam, qua quid per naturam, seu propriam, seu ipsius causæ, a qua proficiscitur, non potest non esse. Hanc deinde distinguunt in internam, soli Deo competentem, & externam, sub qua physicam necessitatem contineri ajunt. Sed quum hi iidem, de absoluta essentiarum necessitate recte disputantes, aliam iterum huic vocabulo adjungant notionem, maluimus ab hac in loquendo inconstantia recedere, & physicam necessitatem ab absoluta penitus distinguere: Nam secundum notiones prius positas, quas etiam constanter retinemus, diversissimi generis sunt absoluta & physica necessitas, a nemine, nisi qui vel directe, vel indirecte, vel minimum præter intentionem suam fatalismo & spinozismo faveat, commiscendas ac velut genus & species considerandas. Facile itaque solvitur quæstio, quæ a Javello L. XII. Metaph. Qv. 30. proponitur: *An angeli sint entia*

*tia necessaria absolute?* Non opus est cum Javello distinguere inter absolute necessarium per causam intrinsecam tantum, & per causam intrinsecam scil. essentiam, illamque absolutæ necessitatis speciem angelis concedere & cœlis, quibus cum Aristotele incorruptibilitatem attribuit. Non, inquam, opus, sed statim respondemus & angelis & cœlis absolutam necessitatem esse denegandam, nec aliam eis competere posse, quam physicam, cum contingentia eorum optime connexam.

## §. 645.

*Quod moraliter est necessarium, Moraliter physice necessarium esse nequit. Nam & physice quod moraliter est necessarium, ejus necessarii oppositum moraliter est impossibile discrimen.* (§. 642.), & per consequens, quoad agentia naturalia, physice possibile (§. 182.). Quoniam vero physice possibili opponitur physice impossibile (§. 165. 170.), unumque nequit simul esse alterum (§. 53.): quia etiam physice necessarium est, cujus oppositum est physice impossibile (§. 642.); sua radiat luce, moraliter necessarium non esse physice necessarium.

Perutile est & necessarium sollicite distinguamus inter moraliter & physice necessarium; conveniunt quidem genere proximo, scilicet, hypothetice necessario, sub quo tanquam binæ species continentur. Consentiant quoque in omni eo, quod ex generica notione determinatur. Atque hinc utrique dictæ speciei adsigna-

vimus contingentiam (§. 643.), indeque pendens ab absoluta necessitate discrimen (§. 644.); Differunt tamen specifica sua natura, ob quam unum esse nequit idem alterum (§. 547. 546.). Et certe, si moraliter necessarium esset simul physicè necessarium, quod sufficientiam virium agentis ad unicum restringit, tale & non aliud, sequeretur nullam esse moralium actionum, circa quas moralis versatur necessitas, veri nominis libertatem, sed meram ubique regnare physicam & mechanicam necessitatem, locum itaque amplius non dari imputationi morali, præmiorum & pœnarum, justæ irrogationi. Sed hæc omnia absurda & periculosa judicas? recte. Scias ergo moraliter necessarium a physico sejungere, nec alterum cum altero commiscere, cujus vitii reus est Spinoza, nullam veri nominis libertatem animæ humanæ relinquens; sed omnes ejus actiones physica necessitate determinari fingens. Cujus sententiæ absurditatem in Psychologia pluribus D. v. commonstraturi sumus.

## §. 646.

*Contingentiæ  
moralis con-  
sideratio.*

Ubi itaque non ad genericam, sed specificam moraliter necessariam indolem, de qua physica prædicari nequit necessitas (§. 645.), attendimus, liquet contingentiam, morali necessitati attributam (§. 643.), diversam esse debere a contingentia, quæ physicæ necessitati competit (§. cit.). Quoad vires itaque alterius entis, ad quas refertur contingens (§. 634.), aliud est *absolute existibile, seu contingens* (§. 639.), quod quoad

quoad vires Entis Necessarii (§. 634.), aliter esse potest, quam est: vocatur hoc nonnullis *contingens Generale*, de quo hactenus differuimus: *Aliud est in relatione ad ordinarium naturæ cursum*, viresque in mundo existentes, vi quarum aliter esse nequit, quam est, quod generaliter loquendo contingens vocari debet (§. 643), physice tamen necessarium manet (§. 642.): *Aliud quoad vires hujus vel illius agentis morales* (agens morale vocatur, quod intellectu & libera voluntate gaudet), physicas, seu naturales aliter esse potest quam est, & proinde physice non est necessarium (§. 642.). Vocatur hoc nonnullis *contingens speciale*, aliis, aptiori, ut videtur adpellatione, *contingens intrinsecum*, quibus hæc contingentia denotat facultatem agentis ex principio interno agendi & non agendi, agendi hoc & aliud, quod per facultatem ejus est possibile.

Contingentiam hanc intrinsecam cum necessitate morali consistere, & hanc vicissim cum illa, fusius ostendere & explicare hujus non est loci; sed Psychologicis & Pneumaticis imbuti principiis in Philosophia Practica universali illud exponere solemus. Hoc autem loco monemus solum, non confundendam esse, quam heic tucmur, contingentiam intrinsecam, cum contingentia actionum liberarum morali, ab indifferentistis moralibus, vel crassius, vel subtilius, defensitata, quam justitiæ Divinæ, Legis Na-

turalis indoli, ipsarumque actionum liberarum naturæ inimicam esse demonstrant saniores. His simul addamus contingentiam intrinsecam a nobis perbrevis expositione declaratam, coincidere cum eo, quod *Stablio & Musæo*, ad ductum Aristotelis, adpellatur *contingens æqualiter*, ἐπ' ἴσους, & eis explicatur, per id, quod æque potest esse & non esse, cujusmodi sunt, quæ a libero hominum arbitrio pendent, ut ambulare, stare, scribere: Positis enim omnibus ad scribendum requisitis, non magis in potestate hominis est scribere quam non scribere, etiamsi neutrum sine ratione agat, ut in Psychologicis exponitur.

§. 647.

*Continuatur.* Sed ut hæc contingentia distinctius. Etio clarior evadat, oportet eam ex principiis prius positis aliquanto altius repetere. Contingens in genere definivimus per illud, cujus oppositum est possibile (§. 590.). Est vero possibile duplex, aliud intrinsecum, seu absolutum, aliud extrinsecum, seu respectivum (§. 135.). Aliud itaque est contingens, cujus oppositum est absolute possibile; aliud, cujus oppositum est possibile extrinsecum. Quoniam autem omne contingens est existibile (§. 639.), nec ullum aliud est contingens, nisi, quod sit existibile (§. cit.), & quia idcirco omne contingens habet relationem ad vires alicujus existentis (§. 156.), omneque existens vel necessarium, vel contingens est (§. 525.); sequitur contingens illud, cujus oppositum

fitum est absolute possibile, aliud non esse, quam id, cuius oppositum est æque existibile, scil. quoad vires Entis Necessarii. Illud vero, cuius oppositum est possibile externum, siquidem priori opponitur, aliud esse nequit quam id, cuius oppositum est existibile per vires entium contingentium, seu finitorum, h. e. cuius oppositum est physice possibile (§. 165.). Prius vocamus *Contingens generale*, seu *Metaphysicum*, posterius *Contingens Physicum*. Quoniam vero pro duplici & usitato entium contingentium discrimine in corpora & spiritus, duplex constitui solet possibile physicum, aliud corporum aliud spirituum finitorum (conf. not. ad §. 165.); Non sine ratione aliud constituitur *Contingens Physicum in mundo materiali*, quod ideo appellare licebit *Contingens Physico-corporeum*, vel etiam *Contingens corporeum*, cuius oppositum est possibile in corporibus, seu per corporum vires existibile; aliud *Contingens Physicum in spiritibus*, quod etiam vocare licebit *Contingens Physico-Pneumaticum*, seu, *Morale*, cuius oppositum est possibile in spiritibus finitis, vel, per vires spirituum finitorum existere potest.

Ut distinctionum harum ideæ evadant clariores, illustrationis gratia nonnulla adterre placet exempla. Ob vim centrifugam, vi centripetæ adversam, motumque Planetarum vertiginis, quodierum noctiumque fiunt vicissitudines, colligi-

mus figuras planetarum esse sphæroideas, quod de Jove ex accuratissimis *Cassini & De la Hirii* observationibus est evidens, de tellure autem, idem extra dubium ponunt immota Illustris *Newtonii* argumenta, observationes Gallorum recentiores, circa utrumque polum institutæ. Quia vero, absolute loquendo, possunt corpora & moveri & quiescere, quum neque quies, neque motus sit eis essentialis, sed accidentalis, in se quoque possibile est, ut tollatur motus vertiginis planetarum, quo sublato, figura eorum evaderet sphærica, non autem Sphæroidea. Præter has figuras aliæ quoque innumeræ sunt possibiles. Hæ vero mutationes, quibus tollatur motus vertiginis planetarum, & loco figuræ sphæroideæ imprimatur eis sphærica vel alia, per naturæ vires produci nequeunt, manent itaque absolute existibiles, exempla Metaphysicæ contingentia præbentes. Eodem sensu in se possibile est & absolute existibile, ut homo iter in lunam instituat; etiam si ob vim gravitatis, constanter renitentem, per naturæ vires id nunquam præstaverit. Est itaque hoc etiam contingens non Metaphysicum, sed Physicum. Docet experientia semen fœcundum, terræ commissum, accedente debita soli cultura, & congrua cœli tempestate, posse in fructificando vigecies, immo, trigecies se multiplicare. Quatenus vero in natura rerum corporea præsto sunt vires, quibus etiam evenire potest contrarium, eatenus est hoc contingens Physico-corporeum. Ita contingens est, naves, mari commissas, tempestate non everti: adsunt enim in natura corporea vires, quibus contrario dari potest locus esse-



effectui. Huc etiam pertinet turris vel ædis immota consistentia, nam adsunt in natura vires, vel per adplicationem pulveris pyrii, vel per vehementiorem procellam, vel per alias res exercitæ, quibus & turris & ædes deiciantur. Ad contingens Physico-Pneumaticum pertinent actiones spirituum finitorum, a libera eorum voluntate pendentes, quæ per vires, horum entium internas possunt suscipi & non suscipi, alio quoque & alio modo peragi. Est hoc contingens idem, quod mox (§. 646.) sub contingentia intrinsecæ titulo comprehendere voluimus, neque hæc duo inter se differunt, nisi quatenus quis velit contingentiam intrinsecam etiam extendere ad actionum liberarum, quæ, Deo conveniunt, contingentiam, quo in casu dabitur discrimen inter contingens intrinsecum & Physico-Pneumaticum, ut inter latius & angustius.

## §. 648.

Duplicem antea constituimus impossibilitatis moralis speciem (§. 185.), *Necessitas moralis Ethicæ & Juris.* alteram Ethicam, Juris Alteram. *thica & Juris.* Quoniam vero moraliter necessarium audit, cujus oppositum moraliter est impossibile; alia est *Necessitas Moralis Ethicæ*, alia *Juris*. Illius oppositum Ethicam habet impossibilitatem; hujus, impossibilitatem Juris. Illa ob rectitudinem actionum ex affectu & confusa cognitione æstimatam, aliter quam est esse nequit. Hæc ob rectitudinem actionum, ex distincta agendorum cognitione, quam

lex, cui subest agens, suppeditat mensuratam, aliter poni nequit. Utraque vero neque in se, neque quoad vires agentis repugnat, nam utraque moralis est, cui contingentiam adjudicavimus Metaphysicam (§. 643. conf. §. 647.), necessitati absolutæ oppositam (§. 596.), cui etiam physicam denegavimus necessitatem (§. 645.), & proinde virium naturalium insufficientiam (§. 642.).

Distinctio necessitatis moralis in Ethicam & Juris, Cl. *Canzio* recte adprobata in Ont. Pol. §. 107. Illustri *Leibnitio* usitata non fuit, qui §. 349. Theod. necessitatem moralem explicaturus, eandemque a necessitate Metaphysica distincturus, dicit illam a libera sapientiæ electione oriri, respectu causarum finalium, & compellere sapientissimum ad electionem optimi, vid. §. 366. l. c. Optimum vero putat non esse nisi unicum, nec agnoscere sibi simile, Deumque non potuisse non hoc ipsum eligere, quia Ipse alioquin defecisset a sapientia sua, quam sibi essentialem habet, conf. §. 159. Theod. Hanc necessitatem vocat vir Illustris *Felicem in Deo necessitatem; Necessitatem Deo dignam; Necessitatem sapientis; Legem sapientiæ*. Quæstiones de mundo optimo, aliisque agnitis, quæ ex data occasione facile hinc orirentur, in Theologia Naturali commodius quam in Metaphysica pertractantur; illas ergo heic facimus omisissas, moventes solum distinctionem Necessitatis in Ethicam & juris non modo in Philosophia Practica, ubi veriore obligationis indolem investiga-

stigare tenemur, sed etiam in Psychologia in doctrina de libertate, aliisque amplissimum nobis polliceri usum.

§. 649.

Hypothetice necessarium diximus (§. 596.), cujus oppositum non in se & idea sua, h. e. non ob essentiam rei competentem (§. 622.), sed ob conditiones, extra essentiam rei positas, contradictionem involvere judicatur. Sunt autem conditiones istæ variæ, aliæ namque *Antecedentes*, aliæ *Concomitantes*, aliæ *Consequentes*. Totuplicem ergo subit quoque hypothetica necessitas divisionem. Alia nempe est ex conditione consequente, alia ex concomitante, alia ex antecedente. *Necessarium ex conditione consequente* est, cujus oppositum, non scilicet esse factum, vel non esse factum hoc modo, quo tamen factum est, contradictionem involvit vi principii contradictionis, quod non permittit idem eodem respectu simul esse & non esse.

Est hæc universalis omnium præteritorum necessitas, & quidem ex conditione non antecedente, sed consequente: Antecedenter igitur illa non impedit, quominus actio, antequam facta sit, possit fieri & non fieri, non ergo subtrahit actionem libero agentium arbitrio. *Sed putas forte hanc necessitatem re ipsa coincidere cum absoluta, quia ex ipsa notione facti deducitur, factum infectum fieri non posse, non ergo, nisi nomen*

*hypotheticæ retinere necessitatis.* Sed spectatur factum vel *antecedenter*, prius scil. quam factum est, tum utique non est nisi merum possibile, cui non repugnat existere; vel *consequenter*, posito, quod jam existat. Priori sensu non repugnat factum infectum fieri posse, posteriori autem plane repugnat. Deducitur vero hæc contradictio, seu impossibilitas, non ex essentia facti, quæ in intrinseca ejus continetur possibilitate, sed ex ejus existentia, quæ facto; tanquam enti contingentem, nonnisi accidentaliter competit (§. 626.). Non itaque absolutam sed hypotheticam generare potest hæc impossibilitas necessitatem (§. 622.). *Factum*, inquis, ex alio me impugnaturus latere, *potest revera fieri infectum.* Deus peccata nostra delet a sua facie, i. e. omniscientia rejicit. Quicquid vero ne a Deo amplius intelligibile est, non est. Sed delictum ab homine commissum, & ob gratiam, in Christo factam, a Deo misericordie deletum, non sensu physico & absoluto, de quo heic loquimur, quasi re ipsa nunquam fuisset commissum, sed sensu Theologico fit infectum, quatenus culpam non amplius habet & dominium nec radicem ulterius nocendi.

Observat Anselmus T. III. op. fol. 62. *sequentem necessitatem currere per omnia tempora hoc modo.* Quicquid fuit necesse est fuisse, quicquid est, necesse est esse; quicquid futurum est, necesse est futurum esse. Quibus Anselmi verbis, declarationis gratia, addit Jacob Thomafius in Dilucid. Stahl. p. 56. *In creaturis sicut existentia præsens, necessitatem parit præsentem, sic præterita præteritam, futura futuram, salva interim in his omnibus creaturæ*

con-

*contingentia.* Recte quidem, nam omnis hæc necessitas fundatur non in essentia, sed in existentia creaturarum, quæ illis nonnisi accidentaliter vel competiit si præterita, vel competit, si præsens, vel certo competitura est, si futura. Est ergo manetque hypothetica. Non nego consequentem, quam loquor necessitatem etiam ad futurum quatenus futurum est, adplicari posse, proprie tamen loquendo non occupatur illa nisi circa præteritum, quum futurum conditiones postulet antecedentes, de quibus mox, præsens autem ex concomitante oriatur.

§. 659.

*Necessitas ex conditione concomitante est*, cujus oppositum, non *Necessitatis ex conditione concomitante definita.* existere rem vel actionem, quando existit, vel non existere hoc modo, quum eum tamen in existendo observet, contradictionem involvit. Fundatur hæc necessitas in Aristotelico illo & satis noto principio: *Omne quod est, quando est, necesse est esse*, cujus indolem & naturam antea declaravimus (§. 68.).

Si mihi obverteris *hanc necessitatem quatenus ex memorato fuit principio, absolute necessario, non posse non esse absolutam, minimo autem hypotheticam.* Te eodem, ac mox circa similem instantiam (ad §. 649.), feci modo, facile confutabo, observata distinctione inter id, quod antecederet, & quod concomitanter est, ceteris, quæ citato loco allegantur, manentibus iisdem.

*Necessitas hæc hypothetica ex conditione concomitante*

mitante non influit in factum aliquod antecedenter, seu, ut quidam loqui amant, non sensu diviso, sed concomitanter, seu, sensu composito, quatenus dum fit, non potest simul non fieri. Non ergo jugulat hæc necessitas libertatem agentium, quæ non in eo ponitur, quod possint, quando jam agunt, simul agere & non agere, eodem sensu & eodem respectu, quod sane *ἀδύνατον*; sed in eo quod, priusquam agunt, possint agere & non agere pro arbitrio.

Colligimus hinc concursum divinum, quo Deus in effectus & actiones rerum creatarum, juxta earundem naturam & indigentiam, cooperatione communi & immediata influit, quia non prævius est & antecedens, sed concomitans, incipitque eo ipso momento, quo causa secunda operari incipit, nullam liberis agentibus adimere libertatem, vi cujus facultatem nihilo secius retinent agendi & non agendi, agendi hoc & aliud,

### §. 651.

*Necessitatis ex  
conditione an-  
tecedente defi-  
nitio & diver-  
sitas.*

*Conditio antecedens* est, quæ prius existit, quam res, cui affert hypotheticam necessitatem. Unde facile intelligimus *Necessitatem hypotheticam ex conditione antecedente* esse, cujus oppositum ob conditionem antecedentem implicat. Differt vero hæc necessitas pro diversitate conditionis antecedentis, *alia*, ad vires agentium relata, illa ad unicum constringit, *alia* ad unicum non constringit, sed posita licet, aliud tamen & aliud

liud per easdem vires relinquit producibile, etiamſi ob conditionem poſitam certum ſit & determinatum hoc & non aliud eventurum.

Exemplum conditionis antecedentæ agentis vires ad unicum non conſtringentis, at illuſtre præbet Dei præſcientia, qua poſita certum quidem eſt & infallibile, quia omnis maculæ & erroris plane eſt expers, in tempore futurum, quem ad modum illud præſcivit; hypotheticam tamen non facit neceſſitatem ſed ſupponit, viresque agentium intactas relinquit. Tantum enim abeſt, ut divina præſcientia requiratur ad res futuras, ut potius ipſæ res futuræ præſupponantur a divina ſcientia, ut quæ ferri in eas alioquin haud poſſet, ipſasque prævidendo attingere, niſi illæ eſſent futuræ, plane ut quævis alia ſcientia ſuum objectum ſemper præſupponit, non facit. Palmarium eorum argumentum, qui ex infallibilitate præſcientiæ Divinæ ad neceſſitatem rerum præſcitarum colligere ſolent, antea (§. 606.) confutavimus. Ceterum proponit *Becanus* in Theol. Schol. P. I. Tract. I. Cap. X. argumentum, quo ex præſcientiæ divinæ neceſſitate ad neceſſitatem peccati, a Protoplaſtis committendi, colligi videtur. Eſt vero illud tale: Si *Deus neceſſario præſcivit Protoplaſtos peccaturos, neceſſario peccarunt; atqui Deus neceſſario præſcivit. Ergo. Conſequentia majoris probatur regula Logica: Quando conditionalis propoſitio eſt vera, ſi ejus antecedens eſt neceſſarium, etiam conſequens eſt neceſſarium.* Idem argumentum a  
Tho-

*Thoma* proponitur P. III. Q. XIV. art. 13. p. 89, ad quod solvendum adfert pag. 91. varias aliorum responsiones, quas tamen omnes rejicit, neque his meliorem ipse substituit, *Armaeanus*, si fides *Wiclefo* habenda, in solutione hujus argumenti XX laboravit annis, & tandem charybdis evitaturus incidit in scyllam, putans Deum in sua præscientia errare posse. Existimo autem non insolubile esse, quod sistitur, argumentum, à necessitate præscientiæ divinæ ad necessitatem rerum præscitarum concludens. Fateor & simul urgeo absolute necessariam esse Dei scientiam, quatenus est essentielle ejus attributum; hinc tamen, non sequitur necessitas rerum actualium, a Deo præscitarum, nisi quum ipsa Dei scientia sit æterna, statuere velis ipsas res futuras, circa quas speciatim Dei occupatur præscientia, jam ab æterno a Divina præscientia existisse productas, adeoque nec fuisse unquam futuras, & consequenter nec præscitas, quæ quidem omnia, cum contra hypothesein, tum ipsam veritatem, & in se etiam regnantia sunt. Consideratur quidem Divina præscientia ut conditio antecedens, non tamen ut determinans rerum præscitarum actualitatem, quare ab illius necessitate ad harum necessitatem colligi nequit. Vocari potest scientia Divina in sensu, uti loquuntur, illativo causa futurorum scilicet cognoscendi, ut adeo posita præscientiæ Divinæ infallibilitate, quæ ob infinitudinem intellectus Divini poni debet, certo & determinato verum sit, res futuras extra Deum poni. Minime vero gentium præscientia Dei, in sensu productivo, futura sciendo ita

com-



complectitur, ut causa eorum fiendi pronuncianda esset. Limitata itaque majori propositione in allato Becani argumento: *Si Deus necessario præscivit Protoplastos peccaturos, sequitur eos necessariis sensu scil. illativo, non productivo peccasse.* Limitata, inquam, hoc modo propositione majori, non alia exurgit conclusio, quam Protoplastos necessario sensu illativo, non autem productivo peccasse, seu quod idem, infallibiliter certum fuisse peccaturos esse protoplastos, sine omni tamen & absoluta & physica necessitate. Neque quicquam præsidii contra nos sumere licet ex allegata Logices regula, quæ non de sensu productivo, sed illativo agit, nec unquam valet ex necessitate antecedentis ad necessitatem consequentis colligere, sensu productivo, nisi quatenus antecedens fuerit necessarium determinans consequentis, ceu, sui determinati, sed non est præscientia necessarium determinans futurorum, ergo nullam his intert præscientia necessitatem.

Conditio antecedens, vires agentium ad unicum constringens, in corporibus locum habet & mundo Physico, non autem in spiritibus, qui intellectu & libera voluntate sunt præditi, vi cujus, positis licet conditionibus antecedentibus, ivadentibus nimirum & allicientibus, possunt nihilo minus vires suas aliorum vertere & inclinare: Non enim admittimus *Præmotionem*, vel *Prædeterminationem*, quam quidam Scholasticorum, Thomistæ præsertim & Dominicani, Prædeterminantes ideo vocati, cum Reformatis tuerentur, existimantes illam in eo consistere, quod Deus, antequam creatura se ad agendum accingat,

gat, ad ipsam actionem efficaciter excitet & applicet: Hac enim admissa præmotione nulla amplius agentibus liberis concederetur libertas, Deusque causa malarum actionum absurde constitueretur. Sed excipiunt pradeterminantes: *Secunda causa agere non potest, nisi agatur a prima. Quicquid autem ab alio agitur illud sub conditione primæ causæ agentis necessario agit.* Respondeo breviter inter vim creaturarum, & vis illius certam limitationem & adplicationem; in illam influit Deus sustentatione & concursu non autem in hanc. Secunda causa agere nequit nisi sustentetur a prima, hinc tamen non sequitur primam vel constringere agendi vires causæ secundæ, vel in formale actionis ejus influere. Sed de hac re alias plura.

## CAPUT VII. DE UNITATE ET MULTITUDINE.

### §. 652.

*Unitatis  
definitio.*

**U**nitas consistit in inseparabilitate eorum, quibus ens in suo esse determinatur, seu quia ens in suo esse per essentiam suam constituitur, consistit *Unitas* entis in inseparabilitate essentia-  
lium ejus. Hinc in concreto unum dicitur ens, quod habet unitatem, seu quod habet inseparabilitatem eorum per quæ est, quod est.

Toti

Toti Philosophorum choro adeo familiares sunt, a nobis allatæ unius & unitatis notiones, ut nemo sit, qui eas non admittat. *Aristoteles* L. V. Cap. VI. Met. dicit: *universim, quæcunque non habent divisionem, quatenus non habent, eatenus unum dici.* conf. L. IV. Met. Cap. VI. & L. X. cap. I. & alibi passim. Videatur *Scaligerus* Exercit. 65. sect. 2 & 8. Hinc agmine veluti facto collocant omnes unitatem entis in ejus indivisione, seu dicunt unitatem esse illam affectionem entis, qua illud in se est indivisum. Ubi vero jam in memoriam revocamus essentias rerum esse absolute necessarias & immutabiles, patet indivisionem in essentia, involvere indivisionem absolute necessariam & immutabilem, seu quod idem est, indivisibilitatem, vel inseparabilitatem essentialium, atque adeo unitatis, quam dedimus, notionem veterum effatis apte consentire. Haud ignoro *Lippium* in Metaph. Magna p. 211, aliosque, unitatem per affectionem entis, qua illud indivisibile per se est, definientes, non laudari ab aliis, qui formale unitatis non in divisibilitate, sed in indivisione collocandum esse censent, putantes actu ipso existere ens, quod partibus constat essentialibus, in quas dividi potest. Sed confundunt hi ens Metaphysicum, de cujus unitate quæritur, cum ente actuali, essentiam Metaphysicam cum Physica, non de hac, sed de illa essentialium prædicamus inseparabilitatem, neque vi hujus, sed illius habet ens suam absolutam unitatem.

## §. 653.

*Unitas entis, non negativum Unitatis post-  
quid,*

*tiva natura. quid, sed positivum infert.* Consistit unitas entis in inseparabilitate essentialium ejus (§. 652.), non ergo nisi arctissimam & absolute necessariam infert essentialium entis connexionem, quæ sane nullius realitatis dicit absentiam, sed hujus potius, quæ connexionis essentialium titulo venit, præsentiam. Nihil ergo infert negativi (§. 263.), sed positivi quid involvit (§. 261.).

Definitur quidem unitas per inseparabilitatem, vel, ut aliis placet, indivisionem; negativus tamen hic terminus neminem turbet, quum ratione significatus non negationem sed realitatem importet, separabilitati, quam negat oppositam: Quod sequenti præmissio theoremate clarius adhuc patebit.

### §. 654.

*Entis & u-*      *Omne ens est unum & omne u-*  
*nus recipro-*      *num est ens* Habet omne ens essen-  
*catio.*      tiam sibi constanter competentem (§. 329.), & quidem unam non multiplicem (§. 333.), sunt vero entis essentialia absolute immutabilia (§. 610.), omnisque separabilitas mutabilitatem infert; sunt ergo eadem essentialia a se mutuo prorsus inseparabilia, habetque omne ens vi unius suæ essentiæ essentialium suarum inseparabilitatem, ideoque & unitatem (§. 652.), & per consequens unum est (§. cit.).

Vicissim. Quodcunque est unum, illud habet

habet unitatem seu essentialium inseparabilitatem (§. 652.); quod gaudet essentialium inseparabilitate, omnium essentialium instructum est complexu, seu, quod idem est, ipsam possidet essentiam (§. 320.), sed quod essentiam habet ens est (§. 332.). Quodcunque ergo est unum, ens est.

Ob hanc reciprocam unius & entis indolem, unitatem inter entis Metaphysici attribut, quae singula sunt propria (§. 361.) & cum ipso ente reciproca (§. 355.), reterre non dubitamus. Est quidem unitas a parte rei nihil aliud, quam ipsum ens, inadaequate sumtum, sub ratione inseparabilitatis, jam a me traditae, distinguitur tamen ab eodem, quemadmodum reliqua omnia ejus attributa (§. 453.) per formam, sibi propriam, quam in inseparabilitate essentialium collocavimus.

Turpiter hac doctrina abutuntur *Antitrinitarii*, & imprimis *fociniani*, ad absurdum inde deducere conantes Christianae Religionis infallibile dogma de S. S. Trinitatis mysterio: Ita enim argumentantur: *Quodcunque est unum, illud simul trinum esse nequit, nam sic esset unum & simul non unum, quod impossibile. At Deus est unus, ergo trinus esse nequit.* Respondemus nos nunquam statuere Deum eodem respectu esse simul unum & trinum, quod omnino contradictorium foret, sed esse unum essentia & trinum in Personis, essentialiter non differentibus. Sic ergo limitata majori propositione, corrumpit conclusio. Laborat de cetero propositum argumentum vitio

quatuor terminorum: Adfunt namque 1:o) unum essentia. 2:do) Trinum essentia. 3:o) Deus. 4:o) Trinum Personis. Quid ergo miri, quod falsa inde inferatur conclusio & religioni inimica. Absit deinde putemus unitatem Metaphysicam, omni enti recte attributam, tollere Personarum in Deo trinitatem, quum potius ex illa, quia præter inseparabilitatem essentialium nihil infert aliud, sponte fluat Patrem, Filium, & Spiritum Sanctum, non inter se divisam, sed unam eandemque habere essentiam.

### §. 655.

*Unitas positiva est.* Elucelcit hinc, quod mox (§. 653.) aliunde demonstravi, *unitatem entis non esse negativum quid, sed positivum.* Est enim omne ens positivum, & omne positivum, ens est (§. 280.), sed omne ens est unum, & omne unum est ens (§. 654.). Ergo omne unum est positivum.

Quidam itaque ad positivam unitatis rationem attendentes, loco termini: *inseparabilitatis*, qui Grammaticè negativus est, in definitione unitatis adhibent terminum positivum, quando dicunt unitatem esse complexum omnium eorum, quibus ens in suo esse constituitur. Quod etiam intendit Illustris *Wolffius*, dum in Elementis Arithm. definit unum per id, quod ita est aliquid, ut nihil præterea idem esse possit. In his unius & unitatis definitionibus, quæ nostris amicissimè consentiunt, nihil ne quidem quoad terminos involvitur negativi & privativi, sed meram dicunt illæ, positivam, quam possidet unitas,

. ra-

rationem. Potuimus ergo has assumere definitiones, immo & certo sensu debuimus, nisi nobis obstitisset Logicale præceptum de non innovandis terminis & definitionibus, ubi nihil realis vitii habent usitatæ & receptæ.

## §. 656.

Ens omne est vel universale vel *Unitas un-*  
 singulare (§. 541.), Est autem omne *versalis* &  
 ens unum (§. 654.); Ergo tam uni- *singularis*  
 versale quam singulare ens unum *quid?*  
 est. Hinc abstractum, *unitas*, duplicem quoque  
 subit considerationem, alia nimirum est  
*universalis*, alia *singularis*. Illa competens enti  
 universali, consistit in inseparabilitate, vel  
 complexu eorum, quibus ens universale in suo  
 esse constituitur. *Hæc* conveniens enti singu-  
 lari absolvitur complexu eorum, quibus ens  
 singulare determinatur.

Quod de immutabilitate essentialium in genere  
 evicimus (§. 610), id de ente universali, quod  
 essentiali plurium vel singularium, vel minus  
 universalium identitate continetur (§. 544. 545.),  
 locum quoque invenit: Nam si sua immutabi-  
 litate & inseparabilitate destituerentur essen-  
 tialia, ad ens universale requisita, eidem muta-  
 bilitatis legi subjacerent essentialia entium sin-  
 gularium, quorum convenientia constituuntur  
 universalia. Penitus ergo actum foret de abso-  
 luta essentialium immutabilitate, prius extra  
 dubii aleam posita. Quod quum sit absurdum,  
 enti universali sua relinquatur necesse est essen-

tialium immutabilitas, suaque hinc pendens unitas.

Neque hoc novum & inusitatum est, quod de unitate entium universalium & singularium statuimus, sed a veteribus quoque agnitum. Philosophis, qui insuper considerantes ens univensale esse vel genus vel speciem, dixere aliud esse unum genere, ut homo & brutum, qui sub notione animalis continentur, aliud unum specie, ut Petrus, Paulus, qui notione specifica hominis conveniunt. Unum singulare vocat Aristoteles unum omnino, unum numero, confer quæ antea observavimus ad §. 528. De cetero observes eos, qui distinguunt unitatem in *formalem* & *singularem*, illamque huic opponunt, re ipsa per formalem nihil intelligere aliud, quam quod nos universalem adpellavimus, & si quidam eorum distinguere velint inter universalem & formalem, quasi hæc naturæ rerum re ipsa competeret, illa vero naturæ universali, ab intellectu factæ, conveniret; quatenus tamen non admittimus aliquam naturam universalem ab intellectu fieri, nisi quæ ipsa involvat convenientiam rerum realem, aliudque præterea contineat nihil (§. 544. 545.), quatenus etiam per ens universale non intelligimus ipsam intellectus operationem, quæ utique ab objecto, seu, re representata differt, sed rem ipsam representatam; eatenus non video ullum distinctionis fundamentum inter unitatem universalem & formalem, sed utramque re ipsa coincidere existimo.

§. 657.

*Entis per se,*

Distinguere solent Metaphysi-

ci



ci unum in unum per se & unum *Et per acci-*  
 per accidens, quam distinctionem *dens defini-*  
 haud intelligere licet nisi præmis- *tio.*  
 sis notionibus entis per se & per accidens. *Ens*  
*per se* dicitur, in quantum non spectatur ni-  
 si secundum ea prædicata, quæ ex definitione  
 seu essentia subjecti positi necessario eidem  
 competunt. *Ens per accidens* adpellamus, quod  
 consideramus secundum ea prædicata, quæ in  
 subjecti positi definitione, vel essentia fundan-  
 tur, sed accidentaliter ei conveniunt. Jam ve-  
 ro subjectum aliquod, aut absolute ponitur, &  
 accidentali consideratione non affectum, aut  
 relative prout cum hac vel illa accidentali de-  
 terminatione copulatum spectatur. Pro varia  
 igitur hac subjecti positione vel determina-  
 tione varia ejus exsurgit definitio & essentia,  
 & hinc prædicata ejus, vel extra definitionem  
 subjecto competunt, vel per & propter defi-  
 nitionem; i. e. pro varia subjecti determina-  
 tione, indeque pendente varia definitione, a-  
 liquid potest esse ens per se & ens per acci-  
 dens.

Sic *homo rationalis* est ens per se, quia prædica-  
 tum facultatis ratiocinandi definitione & essen-  
 tia hominis comprehenditur. *Homo doctus* est ens  
 per accidens, quia doctrina homini per ejus es-  
 sentiam & definitionem, quatenus homo est,  
 non essentialiter sed accidentaliter competit, sed  
 si subjectum *homo* hac determinatione simul af-

ficitur, quod sit doctus, & homo doctus definitur per illum, qui literas callet; tunc, quia literarum scientia definitione hujus subjecti, ita determinati, comprehenditur, idcirco idea hominis docti, literas callentis, sistit nobis entis per se notionem. Multæ quidem aliæ occurrunt entis per se & entis per accidens definitiones, allatis vero & a nobis assumtis meliores reperire potui nullas. Ratione unitatis, seu, quatenus unum est ens illud dividit Aristoteles L. V. Met. Cap. VII. in ens per se & ens per accidens, neutrum vero definivit, exposuisse contentus, quot modis utrumque dicatur. Ens per se dispelcit secundum decem sua prædicamenta, vel, ut ipse dicit, ens per se esse ea omnia, quæ prædicationis figuras significant. Ens per accidens duobus modis dici statuit, primum, cum subjectum & accidens conjunguntur, ut *homo musicus*, Deinde, cum duo accidentia copulantur, quæ eidem subjecto insunt, ut *ædificator rusticus*, si idem homo simul ædificator & rusticus est. Ipse ergo Aristoteles nullas tradidit definitiones entis per se & entis per accidens, sed modos solum recensuit, quibus utrumque ita dici existimavit. Hinc non levis inter affectus ejus agitata est controversia, quid proprie ad ens per se, quid ad ens per accidens sit referendum. Putarunt quidem nonnulli *ens per se* ad ductum Aristotelis definiendum esse per id, quod in aliquo decem prædicamentorum collocatur, eoque ipso facile tolli omnem de Ente per se disceptationem. Sed frustra, quum sic explicaretur ignotum per æque ignotum. Disputant enim inter se non solum de numero, sed

& na-

& natura prædicamentorum, ut admodum ob-  
 scurum sit, quid hoc sensu foret ens per se.  
 Hanc obscuritatem tollere conatur *Svarezius*  
 disp. Met. IV. S. III. §. 6. dicens *Ens per se*  
 esse, quod præcise ea importat, quæ ad essen-  
 tiam, integritatem, sive complementum talis  
 entis in suo genere per se & intrinsece requirun-  
 tur. *Ens per accidens* autem, quod importat al-  
 iquid, quod nec ad essentiam, nec ad integri-  
 tatem, nec ad complementum talis entis in suo  
 genere per se & intrinsece requiritur. Hæ de-  
 finitiones *Svarezianæ* plerisque placent & a *Pe-  
 tro Musæo* in Instit. Metaph. Cap. XXIX. §.  
 7. & 8. qua singula explicantur momenta. Cer-  
 tum quidem est *Svarezianas* definitiones, accu-  
 ratius pensitatas, nostris convenire, quam præ-  
 cise, per se, & intrinsece ad ens positum requiri  
 vel non requiri, nihil sit aliud, quam tantum  
 considerari secundum ea prædicata, quæ ex de-  
 finitione positi subiecti vel necessario vel acci-  
 dentaliter ei competunt; certum, inquam, po-  
 sitæ tamen ut *Svarezio* ponuntur, & ad aliam  
 clariorem non reductæ notionem, adhuc ali-  
 quid obscuri habent. Hinc ergo *Musæus* c. l. §.  
 9. & 10. clarius suam expressurus mentem di-  
 cit ens per se esse, quod nullis aut certe iis par-  
 tibus constat, quæ a natura primo & per se ad  
 id ordinatæ sunt, ut ad tale ens constituendum  
 uniantur. *Ens per accidens* vero, quod constat  
 partibus discretis, aut unitis quidem, sed non a  
 natura, aut saltem non per se, vel si per se, non  
 primo ad huiusmodi unionem ordinatis. Mea  
 autem iudicio non sustulit *Musæus* difficultates  
 in definitionibus *Svarezianis* occurrentes, sed

auxit potius votibus, vel idem cum definito signantibus, vel æque obscuris. Melius rem suam egisse videtur *Donatus* in *Metaph. Usual.* Cap. II. §. 43. seqq. Qui ens per se esse dicit, quod est unius essentiae, sive essentia illa sit simplex, sive composita, sive completa, sive incompleta, dummodo absit ab ea accidentalis compositio. Ens vero per accidens esse vocat, quod ex pluribus rebus accidentaliter est conflatum. Non est ut multis ostendamus amicissimum harum definitionum cum nostris consensum, claret enim *Donatum* aliud, quam quod nostris expositum est, dicere non voluisse.

## §. 658.

*Unum per se* Hisce jam præmissis breviter  
*& per accidens, quid?* dico *unum per se* vocari, quod habet inseparabilitatem eorum, quibus ens per se constituitur; *unum autem per accidens* adpellari, quod habet inseparabilitatem eorum, quibus ens per accidens constituitur.

Quæ fuere in veteri Philosophia sententiarum divortia & obscuritatum semina in explicando ente per se & per accidens, per brevi enarratione mox exhibita, eadem etiam occurrunt in definiendo uno per se & per accidens. Non ergo judicamus opus, illis enumeratis, hæc repetere, id solum observantes unum de quo in præsententi agimus capite, proprie loquendo, esse unum, quod veteribus dicitur, per se, & non nisi improprie unum per accidens sub se comprehendere, cujus ex *Aristotelis* L. V. *Met.* cap. VI.

VI. duos memorant modos, *α.)* *Quāda subje-  
ctum & accidens dicuntur unum, ut homo mu-  
sicus. β.)* *Quando duo accidentia unum dicuntur,  
quæ eidem subjecto accidunt, ut musicum &  
justum esse, si simul Corisco accidunt: Impro-  
prie, inquam, quia enim unum cum ente Me-  
taphysico reciprocatur, ut adeo unitas in abstra-  
cto ejus constituat attributum proprium (§. 654.), cum accidentibus, ex quorum cum sub-  
jecto posita connexionē pendent ens per acci-  
dens, & unum per accidens, neutiquam com-  
miscendum. Quia etiam unitas, quam loquor,  
Metaphysica ex essentialium entis pendet abso-  
luta necessitate & immutabilitate (§. cit.), acci-  
dentali conjunctioni prorsus deneganda (§. 616.  
617.); jure me dixisse intelligo unum per acci-  
dens tanquam speciem sub uno Metaphysico  
non nisi valde improprie considerari posse.*

Quamvis ergo putaverim non adeo magnæ utili-  
tatis esse hanc distinctionem in unum per se & u-  
num per accidens; quia tamen ex Calvinianis  
Goclenius P. I. Probl. Log. Probl. 40. *Astedius*  
P. V. Theol. Polem. p. 346. & alii excitarunt  
quæstionem: *An Christus Θεάνθρωπος sit unum  
per se, an vero per accidens?* non potuimus non  
dictam adferre distinctionem, ex qua, licet  
proposita quæstio longe altioris quam Philo-  
sophici sit indaginis, splendidissimo tamen reve-  
lationis lumine collustrati haud difficulter re-  
spondemus Christum Θεάνθρωπον esse unum per  
se, non autem unum per accidens: Quia enim  
hoc subjectum: Christus Θεάνθρωπος, definitur  
per illud, in quo caro λόγῳ personaliter unita  
B b 5 est,

est, liquet utramque naturam vi definitionis, adeoque per se de hoc subjecto prædicari, & per consequens ipsum subjectum esse ens per se, non autem per accidens (§. 657.). Sed obvertunt citati auctores: *Quicquid alteri adiungitur & accidit, illud cum eo conjunctum facit unum per accidens: At humana Christi natura τὸ λόγῳ est adjuncta. Ergo.* Sed limitanda est major: *Quicquid alteri extra definitionem ejus adiungitur & accidit, illud cum eo conjunctum facit ens per accidens (§. 657.).* Hinc ergo de humana Christi natura, quia definitione τὸ θεοῦ περιέχεται continetur, neganda est minor cum conclusione. Instant. *Quicquid perfectioni Divinae refragatur, id non doceri fas est. Atque Deum facere cum re creata ens unum per se, haud consentit divinis perfectionibus. Ergo. & facere carnem cum λόγῳ ens unum per se essentialiter derogat perfectionibus Divinis, concedo, ubi vero, prout nos defendimus, caro cum λόγῳ constituitur unum per se personaliter, nihil perfectionibus Divinis defenditur inimici. Non ergo obstat quominus dicamus Christum esse unum per se personaliter.*

§. 659. *Unicum.* *Unicum* dicitur ens, quod alia excludit entia ejusdem cum illo essentialis, seu, ubi ens aliquod ita est comparatum, ut absolute impossibile sit aliud dari ens ejusdem cum illo essentialis, tunc vocamus ens illud *unicum*.

Latori sensu alii dicunt unicum esse quod excludit

cludit consortium aliorum similium, vel coëxistentium, vel se invicem succedentium. Hoc significatu præter Deum vocant Solem, Regem, Papam, unum esse; Quum tamen nec Sol nec Rex, nec Papa aliorum similium vel coëxistentium, vel se invicem excipientium penitus excludant consortium, potius in strictiori, quem expressimus, quem hoc latiori sensu unicum sumimus, suo ostensuri loco Ens Infinitum esse solum, quod unicum ratione entitatis suæ, statuere debemus.

§. 660.

*Quod unicum est ens illud non ad-* Natura  
*mittit alia ejusdem secum generis & unici.*  
*speciei. Et quod non admittit alia ejusdem se-*  
*cum generis & speciei, illud est ens unicum.*  
Quod enim ens admittit alia ejusdem secum speciei, illud est ejusdem cum aliis essentiæ (§. 547.). Sed quod unicum est ens illud non admittit alia ejusdem essentiæ (§. 659.); Excludit ergo consortium aliorum entium ejusdem secum speciei. Consequenter, quia genus absolvitur convenientia determinationum essentialium, quæ pluribus speciebus (§. 563.), & ideo pluribus individuis ejusdem speciei sunt communes (§. 547.); agnoscere nequit ens unicum alia ejusdem secum generis. Q.E.U.  
Vicissim, si quod non admittit alia ejusdem secum generis & speciei non esset ens unicum, non ergo excluderet illud alia ejusdem secum essentiæ (§. 659.), sed, vi oppositorum, ad-  
mitte-

mitteret, cum quibus sub communi specie comprehenderetur (§. 547.). Consequenter, quia notio speciei completa, constat notione generis & differentia specifica (§. 576.); neque respuerit alia ejusdem secum generis. Sed repugnat hoc hypothesi. Quodcumque ergo ens admittere nequit alia ejusdem secum speciei & generis, id ens unicum est. Q. E. A.

Idem etiam directe ostenditur: Quod non admittit alia ejusdem secum speciei, illud respuit alia ejusdem secum essentiae (§. 547.), sed quod excludit alia ejusdem secum essentiae est ens unicum (§. 659.). Ergo, Idem ostenditur de genere.

Non negamus ens unicum in pluribus subsistere Personis, quod fide scripturae sacrae certissimi credimus, sed contendimus modo ens, quod ratione suae essentiae unicum est, & Dei nomine veneramur, non habere Personas, quae per modum individuorum essentiae Divinae, tanquam generi vel speciei subsistent: Essentia enim Divina, ut loquitur B. Chemnitius Cap. 1. de Pers. Christi, praedicatur de Patre, de Filio, & de Spiritu Sancto non ut genus de speciebus, nec ut species de individuis, nec ut totum de partibus, sed alio quodam ineffabili & incomprehensibili modo, Hypostases vero, seu, Personae Trinitatis unum sunt, propter ταυτοτητα identitatem essentiae, atque ideo non differunt essentialiter, nec separatim una extra aliam & sine alia subsistit: Pater enim in me & ego in Pa-

Pa-



Patre inquit Filius; modo tamen subsistendi realiter differunt.

§. 661.

*Quod unicum est, unum quoque Unici & u-  
est; sed non omne unum est unicum. nius disse-  
rentia.*

Quod enim unicum dicimus, ens est (§. 659.), sed omne ens est unum (§. 654.). omne igitur unicum est unum. Q. E. U.

Unum est vel singulare vel universale (§. 656.), sed multa dantur tum singularia, quæ alia admittunt ejusdem secum speciei (§. 547.), h. e. quæ sub eodem genere vel interiori vel superiori comprehenduntur (§. 572.). Quod ergo unum est, non respuit alia ejusdem secum speciei & generis; quod autem unicum est, illud hoc omne consortium respuit (§. 660.). Non ergo omne unum est unicum.

Q. E. A.

Sic Petrus unus est homo non tamen unicus, quum plura sint hominum individua, quibus unitas æque competit ac Petro. Huic ergo cum exclusione aliorum non attribuenda.

§. 662.

*Si A, B, C, D, &c. dicuntur u- Modus agno-  
num, quodlibet eorum agnoscitur scendi unam.  
unum, notione quadam fixa ad ipsum ad-  
plicata. A enim unum est, quatenus ea sunt  
inseparabilia, per quæ in genere entium de-  
terminatur (§. 652.). Agnitori igitur A ut u-  
num, repræsentamus nobis illa esse insepara-  
bilia, per quæ in illo entium genere determi-  
na-*

natur, h. e. notionem illius generis vel distinctam vel confusam habemus, quam ad ens illud A applicamus. Idem eodem modo elucescit de B, & de quolibet reliquorum, quod unum dicitur.

Ponamus ex. gr. A esse hominem, agnoscimus ergo A ut unum, quatenus hominem intelligimus, dicentes A esse unum hominem. Hominem vero esse agnoscimus applicando notionem hominis sive distinctam sive confusam, ad ipsum A. Obscura notio huic non sufficit fini, quum objectum A, illa polita, non agnoscamus, prout in Logicis clarius edocetur.

§. 663.

*Quando unum in genere intelligitur? Unum ergo quando simpliciter dicimus, h. e. sine ulla relatione ad hoc vel illud ens, id unum esse supponitur vi notionis entis in genere.*

Obtinet hoc in Arithmeticeis, ubi abstracte de uno agimus, nullum nominantes certæ speciei, vel certi generis. Cum dicimus ex. gr. senarium ex sex, Denarium ex decem constare unitatibus, unitatem neque multiplicare neque dividere, aliaque ejusmodi, supponitur unum vi notionis entis in genere. Intelligimus hinc unitatem, quam alii vocant, *Arithmetica*. *Arithmetica* unitati Transcendentali, seu, Metaphysicæ non esse contradistinctam, sed illam sub hac omnino comprehendendi. Et profecto si Unitas illa Arithmetica non agnosceretur vi notionis entis in genere, compereret non-  
enti

enti & nihilo, unde quia unitas illa statuitur principium numeri, qui Arithmeticae est objectum, numerus nihil esset, ipsaque disciplina iure vocaretur scientia nihili. Quod tamen absurdum esse omnes ultrò largiuntur.

## §. 664.

Ubi itaque ad entia attendimus *Unitates* prout in certas distribuuntur classes, *Eadem* & genera & species, quæ per suas no- *diversæ.* tiones inter se dignoscuntur: *Eadem* sunt *Unitates*, quæ per eandem notionem agnoscuntur; *Diversæ* vero, quæ per diversas dignoscuntur notiones (§. 662.)

Sic si A denotat globum, B, C, D, etiam, sunt A, B, C, D, eadem unitates. Ubi autem A significat globum, B hominem, C nummum, D libram, quælibet harum unitatum per sibi propriam notionem agnoscitur. Sunt ergo hoc casu A, B, C, D, diversæ unitates.

## §. 665.

Si A est unum, B unum, C unum, *Multa* nec tamen A, B, & C. idem sunt, e- *quid?* runt A, B, C, simul, *Multa.*

Ex. gr. hic homo est unus, ille est unus, iste est unus, hic ergo ille & iste simul sunt plures, seu, multi homines. Apparet itaque multitudinem indeterminate exprimere quoties unum ponatur, ut adeo multitudo etiam sit, ubi unum vel bis ponitur. Quod non novum est, sed ab *Euclidis* tempore usurpatum, qui numerum per unitatum multitudinem definiens, etiam binario pluralitatem attribuit.

Uni

Uni opponit *Aristoteles* multum, & unitati multitudinem L. X. Metaph. Cap V. Hinc Aristotelici unitatem in indivisione collocantes, *Multum* esse dicunt, quod actu divisum est. Putant ergo ad multitudinem constituendam requiri unitates, quarum quælibet ab altera divisa & separata est, cum aliqua tamen unione, h. e. unitates istas catenus constituere multitudinem, quatenus simul spectantur. Re igitur ipsa coincidit multitudinis notio, quam tradunt Aristotelici, cum illa, quam ex *Wolffii* Ont. §. 331. nos exhibuimus.

Est hæc multi ratio, qua uni opponitur, receptissima, usuque scripturæ sacræ comprobata. Rom. V. 19. 1. Cor. VIII. 5. 6. Luc. IV. 25. Etsi non diffitear, multum nonnunquam opponi paucis, Matth. IX. 37. Messis est multa, operarii vero sunt pauci. Sed dantur in multitudine varii gradus, ut adeo non mirum sit majorem opponi minori, retenta tamen nihilo secius eadem notione multitudinis generali, quam hoc exhibere voluimus loco.

#### §. 666.

*Numeri* Unitates istæ, quibus multitudo definitio. constituitur (§. 665.) si eadem sunt, nulloque communi termino copulantur, *Numerum* vel *Quantitatem discretam* efficiunt. Si vero communi copulantur termino, quantitatem constituunt continuam, de qua suo loco in sequentibus. Est itaque *Numerus* multitudo, vel, si placet collectio unitatum earundem.

Reti-

Retinemus heic usitatam, quantitatis discretæ, seu, numeri definitionem, quam nobis cum *Aristotele* L. X. *Metaph.* cap. I. exhibuit *Euclides* El. VII. d. 2. non expresse quidem addit *Euclides* unitates debere esse easdem, quarum multitudinem numerus constituetur, sed facile hoc subintelligendum patet ex axiom. V. El. VII. ubi statuit unitatem metiri omnem numerum per unitates, quæ in ipso sunt; Nulla autem mensura locum habet nisi inter quantitates ejusdem notionis. Debent ergo unitates, ex quibus componitur numerus, eadem esse. Idem etiam confirmat usus numerandi receptus; Si enim una unitas designat hominem, altera bovem, tertia canem, numerum ternarium inde conficere non valemus, nam neque tres sunt homines, neque tres boves, neque tres canes. Videmus itaque numero certum non competere sensum, nisi unitates fuerint eadem, ut unam alteri substituere liceat.

## §. 667.

*Numerus Determinatus* est, qui *Numeri de-*  
refertur ad unitatem datam. *Inde-* *terminati &*  
*terminatus* vero, qui refertur ad u- *indetermi-*  
nitatem vagam, pro qua assumi *nati defini-*  
potest quodcumque visum fuerit. *tiones.*

Er. gr. Numerns ternarius determinatus est, quia supponitur in illo unitas determinata, ad quam refertur, & quæ ter repetita illum adæquat. Sic etiam. 4. 5. 6. ceteri sunt numeri determinati, quia in his indicatur quoties unitas repetenda illos constituit. Indeterminatus vero est

numerus, quem exprimere solent Mathematici literis alphabeti. Sic quando jubent radicem quadraticam extrahendam esse ex numero quovis  $a^2 + 2ab + b^2$  non certum aliquem intelligunt numerum, sed indeterminate & vage quemvis, siue fuerit 240, siue 625, siue alius quivis. Notetur de cetero numerum, quem determinatum adpellavi, hactenus indeterminate sumi, quatenus in abstracto spectantur unitates, quæ illum ingrediuntur, h. e. quatenus solum sub notionem entis in genere cogitantur, non vero sub hac vel illa notione, huic vel illi speciei propria. Sic dum abstracte dico numerum ternarium, nulla relatione facta ad certam & determinatam unitatis speciem, numerum ternarium, qui determinatus est, *indeterminate sumo*; quando vero numerum hunc adplico v. gr. ad homines, dicens tres esse homines, *determinate sumo* eundem numerum determinatum.

### §. 668.

*Numerorum materia & forma.* Quæ modo sunt dicta (§. præc.) multum faciunt ad illustrandam distinctionem, veteribus usitatam Philosophis, qua numerum vel ratione *Materiae* vel ratione *formæ* considerarunt. Per *materiam* numeri intellexere, quæ sunt uni & alteri numero communia, seu, ipsa numerabilia, ut nummos. *Formam* vero numeri esse voluerunt, quod cuilibet numero proprium est, ideam scilicet cuilibet determinato numero propriam, qua plura facta eorundem

dem comparatione, in unam rediguntur summam, ut, decem, sex, septem, &c. Forma ergo numeri illis idem est ac nobis numerus determinatus, five determinate, five indeterminate acceptus. Materia autem numeri non ideo coincidit cum numero indeterminato, qui ad vagam refertur unitatem (§. præc.), sed cum objectis numerandis idem potius est.

Inserviunt hæc variis decidendis quæstionibus, que in veteri præsertim Philosophia identidem agitari solent. Quæritur 1:o *an numerus aliquid rebus numeratis sit additum?* Facilis est responsio. Materia numeri rebus nihil addit, quum illa denotet nonnisi rem ipsam numerandam, quæ nihil addit sibi ipsa. Neque forma numeri est aliquod rebus additum. Idea enim numeri qualis est ejus forma, est cogitantis non rei cogitatæ quidam modus, extrinsecus ergo quoad res numerandas: Nam a numerante, non vero a rebus numeratis dependet, si loco centenerarii numeri dicas, bis quinquaginta, five quater viginti quinque, five quinquies viginti, five aliter. Si homines loco decadicæ numerandi rationis uterentur dyadica, alia prodiret numerorum forma rebus ipsis non mutatis. Nihil ergo addit forma rebus numeratis. 2:o *An aliqua numero competat efficacia?* Resp. Numero, ratione materiæ spectato, efficacia competit, modo res numerandæ non fuerint mere passivæ, sed aliquo saltem modo activæ: Ubi enim cuilibet rei numeratæ sua competit efficacia, rebus multi-

plicatis, quarum cuilibet homogenea convenit virtus, non potest non in compositione major inde resultare agendi vis, juxta tritum illud: *funiculus triplex difficile rumpitur*. Unde Poëta: *Nos numeri sumus, & fruges consumere nati*. Sic plura ligna incensa plus calefaciunt, quam pauca. Numero itaque, ratione materiæ spectato, sua convenit efficacia, quæ eidem, ratione formæ considerato, omnino est deneganda: Quid enim effectis producendis vel alterandis tu vel prodesse, vel obesse potest idea? Quid denominatio aliqua extrinseca, res ipsas non afficiens? nihil certe. Formæ ergo numeri, cui hæc & non alia competit indoles, nulla extra intelligentem quidpiam agendi attribui potest virtus. Erroris hinc convincitur indocta plebecula, quæ numero vel ternario, vel septenario, vel etiam novenario peculiarem quandam inesse mendendi efficaciam superstitiose arbitratur.

## §. 669.

*Numerus Numerans & numerus numeratus quid?* Intelligitur ex dictis (§. præc.) divisionem numeri, in Numerum Numerantem, & Numeratum, ortam esse ex consideratione numeri ratione materiæ & formæ. Est enim *Numerus Numerans*, ut antea (§. 550.) observavi, multitudo entium in genere, seu, in abstracto, vel, quo utitur intellectus ad res in genere numerandas. *Numerus autem Numeratus*, seu, rebus existentibus concretus, est multitudo entium actu existentium.



Sic numerus binarius, ternarius, quaternarius, &c. est numerans: Horum enim quolibet fit relatio non nisi ad unitatem in genere, non autem ad hanc vel illam in specie, in individuis existentem. Ternarius vero hominum numerus est numerus numeratus, qui non ad unitatem vagam, sed hanc certam, quæ homini convenit, refertur.

## §. 670.

Est ergo Numerus numerans, *Natura bonum numerum determinatus indeterminate sumtus*; Numerus autem numeratus est numerus determinatus *rerum clarus exprimitur.* determinate acceptus (§. 667.).

Patet hinc neque novum esse quod in recentiori Philosophia de numero determinato, determinate vel indeterminate accepto traditur; sed idem re ipsa esse cum numero numerante & numerato scholasticorum, aptioribus fortassis expressum vocabulis; Patet etiam vel ex hoc unico exemplo neque promiscue rejicienda esse Scholasticorum effata, sed multa eorum, ad distinctas, uti decet, reducta notiones, eximium sui nobis polliceri usum.

## §. 671.

Ex iis, quæ de numero determinato et indeterminato breviter jam exposuimus, colligitur facile *quantitates numerorum indeterminate inquantitates* *inslar recte considerari.* Est enim numerus inde-

determinatus, qui refertur ad unitatem vagam, pro qua assumi potest quodcumque visum fuerit (§. 667.). Absque ergo assumpta unitate intelligi nequit numerus indeterminatus, licet nulla adhuc, ut certa, quatenus indeterminatus est numerus, assumatur. Quantitas vero omnis determinatione rei intrinseca constituitur, quæ tantum dari, sed sine alio assumpto intelligi nequit (§. 459.). Hoc assumptum licet unitatis loco recte habeatur, ut quis vel me non monente intelligit; nondum tamen in posita generali ista quantitatis notione determinatur, quod præcise sit illud assumptum, & quæ unitas, quum per notionem quantitatis in genere possit esse quæcumque. Quantitates ergo, ut numeri indeterminati recte considerantur.

Ex illa quantitatis indole, qua quælibet data distincte intelligitur data ejus ratione ad aliam quamcumque in numeris five rationalibus, five irrationalibus; qua etiam loco unitatis assumptæ possit assumi alia, eandem, quam modo evici rem recte intulit *Illustris Wolfius* §. 423, *Ontol.* Quia vero isthæc argumentandi via, majorem, quam in *Metaphysicis* desideratur, poscit *Matheseos* cognitionem, minimum, si plenius explicanda sumitur; ab illa abstinuimus, contenti quod idem ex notionibus numeri indeterminati & quantitatis assequi valeamus. Ceterum ex veritate hujus propositionis est, quod quantitates  
in

in Matheſi non alio ſenſu, quam ut numeri indeterminati ſpectentur, literiſque adeo alphabeti in Algebraicis deſignentur, & ubi determinantur, perinde ac hi per numeros ſive rationales ſive irrationales explicentur.

§. 672.

Unum, quod idem eſt cum multis, *Totum* dicitur. *Totum* & multa, *Totum* dicitur. Multa autem iſta, quæ ſimul ſumta, idem ſunt cum uno, *Partes* ejus vocantur, & unumquodque eorum *Partis* venit nomine.

Manus Ex. gr. pedes, truncus, caput, ſunt multa, quæ idem ſunt cum corpore humano, cui unum quid eſſe attribuire ſolemus. Sermo heic eſt de toto, partibus contradifſincto, non autem de eo, quatenus mutilo opponitur, quo ſenſu idem eſt, ac quod omnes partes, ad eſſe debitas, habet. Aliis diſtinctionis gratia vocari hoc ſolet totum integrum.

De cetero voces totius & partium *Varie* accumulæ ſubjacent æquivocationi *1:0) Totum non opponitur partibus, ſed imperſecto*, denotatque id, quod eſſentiam ſuam ſine partibus habet. Hoc ſenſu dixit *Ariſtoteles* L. 3. *Phyſ.* Cap. VI. 4.64. *Totum & perfectum aut idem penitus ſunt, aut naturam finitimam habent.* Ita Deus dicitur *ὅλος ὅλον τι* aliquid totaliter totum; prædicaturque de eo, quod ſit totus in qualibet parte hujus mundi, ac totus etiam extra mundum. Sub hoc toto comprehendere quoque ſolent angelos & animam rationalem. *2:0) Totum pro eo accipitur, quod*

quod variis constat potentiis, etsi non realiter, formaliter tamen inter se distinctis. Vocatur hoc totum *Potestativum*, quale est anima rationalis, variis prædita facultatibus. 3:o) *Totum sumitur pro universali* genere vel specie, quatenus sub illo plures species, & sub hac plura individua comprehenduntur. Vocatur autem hoc *totum universale*. 4:o) *Significat id omne*, cujus conceptus componitur conceptu proprio & communi. Vocant hoc nonnulli cum Scaligero: L. I. Poët. c. IX. *Totum essentialiale logicum*, vel *Metaphysicum*. Cujusmodi totum est notio speciei completa, constans notione generis proximi & differentia specifica (§. 576).

In omnibus autem his totius acceptionibus, quibus analogice respondent acceptiones partium, non consideratur totum, ut pluribus realiter & inter se & a toto, sed formaliter tantum distinctis. His ergo significatibus totum nonnisi improprie sumi observant veterum Metaphysicorum accuratiores, nobiscum postulantes totum aliquod proprie loquendo dici non debere, nisi in oppositione ad partes, unum quid constituentes, realiterque & inter se & a toto distinctas. Hoc sensu dicunt aliud esse *totum essentialiale*, *Physicum* scilicet, quod materia & forma, tanquam partibus Physicis constat. Aliud *Totum integrale*, quod est corpus aliis corporibus tanquam partibus constans. Ad illud referre solent hominem, quatenus anima rationali, tanquam forma, & corpore organico, tanquam materia constat. Ad hoc vero numerant quodvis corpus physicum, sive animatum, sive inanimatum. Totum hoc integrale dispen-  
te-

terum in simile, five *homogeneousum*, & dissimile, five *heterogeneousum*. Illud dicunt, quod constat partibus ejusdem naturæ cum toto. Quale ex, gr. aqua creditur, cujus quælibet guttula ejusdem naturæ est cum tota aqua. Hoc vocant, quod partibus constituitur diversæ cum toto naturæ. Cujusmodi esse volunt hominem, canem, leonem, arbores cum reliquis corporibus viventibus.

## §. 673.

Quia eadem sibi mutuo substi- *Partium &*  
tui possunt, salvis prædicatis utro- *totius sub-*  
bique deprehensis (§. 389.), *partes* *stitutio.*  
*omnes, simul sumtæ, toti. & totum partibus o-*  
*mnibus simul sumtis substitui potest, salvo omni*  
*prædicato, quod vel toti, vel partibus simul sum-*  
*tis tribuitur (§. 672.).*

V. gr. Sedecim uncias, simul sumtæ, sunt partes unius libræ, perinde ergo est sive in lance A ponas libram, & in τῇ B sedecim uncias, sive in B libram & in A uncias, Salvum enim utrobique manet æquilibrium.

## §. 674.

Posito toto, ponuntur omnes e- *Totius ad*  
jus partes, & positis omnibus par- *partes simul*  
tibus totius, simul sumtis, ponitur *sumtæ re-*  
*latio.*  
*totum.* Quoniam enim totum defini-  
vimus per unum, quod idem est cum omni-  
bus partibus simul sumtis, & partes simul  
sumtæ per id definiuntur, quod idem est cum  
toto (§. 672.); quia etiam ex Logicis constat

definitionem cum suo definito reciprocari; posito toto ponuntur omnes ejus partes, & positis partibus simul sumtis, ponitur ipsum totum (§. 354.).

Apud plerosque veterum celebrantur hæ regulæ ex notionibus totius & partium adeo clare profluente ut inter notiones communes & cuiusvis obvias locum teneant, tucanturque certissimum.

§. 675.

*Pars partis est pars totius.* *Quod continetur in parte, etiam in toto deprehenditur, sive, pars partis est etiam pars totius.* Sit totum aliquod A, cujus partes sint b, c, d; habeat vero b partes e, f, dico has partes etiam in toto A contineri. Quia enim e & f sunt partes, quæ simul sumtæ constituunt b, tanquam totum (per hypoth.); partes e & f substitui possunt in locum ipsius b (§. 673.). Facta ergo substitutione e, f, c, d, simul constituunt totum A, seu, quod idem est, particulæ e & f una cum partibus C & D, continentur in toto A.

Observant Physici partes pulveris pyrii esse nitrum, sulphur, & carbones, nitrum vero constare sale alkalino fixo & acido singulari. Recte ergo affirmant salem alkalinum fixum & acidum illud singulare simul contineri in pulvere pyrio.

§. 676.

*Quod ergo non est pars partis, Quæ in toto vel pars totius, illud non continetur non continetur in toto.*

Sic plumbum v. gr. non est pars pulveris pyrii, neque est pars ullius ejus partis, ergo in pulvere pyrio non continetur plumbum. Consc. Etarium hocce, legitime determinatum expressimus, rejectis indeterminatis veterum formulis, quibus dicere solent: *Quod non est partis alicujus, id toti tribui nequit*, vel ita: *Quod nulli parti convenit, toti attribui nequit*, vel etiam ita: *Nihil affirmatur de toto, quod non conveniat ejus partibus*. Rejectis, inquam, nam in illis non determinatur an sermo sit vel de parte, quæ aut partem aut totum ingreditur, vel etiam de quovis alio prædicato partis & totius. Ultimum si intelligitur, fallaces sunt & sua universalitate destituuntur veterum regulæ, quum multa possint de toto prædicari ob partium conjunctionem, quæ de partibus separatis dici nequeunt. Sic ridicule, sane negas ideo de toto homine, quod anima rationali & corpore organico constat, affirmari prædicatum, quod neque animæ, neque corpori, separatim spectatis convenit. Nemo Phycis edoctus observationibus ignorat quam vehementem & magnum fragorem edat *nitrum fulminans*, dum in cochleari ferreo, vel argenteo, exigua licet ejus portio, igni superimposita, liquefcit. Præparatur hoc nitrum fulminans ex tribus partibus nitri, duabus salis tartari, & una sulphuris, sigillatim in pulverem subtilissimum contritis, dein accuratissime inter

sc

se commixtis. Sed neque nitrum, neque sal tartari, neque sulphur, sigillatim si ad ignem examinantur, tam enormem edunt effectum, quem tamen edit nitrum, ex his compositum, & fulminantis titulo insignitum. Huic nitro proxime accedit *aurum fulminans*, quod præparatur ex aliquot granis auri, in 4. 6. vel 8 partibus aquæ regiæ solutis. Facta solutione diluatur hæc tinctura aqua simplici, posteaque oleo tartari per deliquium præcipitetur, & tandem pulvis in modico calore exsicceetur. Hic pulvis in cochleari terreo, vel argenteo supra prunas, vel flammam candelæ positus, maximo cum fragore accenditur, monetamque superimpositam, sursum projiciens, & ut plurimum, deaurans. Hic autem effectus neutri hujus pulveris parti componenti tribuitur, licet de toto recte prædicetur. Mixtura ex spiritu nitri Geoffroy & oleo carvi terribilem efficit explosionem & flammam, etiam cum adstantium, si cautiore non sunt, damno. Partes autem hujus mixturæ, seorsim examinatæ, similem non edunt effectum. Alia, quæ magna ubertate subministrat Physica, sciens prætereo, certum quippe est multa dici & affirmari de toto, quæ partibus non conveniunt. Hinc alii cum *Stratemann* in system. Log. p. 1412. Canonis loco hanc habent propositionem, indeterminatis illis, quas confutavimus, formulis oppositam: *Non omne quod prædicatur de toto, prædicatur de ejus partibus*. Alii vero retinent quidem formulam: *quod non est partis alicujus, id toti tribui nequit*. Sed juxta monent valere eam de toto & parte materialiter acceptis, non autem de quovis totius,


for-



formaliter spectati, prædicato. Ubi vero pars & totum, materialiter, uti ajunt, accipiuntur, non alium formant sensum, quam quem initio hujus §:phi expressimus, scil. *Quod non est pars partis vel pars totius, illud in toto non continetur.* Rectius ergo hoc nostro utimur canone, legitime sic determinato, quam indeterminatis plerorumque veterum formulis.

## §. 677.

*Majus est, cujus pars alteri toti est æqualis. Minus vero, quod parti alterius est æquale.* *Majus & minus quid?*

Ex. gr. Major est linea A  B, linea D — — F, si lineæ AB pars AE est æqualis toti DF, quæ etiam ideo minor est linea priori AB. Id in numeris quoque usu venit, ubi dicimus numerum v. gr. Denarium majorem esse senario, quia si denarius resolvitur in partes: *sex* & *quatuor*, quæ simul sumptæ faciunt denarium; pars ejus una æqualis est toti senario.

Patet itaque ideas majoris & minoris relativas semper esse, neque nos unquam dicere aliquod esse majus vel minus, nisi in comparatione ad aliud ejusdem generis, seu, ejusdem notionis: Nam si quædam sub diversa considerantur notione; earum unum neque majus, neque minus dici potest altero. Sic lineam, sive rectam, sive curvam, quæ talem, neque majorem, neque minorem adpellare licet superficie, quem ad modum neque hanc solido vel majorem vel minorem vocare convenit. Ubi vero lineam referimus ad lineam, superficiem ad superficiem, solidum

lidum ad solidum, quia tunc sub eadem notione considerantur quantitates, inter se relatæ, prædicationes majoris & minoris de illis habere locum nemo non intelligit.

§. 678.

*Majus & minus quantitatibus sunt, non qualitatibus.*

*Perspicue hinc colligimus, majus & minus de duobus pluribusve entibus dici, ratione quantitatis eorum, non vero qualitatibus.* Majus enim est, cujus pars est æqualis alteri toti (§. 677.), & proinde cujus partis quantitas eadem est cum quantitate alterius totius (§. 521.). Eodem modo minus est, quod totum parti alterius est æquale (§. 677.), ideoque quod quantitatem habet eandem cum quantitate partis alterius (§. 521.). Majus ergo & minus de duobus pluribusve prædicatur entibus, ratione quantitatis eorum. Q. E. U.

Unum neque majus neque minus altero dici potest, nisi quatenus quæ æqualitatem totius unius & partis alterius, vicissimque, inter se mutuo referuntur (§. 677.), & per consequens nisi quæ quantitatis identitatem totius unius & Partis alterius inter se comparantur (§. 521.). Majus ergo & minus solum ratione quantitatis dicitur. Sed quantitas nequit cum qualitate coincidere (§. 460. 461.). Majus itaque & minus dici nequit ratione qualitatibus. Taceo unum idemque se ipso neque majus neque minus dici posse, illam ergo sine alio assum-

assumto non intelligi prædicationem, eamque idcirco non qualitatis, sed quantitatis esse consecrarium (§. 459.). Q. E. A.

Facit quidem loquendi inconstantia ut majus & minus nonnunquam de qualitate prædicetur. Sic attribuere solent Titio. v. gr. majorem præ Sempronio intelligendi dispositionem, majorem demonstrandi habitum, aliaque ejusmodi. Sed sciendum est, siquidem accurate loqui placet, non qualitati, sed diverso qualitatis gradui, qui quantitas est (§. 486.), majus & minus attribui.

### §. 679.

*Quantitates homogeneæ sunt, quarum una aliquoties sumpta, alteram superare valet. Seu, quarum una ab altera vel semel, vel aliquoties ablata tandem vel nihil, vel se minus relinquit. Heterogeneæ vero sunt, quarum una aliquoties sumpta, alteram superare nequit.*

*Quantitas  
Homogenea  
& heterogenea  
definitur.*

Er. gr. Omnis linea recta alteri rectæ homogenea est, sunt enim vel æquales, vel inæquales. Si inæquales, tunc sumpta aliquoties minor, majora vel æquat, vel superat; si æquat, semel iterum repetita superat; si æquales, tunc una bis sumpta alteram superat. Eodem modo homogeneæ sunt quantitates superficierum, inter se relatæ, pariterque solidorum inter se comparatæ. Linea autem & superficies heterogeneæ sunt, nam quotiescunque sumitur linea, inde tamen confici nequit superficies, multo minus illa aliquoties repetita hanc superare valet. Eodem ratiocinio hetero-

terogeneæ sunt quantitates superficierum & solidorum, inter se comparatæ.

*Homogeneum* Retineo heic definitiones quantitatis  
& *heterogeneum* homogeneæ & heterogeneæ, Ma-  
*in gene-* thematicis usitatas, alioquin *Homo-*  
*re definiuntur.* *geneum* vi vocis nihil denotat aliud,  
quam quod ejusdem est generis, seu

naturæ, notionisve. *Heterogeneum* autem quod  
diversi est generis, seu, diversæ naturæ, notio-  
nisve. Sic auri puri massa homogenea censetur,  
si omnes ejus particulæ ejusdem sunt generis.  
Massa autem ex auro & argento, inter se mixtis  
composita, heterogenea est, quia particulæ au-  
ri differunt specie a particulis argenti massæ i-  
stius. Neque vulgares hæ notiones notionibus,  
quas adprobavimus, Mathematicorum repug-  
nant, sed amicissime potius consentiunt: Quorum  
enim unum, aliquoties sumtum, alterum supe-  
rare valet, illa, ut de eadem natura & notione  
participent, necesse est, quam non tenent e-  
andem quantitates; quæ se mutuo superare ne-  
queunt, quum earum una contineri non possit  
in altera.

Plerisque Peripateticorum, vulgari, quam mor-  
dus tuentur, caloris definitione occupatis, ho-  
mogenea dicuntur, quæ similem habent com-  
plexionem & qualitatem, ut in unam converti  
possint naturam & massam, quamvis nominibus  
& speciebus alias differant. Heterogenea vero,  
quæ dissimilis sunt complexionis & qualitatis,  
ita ut in unam naturam & massam converti non  
possint. Hoc modo illis homogenea sunt argen-  
tum, stannum & plumbum, quia similiter sunt  
liquabilia, & in unam, vi caloris, redigi pos-  
sunt

sunt massam. Ita cibi quoque dissimillimi homogenei dicuntur, si in unam chyli naturam a ventriculi calore mutantur. Humidi vero & sicci partes excrementitiæ, eisdem dicuntur heterogeneæ, quia a reliqua materia per calorem separantur. Sed ab hac Peripateticorum explicatione merito recedimus, rei veritati usuique recepto congruas homogenei & heterogenei retinentes definitiones.

§. 680.

*Pars aliquota* est, quæ aliquoties *Partis aliquota* tota fit æqualis. *Pars aliquota* & *aliquanta* vero, quæ aliquoties repetita vel major fit toto, vel eodem minor est, seu, quæ aliquoties repetita, æqualis fieri nequit toti. *aliquanta definitio.*

Ex. gr. Numerus 4 cum numeris 8. 12. 16. 20. &c. collatus, est horum pars aliquota, nam bis repetitus octenarium, ter duodenarium, quater denarium & sextum, constituit. Numerus autem quinaris, cum numeris 8 vel 12 collatus, est eorum pars aliquanta, nam bis repetitus superat octenarium, & deficit a duodenario, ter autem repetitus duodenarium excedit. *Euclides* partem aliquotam vocat in singulari numero *partem*, partem autem aliquantam adpellat in plurali numero *partes*. Putat scilicet Euclides id, quod partes dicitur, esse multipulum alicujus partis. Sic quinque non est pars, sed partes Octenarii, quia continet quinque partes, scilicet aliquotas, octenarii, quarum quælibet unitati est æqualis, & quæ octies repetita octenarium æquat. Hanc Euclidis adpellationem, non

D d

fatis

fatis commodam, immutarunt Mathematici cum *Clavio*, *Poletario* & aliis, qui ante ipsos vixerunt, quam adprobavimus, Euclidean, ubi opus ipsis fuit, substituentes.

## §. 681.

*Partium cum toto homogeneitas.* Facillimo hinc deducimus negotio partes tum aliquotas, tum aliquantas, suis totis debere esse homogeneas. Pars enim totius aliquota, aliquoties v. gr. bis repetita toti fit æqualis (§. 680.). Ergo ter sumpta totum superat, & per consequens toti suo homogenea est (§. 679.). Pars vero aliquanta, aliquoties repetita, totum suum excedere valet (§. 680.). Ergo & illa toti est homogenea (§. 679.).

## §. 682.

*Pars actualis & possibilis quid?* Partes, quæ toti simul inesse possunt, *Actuales* adpellantur. Quæ vero enti inesse possunt, sed non simul *Possibiles* dicuntur.

Ex. gr. Numeri 2. 3. 4. 5. 6. singuli sunt partes numeri duodenarii, eidem tamen simul inesse nequeunt, quia simul sumti constituunt summam, duodenario majorem. Sunt ergo nonnisi possibiles partes numeri duodenarii. Numeri vero 3. 4. 5. sunt partes numeri duodenarii actuales, quia simul sumti æquant duodenarium. Videtur quidem hæc divisio in partes actuales & possibiles originem traxisse ex effato *Aristotelis* L. VIII. *Phys.* In continuo quidem sunt infinita dimi-

*midia, non actu, sed potestate.* Ab Illustri Wolfio tamen & sequacibus adhiberi solet hæc divisio ad negandam extensi & materiæ divisibilitatem in infinitum. Fortissimis scilicet Mathematicorum argumentis convicti negare non sistent extensum in genere dividi posse in partes, numero infinitas, h. e. in tot dividi posse partes, quot nullo determinato & assignabili numero exprimi unquam possunt: Negant vero valere illud de extenso materiali & existenti, quasi extensum, quod considerat Geometria in abstracto imaginarium foret, constans partibus possibilibus, non autem actualibus, quibus quodvis extensum materiale gaudere debet, putantes, si ita res non esset comparata, difficultatem orituram esse vix extricabilem. Hanc vero ita proponere conantur: *Sit numerus duodenarius, nemo negabit, ajunt, 1. 2. 3. 4. 5. 6. 7. 8. 9. 10. 11. id est, omnes numeros minores duodenario esse ejus partes, sed non nisi possibiles, minime autem actuales, quarum quædam tantum, non autem omnes simul totum conficere possunt. Si partes possibiles cum actualibus confunderentur, subverteretur axioma verissimum: totum est æquale omnibus suis partibus simul sumtis, istudque porro sequeretur absurdum, quod 12 esset æquale 66. Ubi vero observatur omnes numeros, antea expressos, esse tantum possibiles numeri duodenarii partes, quarum quædam tantum ex. gr.  $11+1$ .  $9+3$ .  $10+2$ . &c. toti æquales esse possunt, non autem singulæ simul. Et quia in extenso Geometrico, quod omne imaginarium est, eadem est partium natura, quarum scilicet termini pro arbitrio constitui possunt, nulli tamen adhuc constituti sunt, universaliter concludunt ex demonstrationibus*


se commixtis. Sed neque nitrum, neque sal tartari, neque sulphur, sigillatim si ad ignem examinantur, tam enormem edunt effectum, quem tamen edit nitrum, ex his compositum, & fulminantis titulo insignitum. Huic nitro proxime accedit *aurum fulminans*, quod præparatur ex aliquot granis auri, in 4. 6. vel 8 partibus aquæ regię solutis. Facta solutione diluatur hæc tinctura aqua simplici, posteaque oleo tartari per deliquium præcipitetur, & tandem pulvis in modico calore exsicceetur. Hic pulvis in cochleari terreo, vel argenteo supra prunas, vel flammam candelæ positus, maximo cum fragore accenditur, monetamque superimpositam, sursum projiciens, & ut plurimum, deaurans. Hic autem effectus neutri hujus pulveris parti componenti tribuitur, licet de toto recte prædicetur. Mixtura ex spiritu nitri Geoffroy & oleo carvi terribilem efficit explosionem & flammam, etiam cum adstantium, si cautiores non sunt, damno. Partes autem hujus mixturæ, seorsim examinatæ, similem non edunt effectum. Alia, quæ magna ubertate subministrat Physica, sciens prætereo, certum quippe est multa dici & affirmari de toto, quæ partibus non conveniunt. Hinc alii cum *Stratemann* in system. Log. p. 1412. Canonis loco hanc habent propositionem, indeterminatis illis, quas confutavimus, formulis oppositam: *Non omne quod prædicatur de toto, prædicatur de ejus partibus*. Alii vero retinent quidem formulam: *quod non est partis alicujus, id toti tribui nequit*. Sed juxta monent valere eam de toto & parte materialiter acceptis, non autem de quovis totius, for.



formaliter spectati, prædicato. Ubi vero pars & totum, materialiter, uti ajunt, accipiuntur, non alium formant sensum, quam quem initio hujus §:phi expressimus, scil. *Quod non est pars partis vel pars totius, illud in toto non continetur.* Rectius ergo hoc nostro utimur canone, legitime sic determinato, quam indeterminatis plerorumque veterum formulis.

## §. 677.

*Majus est, cujus pars alteri toti est æqualis. Minus vero, quod parti alterius est æquale.* *Majus & minus quid?*

Ex. gr. Major est linea A  B, linea D — F, si lineæ AB pars AE est æqualis toti DF, quæ etiam ideo minor est lineæ priori AB. Id in numeris quoque usu venit, ubi dicimus numerum v. gr. Denarium majorem esse senario, quia si denarius resolvitur in partes: *sex & quatuor*, quæ simul sumtæ faciunt denarium; pars ejus una æqualis est toti senario.

Patet quæque ideas majoris & minoris relativas semper esse, neque nos unquam dicere aliquod esse majus vel minus, nisi in comparatione ad aliud ejusdem generis, seu, ejusdem notionis: Nam si quædam sub diversa considerantur notione; earum unum neque majus, neque minus dici potest altero. Sic lineam, sive rectam, sive curvam, quæ talem, neque majorem, neque minorem adpellare licet superficie, quem ad modum neque hanc solido vel majorem vel minorem vocare convenit. Ubi vero lineam referimus ad lineam, superficiem ad superficiem, solidum

lidum ad solidum, quia tunc sub eadem notione considerantur quantitates, inter se relatæ, prædicationes majoris & minoris de illis habere locum nemo non intelligit.

§. 678.

*Majus & minus quantitatibus sunt, non qualitatis.*

*Perspicue hinc colligimus. majus & minus de duobus pluribusve entibus dici, ratione quantitatis eorum, non vero qualitatis.* Majus enim est, cujus pars est æqualis alteri toti (§. 677.), & proinde cujus partis quantitas eadem est cum quantitate alterius totius (§. 521.). Eodem modo minus est, quod totum parti alterius est æquale (§. 677.), ideoque quod quantitatem habet eandem cum quantitate partis alterius (§. 521.). Majus ergo & minus de duobus pluribusve prædicatur entibus, ratione quantitatis eorum. Q. E. U.

Unum neque majus neque minus altero dici potest, nisi quatenus quæ æqualitatem totius unius & partis alterius, vicissimque, inter se mutuo referuntur (§. 677.), & per consequens nisi quæ quantitatis identitatem totius unius & Partis alterius inter se comparantur (§. 521.). Majus ergo & minus solum ratione quantitatis dicitur. Sed quantitas nequit cum qualitate coincidere (§. 460. 461.). Majus itaque & minus dici nequit ratione qualitatis. Taceo unum idemque se ipso neque majus neque minus dici posse, illam ergo sine alio assum-

assumto non intelligi prædicationem, eamque idcirco non qualitatis, sed quantitatis esse confectarium (§. 459.). Q. E. A.

Facit quidem loquendi inconstantia ut majus & minus nonnunquam de qualitate prædicetur. Sic attribuere solent Titio. v. gr. majorem præ Sempronio intelligendi dispositionem, majorem demonstrandi habitum, aliaque ejusmodi. Sed sciendum est, siquidem accurate loqui placet, non qualitati, sed diverso qualitatis gradui, qui quantitas est (§. 486.), majus & minus attribui.

### §. 679.

*Quantitates homogeneæ sunt, quarum una aliquoties sumpta, alteram superare valet. Seu, quarum una ab altera vel semel, vel aliquoties ablata tandem vel nihil, vel se minus relinquit. Heterogeneæ vero sunt, quarum una aliquoties sumpta, alteram superare nequit.*

*Quantitas  
Homogenea  
& heterogenea  
definitur.*

Er. gr. Omnis linea recta alteri rectæ homogenea est, sunt enim vel æquales, vel inæquales. Si inæquales, tunc sumpta aliquoties minor, major vel æquat, vel superat; si æquat, semel iterum repetita superat; si æquales, tunc una bis sumpta alteram superat. Eodem modo homogeneæ sunt quantitates superficierum, inter se relatæ, pariterque solidorum inter se comparatæ. Linea autem & superficies heterogeneæ sunt, nam quotiescunque sumitur linea, inde tamen confici nequit superficies, multo minus illa aliquoties repetita hanc superare valet. Eodem ratiocinio he-

tero-

terogeneæ sunt quantitates superficierum & solidorum, inter se comparatæ.

*Homogeneum & heterogeneum in genere definiuntur.* Retineo heic definitiones quantitatis homogeneæ & heterogeneæ, Mathematicis usitatas, alioquin *Homogeneum* vi vocis nihil denotat aliud, quam quod ejusdem est generis, seu naturæ, notionisve. *Heterogeneum* autem quod

diversi est generis, seu, diversæ naturæ, notionisve. Sic auri puri massa homogenea censetur, si omnes ejus particule ejusdem sunt generis. Massa autem ex auro & argento, inter se mixtis composita, heterogenea est, quia particule auri differunt specie a particulis argenti massæ istius. Neque vulgares hæ notiones notionibus, quas adprobavimus, Mathematicorum repugnant, sed amicissime potius consentiunt: Quorum enim unum, aliquoties sumtum, alterum superare valet, illa, ut de eadem natura & notione participant, necesse est, quam non tenent eandem quantitates; quæ se mutuo superare nequeunt, quum earum una contineri non possit in altera.

Plerisque Peripateticorum, vulgari, quam mordicus tuentur, caloris definitione occupatis, homogenea dicuntur, quæ similem habent complexionem & qualitatem, ut in unam converti possint naturam & massam, quamvis nominibus & speciebus alias differant. Heterogenea vero, quæ dissimilis sunt complexionis & qualitatis, ita ut in unam naturam & massam converti non possint. Hoc modo illis homogenea sunt argentum, stannum & plumbum, quia similiter sunt liquabilia, & in unam, vi caloris, redigi possunt

sunt massam. Ita cibi quoque dissimillimi homogenei dicuntur, si in unam chyli naturam a ventriculi calore mutantur. Humidi vero & sicci partes excrementitiæ, eisdem dicuntur heterogenæ, quia a reliqua materia per calorem separantur. Sed ab hac Peripateticorum explicatione merito recedimus, rei veritati usuique recepto congruas homogenei & heterogenei retinentes definitiones.

§. 680.

*Pars aliquota* est, quæ aliquoties *Partis aliquota* repetita toti fit æqualis. *Pars aliquota* & *aliquanta* vero, quæ aliquoties repeti- *liquanta de-* *finitio.* ta vel major fit toto, vel eodem minor est, seu, quæ aliquoties repetita, æqualis fieri nequit toti.

Ex. gr. Numerus 4 cum numeris 8. 12. 16. 20. &c. collatus, est horum pars aliquota, nam bis repetitus octenarium, ter duodenarium, quater denarium & sextum, constituit. Numerus autem quinarium, cum numeris 8 vel 12 collatus, est eorum pars aliquanta, nam bis repetitus superat octenarium, & deficit a duodenario, ter autem repetitus duodenarium excedit. *Euclides* partem aliquotam vocat in singulari numero *partem*, partem autem aliquantam adpellat in plurali numero *partes*. Putat scilicet *Euclides* id, quod partes dicitur, esse multipulum alicujus partis. Sic quinque non est pars, sed partes Octenarii, quia continet quinque partes, scilicet aliquotas, octenarii, quarum quælibet unitati est æqualis, & quæ octies repetita octenarium æquat. Hanc *Euclidis* adpellationem, non

D d

fatis

satis commodam, immutarunt Mathematici cum *Clavio*, *Poletario* & aliis, qui ante ipsos vixerunt, quam adprobavimus, Euclidæ, ubi opus ipsis fuit, substituentes.

### §. 681.

*Partium cum toto homogeneitas.* Facillimo hinc deducimus negotio partes tum aliquotas, tum aliquantas, suis totis debere esse homogeneas. Pars enim totius aliquota, aliquoties v. gr. bis repetita toti fit æqualis (§. 680.). Ergo ter sumpta totum superat, & per consequens toti suo homogenea est (§. 679.). Pars vero aliquanta, aliquoties repetita, totum suum excedere valet (§. 680.). Ergo & illa toti est homogenea (§. 679.).

### §. 682.

*Pars actualis & possibilis quid?* Partes, quæ toti simul inesse possunt, *Actuales* adpellantur. Quæ vero enti inesse possunt, sed non simul *Possibiles* dicuntur.

Ex. gr. Numeri 2. 3. 4. 5. 6. singuli sunt partes numeri duodenarii, eidem tamen simul inesse nequeunt, quia simul sumti constituunt summam, duodenario maiorem. Sunt ergo nonnisi possibiles partes numeri duodenarii. Numeri vero 3. 4. 5. sunt partes numeri duodenarii actuales, quia simul sumti æquant duodenarium. Videtur quidem hæc divisio in partes actuales & possibiles originem traxisse ex effato *Aristotelis* L. VIII Phyl. *In continuo quidem sunt infinita di-*  
*mi-*

*midia, non actu, sed potestate.* Ab Illustri Wolfio tamen & sequacibus adhiberi solet hæc divisio ad negandam extensi & materiæ divisibilitatem in infinitum. Fortissimis scilicet Mathematicorum argumentis convicti negare non sistent extensum in genere dividi posse in partes, numero infinitas, h. e. in tot dividi posse partes, quot nullo determinato & assignabili numero exprimi unquam possunt: Negant vero valere illud de extenso materiali & existenti, quasi extensum, quod considerat Geometria in abstracto imaginarium foret, constans partibus possibilibus, non autem actualibus, quibus quodvis extensum materiale gaudere debet, putantes, si ita res non esset comparata, difficultatem orituram esse vix extricabilem. Hanc vero ita proponere conantur: *Sit numerus duodenarius, nemo negabit, ajunt, 1. 2. 3. 4. 5. 6. 7. 8. 9. 10. 11. id est, omnes numeros minores duodenario esse ejus partes, sed non nisi possibiles, minime autem actuales, quarum quædam tantum, non autem omnes simul totum conficere possunt. Si partes possibiles cum actualibus confunderentur, subverteretur axioma verissimum: totum est æquale omnibus suis partibus simul sumtis, istudque porro sequeretur absurdi, quod 12 esset æquale 66. Ubi vero observatur omnes numeros, antea expressos, esse tantum possibiles numeri duodenarii partes, quarum quædam tantum ex. gr.  $11 + 1.$   $9 + 3.$   $10 + 2.$  &c. toti æquales esse possunt non autem singulæ simul. Et quia in extenso Geometrico, quod omne imaginarium est, eadem est partium natura, quarum scilicet termini pro arbitrio constitui possunt, nulli tamen adhuc constituti sunt, universaliter concludunt ex demonstrationibus*

*Geometricis, nihil de corpore Physico, cujus partes omnes sunt actuales, quæ suis propriis continentur terminis, inferri posse.* Sed vehementer errant, putantes extensum Geometricum imaginarium esse. Profecto si extensio ista, quia nihil continet, quam quod a corporibus extensis est abstractum, & re ipsa in illis continetur, imaginaria esset, eodem jure omnes universales ideæ, a suis individuis abstractæ, quæ generum & specierum veniunt nomine, imaginariæ dicerentur, & proinde, quia his innituntur omnia nostra ratiocinia, tota ratiocinandi series imaginationis esset fœtus. Sed hæc adeo absona sunt, ut ne ipsi quidem adversarii illa admittant. Non ergo amplius dicant extensum Geometricum esse imaginarium quid, sed ideam generalem, ex corporibus extensis verè abstractam & realem. Recte ne ergo, secundum Logices præcepta, argumentamur, quia quodvis extensum, secundum Geometricas demonstrationes, divisibile est in partes numero infinitas, ergo etiam corpus quodvis, quatenus sub extenso in genere comprehenditur, ejusdem est indolis! Non negabis hanc argumentationem nisi arbitreris vel a genere ad speciem non valere conclusionem, vel corpus Physicum non esse extensum; sed prius in Logices, posterius in Physices incurrit principia, certissima, notissimaque. Utrumque igitur absurditate laborat. Perinde nobis est siue partes materiæ fuerint actuales, siue possibiles; nam exinde non deducimus vel minutissimum argumentandi fundamentum, sed ex sola extensione, qua carere nequit particula materialis ulla. Neque absurdum in objectionem pro-



propositum nostram ullo modo ferit sententiam. Nam si totum aliquod in partes numero infinitas dispescitur, sive æqualiter, sive inæqualiter, illæ tamen partes, quia in toto deprehenduntur, simul sumtæ, totum efficient. Sic si totum fuerit divisum in 12. partes, quælibet earum est unitas & ex 12 unitatibus componitur numerus duodenarius, minime vero una unitas potest æquare numero 11, altera numero 10. nisi numerus partium totius mutaretur & pro 12 poneretur 21. Sed ut mentem nostram clarius aperiamus sit linea  $A \overset{B}{\quad} \overset{C}{\quad} \overset{D}{\quad} \overset{E}{\quad} F$  in quodcunque partes divisa, omnes tamen simul sumtæ æquales sunt toti lineæ AF, ita ut  $AB+BC+CD+DE+EF=AF$ . Pro arbitrio quidem determinavi has partes, sed nihil inde sequitur absurdi: Nam si illæ infinito essent numero, etiam illæ ubi singulæ singulis adduntur, neque majus, neque minus quid conficerent, quam totam lineam AF. Sin vero diceres, ejusdem lineæ partes esse AB, AC, AD, AE, pro ut dividendo numerum duodenarium dicis, & simul putares, illas inter se additas, vi axiomatis, ad quod provocas, conficere totam lineam AF, vehementer & in Geometriam & in dictum axioma peccares, confundendo partes partium cum partibus totius, conjunctim eas spectando. Nam quando dicis AC esse partem, quæ est  $= AB+BC$ , sumis altera vice AB, quam antea dicebas esse partem lineæ AF, sumis ergo jam AB bis & BC semel. Iterum dum statuis lineæ AF partem esse  $AD=AB+BC+CD$ , sumisti AB ter, BC, bis, & CD semel. Denuo ubi dicis ejusdem lineæ AF partem esse

se  $AE = AB + BC + CD + DE$ , sumisti AB quater, BE ter, CD bis, DE semel. Quis vero unquam statuerit totum esse æquale omnibus suis partibus simul sumtis, una cum partibus partium bis, ter, quater &c. numeratis? Et quis unquam dixerit sequi hoc ex divisibilitate materiæ in infinitum, Geometricis munita argumentis, quæ sic in ipsa Mathesi falsitatis haud obscure argueretur? Nihil ergo, uti vides, valet tua objectio, utcunque speciosa, ad infringendas Geometrarum demonstrationes. Sed hæc obiter & in transcurso tantum, liquet vero nihil præsidii habere divisibilitatis infinitæ adversarios in distinctione inter partes actuales & possibiles.

## §. 683.

*Totius & partium omnium æqualitas.* Totum est æquale omnibus suis partibus simul sumtis. Quoniam idem est æquale sibi metipso (§. 523.); quod idem est cum partibus totius simul sumtis, id iisdem est æquale; sed totum est idem cum omnibus suis partibus simul sumtis (§. 672.). Ergo totum est æquale omnibus suis partibus simul sumtis.

Cavendum ne hæc confundas partes partium cum partibus totius, illæ enim additæ his, quæ illas etiam continent, non possunt non efficere summam toto majorem. Hoc modo 1. 2. 3. 4. 5. Singula sunt partes senarii numeri, simul tamen addita constituunt summam senario majorem, quia dum ad binarium

rium addo unitatem, quæ est pars binarii & in illo continetur, sumo eandem unitatem bis, semel seorsim, & semel in binario, ergo heic addo partem (1.) partis (2.) cum parte (2.) totius, in qua eadem pars partis præterea continetur. Idem evenit dum alias enumeratas partes addo. Sed hoc repugnat sensui memorati axiomatis, quod solum agit de partibus totius, non autem una de partibus partium. Clariora hæc evadent, dum ad mox dicta (§. 682.) de linea AF, ejusque partibus attendimus, quæ brevitate gratia heic repetere nolo.

## §. 684.

*Totum est majus qualibet sua par-* *Totius ad*  
*te.* Cujus pars alteri toti est æqualis, *partem*  
 id altero est majus (§. 677.), Sed quæ- *relatio.*  
 libet pars totius parti totius, h. e. sibi ipsi æ-  
 qualis est (§. 523.). Ergo totum qualibet sua  
 parte est majus.

Aliter quidem adhuc demonstrari potest hæc propositio, sed in re manifesta, & cuivis nota, non opus est prolixitate ulla. Id solum observo quosdam tam late hanc sumere regulam, ut sub illa comprehendant totum & integrale ratione quantitatis & essentielle ratione perfectionis, & universale ratione extensionis majoris totius præ partium; quia tamen majus et minus prædicari nequit de entibus nisi ratione quantitatis eorum (§. 678.), cum Metaphysicorum Accuratiores contendo præsentem regulam proprie valere de toto quantitate prædito, & ex partibus composito, quantitatem habentibus.

Quo etiam sensu in tota sumitur Mathesi & Physica, quibus disciplinis axiomatis loco jam diu inservit nostrum enunciatum.

Quamvis ergo canon hoc explicatus modo, sine omni exceptione sit verissimus, putant tamen nonnulli locum ei concedendum esse in Philosophia, non item in Theologia. *Afferunt enim scripturae sacrae Job. VI. 3. effato constare, Salvatorem ex quinque panibus & paucis piscibus fere quinque mille viros cibasse, & post cibationem duodecim corbes fragmentorum de panibus remansisse. Ubi fragmenta, tanquam partes, majora erant quinque panibus, ceu suo toto. Hinc ergo colligunt quoddam totum esse minus sua parte. Absit vero putemus dari aliquod in Philosophia verum, quod Theologia fallum pronunciaret, rex uno enim eodemque & ultimato fundamento, intellectui videlicet Divino, profluit utraque veritas & Theologica & Philosophica, sibi mutuo nunquam repugnans (§. 33.). Nulla ergo inter nostrum canonem, & miraculum a Salvatore patratum, vera est pugna, dissensus verus: Ad canonem enim intelligendum recte instituetur comparatio inter totum & partes. Non sane debet pars cum alieno toto, quo major illa esse potest, sed cum suo comparari. Quinque panes cum suis partibus spectantur, vel prout in se erant naturaliter ante benedictionem Divinam, vel prout post benedictionem divinam supra naturam & miraculose fuerant aucti. Duodecim igitur corbes fragmentorum non erant partes quinque panum, naturaliter spectatorum, sed miraculose auctorum, & hoc suo toto, ad quod tanquam partes pertinebant, erant*

ompi.

omnino minores, subtractis iis partibus, quibus refocillatus erat. populus: Illo autem toto, naturali scilicet, ad quod reliquiae istae miraculosae non sunt ut partes referendae, erant omnino majores. Nihil itaque damni ex hac instantia sentit noster canon, qui non dicit, quodvis totum esse maius qualibet totius alterius parte; sed quodvis totum esse majus qualibet NB. *sua* parte. Prius & in Theologia & in Philosophia absurdum est; posterius sine omni exceptione ubique manet verissimum.

Extensi in partes numero infinitas divisibilitatem, cujus perbrevis mox facta est mentio, repugnare huic axiomati putat *Hollmannus* in sua *Phys.* §. 31. *Quia quaelibet pars extensi, affirmata illa divisibilitate, etiam possideret partes numero infinitas, consequenter, quia infinito majus non datur, nec plures, nec pauciores concipere liceret partes in toto, quam in qualibet ejus parte, ideoque pars esset aequalis toti, quod vi praesentis axiomatis absurdum agnoscitur.* Sed nullam inter memoratum axioma & dictam cujusvis extensi divisibilitatem in partes numero infinitas reperire licet pugnam, quum aequalitas duorum extensorum non ex identitate numeri partium unice, sed simul ex magnitudine earundem dependet. Omnium circulorum peripheriae eundem tenent partium numerum, 360 gradibus exprimendum; nemo tamen ideo illas inter se statuerit aequales. De cetero docent Mathematici nihil involvere repugnantiae si statuatur dari unum infinitum altero infinito majus vel minus. Sed de hac re suo loco plura.

## §. 685.

*Augeri & im-  
minui quid?*

*Augeri* dicitur, quod homo-  
geneo adjecto majus efficitur.  
*Imminui* contra, quod homogeneo ablato mi-  
nus efficitur,

Sic si numero duodenario adjicitur senarius, ori-  
tur octodenarius, cujus pars est duodenarius, a-  
deoque ille hoc major, & duodenarius hoc mo-  
do auctus dicitur. Ex adverso, si ab eodem duo-  
denario, subtrahitur binarius, residuum *Dena-  
rius*, minus est duodenario, quo respectu hic  
jam imminutus censetur.

Quod vero & augmentum & imminutio semper  
instituantur per aliquod ei homogeneum, quod  
augendum & imminuendum est, liquet ex iis,  
quæ ad notiones majoris & minoris antea an-  
notavimus (§. 677.), ubi ostensum est non dici  
posse aliquod majus vel minus nisi in compa-  
ratione ad aliud ejusdem generis, seu notionis,  
h. e. ad aliud homogeneum, quare quum au-  
gendo fiat aliquod majus, & minuendo minus,  
in aprico positum arbitror augmenta & immi-  
nutiones institui non posse nisi per aliquod eis  
homogeneum, quæ augenda & imminuenda  
sunt. Multum habet hæc observatio momenti  
tum in aliis quæstionibus, in Metaphysica gra-  
vissimis, tum præcipue in controversia, quam  
cum Leibnitianis habemus de ortu composito-  
rum ex simplicibus, quod dato differendi de ea  
loco abunde patebit.

## §. 686.

*Indoles*

*Quicquid augeri potest & imminui*  
quan-



*quantitas est, & vicissim. Omnis quantitas. quantitas augeri potest & imminui. Quicquid augeri potest & imminui majus effici potest & minus (§. 685.). Majus autem & minus dici quid nequit nisi ratione quantitatis (§. 678.). Quicquid ergo augeri potest & imminui quantitas est. Q. E. U.*

*Vicissim. Numerus unitatum earundem multitudinem constituitur (§. 666.): Omnis autem multitudo ex pluribus vel paucioribus unitatibus major vel minor fieri potest (§. 665. 667.); omnis igitur numerus, & per consequens omnis quantitas (§. 671.), augmenti & decrementi est capax (§. 685.). Q. E. A.*

*Adeo certa est, quam heic demonstravi, quantitatis proprietas, ut multi Mathematicorum quantitatem in genere definituri, dicant eam esse id omne quod augeri potest & minui. Videtur quidem nonnunquam communis loquendi mos qualitatibus etiam decremента & incrementa adjicere. v. gr. cum dicitur Titii eruditionem crevisse vel decrevisse, sed sciendum hoc & simili casu non de qualitate ipsa, sed ejus gradu agi (conf. §. 678.).*

*Tandem ne quis putet quantitatem essentialem, de qua antea egimus, absolutamque essentialium immutabilitatem, incrementi & decrementi non capacem, inimicis, ut ajunt, cornibus cum quantitatis affectione, de qua hoc loco sermo nobis est, dimicare, attendat ad ea, quæ circa hanc eandem materiam antea; ad §. 477, excusamus. §. 687.*

*Impossibilitas  
quanti, nulli-  
us augmenti  
capacis.*

§. 687. Probe hinc intelligimus quan-  
tum sine omni ulterioris quantitatis  
compossibilis defectu, seu, quod idem  
est, quantum, quod adeo crevisse  
supponitur, ut absoluto sensu nullius augmenti  
sit capax, esse in se contradictorium & absolu-  
te impossibile quid. Si enim fingeres ejusmo-  
di quantum, augeri amplius nescium, esset  
illud ex tua hypothese quantum, & simul  
non esset, quia omne illud augeri potest quo-  
modocunque sumtum (§. 686.). Esse vero &  
non esse unius ejusdemque de uno eodem,  
que simul manifestam involvit contradictio-  
nem (§. 43.), ex ipsis, uti vides, internis hy-  
potheseos tuæ momentis deductam, quæ non  
potest non absolutam hypotheseos generare  
impossibilitatem (§. 128.).

Si placet, idem hoc argumentum alia do-  
nabo forma: Si verum est, est autem verissi-  
mum, omne quantum definiri posse per id,  
quod augeri potest & minui (§. 686.); tunc,  
quia definitio, ut Logica docet, essentiam de-  
finiti exprimit, vel saltem quod loco essentiae  
jure collocatur, repugnabit assumpta, de quan-  
to non amplius augendo hypothesis, quanti  
essentiae, & proinde absolute erit impossibilis  
(§. 326.).

Quod jam evici; percurrendo quantitatis tum  
discretæ tum continuæ indolem haud difficul-

ter





di principium directe incurrit (§. 53.). Est itaque absolute impossibile.

Hoc idem evidentissimis insuper evincitur Geometrarum demonstrationibus, quibus sine omni constat exceptione quamvis lineam, & quamvis in genere extensionem, utcunque minutam, tantum tamen adhuc habere numerum partium, ut nullo determinabili & assignabili exprimi ille possit, nec unquam ulla possibili divisione perveniatur ad indivisibile. Potest vero contra universalem, quam de omni quanto proposuimus, thesin in speciem obverti, *numerum esse quantum, sed si in suas unitates est resolutus, ulterius resolvi & imminui non posse.* x. Unitas non est numerus, quod ergo de hoc valet, non statim de illa est enunciandum. Deinde quia numerus unitate augetur & minuitur, erit illa toti suo homogenea (§. 685.), & per consequens ob hanc minimum relationem quanta. Quare & illa adhuc minui potest, non quidem per alias unitates, vel per numeros integros, sed per fractiones. Ita  $\frac{1}{2} + \frac{1}{4} + \frac{1}{8} + \frac{1}{16} + \frac{1}{32} + \frac{1}{64}$  &c. in infinitum  $= 1$ .  $\frac{1}{3} + \frac{1}{9} + \frac{1}{27} + \frac{1}{81}$  &c. in infinitum  $= \frac{1}{2}$ . Et sic porro, ut Arithmetica docet. Non ergo valet proposita objectio ad intringendam thesicos nostræ universitatem.

### §. 689.

*Equalitas ex equalium additione.* Si equalia equalibus adjiuntur, tota, quæ inde resultant, sunt equalia. Si  $A = B$ , &  $C = D$ , dico  $A + C = B + D$ . Est enim  $A + C = A + C$  (§. 523.). Sed  $A = B$ , &  $C = D$  (per hypoth.).

B er-

B ergo substitui potest in locum  $\tau\delta$  A, & D in locum  $\tau\delta$  C, salva quantitate (§. 522.). Facta igitur substitutione est  $A + C = B + D$ .

## §. 690.

Si ergo duo fuerint tota æqualia, habueritque unum eorum partem æqualem parti alterius, erit etiam altera pars unius, alteri alterius æqualis: totorum enim æqualitas ex æqualium partium additione resultat (§. 689.).

*Ex æqualitate totorum & partium unarum, pendet æqualitas reliquarum.*

## §. 691.

Si itaque, ab æqualibus æqualia auferantur, reliqua sunt æqualia. Sint duo tota  $A + B$ ,  $C + D$ , æqualia, & pars A æqualis parti C, erunt ergo partes alteræ, seu reliquæ B & D æquales (§. 690.).

*Æqualitas ex æqualium additione.*

Hæc aliæque his similia axiomatum loco Mathematicis habentur, quorum omnium uberiori explicationi ulterius non immoramur, pergentes ad alia, quæ in Metaphysicis nondum sunt evoluta, & majorem parere videntur difficultatem. Ceterum si quis plura Mathematicorum axiomata explicata & demonstrata desiderat, adire is potest Illustris *Wolffi* Ontol. Lat. ubi a §. 370 ad finem fere Capitis hanc materiam abunde pertractat.

## CAPUT VIII.

DE

## ORDINE ET VERITATE.

§. 692.

*Ratio  
ordinis.*

**S**olent quidem plures Metaphysicorum, veterum præsertim, explicatæ unitati Metaphysicæ statim subjungere doctrinam de unionem & communionem, quia tamen mihi proposita est Scientifica Metaphysicam tractandi methodus, nec etiamnum evoluta suppetunt principia, ex consideratione entis simplicis & compositi, substantiæ & accidentis, aliorumque agnatorum, unice deducenda, quibus plenior unionis & communionis innititur theoria, ipseque insuper existimem pertinere hanc theoriam potius ad partem Metaphysicæ alteram, quam ad primam, in qua adhuc versamur, & quæ in universalissimis entis affectionibus, condigna serie evolvendis est occupata; non possum non omiſſa illa theoria, suo postea loco exponenda, ordinis & veritatis, omnienti universaliter attribuenda, qualemcunque instituere expositionem, sequentibus in Metaphysica capitibus egregie inservituram.

§. 693.

## §. 693.

Similitudo obvia in modo, quo *Ordinis* plura juxta se invicem vel coëxistunt, *definitio.* vel se mutuo consequuntur, *Ordo* dici jam sive. Quem ad modum plura ista hoc modo coëxistentia, vel se mutuo excipientia, *Res ordinatæ* vocari solent.

Sic quando vel in collegiis videmus eorum Assessores confedere, vel etiam in publicis processionibus plures incedere homines, secundum modum; quem eorum postulat dignitas, in republica cuilibet eorum adsignata, eos ordine vel sedere vel ambulare, dicere solemus. Huc etiam exempli loco referas illam in Ecclesia ministrantium seriem 1. Cor. XII. 28. qua alios constituit Deus in Ecclesia primum Apostolos, deinde Prophetas, tum Doctores, & Potestates, deinde dona sanationum, opitulationes, Gubernationes, genera linguarum. Ordinis etiam exemplum nobis suppeditat Historia *Jacobi*, cum enim fratrem Esayum procul adventantem vidisset, juxta caritatis legem, qua suam amplexus est familiam, quo cariora ei erant pignora, eo remotiori illa ab Esavo collocavit loco, ut si præcedentia prostrasset Esavus, posterioribus elabendi daretur copia: Primo enim loco collocavit ancillas & natos illarum, deinde Leam & natos ejus, Tandem vero Rachelem & Josephum Gen. XXXIII. 2. 3. Gen. XXXII. 8. Hæc enim similitudo obvia erat in modo, quo se invicem insequabantur, qui familiam constituebant Jacobi.

In omni igitur ordine plura requirimus vel coë-

xistentia vel succedentia, quum de uno sine ulla ad aliud tacta relatione neque ordinem, neque confusionem dicere soleamus. Non tamen volumus inter plura ista reale semper dari debere discrimen, quale in exemplis, modo allatis, comparet, sufficit adesse distinctionem rationis, quæ locum habet inter plures unius ejusdemque rei inadæquatos conceptus (§. 448.). Posteriori hoc sensu in sequentibus dicemus inter prædicata entis essentialia & attributa, quæ re ipsa cum essentia entis identificantur (§. 454.), ordinem dari.

Distinctam ordinis notionem, quam Illustri Wolfio in ontol. §. 472. acceptam debemus, usui apud Philosophos recepto conformem esse ex *Matthiæ Martinii*, & *Rudolphi Gocclenii* ordinis definitionibus ipse demonstravit §. 488. Quibus addamus *Joh. Scharffium* L. 2. Metaph, Cap. I. p. 64. ubi ordinem ille definit *per congruam multorum dispositionem vel simul, vel secundum prius & posterius collocatorum* Cui consentiunt *Joh. Michaelius* in Lex. Phil. sub tit. *ordo*. & *Cbauvinius* in Lex. Phil. sub eodem tit. dicentes ordinem esse *parium dispariumque rerum dispositionem, sua cuique loca tribuentem*. Quando agnoscant hi Philosophi congruam esse debere multorum dispositionem, suæque cuilibet eorum adsignanda esse loca; indicant dari etiam dispositionem incongruam, in qua cuilibet suus non adsignatur locus. Dabitur itaque ratio sufficiens cur congrua potius quam incongrua sit dispositio, & cur suus potius, quam non suus cuilibet adsignetur locus (§. 88.). Ubi vero juxta eundem constantem modum facta est dispositio, & sin-

gu-

gulis sua assignata sunt loca, patet statim dispositionis ratio. Non ergo in alio differt puncto Wolfiana ordinis definitio a definitione, quam Scharffius & reliqui citati auctores adhibent, quam quod illa hac sit clarior & distinctior, ipsum ordinis fundamentum statim indicans.

## §. 694.

Quoniam similitudo, posita in *Ratio, seu* modo, quo plura juxta se collocantur, *fundamentum ordinis.* vel se mutuo insequuntur, ordo recte habetur (§. præc.); ubicunque plura convenienti, seu, simili modo vel juxta se disponuntur, vel se invicem insequuntur, ibi ordinem adesse agnoscimus, ut adeo pateat ex modo, quo loca singulorum in ordine determinantur, intelligi, cur hoc loco & non alio quodvis ponatur. Quare in modo isto continetur ratio cur plura hanc & non aliam, vel in coëxistentia, vel in consecutione habeant dispositionem (§. 82.).

Ex. gr. Si in convivio mensæ assident homines, ita, ut ei, qui majorem in republica tenet dignitatis gradum, prior, ei autem, qui illum dignitate proxime excipit, posterior tribuatur locus, intelligimus cur Titio hic potius quam alius cesserit locus, rationem dispositionis ex memorato desumentes modo.

## §. 695.

Id, quod in se continet ratio- *Regule ordinis definitio.*  
nem, cur cuilibet plurium hic & non  
E e 2

non alius adsignetur locus, *Regula ordinis* dicitur, seu, Regula est ratio, secundum quam cuilibet plurium determinatus adsignatur locus.

Sic in allato exemplo regula hæc est: *Personæ sunt collocandæ secundum dignitatem, quam in civitate habent.* Hinc enim rationem desumimus adsignandi cuilibet personæ convenientem locum. Qui dicunt Regulam esse id, in quo plura conveniunt, seu, id, cui varia attemperanda veniunt, re ipsa eandem nobiscum tuentur sententiam: Id enim, in quo varia conveniunt, vel cui varia attemperanda veniunt, non potest non convenientiæ continere rationem, ad quam, quia nihil sine ratione sufficiente esse debet, varia ista sunt attemperanda.

§. 696.

*Regulæ in ordine necessitas.* In omni igitur ordine datur aliqua ejus regula. Est enim ordo similitudo, obvia in modo, quo plura juxta se invicem vel coexistunt, vel consequuntur (§. 693.). Sed in modo isto continetur ratio, secundum quam cuilibet plurium determinatus adsignatur locus (§. 694.). Hæcque ratio regula adpellatur (§. 695.) Datur ergo in omni ordine regula.

Quot sunt exempla ordinis, tot etiam dantur luculentissima hujus adsertionis specimina. Ordine dicimus *Euclidem* sua conscripsisse elementa, quia ubique hanc observat regulam: *Premittenda sunt, quæ sequentibus intelligendis & demonstrandis inserviunt.* Ordine in publicis processio-

nibus



nibus incedunt homines, si regulam, ex dignitate eorum desumptam, observant. Ordine in Academiis disputatur, si opponens & respondens per vices suam distincte pronunciant sententiam, nec plurium opponentium simultanea voce obtunduntur respondentis aures. Verbo, ordine quicquid est, quicquid fit, & quicquid agitur, semper habet unde dijudicetur, regulam.

## §. 697.

*Quem ad modum ergo ex co-* *Modus de or-*  
*gnita ordinis regula, illum intelli-* *dine iudicandi.*  
*gere & dijudicare possumus, sic eadem igno-*  
*rata nullum de ordine ferre valemus iudicium.*

In quolibet enim ordine certa datur regula, (§. 696.), quæ ratione absolvitur, juxta quam cuilibet plurium determinatus adsignatur locus (§. 695.). Regula ergo est, unde intelligimus cur plura hanc & non aliam vel in coëxistentia, vel in successione habeant dispositionem (§. 82.), an, per consequens, & cur inter se observent ordinem. Quam ob rem, quia oppositorum opposita est ratio (§. 427.), ignorata ordinis regula, latet dispositionis ratio, neque intelligitur cur plura hoc modo & non alio sint disposita. Ignotus ergo est ipse ordo.

Ex: gr. Qui ignorat regulam, quam secutus est *Euclides* in elementis suis componendis, nullum de eorum ordine ferre potest iudicium, nescitque an syntheticam, an analyticam teneant methodum? justa ne an injusta exarata sint lo-

ge? Qui vero regulam habet sibi perspectam ad hæc aliave ejus generis distincte respondere valet.

§. 698.

*Ordo quando necessarius & quando contingens.* Ordo, qui salva rerum ordinarum essentia alius, quam est, esse nequit, est absolute necessarius, qui vero salva rerum ordinarum essentia alius, quam est, esse potest; Contingens est. Sunt essentia rerum absolute necessariae (§. 609.), omnisque, quæ rebus tribui potest, absolutæ necessitatis fundamentum (§. 622.). Ordo igitur, si salva rerum ordinarum essentia alius, quam est, esse nequit, est absolute necessarius. Si vero ex essentia rerum ordinarum non profluit, absolutæ necessitati non datur locus (§. 622.). Contingens ergo est (§. 591.), qui hoc modo generatur ordo.

Ex. gr. Ordo quatuor rectarum in quadrato exinde dependet, quod quatuor angulos rectos includant. Est vero hoc omni quadrato essentialle. Quare etiam ordo quatuor rectarum in quadrato est absolute necessarius & immutabilis. Eodem modo variæ dantur series Algebraicæ, in quibus cuilibet seriei termino adsignatur locus, qui serie salva, alius esse nequit. Cuilibet ergo seriei absolute necessarium competeret terminorum ordinem recte contendunt Mathematici. Contingentes e contra sunt ordines, quorum plura in præcedentibus mox attulimus exempla. Sic contingenter ordinavit familiam suam

suam *Jacobus* Gen. XXXIII. Nam non ex essentia rerum ordinarum dependebat, quod primum occuparent ancillæ locum, secundus Lex assignaretur, & tertio demum poneretur Rachel. Contingenter etiam assident mensæ in publico convivio plures homines, quum spectati ut homines, prout scilicet in statu degunt naturali, quo unus alterum dignitate non superat, longo alium & diversum inter se observare possent ordinem, quam quem ratione dignitatis, in statu civili contingenter institutæ, jam tenent. Est ergo ordo hominum, secundum dignitatis legem, mensæ assidentium, contingens. Firmissimo itaque fundamento innititur distinctio ordinis in necessarium & contingentem, quam tamen quidam figmentorum numero annumerare non verentur, putantes cum *Büttnero* in *Cursu Phil.* §. 33. Ontol. *Omnem ordinem habere suas regulas, & ideo esse relationem, seu, cogitationem, nullumque proinde sine cogitante dari, ordinem igitur necessarium, qui aliter esse non potest, figmentum esse.* Sed nulla huic argumento inest concludendi vis, saltumque contra Logicorum præcepta committit manifestum. Urgemus omnem ordinem habere suas regulas, & ad has involvere relationem, largimur quoque nullum dari sine cogitante ordinem, sive necessarium, sive contingentem; sed quo quæso argumento inde inferat opponens: Ergo nullus ordo est necessarius. Nemo nescit possibilitates rerum involvere relationem ad cogitantem, ultimato scilicet ad intellectum Divinum, sed quis inde, nisi Poiretianismo absurdissime favens, deducat nullas dari possibilitates

*Solvitur  
Obiectio.*

absolute necessarias? Plura responsionis loco non addo, quum si quod aliud, certe opponentis opinio figmentis sit annumeranda.

*Usus distinctionis.* Ex pulcherrimo rerum in hac universitate ordine & artificiosa mundi corporumque mundanorum structura, peti solent argumenta pro existentia Dei demonstranda. Sed quamvis quilibet attentior naturæ scrutator, siue immensam rerum varietatem, pulcherrima harmonia consentientem, si bique mutuo subservientem, inspiciat, siue magnitudinem corporum totalium, quibus componitur mundus, mundique ipsius nimiam magnitudinem, & imaginationis vires longe superantem in partialibus subtilitatem animo reputet, siue constantissimas simul ac sapientissimas motuum leges consideret, siue eximiam utilitatem, quam ex diligentiori rerum naturalium inspectione, & certiori hinc ad usus suos adplicatione indies hauriunt homines, perlustret, non possit non ad perfectionum Divinarum admirationem excitari, & simul confiteri, hæc omnia & singula, maxima & minutissima, Potentissimum, Sapientissimum & Optimum arguere Artificem; Quia tamen, uti jam evicimus, duplex datur ordo, necessarius & contingens, pessimaque atheistarum gens ordini, qui in mundo est, cum ipso mundo absolutam attribuit necessitatem, non prius confutabuntur sceleratissimi homines quam evidenter demonstrata fuerit hujus ordinis contingentia, qua præstructa legitimum evadit argumentum, quod ab ordine ad ordinantem procedit,

## §. 699.

*Si regulæ ordinis salva rerum ordinatarum essentia aliæ esse nequeunt, ordo absolute necessarius est: si autem essentia salva aliæ esse possunt, contingens est ordo.*

*Quando ex regula ordinis de illius necessitate & contingentia judicare licet.*

Nam si regulæ aliæ esse nequeunt, salva rerum ordinatarum essentia, sunt ratione essentia earundem rerum immutabiles (§. 593.), & per consequens absolute immutabiles (§. 610.), & necessariae (§. 598.). Quia vero per regulas cuilibet plurium in ordine suis determinatus adsignatur locus (§. 695.), absolute necessarius est, tum cuilibet plurium coordinatorum adsignatus locus, tum etiam per consequens hinc emergens ordo (§. 693.).

Q. E. U.

Quod si regulæ salva rerum ordinatarum essentia aliæ esse possunt, rei unicuique ordinatæ alius, quam quem obtinet, adsignari potest locus (§. 695.), consequenter ipse ordo alius esse potest, quam est (§. 693.), in contingentibus ideo referendus (§. 590.). Q. E. A.

Exempla mox adducta ad §. præc. huic etiam propositioni illustrandæ inserviunt.

## §. 700.

Quoniam in quolibet ordine datur regula (§. 696.), cujus intuitu cuilibet plurium determinatus ad-

*Diviso ordinis in simplicem &*

E e 5

signa-

*compositum.* signatur locus (§. 695.), ipseque, per consequens, ordo constituitur; ubi plures dantur regulæ, simul observandæ, exsurgit aliqua in ordine compositio, quæ ex una simplici non derivabitur regula. Fundamentum hinc habemus distinguendi inter ordinem *Simplicem* & *Compositum*. Ille est, ubi una tantum adest ordinis regula. Hic vero locum habet, ubi plures adsunt ordinis regulæ, simul observandæ.

Ex. gr. In Bibliotheca ordinanda ubi collocantur libri solum ratione externæ formæ & magnitudinis voluminum, una adest regula, & simplex inde exsurgit ordo. Ubi vero in libris collocandis ad plures una respicimus regulas, nimirum quod 1:o) ratione externæ formæ sint disponendi, sed ita ut 2:do) qui de eadem tractant materia eodem ponantur loco, 3:o) in eadem lingua conscripti inter se sint conjungendi, 4:o) qui prius lucem adspexere publicam priori ponantur loco, ubi, inquam, ad has una respicimus regulas, ordo librorum exsurgit compositus.

### §. 701.

*Indoles regularum in ordine compositæ.*

*Plures regulæ in ordine compositæ, simul observandæ, sibi mutuo contrariari nequeunt, nec ulla earum per alteram determinari debet.* Si enim sibi mutuo contrariarentur, quia contraria simul inesse nequeunt (§. 424.), simul in ordine observari non possent. Sunt

tamen simul observandæ (per hypoth.). Sibi ergo mutuo contrariari nequeunt. Q. E. U.  
 Ponamus regulam B determinari per regulam A, est ergo A determinans, B determinatum (§. 195.), consequenter posita regula A, ponitur statim regula B (§. 196.). Ponamus ulterius aliquod C in ordine composito determinari ex regula B, quare eodem modo liquet posito B, poni C, sed posita regula A, ponebatur B. Ergo posita regula A, ponitur idem C. Sufficit itaque regula A determinationi C, quare regula B, superflua est & sine ratione sufficiente, sine qua tamen nihil est admittendum (§. 88.). Regularum ergo, in ordine composito simul observandarum, ea esse debet indoles, ut una earum per alteram non determinetur.

Ex. gr. Ponamus libros Gallicos involucra habere Gallica, & præter regulam, quæ jubet ponere libros in eodem repositoio, qui eadem conscripti sunt lingua, simul observandam esse aliam regulam, quæ postulat ut libros, qui eadem habent involucra, eodem collocentur loco: Superflua est hæc posterior regula, quum quicquid ex hac sequitur, posita priori æque determinetur.

Cum ex certis regulis sua problemata solvunt Mathematici, Sollicite cavent, ne cumulent regulas, quarum una per alteram determinatur. Sic in describendo circa datum circulum quadrato, jubet *Euclides* Prop. VII. El. IV, duos

du-

ducendos esse diametros, perpendiculariter se mutuo secantes, & ad horum extrema tangentes esse ducendos. Non vero simul exigit tangentes debere æquales constitui & sibi mutuo debere ad angulos rectos insistere, quum hæc ex binis prioribus propositis regulis statim & sua quasi sponte determinentur. Idem indicant aliorum problematum resolutiones, quarum uberrimam ex Mathematicis habemus copiam.

§. 702.

*Defectus* Determinatio regulæ contraria *definitur*, dicitur *defectus*, in ea nimirum re, in qua determinatio locum habet.

Ex, gr. Si secundum gradus dignitatis ordinandæ sunt personæ, in publico sedentes convivio, & tamen deprehenduntur aliquot personæ majoris dignitatis, collocatæ infra alias, minori honoris gradu gaudentes; adest in illo ordine determinatio regulæ contraria, quam defectum vel nævum adpellare solemus.

§. 703.

*Quando in ordine datur locus alicui adsignatur, quem vi re-*  
*defectus.* *Si igitur inter res ordinandas regulæ ordinis obtinere nequit; defectu aliquo laborat ille ordo.* Hoc enim in casu adest determinatio, regulæ ordinis contraria, quæ defectus nomine venit (§. præc.).

Pertinet huc exemplum, mox allatum.

§. 704.

*Confusionis definitio.* Ordini opponitur *Confusio*, quæ itaque est dissimilitudo obvia in modo,



do, quo res juxta se invicem collocantur, vel se invicem consequuntur.

Aptiori, sine dubio, utimur in lingua vernacula vocabulo: *Ordering* ad denotandum ordinis oppositum, quum vocabulum Latinum: *Confusio*, Logico sumtum sensu, nullam inferat dissimilitudinem in modo, quo res ipsæ juxta se invicem coëxistunt, sed nostram solum impotentiam distinguendi notas rei characteristicas a se mutuo. Retinemus tamen hoc loco usitatum confusionis vocabulum, non Logico sed Metaphysico acceptum sensu, quo apud omnes denotare solet ordinis permutationem, vel perturbationem, quam etiam voces istæ: *præposterus* *ὑστερον προτερον* exprimere solent. Et hoc sensu in regione tenebrarum, sive sepulchro non sunt ordines Job. X. 22, quippe omnia ibi luxata, & soluta, nullo personarum & dignitatum discrimine relicto. In republica, Ecclesia, familia, aliisque Societatibus dantur certæ regulæ, quibus actiones suas conformare debent singula consociata membra, ubi vero regulæ secus habentur, horribilis inde fit confusio;

Veluti magno in populo, cum sæpe coorta est Seditio, sævitque animis ignobile vulgus.

Cujus exempla sunt Act. XIX. 29. 32. XXI. 31. præter ea, quæ quotidie, cheu! recurrunt. Eam in ecclesia, si ullibi nocentissimam, evitare, & contra, omnia decenter & secundum ordinem instituere jubet Apostolus 1 Cor. XIV. 40.

§. 705.

Quia itaque in confusione adest *Confusio*  
dis.

*nis affe-* dissimilitudo in modo, quo cuilibet  
*Etio.* plurium determinatus adsignatur lo-  
 cus, includit vero modus iste, dum in ordi-  
 ne datur, rationem determinationis (§. 694.);  
 in confusione adest dissimilitudo rationis in  
 determinandis plurium locis, & per conse-  
 quens adest dissimilitudo regularum (§. 695.).  
 Eadem igitur regula constans, siue simplex,  
 siue composita illa fuerit in confusione non  
 datur (§. 491.). Vicissim ubi non datur eadem  
 constans regula, ad quam determinatio pluri-  
 um exigatur, vel qua eorum coëxistentiam,  
 vel qua eorum successionem, ibi eodem mo-  
 do singulorum loca non determinantur. Ibi  
 ergo confusio regnat (§. 704.).

## §. 706.

*In contingente* Si res contingenter juxta se  
*ordine, alio re-* invicem disponuntur, potest respe-  
*spectu potest es-* Etu regula, secundum quam di-  
*se confusio, a-* sponuntur adesse ordo, respectu  
*lio, ordo.* autem alterius regulae, quam illa  
*dispositio non observat, observare tamen potest,*  
*confusio locum invenit.* Si enim contingenter  
 juxta se invicem disponuntur res, contingens  
 inde exsurgit ordo (§. 698.), in quo salva re-  
 rum ordinarum essentia aliae esse possunt re-  
 gulae (§. 699.). Si ergo secundum dispositio-  
 nis suae regulam res istae spectantur, quia in  
 omni ordine regula adest (§. 696.), nulla ve-  
 ro in confusione, qua tali (§. 705.); res istae  
 si.

simili inter se disponuntur modo, qui ordinem generat (§. 693.). Ubi vero secundum regulam quam non observant, observare tamen possunt, considerantur, in dispositione ista locus non datur illi regulæ. Hujus igitur intuitu est inter res istas confusio (§. 705.).

Ex gr. Nemo ignorat libros in bibliotheca contingenter disponi, quare si ordinati sunt et juxta se invicem collocati, secundum materiam, quam tractant, sive majori, sive minori alioqui conspiciantur externa forma; ordo in illis hoc respectuprehenditur. Alius autem accedens, & ad hanc non attendens regulam, librorum vero desiderans dispositionem juxta magnitudinem externæ formæ, adesse in bibliotheca confusionem dicet, quam tamen alius, juxta priorem judicans regulam inde removebit.

### §. 707.

*Omne ens habet ordinem eo- Ordo prædica-  
rum, quæ ei conveniunt, nec ullum torum in ente.  
ens confusione eorundem laborare potest. O-  
mnia, quæ enti insunt prædicata vel inter es-  
sentialia, vel attributa, vel accidentia locum  
habent (§. 372.). Ipsa essentialia absolvuntur  
prædicatis sibi mutuo non repugnantibus,  
quorum unum non determinatur ex altero;  
neque ex alio priori in ipso ente (§. 320.), cui-  
libet ergo essentialium ideo suus assignatur  
locus, quia aliter determinatus contradictioni  
daretur locus, qui tamen per principium con-  
tra-*

tradictionis dari nequit. Per idem ergo hoc principium determinantur entis essentialia (§. 194.), ita ut cuilibet essentialium per idem hoc principium, h. e. eodem, seu, simili modo suus determinatus competat locus, seu, inter se coëxistant. Datur itaque inter ipsa essentialia entis ordo (§. 693). Attributa per essentialia entis unice determinantur (§. 340.), & re ipsa cum essentialibus identificantur (§. 454.). Per idem ergo cum essentialibus determinantur attributa principium, & per consequens, eodem modo cum inter se, tum cum essentialibus coordinantur (§. 693.) Ipsa vero accidentia quæ *possibilitatem*, aut unice per essentialia entis determinantur (§. 377.), & sic eodem cum attributis modo ordinem cum essentialibus tenent (per dem.), aut simul per accidentia quædam præcedanea resque alias externas intelliguntur (§. 377.); quæ *inexistentiam* enti contingenter inlunt (§. 616.), & proinde ex eodem principio rationis sufficientis determinantur (§. 95.). Nihil itaque concipi potest in ente quocunque, quod non determinetur per principium contradictionis & rationis sufficientis, & vi hujus determinationis unicuique prædicatorum entis suus assignetur locus. Omne ergo ens habet ordinem eorum, quæ ei conveniunt (§. 693.).

Porro. Si daretur in ente confusio eorum, quæ ei conveniunt, per easdem regulas,

las, seu, per eadem constantia principia non determinarentur (§. 705.). Sed omnia, quæ enti competunt prædicata per eadem principia, contradictionis nimirum & rationis sufficientis, constanter determinantur (per dem.). Nul- la ergo datur confusio eorum, quæ enti con- veniunt.

*Putas tamen fortassis adesse in ente composito confusio- nis exempla, qualia mox (§. 704.) allegavimus, & proinde aliquod minimum ens, saltem quæ coexistentiam laborare confusione eorum, quæ ei si non essen- tialiter, accidentaliter tamen conveniunt. Sed icias ejusmodi, quæ allegari possunt, confusionis e- xempla agere de plurium rerum coexistentia, vel successione contingenti; atque ideo fateor inter res istas, si dispositio earum, juxta re- gulam, quam non observant, observare tamen possunt et debent, dijudicatur, dari confusio- nem, non absolutam, de qua hoc agitur loco, sed relativam tantum. Non ergo omnem re- movet ordinem, ubi coexistentia, vel succes- sio istarum rerum secundum regulam, quæ in illis locum habet, æstimatur: sunt enim res i- stæ, ad quas in exemplis provocatur, contin- gentes, contingenterque inter se collocantur. Aliam ergo & aliam admittere possunt disposi- tionem (§. 590.). Dabitur itaque ratio sufficiens, cur hanc determinatam inter se teneant disposi- tionem & non aliam (§. 95.). Per consequens, si vel maxime omnia particularia heic exularent principia, adest tamen principium rationis suffi- cientis, quod vel objective, vel subjective intelle-*

Etum, non potest non in plurium istarum rerum observari coëxistentia, vel successione. Absolutam itaque confusionem, quam præsentī propositione a rebus removendam esse evicimus, nulla probare possunt exempla, sed relativam tantum, quam dari, sine ullo tamen nostræ assertionis detrimento, non coacti largimur.

§. 708.

*Ordinis ultimata fundamenta.*

Quoniam, vi demonstrationis præcedentis (§. 707.), positīs principiis, contradictionis & rationis sufficientis, ponitur ordo eorum, quæ enti conveniunt, iisdem vero sublatīs, tollitur; *Omnis, qui inter res, earumque prædicata obtinet, ordo, ex his principiis ultimato profluit & determinatur (§. ).*

Dixi: *ultimato*, non negans dari in hoc vel illo particulari ordine particularia principia, unde proxime dijudicetur, quæ tamen omnia & singula, quia res ipsæ, in ordinem vel redactæ, vel redigendæ, sunt vel necessariæ vel contingentes (§. 591.), tandem & ultimato resolvuntur in principia Contradictionis & rationis sufficientis (§. 122.).

Hinc est quod in somnio, non subjective accepto, quo sensu constantem sequitur imaginationis legem, sed objective, pro rebus somnio visis, sumato nullum dari ordinem dicamus: omnia enim heic fiunt sine ratione sufficiente, & contradictoriis datur locus. Saltamus in somnio ex horto v. gr. in cathedram Academicam sine cursu intermedio, vegetabilium ibi naturam audi-

auditoribus evolvere nobis videntes, mox, immo simul, Metaphysicam. Relicta cathedra in America versari nobis videmur, illucque sine navigiis & sine itinere intermedio pervenisse, mox per aerem instar avium volantes in patriam nos redire somniamus. Hæc & alia ejus generis licet admodum vivide in somniis repræsententur, expergefacti tamen vana & irrita esse facile sentimus, convicti nihil existere vel existere posse, in quo neglectis, quæ laudavimus, principiis, absoluta regnat confusio.

## §. 709.

*Ordo, qui ex principio contradictionis unice determinatur, est absolute necessarius, qui vero ex principio rationis sufficientis, præcise sumto, profluit, contingens est.* *Ordinis necessarii & contingentis Principia.* Est enim principium contradictionis absolute necessarium (§. 60.), ex quo, nisi quod necessarium, determinari nequit (§. 61.). Ordo igitur, qui ex hoc determinatur principio, non potest non esse, necessarius, & quidem absolute talis (§. 596.), quia ex principio contradictionis unice determinatur, proindeque aliter positus in se involvit contradictionem. Q. E. U.

Licet ratio sufficiens tam ad necessarium, quam ad contingens extendatur (§. 89.), quia tamen quod ex principio rationis sufficientis, præcise sumto, determinatur, non necessarium, sed contingens est (§. 122.); ordo, ex

hoc principio profluens, eidem contingentium classi est accensendus.

Essentiarum, quas habent res ordinandæ absolutam necessitatem ex intrinsecæ earundem possibilitatis absoluta necessitate dependere antea vidimus (§. 609.): Absolutam vero necessitatem intrinsecæ possibilitati ideo adjudicandam esse liquet, quia ejus oppositum: *intrinsece impossibile*. Salvo principio contradictionis de intrinseca statui nequit possibilitate. Essentiarum itaque absolutæ necessitatis fundamentum est principium contradictionis. Consequenter ordo ex principio contradictionis determinatus, simul ex essentiis rerum ordinarum profluit, & proinde non potest non ejusdem esse cum essentiis ipsis necessitatis. Longe vero alia est ordinis indoles, qui ex principio rationis sufficientis determinatur, nunquam is ex essentiis rerum ordinarum pendere potest, nam si penderet, coincideret cum ordine, ex principio contradictionis determinato (per demonstr.), ipsumque adeo rationis sufficientis principium a principio contradictionis non differret, eademque & ex hoc & ex illo prodiret absoluta necessitas, quæ tamen absurda esse omnes ultro largiuntur, & ex iis, quæ de indole principii contradictionis antea evicimus, abunde claret. Vi ergo oppositorum jure statuimus ordinem, ex principio rationis sufficientis determinatum, esse contingentem.

§. 710.

*Veritatis Veritatem* in genere collocamus  
in



in ordine eorum, quæ enti conveniunt. Atque hinc Ens dicitur *Verum*, definitio, quod ordinem habet eorum, quæ ei conveniunt.

Non explicamus heic veritatem, prout vel in oratione, vel in mente consideratur, quo sensu vel moralis, vel Logica dici solet, sed prout cuilibet rei, in se & absolute spectatæ, competit, & Metaphysica audit, absolutissimo, ut ita loquar, sensu omni adtribuenda enti. Hujus formalem, uti ajunt, rationem constituimus in ordine eorum, quæ enti competunt, certi remoto prædicatorum, quibus gaudet ens, ordine, ipsam ejus veritatem simul removeri. Sic ubi aliquod metallum non habet ordinem eorum prædicatorum, quibus constituitur aurum, nequit id verum esse aurum. Idem in aliis obtinet exemplis.

Variæ quidem a variis tradi solent veritatis Metaphysicæ explicationes, quæ tamen, remota, quam quidem inter veritatem Metaphysicam & Logicam committunt, confusione, modo distincte evolvantur cum nostra amicissime conspirant. Quidam Thomistarum dicunt veritatem Transcendentalem denotare *quandam proprietatem realem absolutam, & ratione distinctam ab ente*. Quamvis hæc veritatis notio non determinet, quæ proprietas veritatis nomine sit denotanda, quum unitas etiam sit absoluta & realis entis proprietas; quatenus tamen suam hanc explicaturi notionem dicunt, illa proprietate excludi debere fictum & apparens, seu, mere imaginarium, quale in somniis locum habet, ea-

tenus, quum fictum sit quod repugnantia laborat (§. 277.), & ordine per consequens destituitur (§. 708.), quum in somniis quoque mera regnet confusio (§. cit.); liquet proprietatem illam ejus debere esse indolis, quæ confusio-  
 opponatur, & proinde non posse non in ordine prædicatorum entis consistere. Jure itaque tue-  
 mur confusam Thomistarum veritatis notionem, distincte evolutam, nostræ convenire. Simili  
 patescit argumentatione *Areolum* apud *Capreolum* in 1. Dist. 13. q. 3. & *Derodonem* declarantes  
 veritatem per negationem fictionis & apparen-  
 tiæ, nihil innuere aliud, quam veritatem con-  
 sistere in negatione confusionis eorum, quæ  
 enti conveniunt, h. e. in eorundem ordine. Ne-  
 que a nobis dissentiant cum *Svarezio* Disp. Met.  
 VIII. S. 7. N. 24. 27. dicentes veritatem tran-  
 scendentalem intrinsece involvere entitatem  
 realem ipsius rei, quæ vera denominatur, vi  
 cujus, intrinsecæ scilicet entitatis apta nata est  
 res facere de se veram æstimationem, quomo-  
 do omne ens intelligibile dicitur, sive sit prin-  
 cipium cognitionis, sive terminus; Vel cum  
*Hebenstreitio* p. 495. Phil. Pr. Veritatem esse i-  
 psam rei essentiam, quatenus veram sui cogni-  
 tionem terminare apta est. Non dissentiant, in-  
 quam, ordo enim eorum, quæ enti conveniunt,  
 h. e. determinationum rei intrinsecarum (§.  
 201.), non extrinsecam, sed intrinsecam rei in-  
 volvit entitatem, seu, realitatem, ipsamque rei  
 fundat intelligibilitatem absolutam, quatenus  
 non aliunde, quam ex ultimis cognoscendi prin-  
 cipiis, contradictionis scilicet & rationis suffi-  
 cientis (§. 708. conf. §. ) determinatur. Neque

tan-

tandem nobis repugnant, qui cum *Scharffio* in Met. Exempl. L. II. cap. 2. p. 67. & *Rudrauffio* in Metaph. Errante p. 13. aliisque dicunt verum esse id, quod habet essentiam sibi debitam, suæque naturæ competentem, vel qui cum *Welthemio* in Instit. Metaph. p. 1687. contendunt verum vocari ens, quia ea habet, quæ requiruntur ad ens. Ubicunque enim adest ordo eorum, quæ enti conveniunt, ibi etiam ex principiis contradictionis & rationis sufficientis præsto est determinatio eorum, quæ ad ens requiruntur, vel quæ enti inesse debent (§. 708.).

Dicit *Aristoteles* L. VI. Metaph. t. 8. veritatem non esse in rebus, sed *ἐν διαβολᾷ*, quod interpretes, *in mente* reddunt, Libr. de Interpret. t. 5. ait in anima interdum esse *νόημα* h. e. conceptum vel intelligentiam, cui necessum sit verum vel falsum subesse. Quare secundum *Aristotelem* definienda esset veritas per conformitatem intellectus cum re. Nulla ergo nisi in præsentando daretur veritas, & res ipsæ essent veræ per extrinsecam denominationem, petitam a veritate, prout est in intellectu. Sed hæc explicatio veritatis, etsi *Musæo*, cap. XXXV. Metaph. probetur, non tamen est hujus loci, sed ad Logicam pertinet, in qua veritas recte explicatur per conformitatem intellectus cum re. In Metaphysicis vero quæritur, quam indolem habeat res, ut intellectui possit esse conformis. Certe si nulla rebus ipsis inesset veritas, nec ulla daretur veritas Logica, quod mox ostensurus sum pluribus. Neque sibi ipsi & suæ hypothesei consentit *Musæus*, quando contra *Fonssecam* Disputaturus, ait c. 1. *Ponamus ita-*

*que per impossibile nullum esse intellectum in rerum natura, aut dato aliquo intellectu, nullam ejus dari hoc vel illo tempore operationem; res tamen omnis est vera res sui generis, vel, speciei, quod quamdiu talis res est, apta manet fundare veram sui cognitionem. V. gr. aurum Ungaricum est verum aurum, etsi feceris, nullum dari intellectum, qui aurum esse cognoscat. Concedit ergo Musæus dari veritatem, rebus ipsis insitam, qua aptæ sunt ad formandam sui ideam in intellectu. Sed hæc ipsa veritas consistit in ordine eorum, quæ enti conveniunt, posito enim hoc ordine, ponitur, ut mox evici, rei intelligibilitas, seu, aptitudo ad sui in intellectu excitandam ideam. Nihil itaque detrimenti hætenus cepit nostra veritatis definitio, modo veritatis Logicæ cum Metaphysica evitetur confusio, quæ a Scholasticis aliisque pluribus commissa in causa est, cur tam multis in scriptis suis Metaphysicis de veritate in prima & secunda mentis operationibus, & ejusmodi aliis disputent; quum tamen hæc non ad Metaphysices, sed ad Logices pertineant forum.*

*Alii confusionem veritatis Logicæ & Metaphysicæ, prout putant, evitaturi, contendunt veritatem, quam Loquimur, Metaphysicam non consistere in conformitate intellectus, sed, inversim potius in congruentia rei cum intellectu, seu, cum sua idea, quam de ea format intellectus. Est hæc opinio multorum præsertim vero Claubergii in Ontosph. §. 153. Svicerus in Not. ad l. c. monet, veritatem recte statui in convenientia rei cum sua idea, non quod res ab ideis nostris veritatem suam trahant, sed quia naturam suam in*  
ideis

ideis nostris, tanquam in ὁμοιώματι, similitudine, imagine & pictura exhibent. Aliam vero longe esse idearum Dei de rebus, a se diversis, illas quippe veritati rerum figere suum ὅρον limitem & modum, ut in illis sit ὁρισμός & προορισμός definitio & prædefinitio, & veræ ideo sint res, quia tales sunt, quales Deus illas ab æterno, volendo futuras intellexit. Sed, quia fatente Svicero veritas rerum ab ideis nostris non dependet, quæro unde mens hausit ideam, cui conformanda est res, ut sit vera? si ex rebus ipsis, tunc rebus inerit fundamentum illius conformitatis, & dabitur veritas rebus insita, absque ulla ad mentem relatione, prout mox audivimus Musæum recte differentem. Si vero non ex rebus ipsis, ergo, quia removetur mentem de se ipsa formare veritates, ab externo originem trahent principio, quod aliud, quam ipse Deus esse nequit. Qui, secundum sententiam Sviceri, pro arbitrio, impressit menti rerum ideas. Taceo ex hac Philosophia sequi, quod olim existimavit Plato, & quod Cartesio etiam gravissimi adtribuunt auctores, omnes nimirum, quas habet & habere potest mens ideas, esse innatas, nullas vero acquisitas, & proinde rerum in mundo materiali veritatem non aliunde, quam ex ideis innatis esse metiendam. Taceo, inquam, hoc, a quo non abhorret Claubergius, indefessus Cartesii sectator, & quod ad Psychologiam potius quam Metaphysicam pertinet. Potius urgeo quod gravissimum est, & antea demonstratis repugnat, arbitrarias fore omnes veritates, liberrimæque voluntati Divinæ subjectas. Absurdam autem esse hanc sententiam mecum fatebuntur omnes,

qui de absoluta essentiarum necessitate & immutabilitate (§. 609. 610.) animum habent convictissimum. Absurdum ergo est, quod de origine veritatis ex Claubergio tradit Svicerus. His accedit definitionem, quam tradit Claubergius, veritatis cum præceptis pugnare Logicis & re ipsa esse nullam: Dicit enim l. c. Veritatem definitam per congruentiam cum idea, coincidere cum eadem definita per congruentiam cum definitione vel essentia rei. Sed essentia rei cum re ipsa coincidit (§. 332.). Secundum hanc ergo definitionem veritas esset congruentia rei cum se ipsa. Sed in hac notione nulla continetur nota characteristica, qua veritas a ceteris rei realitatibus distinguatur, peccat itaque contra Logices præcepta, & re ipsa est nulla.

Ab his aliquo discedunt modo, qui veritatem Metaphysicam consistere ajunt in congruentia rei, non tam cum intellectu in genere, quam potius cum intellectu Divino. Tuentur hanc sententiam *Fonseca* L. 4. Met. Cap. 2. *Calovius* in Met. Div. p. 340. opp. *Jacheus* L. 2. Met. cap. 10. *Christ. Matthiæ* disp. 2. Met. p. 307. *Paulus Voëtius* in Phil. 1. Reform. cap. 2. n. 4. *Gosclenius* in Lex. Phil. *Mejerus* in Met. Usual. Div. p. 104. Statuentes ultimam omnis veritatis scaturiginem esse intellectum Divinum, in rei ergo cum Hoc intellectu conformitate ipsum veritatis formale esse collocandum. Largior intellectum Divinum esse ultimum omnis veritatis fundamentum, nullamque illo remo-

te

te dari, vel dari posse veritatem; inde tamen non magis sequitur veritatem in se spectatam per conformitatem cum intellectu Divino esse definiendam, quam ipsas rei possibilitates & essentias, quæ eodem modo ex intellectu Divino radicaliter dependent, per eandem definiendas esse congruentiam. Nemo inficias ibit dari rationem cur intellectus Divinus ideas rerum sic potius formet quam aliter, quare ens, prout verum, ita concipiendum est, ut per naturam intellectus possibilis concipiatur ejus idea, atque sic veritatem in ente absque relatione ad cognoscentem concipere liceat. Necesse enim est detur aliquid in ipsa re unde agnoscatur intellectui Divino conformabilis, quod barbaro aptitudinalitatis vocabulo denotare voluerunt Scholastici. Hoc vero, ubi dixim<sup>us</sup> evoluitur, non potest non, ut mox ostendimus, consistere in ordine eorum, quæ enti conveniunt, quo modo veritatem absoluto sensu definiendam esse contendimus. Elucet deinde conformitatem cum intellectu dicere relationem rei ad aliud, intellectum puta; veritatem igitur rei, hoc modo definitam, non dicere quid veritas in se sit & absolute spectata, sed solum in relatione ad intelligentem. Taceo longe obscuriorem esse conformitatem istam & difficiliorem postulare explicationem veritate ipsa. Non commemoro nos in examine vel probatione alicujus veritatis non recurrere ad intellectum Divinum, & sollicite inquirere quam ideam de re proposita habet Deus, indeque rei metiri veritatem; sed potius inspectis rei ipsius determinationibus intrinsicis, non attendendo ad ideam mentis Divinæ,

verum de ea formare iudicium. Neque repeto alia, quæ huic obstant sententiæ; satis enim perspicuum esse arbitror justam habuisse *Scotum*, *Vasquezium*, *Mendosam*, *Svaregium*, *Rodericum de Arriaga*, *Musæum*, *Rudrauffium* aliosque ab hac relativa veritatis definitione recedendi causam. Nostra ergo, quam Illustri *Wolffio* acceptam debemus, veritatis notio, in ordine determinationum entis intrinsecarum collocata, inconcussa adhuc manet & immota, usuque apud Philosophos recepto confirmata.

### §. 711.

*Veritas est entis universale attributum.*

*Omne ens est verum.* Omne enim ens habet ordinem eorum, quæ ei conveniunt (§. 707.), sed quod habet ordinem eorum, quæ ei conveniunt, est verum (§. 710.). Ergo omne ens est verum.

Possemus ex singulis veri definitionibus, quas ex variis Philosophorum placitis mox adduximus ad §. præc. eandem hanc ostendere adsertionem, adeo enim inter se conspirant. Sed in re manifesta non opus iudicamus prolixitate ulla.

Originem vero traxit hæc adsertio ex ipsa rei veritate, primus tamen, quantum constat, illam distincte pronunciavit *Aristoteles*. L. 2. Met. cap. I. t. 4. Statuens, *ut unumquodque est, ita & verum esse*. Communi hinc Philosophorum calculo canonis loco adprobatur hoc enunciatum: *Omne ens est verum*. Quod etiam scripturæ sacre est congruum, sapius οὕτως pro vero usurpantis. Sic Joh. VIII. 36. οὕτως ἐλεύθεροι, VC-



vere liberi, secernuntur ab iis, qui superbavocē libertatem jactitabant, immemores & jugi Romanorum, sub quo gemebant, & servitutis peccati, cui innexi erant. 1. Cor. XIV. 25. Ὁ Θεὸς ὄντως ἐν ὑμῖν ἐστίν. Deus vere inter vos est. 1. Tim. V. 3. & 6. ὄντως vere vidua, opponitur illi, quæ est σπατάλωτα luxui dedita. Quando Luc. XXIV. 34. Discipuli bini Emaunte Hierosolymam redeuntēs condiscipulis dixerunt, Dominus ὄντως reuera resurrexit, attestari voluerunt resurrectionis certitudini. Plura sciens prætereo loca. Marc. XI. 32. Luc. XXIII. 47. Joh. VIII. 36. Gal. III. 21. 2. Pet. II. 18. Hinc etiam apud LXX. interpretes alternant ἀληθῶς, ὄντως, ἐπ' ἀληθείας.

## §. 712.

*Si itaque falsum dixeris, quod Falsitas ab confusione non relativa, sed absoluta ente remolaborat eorum, quæ ei convenire sumentur, vel, prout alii loqui amant, quod non habet essentiam debitam; Nullum ens est falsum, sed quod falsum est, illud est non ens. Nullum ens confusione eorum laborat, quæ ei conveniunt (§. 707.). Nullum ergo ens, posito hac falsitatis notione, est falsum. Unde quia inter ens & non-ens omnimoda est disconvenientia, seu, contradictorie inter se opponuntur (§. 265.), quod falsum est, non-ens esse debet (§. 258.).*

Idem, si placet altera falsitatis notio, quæ tamen re ipsa coincidit cum priori, sic ostenditur.

ditur. Quia quodlibet ens habet suam essentiam (§. 305.), & sublata essentia tollitur ens (§. 336.), nullum ens carere potest essentia debita, & per consequens nullum ens est falsum.

Recte hinc tuentur Omnes uno fere ore Philo-  
*Quo sensu* sophi falsitatem rebus ipsis non inesse,  
*falsitas lo-* sed relationem modo involvere ad no-  
*quum habe-* stram cognitionem, quæ haud raro fal-  
*at.* lax est, rebusque ipsis difformis. Lo-  
 gico igitur sensu, quo falsitas denotat  
 disconvenientiam cogitationum cum rebus, non  
 autem Metaphysico falsitatem dari contendimus.  
 Plures itaque, quas quidam Metaphysicorum  
 fusius proponunt, de falsitate quæstiones ad Lo-  
 gicam amandamus. Perspexit hoc *Aristoteles*,  
 quare L. II. Metaph. Cap. I. t. 1. explicaturus  
 veritatis contemplationem partim facilem, par-  
 tim difficilem esse & arduam, ait: *Fortasse autem,*  
*eum difficultas duobus modis accadat, non in rebus,*  
*sed in nobis illius causa sita est.* Hinc *Scotus* & a-  
 lii ejus sectatores ita argumentantur: *Siqua res*  
*ex se est cognitu difficilis, ea esset talis respectu cu-*  
*jusquam intellectus, atqui nulla res est cognitu diffi-*  
*cilis respectu intellectus Divini, igitur nulla res ex*  
*se est cognitu difficilis.* Agitur quidem in his præ-  
 cise de causa difficultatis, quæ in cognitione ve-  
 ritatis accidit; quatenus tamen eorum funda-  
 mentum in eo est situm, quod nulla rebus i-  
 pipsis insit falsitas, nobis, hoc ipsum, qui præsen-  
 ti tuemur propositione, se præbent consentien-  
 tes. Sed ais: *Datur tamen falsum v. gr. aurum.*  
 Nego. Aurum enim, quod falsum dicis, aut est  
 au-

aurum aut non. Si aurum est, habet omnino requisita auri & est verum aurum, sed si aurum non est, tunc erit vel cuprum, vel orichalcum, vel argentum, vel aliud ex his compositum metallum. Falsum ergo aurum, non datur, accurate & proprie si loqui desideras.

## §. 713.

Omnem, qui inter res, earum- *Ultima ve-*  
que prædicata obtinet, ordinem, *ri principia.*  
ex principiis contradictionis & rationis sufficientis ultimato profluere antea evicimus (§. 708.). Est autem veritas ordo eorum, quæ enti conveniunt (§. 710.). *Principia ergo contradictionis & rationis sufficientis sunt fons omnis, quæ datur, in rebus veritatis, b. e. datur in ente veritas, quatenus ea, quæ insunt, per laudata principia determinantur.*

Egregie itaque errant, qui hanc dignitatem soli principio rationis sufficientis vindicare audent, putantes illud, nulla facta principii contradictionis mentione, esse unicum veritatis omnis fundamentum. Certe quum ex principio rationis sufficientis, vere & rigoroſe ſumto, non pendeat niſi quod contingens eſt; ex hac eorum hypotheſi nihil ſequeretur aliud, quam veritatem non eſſe attributum entis Metaphyſici, quod & neceſſaria & contingentia, una comprehendit (§. 591.), ſed, quia omne contingens accidentale eſt (§. 617.), eſſe illam entis Metaphyſici accidens prædicabile, quod tamen quam eſt novum & inauditum, tam falſum quoque & abſurdum merito pronuntiatur. Taceo hos e-

osdem auctores, dum in limine Philosophiæ, in ejus cognoscendi principiis evolvendis occupati, statuunt pro necessariis principium contradictionis, pro contingentibus vero principium rationis sufficientis, sibi ipsis aperte contradicere.

§. 714.

*Veritatis Logica & Metaphysica, neque locus re-  
physicae nexus. linqueretur ullus veritati Logicae.*

Sublata enim veritate Metaphysica tollitur ordo eorum, quæ enti conveniunt (§. 710.), hoc autem sublato tollitur regula, ex qua judicari debet: Nam habet omnis ordo regulam, vi cujus examinari debet (§. 696. 697.). Est vero ordinis ratio, secundum quam cuilibet plurimum determinatus adsignatur locus (§. 695.), seu, secundum quam determinatur quid enti conveniat, quid non conveniat. Sublata igitur veritate Metaphysica, nulla amplius daretur ratio, juxta quam determinaretur, quid enti conveniat vel minus. Quodvis ergo subiectum absolutissimo sensu indifferens esset ad quodvis prædicatum. Fieri adeo non posset, ut demonstraretur subiecto, vel absolute posito, vel sub adjecta conditione considerato, convenire aliquod prædicatum, seu, ex illo determinari. Quam ob rem, quum veritas Logica consistat in conformitate judicii cum re repræsentata, & ex veritatis criterio agno-

agnoscatur; quod determinabilitate prædicati per notionem subjecti absolvitur; perspicuum est, sublata veritate Metaphysica, tolli Logicam.

Non itaque adprobo effatum Rev. Rydelii, quo in Cap. III. §. 10. Sentent. fundam. putatis, *dari veritatem Logicam, tametsi per impossibile, nulla esset veritas Metaphysica: vera enim esset hæc propositio, nullas dari res.* Omnes facile agnoscunt, quod & nos antea demonstravimus (§. 711.), veritatem Metaphysicam tam late patere, ac ipsum Metaphysices objectum, ens, actualia & potentialia una comprehendens (§. 295.), & æque ac possibile in genere patens, cum quo reciprocatur (§. 228.). Sublata ergo veritate Metaphysica, tolleretur non solum veritas in existendo, sed etiam in essendo omnis, nihilque amplius maneret possibile. Si igitur cum Rydelio per impossibile poneremus, nullam esse veritatem Metaphysicam, & tamen remanere veritatem Logicam, in hac propositione negativa: *nullæ res dantur*, illa huic æquipolleret: *nihil est possibile.* Sed hæc propositio, ut principio contradictionis e diametro repugnans, oppido est falsa. Denuo itaque videmus, sublata veritate Metaphysica, tolli omnem veritatem Logicam. Sed ais: *Sublata veritate Metaphysica, tollitur ipsum contradictionis principium, ad hoc ergo ad examinandam allegatam propositionem, licite non provocatur.* Sed dixisti tamen illam propositionem esse veram, unde autem illud, subverso principio contradictionis, agnoscis? Et quid,

principio isto sublato impediret, quo minus eandem statuerem ipse falsam? Nihil sane. Nemo itaque affirmabit, illi propositioni ullam inesse veritatem Logicam. Hinc ergo concludimus non solum impossibile esse, ut tollatur veritas Metaphysica, illa scilicet, quæ in essendo versatur, ipsasque rerum concernit essentias, prorsus immutabiles, sed absolute quoque impossibile, ut, illa remota, remaneat ulla veritas Logica.

*Ufus Theologicus.* Absoni itaque sunt, qui Theologiæ irrogenitorum veritatem concedunt Logicam, at Metaphysicam eidem denegantes. In quo errore extat *Christiani* cujusdam *Obadie* dissertatio Theologica, de insigni discrimine inter Christianismum & Orthodoxiam, sive inter Theologiam Metaphysicæ & Logice veram. Eidem huic se addiunt sententiæ *Lysius* in synopsi controvers. Art. 1. Qu. 4. & *Joachim Langius*, absoni, inquam, & a veritate alieni. Nam si habet Theologia irrogenitorum Logicam veritatem, quia, ut demonstravimus, hæc sine veritate Metaphysica dari nequit, habebit quoque Metaphysicam, sine qua veritati Logicæ nullus competeret conceptus; competeret vero secundum mentem adversariorum. Quæ duo, quum in primum cognoscendi principium impingant, simul stare nequeunt. Falsa ergo & contradictoria est adversariorum opinio.

§. 715.

*Veritatis Logice natura.*

Ob hanc, quam demonstravi (§. 714.) veritatis Metaphysicæ

cæ

æ & Logicæ connexionem, hujusque ab illa inleparabilitatem, definire licet veritatem Logicam, per *conformitatem cogitationum nostrarum cum veritate Metaphysica.*

Non permittit ratio instituti, quod Metaphysicis destinatum est Lectionibus, ut singula heic tradamus, quæ veritatem concernant Logicam, sufficit nobis genuinum ejus demonstrasse fundamentum, cetera Logicis, suo tempore, exposituri sumus Lectionibus. Unum vero vel alterum, sed generale hactenus addere placet, quod apud plerosque observare licet Metaphysicorum.

§. 716.

*Conceptus formalis nulli adjudicari debet enti, nisi illi in hoc respondet objectivus.* Per conceptum formalem intelligere solent Philosophi representationem rei in mente; rem vero ipsam representatam conceptu objectivo denotare amant (§. 715.). Quam ob rem, quia omnis veritas Logica involvit conformitatem cogitationum nostrarum cum veritate Metaphysica (§. 715.), seu, cum re ipsa cogitata & judicata, nullus conceptus formalis adjudicari debet enti, nisi in hoc ei respondeat objectivus.

Sed excipis: *Multis diversisque conceptibus formalibus, quos de Deo formamus, quando concipimus Deum, ut iustum, verum, bonum, simplicem, &c. non correspondent diversi conceptus objectivi, illis ta-*

*men nemo ideo falsitatem attribuerit. Non itaque universaliter verum est, quod præsentì enunciatur thesi. Respondemus. Est quidem Deus simplicissimus, omni carens compositione & Metaphysica & Physica, nullisque adeo prædicatis, realiter inter se distinctis, constat; cum simplicitate tamen Dei non pugnat, plures in Eo concipere realitates, formaliter inter se distinctas, quarum quælibet Deum, pro nostro concipiendi modo, inadæquate exhibet, & quatenus formalis distinctio, sub distinctiōe rationis comprehensa (§. 450.), suo non destituitur in ipsa re fundamento (§. 449.), eatenus etiam recte affirmamus diversis conceptibus formalibus, de Deo formati, correspondere fundamentum in ipsa re repræsentata, h.e. Deo, & proinde non valere allatam instantiam ad nostram infringendam thesin.*

## §. 717.

*Auctoritas & Veritas, sive Logica, sive aliorum consensus Metaphysica non dependet ab opinione & auctoritate humana. Fontem enim veritatis Metaphysicæ, enti cuius constanter attribuendæ (§. 171.), non aliunde, quam ex principiis contradictionis & rationis sufficientis scaturire, antea (§. 713.) evicimus. Illa autem principia absolutæ sunt necessitatis (§. 60. 120.), adeoque in se & sua natura immutabilia (§. 598.), non ergo pendula ex opinione & auctoritate humana, quæ constanti subest mutationi. Veritas igitur neque Metaphysica,*



ea, neque logica, quia hæc illi conformata esse debet (§. 715.), humanæ auctoritati & opinioni est subjecta.

Vehementer itaque errant veritatem vel ex multitudine idem sentientium, vel ex antiquitate, vel aliis præjudicii auctoritatis idolis derivare studentes. Hujus tamen vitii reos se plures constituunt etiam in Theologicis, ubi Pontificii, quoties aqua ipsis hæret, & Scripturæ dictis constricti tenentur, ad Patres confugiunt. Magni quidem est æstimandus unanimis Patrum primitivæ Ecclesiæ consensus; non tamen admittendus, nisi quatenus in sacra scriptura est fundatus. Unde B. *Augustinus* Epist. VIII. *Ego solis Scripturarum libris didici hunc honorem habere, ut nullum eorum auctorem scribendo errare aliquid firmissime credam. Alios autem sic lego, ut quantalibet sanctitate doctrinæ præpolleant, non ideo verum putem, quia illi sic locuti sunt, sed quia mihi, vel per auctores canonicos, vel alia probabili ratione, quod a vero non abhorreant, id persuadere potuerunt.*

§. 718.

Ubi a Metaphysica, cujus ob- *Nexus verita-*  
jectum est ens in genere, discedi- *tis Metaphy-*  
mus, reliquæ disciplinæ omnes *sicæ & disci-*  
Philosophicæ, de hoc vel illo en- *plinarum.*

te in specie, vel de aliquo ente singulari, agunt. Atque adeo, quum ens Metaphysicum sub se contineat omnes entium species, omneque singulare, evidens est, *sublata veritate*

G g 3

Me-

*Metaphysica*, h. e. sublata illa veritate, quæ enti in genere convenit (§. 711.), *tolli simul veritatem omnium reliquarum disciplinarum.*

Idem ex arctissima, quæ inter veritatem Logicam & Metaphysicam datur, connexionem ostenditur: Quia enim in disciplinis tradi debent propositiones universales, cum alias nullus earum in vita sit usus, nullaque in illis locum habeat demonstratio, ex puris particularibus, ut Logica docet, nunquam desumenda, sublata autem veritate Logica, tollitur veritas propositionum universalium, & sublata veritate Metaphysica tollitur Logica (§. 714.); si nulla daretur in rebus veritas Metaphysica, subverteretur omnium disciplinarum possibilitas. Patet hinc denuo, quod discursu præliminari uberius proposui, quam amplius & eximius sit Metaphysices usus, per omnes & singulas disciplinas Philosophicas continua serie se extendens.

### §. 719.

*Verum cum ente recipro- cum.* *Omne verum est ens.* Verum enim dicitur, quod habet veritatem, seu, ordinem eorum, quæ enti conveniunt (§. 710.). Ordo autem omnis per principia contradictionis & rationis sufficientis determinatur (§. 708.). Quam ob rem omnis ordo est conceptibile quid (§. 73.), & aliquid (§. 75.), adeoque & ens (§. 238.). Omne ergo verum ens est. Idem indirecte sic ostenditur: Ponamus aliquod verum non es-

se

se ens, erit ergo non-ens (§. 265.) & ideo absolute impossibile quid (§. 259.), consequenter in se contradictorium (§. 128.), & principio contradictionis repugnans (§. 54.). Sed hoc veritatis indoli repugnat (§. 713.). Fieri ergo nequit ut verum sit non-ens. Est ergo ens.

Quod plerique docuerunt veterum ens & verum inter se converti, extra omnem dubitationis aleam ponunt demonstrata in hac & 7 II. §: pho. *Stalio* in discursu super Tab. Metaph. 22. p. 40. 89. ostendere quidem conatur, ens & verum simpliciter non converti. Putat enim res a veritate denominari non absolute, sed cum appposito, i. e. vocem, *verum*, solam non stare loco prædicati, sed cum adjuncto alio nomine: sic porrecto auro hungarico non recte dici, hoc est verum, sed dicendum: hoc est verum aurum. Quantum assequor, mens est Clarissimi viri ad ostendendam & indagandam veritatem hujus vel illius rei in specie, notionem veritatis generalissimam non sufficere, sed requiri determinationem cuilibet speciei convenientem. Lubens largior eam esse veritatis rationem, ubi ad specialia ostendenda fit descensus; inde tamen nisi distinctissima confundere velis, non sequitur generalissimam veritatis notionem de ente in genere absolute non prædicari. Quid, quod si hæc generalis assertio non esset vera, neque de ullo in specie ente prædicaretur veritas, seu, ut verbis utar *Stalii* non daretur veritas cum appposito. Rectius itaque cum *Thoma* P. I. qu. 16. art. 3. aliisque contendimus verum & ens simpliciter converti, parum curantes quod abusive de privationibus, quæ non-entia sunt (§. 282.), qua-

tenus scilicet non intelliguntur nisi in relatione ad ens reale, prædicetur veritas.

§. 720.

*A vero re-* Consequitur hinc verum constamovetur. *re non posse determinationibus sibi contradictio. mutuo contradicentibus. Et vicissim, quod constat, vel potius constare fingitur, determinationibus se mutuo destruentibus, non esse verum.* Est enim omne verum ens (§. 719.), & proinde absolute possibile quid (§. 228), nullisque idcirco determinationibus, inter se pugnantibus constans (§. 128.). Verum ergo quod est, contradictoriis non laborat prædicatis. Q. E. U.

Vicissim. Quod determinationes habet, inimicis conflictantes cornibus, seu, quod in se & sua natura est contradictorium, absolute est impossibile (§. 128.), & non-ens, cui denegandam esse evicimus veritatem (in §. 719.). Quod ergo determinationibus, se mutuo destruentibus constat, verum esse nequit. Q. E. A.

Ostensum est prius (§. 713.). fontem omnis, quæ rebus inest veritatis esse principia contradictionis & rationis sufficientis. Nihil ergo principio Contradictionis repugnans verum esse potest. Duplici igitur argumento convictissimi sumus de veritate præsentis regulæ, ad cujus tenorem naturali mentis dictamine, quia innatum est hoc, quod loquor, principium (§. 52.), adeo proni sumus omnes ad iudicium de veritate

te

te rei oblatae ferendum, ut nihil huic adfer-  
tioni addi posse lucis videatur, volumus tamen  
demonstrationibus adjectis plenariam ei concili-  
are certitudinem, ut tandem desinant contra-  
dictoria pro veris habere multi eruditorum.

Pontificii transubstantiationem in sa-  
era coena fingentes, vitii hujus se  
constituunt reos: occurrunt enim

*Usus Theo-  
logicus.*

haec determinationes, se mutuo destruentes.  
Nimirum cogitatio corporis Christi, ex pane  
hic & nunc oriundi, nec tamen hic & nunc ex  
pane eliciti, sed ex Maria virgine nati, vel co-  
gitatio corporis Christi, caelo devecti, & in lo-  
cum destructae panis substantiae surrogati; & ta-  
men non surrogati, sed per mutationem forma-  
ti, manifestam transubstantiationi inferunt pu-  
gnam, quae omnem vel veritatis speciem ei ad-  
imit.

§. 721.

*Veritas, in generalissimo accepta* *Veritatis*  
*sensu, non est nisi una eademque, mi-* *unitas.*  
*nime vero multiplex & a se diversa.* Veritas,  
quam loquor, Metaphysica consistit in eorum,  
quae enti conveniunt, ordine (§. 710.), qui om-  
nia & singula comprehendit entis interna  
praedicata (§. 707.). Extra illum ergo ordi-  
nem non datur alius, enti conveniens Me-  
taphysico, circa alia, ut ei competentia occu-  
patus, praedicata. Non itaque multiplex (§.  
665.), sed unus est ordo eorum, quae enti con-  
veniunt, unaque proinde veritas Metaphysi-  
ca (§. 710.).

Reciprocatur videlicet veritas Metaphysica cum ente Metaphysico (§. 711. 719.), cui unitatem attribuendam esse antea evicimus (§. 654.). Ostendimus quoque veritatem hanc ex principio contradictionis & rationis sufficientis unico determinari, nec unquam ex aliis & diversis pendere principiis (§. 713.). Duplici itaque argumento radiat præsens enunciatum, non multiplicem, sed unam statuens veritatem.

Veteribus hæc placet formula: *Veritas est tantum una*, quam, in se verissimam, ut demonstrent, distincta veritatis Metaphysicæ notione destituti, vario se torquent modo. Eorum accuratiores dicunt veritatem unius ejusdemque rei non esse nisi unicam. Recte quidem, sed illud, ut particulare, nam ad particulares ab iisdem semper applicatur casus, sub nostro universali comprehendendi effato patet, quod ergo latius veterum illa extenditur regula.

Ceterum non alium, quam quem expressi, habere videtur sensum, hoc enunciatum: *Veritas est indivisibilis*, vel, *veritas consistit in indivisibili*, item: *veritas consistit in puncto*. Eatenus enim indivisibilis est veritas & in puncto consistit, quatenus una est & non multiplex, seu, a se diversa, generalissimo scilicet accepta sensu, quod non magis impedit eam in varias dispesci species, quam enti obstat, ei adjudicata unitas, in varias dividi classes.

§. 722.  
*In veritate Dari nequit verum altero magis non dantur vel minus verum. Est omne verum gradus.* ens (§. 719.), & omne ens verum (§. 711.),

711.), quare si daretur verum altero magis vel minus verum, daretur simul ens, quod altero magis vel minus ens esset. Consequenter, quum absolute possibile cum ente reciproceretur (§. 228.), daretur absolute possibile altero magis vel minus possibile. Quia vero magis possibile relationem habet ad minus, & hoc vicissim ad illud; minus possibile conflatum esset ex partialibus notionibus, partim sibi mutuo repugnantibus, partim non, hoc est, idem esset possibile & impossibile simul (§. 124. 125.). Hoc autem per principium contradictionis manifesta laborat absurditate. Dari ergo nequit magis & minus possibile, & per consequens, neque magis & minus verum.

Idem sic ostenditur: Omnem veritatem ordine eorum, quæ enti conveniunt, absolvi docuimus (§. 710.), falsitatem contra, confusione eorum, quæ ei convenire sumuntur constare (§. 712.). Si igitur aliquod minus daretur verum, conflatum illud esset ex veritate & falsitate simul, adeoque ordine & confusione simul constaret. Nullum vero ens confusione eorum laborare potest, quæ ei conveniunt (§. 707.). Absurdum ergo est aliquod minus statuere verum, absurdum etiam aliquod magis verum fingere; quum hoc, unice ex relatione ad illud, intelligatur.

Veritas itaque, in se & absoluto spectata sensu, nul-

nullos admittit gradus (§. 487.), sed omnis certa manet & determinata, ex sæpius laudatis principiis unice profluens (§. 713.); in relatione tamen ad finitum intellectum, cui non datum est, rerum, qualis est, omnium introspicere nexum cum ultimis istis principiis, Logico igitur sensu, non Metaphysico, vel, si placet, subjective, non autem objective, recte dispescimus inter veritatem certam & probabilem, quarum illa cognitionem importat, ab oppositi formidine remotam, hæc vero ab oppositi formidine non immunem. Utriusque indolem fusius exponit Logica: Præsentis autem est instituti objectivam considerare veritatem, quam ab omni graduali divisione remotissimam esse demonstravi.

§. 723.

*Inter veritates remove- nequit. Opposita sunt quorum utur oppositio.* num involvit negationem alterius (§. 424.). Si ergo opposita daretur veritas, altera involveret, quod negatur in altera. Quare si altera denotaret eorum, quæ enti conveniunt ordinem, quem, siquidem ut veritas ponitur, denotare debet (§. 710.), altera negaret ordinem, meramque proinde, vi oppositorum (§. 426.), involveret confusionem (§. 704.): Sed hæc eadem veritas, quia talis ponitur, simul absolvi deberet ordine eorum, quæ enti conveniunt (§. 710.). Hoc vero manifesto impingit in principium contradictionis, cui nulla repugnare potest veritas (§. 713.).

Inte

Non



Non ergo dari potest veritas, veritati opposita.

Sermonem heic esse de vera oppositione quivis, vel me tacente, intelligit, alias enim negari nequit dari veritatem veritati apparenter oppositam. Non dicam quam sæpe auctores, inter se de veritate disputantes, verbis solum dissentiant, re autem ipsa unam eandemque tueantur veritatem, id potius urgebo dari in scriptura sacra ipsaque revelata Theologia multas enunciationes, externe & secundum apparentiam dijudicatas, cum veritate Philosophica pugnantes, quæ tamen observatis conditionibus, in utraque disciplina diversis, vi quarum de subjecto enunciatur prædicatum, nullo vero & reali modo inter se dimicare deprehenduntur. Ex. gr. sit hæc propositio Philosophica: *Ferrum in aqua descendit*, quatenus scilicet gravitas illius, quæ ei essentialis non est, specificè superat gravitatem hujus, & ab alia externa causa non sustentatur. In scriptura sacra dicitur: *Ferrum aque innatat*, quatenus a supernaturali Dei virtute, vel plane tollitur gravitas ferri, quæ, quia accidentalis est, tolli omnino potest, non repugnante Philosophia, vel minuitur illa, in relatione ad gravitatem aquæ; vel etiam manente eadem gravitate ferri, augetur illa aquæ; vel tandem relicta utrobique eadem gravitate, externa vi sustentatur ferrum. Diverfa itaque conditio ferri, aquæ innatantis, & in eadem descendentis, veram inter Theologiæ & Philosophiæ enunciata tollit pugnam. Idem habendum est de exemplo, quod ex Maria virgine, quæ Christum si-

ne viro peperit, desumi solet. Urget Physica virginem sine consuetudine cum viro concipere & parere non posse liberos, quamdiu scilicet vires corporum in naturali situ relinquuntur. Fide autem Scripturæ credimus Mariam virginem sine consuetudine cum viro, Salvatorem nostrum, Deum in secula benedictum, concepisse & peperisse, speciali scilicet & extraordinaria accedente Altissimi virtute, cui tota natura, omnesque ejus virtutes, debitum ubique præstant obsequium. Confer de cetero, si placet, quod in Discursu præliminari (§. 32.) de harmonia Revelationem inter & rationem demonstravi.

## §. 724.

*Inter veritates nulla contrarietas & contradictio.* Est oppositio vel contrarietatis, vel contradictionis (§. 424), sed dari nequit veritas veritati opposita (§. 723.). *Neque ergo dabitur veritas veritati contraria vel contradictoria.*

Quidam Metaphysicorum has regulas: *Verum vero non contrariatur*, &, *verum vero non contradicit*, immiscere solent regulæ, mox (§. præc.) explicatæ; quum tamen, ut alii observant, in methodo accuratiores, illæ ex hac per modum confectariorum distinguantur & fluant, præstru-  
cta oppositionis distincta notione.

## §. 725.

*An ex antiquitate dependeat veritas.* Perbrevis jam examine ponderemus effatum, multis Metaphysicorum absolute vel cum di-

discrimine adprobatum: *Antiquissimum* quodque *verissimum*. Peccat illud & ratione prædicati positi & ratione subiecti. *Ratione prædicati*, quod termino: *verissimum*, in superlativo exprimitur gradu, qui semper relationem involvit ad alios inferiores: Verum autem nullos agnoscit gradus, nec alterum altero magis verum datur (§. 722.). Inepta ergo est illa, verissimi adpellatio, loco prædicati posita. Ubi secundum communem & receptum loquendi morem referimus terminum: *Antiquissimus*, subiecti loco positum, ad tempus, seu, successionem rerum in hoc mundo, fallit etiam effatum illud ratione subiecti: Neque enim qui plures annos natus est homo, illico verior est eo, qui pauciores suæ ætatis numerat. Immo, tantum abest, ut maiores, multo nobis antiquiores, veriores idcirco homines, nobis hodiernum viventibus sint, ut ne sint quidem adhuc veri homines in existendo scilicet, cum esse desierint: neque etiam quod antiquissimi Chaldæi, Ægyptii & Græci olim in Philosophia dixere, ideo a recentioribus promiscue ut verum adprobatur, vel adprobari debet (§. 717.).

Frustra ergo Pontificii ex hoc effato, & prætensa ecclesiæ suæ antiquitate, ad illius argumentantur *Ufus Doctorum Theologicus.* veritatem: Primum enim sua veritate destituitur illud pronunciatum, prout termini

mini sonant acceptum. Deinde falsum est Romanam Ecclesiam, qualis nunc deprehenditur, impura, scilicet, & variis humanis traditionibus falsata, esse antiquiorem Evangelicam, quæ jactis a Salvatore fundamentis, omni fide humana firmioribus, ab Apostolorum usque tempore viguit: Diuque ergo ante quam in lucem publicam erupere Romanenses fabulæ. Taceo Pharisaicam religionem esse Papisticam antiquiorem, illi tamen ne ipsi quidem Potificii, aliquam veritatis ideo tribuere volunt prærogativam. Absit itaque ut antiquitatis studio occupati vel ullum de veritate feramus judicium.

## §. 726.

*Divisio veritatis in necessariam & contingentem.* Unitatem veritati, generalis-  
sime acceptæ, adjudicatam (§. 721.), non obstare quominus in  
diversas dispelcatur species, &  
per se patet, & ex iis, quæ citato loco brevissime attuli, firmum arbitror. Præmissa ergo jam generalissima veritatis doctrina ad species ejus evolvendas nos accingimus. Diximus veritatem esse ordinem eorum, quæ enti conveniunt (§. 710.). Est autem ordo vel necessarius vel contingens (§. 698.), ita quidem, ut inter has binas ordinis classes non detur alia, quæ medio stet loco (§. 591.). Recte igitur veritatem in *Necessariam & Contingentem* distinguimus. *Illa* est ordo necessarius, *hæc* contingens eorum, quæ enti conveniunt, seu determinationum entis intrinsecarum.

Ex.

Ex. gr. Veritas necessaria est: *Deum existere*. Ordo enim eorum, quæ Deo conveniunt, salva Dei essentia, alius esse nequit, quam ut existentiam simul includat, est itaque necessarius (§. 698.), qui veritatem generat necessariam. Eadem consideratione necessaria est veritas: *linea recta ex aliquo peripheriæ circularis puncto in diametrum perpendiculariter demissa, sibi proportionaliter secat diametrum*. Salva enim circuli essentia alius esse nequit ordo harum linearum. Qui ergo necessarius est & veritatem efficit necessariam. Et contra contingens est veritas: *ferrum est grave*. Gravitas enim necessariam cum essentia ferri non involvit connexionem. Eodem modo contingens est veritas, Kegilas Davidem Sauli tradituros; si Kegilæ David permansisset: fundatur enim in conditione seu ordine contingente.

§. 727.

*Veritas itaque necessaria & Veritatis Necessariæ contingens per suas notiones sibi cessariæ & contingentis opponuntur. Conveniunt inter se veritas necessaria & contingens, quod utraque ordinem eorum, quæ enri competunt, involvat (§. 26.). In eo autem differunt, quod illa denotet ordinem necessarium, hæc contingentem (§. cit.) Necessarium vero est, quod aliter positum, involvit negationem possibilitatis (§. 589.), contingens, quod aliter positum, nullam infert possibilitatis negationem (§. 590.). Continetur itaque in necessario, quod negatur de contingente, il-*

H h

lud

Iud igitur huic opponitur (§. 424.). Et per consequens veritas necessaria & contingens per suas notiones sibi mutuo opponuntur.

Antea quidem evicimus non dari veritatem, veritati oppositam (§. 723.), Sed egimus eo loco, prout accuratior demonstrationis, ibi occurrentis, inspectio edocet, de veritate in genere, quæ sibi ipsi opposita esse nequit. Hæc autem oppositionis negatio non impedit quominus hoc loco defendamus dari binas oppositas veritatis species: Nam quamvis veritas necessaria & contingens materialiter conveniant, quatenus sub uno veritatis genere comprehenduntur; formaliter tamen & qua specificam differentiam, cuius competentem speciei, sibi mutuo opponuntur. Sed hæc oppositio non officit adsertioni, quam antea (§. 723.) attulimus, & qua volumus, positis eodem subiecto & prædicato, non dari posse diversam & sibi oppositam veritatem. Ita, ut si vera est hæc propositio: *A est B*, non possit simul vera esse, quæ ei opponitur: *A non est B*, Nam e diametro hoc repugnaret principio contradictionis. In veritate necessaria & contingenti est quidem, ut modo dixi, idem materiale, seu, subiectum, *Ens*; non tamen idem est formale, seu, prædicatum: In priori enim non nisi essentialia & attributa, in posteriori autem non nisi accidentalia de suo subiecto prædicantur. Inter utramque ergo hanc veritatem nulla vera & realis, sed notionalis tantum datur oppositio, in abstracta forma, non autem in adplicatione ad rem conspicua,

## §. 728.

*Manifestum hinc fit veritatem Veritatis ne-*  
*cessariam & contingentem ex eo-* *cessariae &*  
*dem non pendere principio.* Nam *contingentis*  
 veritas necessaria contingenti op- *diversitas ra-*  
 ponitur (§. 727.), utriusque igitur *tionis principii*  
 opposita est, unde intelligatur, ratio sufficiens  
 (§. 427.), non ergo eadem, sed diversa (§.  
 429.). Est autem omnis veritas eorum, quæ  
 enti conveniunt, ordo (§. 710.), qui omnes  
 unde dijudicatur & intelligitur (§. 697.), cer-  
 tam postulat regulam (§. 696.), quæ ratio-  
 nem complectitur ordinis sufficientem (§.  
 695.). Veritas igitur tam necessaria, quam  
 contingens, quia utraque de veritatis notione  
 in genere participat (§. 726.), habent suas re-  
 gulas, seu principia, rationem, unde Intelli-  
 guntur, complexa sufficientem. Modo autem  
 evicimus rationem veritatis necessariæ & con-  
 tingentis esse diversam. Ex eodem ergo pen-  
 dere nequeunt principio veritas necessaria &  
 contingens, sed a se mutuo diversis superstru-  
 cta est, quamlibet sigillatim intelligendi ratio.

Conveniunt quidem veritas necessaria & contin-  
 gens in generali conceptu, & eatenus in i-  
 dem generalissimum resolvuntur principium;  
 differt tamen altera ab altera per notionem cui-  
 libet specificam, & eatenus inter se opponun-  
 tur (§. 727, diversisque non possunt non inniti  
 principiis specificis. Quem ad modum ex eo-

dem fonte, eodemque temporis momento, amaram & dulcem haurire non licet aquam, ita ex eodem principio derivari nequit ferrea & absoluta rerum necessitas, lenisque & blanda earum contingentia. Nemo non intelligit principium, ex quo determinatur veritas necessaria, quâ talis, & ipsum debere esse necessarium, veritatemque ad quam applicatur necessariam reddere. Principium autem, ex quo fluit veritas contingens, quâ talis, utut in se, h. e. in actu suo signato, necessarium sit; in actu tamen suo exercita, h. e. ad veritatem, inde deducendam, applicatum, eam non efficere necessariam, sed in sua relinquere contingentia salvam.

§. 729.

*Veritatis necessariae & principio contradictionis, ex quo veritas contingens, quâ talis, determinari nequit, ex principio rationis sufficientis unice pendula.* Veritas necessaria ordinem involvit necessarium (§. 726.), & proinde ex principio contradictionis determinatur (§. 709.). Q. E. Primum.

Veritas necessaria & contingens ex eodem pendere nequit principio (§. 728), sed ex principio contradictionis determinatur veritas necessaria (per. dem.). Non ergo ex eodem principio determinabitur veritas contingens Q. E. secundum.

Contingens hæc veritas, ordine exprimitur



tur ejusdem nominis (§. 726.), qui ex principio rationis sufficientis profluit (§. 709). Quod ergo veritatis contingentis imum est principium. Q. E. Tertium.

Multa quidem addi possent tum de penitiori horum principiorum indole, tum etiam de ulteriori utriusque discrimine, sed memini me utrumque hoc præstitisse in primo & secundo capituli sectione primæ. Plura itaque hoc loco non addimus.

§. 730.

*Veritas necessaria versatur circa essentialia & attributa entis, veritas autem contingens, circa ejus accidentia.* Constituitur veritas

necessaria necessario contingens contingentium eorum, quæ enti competunt, ordine (§. 726.). Quæ autem enti competunt, sunt vel essentialia vel attributa vel accidentia (§. 372.). Ordo, quem essentialia & attributa habent (§. 707.), non potest non esse absolute necessarius (§. 609. 613.). E contra ordo, quem tenent accidentia (§. 707.), contingentem accidentium imitatur naturam (§. 616.). Recte ergo concluditur veritatem necessariam versari circa essentialia & attributa entis, contingentem autem circa ejus accidentia.

Sollicite animo est tenendum, quod inter veritatem necessariam & contingentem stabilivimus discrimen, ne utriusque admixta mixtura,

putemus veram dari inter Theologiam & Philosophiam pugnam. Multæ profecto sunt veritates in Philosophia contingentes, quas certis in circumstantiis mutatas voluit Deus. Necessarias autem veritates, quia circa essentialia & attributa rerum occupantur, & dependent ex immutabili Dei intellectu, nullæ unquam mutationi subicit Sanctior Spiritus, qui a semetipso dissentire, vel semetipsum abnegare nunquam potest. Non quod Ei aliqua desit potentia, sed quia ejusmodi non sunt objecta ullius potentiae. Veritas, quæ circa motum planetarum, quibus ille non est nisi accidentalis, versatur, contingentium classi merito adnumeratur. Sed hæc eadem veritas mutata, vel aliquamdiu suspensa fuit tempore *Josue*, quo immota quievit tellus per integri Diei spatium. E contra veritates v. gr. Arithmeticæ abstractæ de numerorum additione, subtractione, multiplicatione & divisione, ex ipsis numerorum definitionibus, h. e. essentiis deductæ in scriptura sacra nunquam mutantur, sed, eadem, prout in Arithmeticis, adhibentur. Immo Apostolus *Paulus* Rom. II. 6. ostensurus bona opera non ingredi opus electionis, utitur principio contradictionis, ut immutabili veritate. Hoc autem, quod veritatis necessariæ imum est fundamentum (§. præc.), in scriptura sacra adprobato, quicquid ei jure superstruitur etiam ut, immutabile adprobasse est censenda. Jure igitur adplicantur veritates Metaphysicæ, quæ omnes & singulæ necessariæ sunt, ad explicandas, probandas, & vindicandas res Theologicas, modo tamen, quem in Limine Metaphysices nostræ expressimus.

Ab sit

Abfit enim per omnem modum putemus Divinæ Theologiæ repugnare principia Metaphysices, vel hæc in illa esse mutata, id namque interest maxime inter genuinam spuriamque revelationem, quod altera absurdorum alienorumque a ratione dogmatum coargui possit, altera non item.

§. 731.

Veritas necessaria, circa essentia- *Veritas in*  
lia & attributa rerum (§. 730.), con- *Essendo &*  
sequenter circa existentiam quoque *existendo.*  
entis Necessarii occupata (§. 626.), *Veritas*  
*in Essendo* ab aliis dici solet, a qua quum *veritatem in existendo* diversam statuunt, præter veritatem contingentem nihil illa designabit aliud (§. 726.), quæ circa rerum accidentia versatur (§. 730.) enti nonnisi existenti attribuenda (§. 368.), quorum primitivum est ipsa entis contingentis existentia (§. 626. 530.). Hinc etiam in relatione ad principia (§. 729.) definire licet *veritatem in Essendo* per illorum, quæ enti conveniunt, ordinem, per principium contradictionis determinatum: *Veritatem autem in existendo* per eorum, quæ enti conveniunt, ordinem, ex principio rationis sufficientis derivandum.

Quem ad modum alii, ut antea observavimus (§. 713.), Metaphysicam exposituri veritatem, illam unice ex principio rationis sufficientis pendere putant, veritatemque igitur Metaphysicam absolvi conceptu veritatis in existendo; ita e

contra dantur plures alij, qui veritatem transcendentalem, seu, Metaphysicam nihil præter veritatem in essendo involvere existimant. Plus quidem rationis horum, quam illorum, subest opinioni, neutram tamen, accurate loquendo, ut genuinam & rei congruam assumere licet. Illius mox tradidi incommoda, hujus vero perbreui, jam enarratione expositurus. Certum est veritatem in essendo, nullius entis, necessarium si exceperis, includere existentiam. Fateor equidem ens in genere, quod Metaphysices constituimus obiectum (§. 10.); ratione internæ suæ possibilitatis, quæ cum ipso reciprocatur, esse necessarium omne (conf. not. ad §. 625.), & eatenus veritatem Metaphysicam, quæ cum ente reciprocari potest, esse necessariam omnem, illaque in essendo constituta absolvi, quatenus tamen ratione existentiae, vel magis adplicate ad conceptum entis in genere, ratione modi, quo existentia enti non repugnat, ens est vel necessarium, vel contingens (§. 625.), cujus utriusque tradere principia Metaphysices est munus, veritati Metaphysicæ generalissime acceptæ, adjudicandam esse cenleo notionem, quæ veritatem tam necessariam, quam contingentem, h. e. cum illam, quæ in essendo, tum illam, quæ in existendo consistit, una comprehendat. Mo itaque iudice non completa est veritatis Metaphysicæ notio, veritatem in essendo solum complexa.

§. 732.

*Veritatis in existendo divisio.* Veritas in existendo, seu, contingens (§. 731.), in tot iterum abit classes, in quot entia contingentia re-

recte dispescuntur. Esse vero illa vel simplicia vel composita, ex his independenter suo constabit loco. *Illā*, quorum scilicet existentiam certo novit ratio, sunt nonnisi spiritus, & speciatim animæ humanæ; *Hæc* mundo corporeo continentur. *Illā* Pneumaticæ, & speciatim Psychologicæ, hæc Physicæ subsunt tractationi. Duplex hinc exurgeret veritas contingens, altera Psychologica, altera Physica, quia tamen aliorum spirituum finitorum existentiam demonstrare nequit anima humana, quam suæ ipsius, quæ cum corpore organico est ætissime conjuncta, & per illud suas exserit operationes, non relinquitur alia in existendo veritas, nostræ subjecta demonstrationi, quam *Physica*, ordinem eorum, quæ in mundo corporeo existunt, involvens, sub qua etiam veritatem animæ in existendo comprehendere licet, non eo sane sensu, ac si anima esset corporea, vel aliquod corporeum phænomenon, absit, sed quod in mundo corporeo, corpori organico adlociata existat.

## §. 733.

Veritatem hanc *Physicam* cum *Veritas sub-*  
*Cel. Canzio* in Ontol. Polem. §. 117. *jectiva &*  
 duplicem facimus, aliam scilicet *objectiva.*

*Subjectivam*, aliam *Objectivam*, illa est ordo perceptionum nostrarum & rerum in mundo existentium, quæ illis respondent, & vicissim a perceptionibus nostris repræsentantur.

Hæc est ordo eorum, quæ sunt vel fiunt in mundo corporeo, & secundum vires corporum motusque leges adtemperatus.

Posterioris tot sunt exempla, quot in adspectabili hacm undi Machina dantur corpora, eorumque phænomena, per vires corporum motusque leges semper explicanda. Prioris exemplum est 1. Joh. I. 1. Quicquid videmus, audimus, palpamus in natura vere existit. De hac dubitat Apostolus *Petrus*, repentino Dei auxilio vinculis solutus, & e manu Herodis populique Judaici liberatus: Non enim propter aliam rationem somnio visa phantasmatum loco habemus, quam quod illa sine ratione sufficiente fieri observamus, nec eadem cum ordinario naturæ cursu connexa deprehendamus. Quare non mirum est, Divum virum, somno excitatum, statim non potuisse repentinam suam liberationem, cum diurnis perceptionibus, quibus se vinctum persenserat, connectere & nosse an verum vel imaginarium esset, quod sibi contingeret, donec aliquamdiu sibi relictus, animum suum de vera sui liberatione firmare valuit.

Veritati autem huic subjectivæ prorsus contradicunt Idealistæ, negantes a nostra perceptione ad rei perceptæ existentiam recte concludi. Non fert instituti ratio, ut horum dubiis excutiendis, aliquam tribuamus operam, facturi id sumus in Psychologicis. Largior equidem quod adparet verum non statim esse, seu tale esse, quale adparet; sic hypocrita speciem pietatis præ se fert, sine vera pietate; inde tamen non sequitur perceptiones nostras esse fallaces, sed præ-

præproperum de rebus, sensu perceptis, iudicium; haud raro fallere; sensuum enim non est internam perceptorum dijudicare indolem, hoc rationis & iudicii est munus, sensuum res animo exhibere existentes. Sed manum, uti dixi, de tabula.

## CAPUT IX.

DE

## PERFECTIONE ET BONITATE.

§. 734.

**P**erfectionem & unitatem inter *Instituti ra-*  
 unita entis attributa omnes *tio & usus*  
 referre solent Metaphysici, *Doctrina.*  
 licet multi eorum distinctis de perfectione &  
 bonitate notionibus destituti, vel nullam, vel  
 non congruam, inter illam & hanc statuunt  
 differentiam. Est quidem illa, ut fateor, exi-  
 gua, admodum enim cognata sunt perfectio  
 & bonitas, accurate tamen loquendo unam  
 cum altera non coincidere docebit utriusque  
 notio, sigillatim mox evolvenda. Esse vero  
 hanc de perfecto & bono doctrinam, gene-  
 ralissimis Metaphysices suffultam principiis,  
 amplissimi per omnes disciplinas, vitamque  
 communem usus, nemo vel leviter doctus i-  
 gnorare potest. Quis enim sine hac de perfe-  
 ctione mundi, hoc seculo, si quoquam alio,  
 maxi-

maxime controversa; propriæ animæ ejusque operationum etiam moralium, exasciatum terat judicium? Quis infinitatem Dei, hac ignorata, contra pessimam atheistarum turbam vindicabit? Nemo sane, quum omnes de hoc vel illo perfecto & bono in particulari ideæ tandem & ultima analysi resolvantur in ideas perfectionis & bonitatis Metaphysicas, quas ergo, quantum in hac valeo imperfectione, evolvere & distincte proponere annitar.

§. 735.

*Definitur* Tendentiâ plurium ad idem a-  
*Consensus*, liquod commune, scopum, finem,  
vel quocunque alio nomine veniat, obtinen-  
dum, præstandum, vel exhibendum, *Consen-*  
*sus* adpellamus.

Sensu Morali & Juris *consensus* denotat actum vo-  
luntatis, quo idem fieri vel non fieri volumus,  
quod fieri vel non fieri vult alter. Hinc in Ju-  
re Romano L. 1. §. 3. de pacto. Consentire di-  
citur, qui ex diversis animi motibus in unum, b. e.  
in unam sententiam decurrit. Facile patet specia-  
lem hanc consensus explicationem sub genera-  
lissimo, quem hoc loco exhibuimus, contineri:  
Nam si verum est, est verissimum, Consensum  
moralem significare tendentiâ voluntatum in  
eandem sententiam, remota determinatione spe-  
ciali, quæ huic adhæret ideæ, erit consensus  
in genere tendentiâ plurium ad idem aliquod  
commune exhibendum. Qui ex Logicis didi-  
cit quo modo ex data speciei notionc, abjecta  
scili-



scilicet determinatione specifica, retentaque generica, quæ simul cum illa completam speciei notionem ingreditur (§. 576.); tormetur notio generis, speciem complectens, haud dubitabit de generali consensus idea, quam, Illustri *Wolffio* in Ont. Lat. §. 503. præeunte, adprobavi & adsumsi. Velim de cetero notetur per *tendentiam ad unum aliquod commune*, me non intelligere causatum, ex suis proveniens causis, quod quidem ex generalissima idea non exclusum volo; tale tamen non est, ut exhaustiat omne, quod termino complexo: *idem aliquod commune*, designare volui. Omnes certo Dei proprietates infinitæ, operationes & internæ & externæ, exactissime inter se consentiunt; nemo tamen putabit *idem illud*, ad quod tendunt, & quod per infinitam beatitudinem & in se ipso acquiescentiam haud male explicaveris, esse earundem proprietatum & operationum effectum. Duplici sane nomine hoc implicaret, altero, quod absurde inferret aliquod ens se ipsum actuare (§. 296.); altero, quod ex independente, qualis Deus est, impie constitueretur dependens. Sed si mihi vitio veritas terminum illum complexum: *idem aliquod commune*, commune illud non determinate indicare, scias precor deesse mihi aptum & conveniens nomen ad denotandam universalissimam, quam animo volvo, ideam, huic, in quo versor, negotio parem. Suppleas ipse si placet, quem putas, defectum, non refragabor, modo exacte adimpleas muneris desiderati partes. *THOMAS*

Notetur deinde me in definitione consensus dicere, *tendentiam plurium*, indeterminata iterum actione, non cum addito: *entium vel partium*, quippe quod utrumque non competit nisi realiter

liter distinctis & compositis, ratione vero distinctis & simplicibus haudquaquam conveniens. Universalem exhibere volui consensus notionem & compositis, quæ partibus gaudent, & simplicibus, quæ utut partibus destituta, realitatibus nihilo minus prædita sunt pluribus, notionem, inquam, his & Enti simplicissimo, in quo plurimas immo infinitas realitates admirari & venerari licet, respondentem.

§. 736.

*Consensus ratio.* Est consensus tendentia ad idem aliquod commune exhibendum (§. 735.). In omni ergo consensu adest *idem aliquod commune*, ad quod plura tendunt, & ex quo, per consequens, intelligere licet, cur hæc & non alia consentiant, & cur hæc & non alia requirantur ad tale & non aliud exhibendum. Et quia nihil præterea ad intelligendum consensum desideratur amplius ex generali ejus suppeditata idea (§. præc.); idem illud commune in quolibet particulari casu, particulariter expressum, rationem sufficientem consensus involvit (§. 83.).

Ex. gr. In republica est *Salus & tranquillitas publica*, idem illud commune, ad quod tendere debent singula reipublicæ membra, singula ejus negotia, si quidem in tota desideratus obtineatur consensus. In illo communi comprehenditur ergo ratio sufficiens cur ejusmodi & non alia admittantur membra, cur hoc & non aliud suscipiatur negotium, & quæ alia sunt ejus generis.

§. 37.

## §. 737.

*Perfectionem* definimus per *Perfectionis*  
consensum realitatum in uno. Hinc *definitio.*

*Ens Perfectum* dicimus, quod habet perfe-  
ctionem, seu, ad quod constituendum, realita-  
tes, quas habet, consentiunt.

Ita rempublicam dicimus perfectam, quatenus  
omnes particulares, qui in illa occurrunt status,  
& qui realitatum heic veniunt nomine (conf. §.  
271.), ad salutem & tranquillitatem publicam  
conservandam & promovendam consentiunt.  
Imaginem Titii, in tabula delineatam, perfe-  
ctam vocamus, quatenus omnia continet, quæ  
ad Titium repræsentandum faciunt, h. e. pos-  
sident omnes linearum ductus, a capite ad cal-  
cem Titio consentientes. Perfectio intellectus  
communissimo loquendi more consistit in con-  
sensu notionum & judiciorum, tam inter se,  
quam cum rebus ipsis. Nam quo plura eadem-  
que quo distinctius concipit intellectus, eo per-  
fectiorem illum adpellare solemus. Perfectio  
hominis moralis, prout quivis facile adsequitur,  
consistit in consensu actionum liberarum & in-  
ter se & cum agendi norma, a Superiore homi-  
ni injecta. Idem innuitur in verbis Christi  
Matth. V. 48. *Estote perfecti, quemadmodum*  
*Pater vester in cælis perfectus est.* h. e. instituite  
vestram vitam, perfectionibus Divinis confor-  
mem.

Taceo alia innumera, quibus illustrari potest per-  
fectionis definitio, in id potius inquisiturus quo-  
tusque illa recepto apud alios Philosophos usui  
sit

fit conformis. Plerisque veterum placet collocare perfectionem, in genere sumtam, *incomprehensione eorum requisitorum, quæ ad tale ens constituendum adesse debent*, vel, prout alii loqui amant, *in possessione earum realitatum, quæ ad rem quamlibet datam requirantur*. Sed si quid capio, ab illa, quam nostram fecimus, non dissentiunt hæ perfectionis notiones, nisi quod nostra distinctius exponat, quod in illis confusus traditur. Etenim si quæras, quænam sint illa requisita, inesse debita? vel realitates, quæ ad rem quamlibet datam requirantur? recurrendum sane tibi erit ad nostram definitionem, qua, modo attendas, in illius cognitionem pervenire poteris distinctam. Quia enim perfectio est consensus realitatum in uno, & in omni consensu realitatum sit aliquod commune, unde determinetur cur hæ & non aliæ consentiant realitates, cur hæ & non aliæ requirantur, ad tale & non aliud exhibendum (§. 736.); ideoque perfectio, explicata per consensum realitatum in uno, possessionem earum realitatum, quæ ad rem quamlibet datam requirantur, infert, & distincte explicat quæ sint realitates inesse debite. Sed ais: *Insufficiens est hæ perfectionis definitio, nam si in casu particulari quærat, cur res perfecta sit? atque respondeatur propter consensum realitatum in uno, ex assè quæstioni non satis fit, si autem dicatur, quia possidet hæc res omnes eas realitates, quæ ad hanc rem requirantur, nihil profecto desiderabitur amplius*. Fateor generalem, quam exhibui, perfectionis ideam non sufficere ad determinandam rei cujuslibet particularis perfectionem, id tamen de generalis ideæ præstantia & veritate nihil detrahit. Quis enim ignorat no-

tionem speciei completam constare notione generica & differentia specifica (§. 576.)? ad rei igitur cujusvis particularis perfectionem judicandam requiritur ut notioni perfectionis generali addatur determinatio, ex specificis ejus desumpta prædicatis: nam alioqui non sufficeret illa desiderato. Si quis ex. gr. essentiam hominis expositorus, contentus notione essentiae generali, diceret illam absolvi conceptu rei primo, vel prædicatis sibi mutuo non repugnantibus, quorum unum non determinatur per alterum, nec per aliud prius in re (§. 320.); si, inquam, quis hoc diceret, non ille exponeret essentiam hominis, sed generalissimam modo essentiae notionem traderet, quæ quidem non dirigit in essentia hominis evolvenda, illam tamen complete hætenus non exhibet, nisi juxta ei legitimo ordine addantur determinationes. Quis vero ideo falsitatis accusabit definitionem essentiae generalissimam? Nemo sane. At par est ratio definitionis, quam perfectioni adtribuimus. Neque veterum illa perfectionis definitio, quam nostra meliorem putas, in possessione realitatum, quæ ad rem quamlibet datam requirantur, collocata, sufficit ad perfectionem rei cujusvis particularis determinandam, nisi ex determinationibus rei specificis addatur quales sint illæ realitates, quæ ad datam rem requirantur. Quicquid ergo nostræ exprobras definitioni, idem etiam tuæ exprobratum esto, mutatis saltem mutandis. His accedit omnibus tuam, quam urges, perfectionis notionem certo quidem sensu locum habere posse, si absolute & sine ulla ad alias res relatione rei intelligas per-

fectionem, si vero perfectio, sine mutua rerum relatione capi nequit, non tua sed nostra sufficit instituto, ad utrumque alioqui casum extendenda, quæ ideo magnam præ tua habet prærogativam.

Notetur tandem me dixisse, perfectionem esse consensum NB. *realitatum* in uno, loco ejus, quod *Illustris Wolfius* §. 503. Ontol. dicit esse consensum in varietate, seu, plurium a se invicem differentium in uno. Nihil quidem aliud, per plura, a se invicem differentia, intelligere voluit vir Illustris, quam realitates, in aliqua re occurrentes; maluimus tamen plura ista magis determinate exprimere, ut statim pateret non quævis plura, utut harmonica, de perfectionis hoc participare idea. Datur in vita hominis, quæ tota est scelestæ & flagitiosa, uniformitas quædam, nulla tamen hætenus perfectio, quum plura ista non sint realia & positiva, Metaphysico scilicet sensu, sed privativa & defectiva (§. 291.). Sed instas: *Hætemus tamen nostra definitio Wolfianæ consentit, quod utraque ponat plures realitates inter se consentientes: Omnis autem pluralitas aut est realis, aut est mentalis tantum, si illud desideratur, perfectionis data idea compositis solum erit adtribuenda, & proinde non universalis, quæ promittitur, sed particularis; si vero hoc intenditur, ut enti conveniat simplicissimo, non nisi mentales exsurgat consensus, mentalis perfectio. Effet ergo secundum hanc definitionem summa Dei perfectio non realis sed idealis, quod absurdum.* Sed respondemus, universalem esse, quam dedimus perfectionis definitionem, quæ utramque una comprehendit pluralitatem, videlicet & mentalem, & realem.

Ab-

Abfit vero putes nostram perfectionis notionem, Deo, Cui nulla nisi mentalis realitatum pluralitas convenit, adtributam, ideo non realem, sed mentalem esse. Nam realitates Divinæ non differunt quidem inter se & ab essentia nisi formaliter, non tamen sine certo distinctionis fundamento, in re ipsa, quæ heic Ipse Deus est, obvio, quod non negabis nisi cum fanaticis fingere velis discrimen attributorum divinatorum esse verbale solum. Sed hoc sine dubio removendum esse judicas, ergo simul affirmabis consensum realitatum in Deo non esse simpliciter mentalem, sed realem, nihilque aliud involvere quam tendentiam ad constituendam simplicissimam Dei essentiam. Deinde quæro, an recte definiam *Justitiam* Dei, per constantiam voluntatis Ejus faciendi quod rectum est, h. e. quod cum essentia & perfectionibus Divinis necessariam habet congruentiam? Affirmas sine dubio. Quæro itaque ulterius, num ne hæc justitiæ notio, sit ex variis notis characteristicis, non quidem realiter, quia justitia Dei est simplicissima; formaliter tamen, seu, mentaliter distinctis, composita? te hoc non negaturum scio. Sed hinc eodem argumenti genere, quo nostram perfectionis definitionem adgressus es, sequeretur justitiam, Deo adtribuendam non esse nisi mentalem, non vero realem. Idem flueret judicium, sed erroneum & absurdum, de cujuslibet divini attributi definitione, quæ omnis mentaliter est composita. Quicquid pro te respondes, Tibi responsum esto: idem enim utrobique est argumentandi fundamentum.

## §. 738.

*Privationum & negationum* Inter privationes & negationes, quæ tales, nulla datur perfecta perfectio. *Etio.* Quoniam enim perfectio est consensus realitatum in uno (§. 737.), privationes autem & negationes non sunt realitates, quippe quarum illæ involvunt defectum (§. 281.); inter illas, quæ tales nulla locum habet perfectio.

Valet heic vitæ hominis scelerati exemplum, cuius omnia flagitia etiam si inter se conspirent, quia tamen sunt meræ privationes, valde licet compositæ, nullam inferunt, vel inferre possunt perfectionem.

Observetur de cetero addi restrictionem: *quæ tales*, ut indicem haud denegandam esse enti perfectionem, etiam si quibusdam laboret privationibus & negationibus, non ex his, sed realitatibus, quas præterea possidet, metiendam, quæ ab eo, quod nonnisi privationibus & negationibus constat, omnino est removenda.

## §. 739.

*Dissensus definitio.* Consensui, prius explicato (§. 735.), Opponitur *Dissensus*, qui ergo consistit in contrarietate tendentiarum ad commune aliquod obtinendum, seu, ubi plura, contraria ratione, tendunt ad idem aliquod obtinendum, *Dissensum* inter illa adesse dicimus.

Notionem dissensus non est ut multis heic illustremus, quoniam enim oppositorum opposita est



est indoles (§. 426.), consensuique sine ulla hæsitatiōe dissensum opponunt omnes; nihil relinquitur dubii de vera dissensus, quam exhibuimus idea. Quicquid igitur ad consensus notionem, de eodem illo communi obtinendo, & pluribus consentientibus, adnotavimus, observata inter consensum & dissensum oppositione, dissensus notioni multum addit lucis.

## §. 740.

*Duo plurave, quæcunque, inter se relata, aut consentiunt, aut dissentiunt.* Aut enim tendunt ad idem aliquod obtinendum aut non (§. 63.). Si prius, consentiunt (§. 735.), si posterius, dissentiunt (§. 739.). Inter consensum ergo & dissensum excluditur medium.

Cave ne sumas vocabula consensus & dissensus in significatu morali, quo Titius. v. gr. nondum cognita, quam intendit Sempronius, sententia, vel saltem non, uti decet, examinata, neque vult etiamnum, neque non vult, quod vult vel non vult Sempronius, hætenus ergo, sensu morali inter se neque consentiunt, neque dissentiunt. Hoc autem non valet de sensu terminorum consensus & dissensus Metaphysico, qui ad res ipsas abstracto omnis voluntatis actu, refertur, & juxta quem non possumus non disjunctivam illam, quam proposuimus, adprobare cunctionem.

## §. 741.

*Realitates, quæ tales, inter se non dissentiunt.* Involvit enim quæ-

*Realitatum null-*

*Ius dissen-* vis realitas prædicatum, rem, seu  
*sus.* quidditatem ingrediens (§. 271.), est  
 itaque positivum quid (§. 269.), cui, quia il-  
 lud omne aliquid denotat (§. cit.), & quod  
 aliquid est, non potest simul inferre negatio-  
 nem alicujus (§. 53.); quicquid opponitur, po-  
 sitivum, quâ tale esse nequit (§. 424.). Realitas  
 igitur, quâ talis, realitati, eodem spectatæ mo-  
 do, non opponitur, & proinde altera alteri  
 non contrariatur (§. cit.). Quæ vero inter se  
 non contrariantur, neque contrarietatem ten-  
 dentiarum ad idem aliquod obtinendum habe-  
 re possunt: Impossibile enim est idem es-  
 se eidem alteri contrarium, & simul non con-  
 trarium (§. 53.). Realitates igitur, quâ tales,  
 contrarietatem tendentiarum ad idem aliquod  
 obtinendum habere nequeunt (per demonstr.).  
 Consequenter inter se non dissentiant (§. 739.).

Notanter dico realitates, quâ tales, h. e. ut cum  
 Scholasticis loquar, sub formali sua ratione spe-  
 ctatas, inter se non dissentire, haud negans in-  
 ter easdem materialiter & in concreto conside-  
 ratas, dari aliquem dissensum, ex varia earum  
 limitatione in subjecto finito oriundum. Intel-  
 lectus v. gr. & voluntas sunt utique realitates,  
 quatenus ille distinctam ponit repræsentatio-  
 nem, hæc inclinationem infert ad bonum &  
 re inclinationem a malo, quâ igitur tales se-  
 cum invicem non pugnant, sed amicissime con-  
 spirant; quatenus tamen in concreto consi-  
 derantur, prout sunt animæ humanæ faculta-  
 tes, adeoque in conditionem materiæ, sive sub-  
 jecti

jecti finiti referuntur, eatenus inter illas locum habere potest aliqua pugna, ex limitatione earum, quæ huic præcise subjecto competit, derivanda.

§. 742.

Utro hinc intelligimus inter *Realitatum* realitates, quæ tales, quia inter se *Consensus*, non dissentiunt, (§. 741.) mutuam dari consensum (§. 740.), seu, quod idem est, inter illas, simul positas, nullam inveniri, repugnantiam, quominus unum aliquod commune ex illis constituatur (§. 735.). Et per consequens, illas inter se in uno ente esse composibiles. (§. 124.).

Notum est multos veterum cum *Anselmo* perfectionem, simpliciter sic dictam, non intelligere aliud quam realitatem, quæ talem. Illam vero definivit Anselmus per eam, quæ in quolibet ente melior est ipsa, quam non ipsa. *Scotus* L. I. Dist. VIII. qu. 1. Anselmi hanc explicaturus definitionem ait. *Perfectio simpliciter est quid melius non tantum suo contradictorio: Ita enim quodcunque positivum est melius. Et simpliciter perfectius sua negatione: immo nulla negatio est perfectio aliqua formaliter: sed intelligitur sic esse melius ipsum, quam non ipsum, i. e. quolibet suo incompossibili.* Aliquanto clarius mentem Scoti expressit *Johannes de Rada* Part. I. Controv. XXVII. Immo ex allata ab Anselmo notione, idem, quod nos statuimus, colligere voluit *Museus* Cap. XXXVII. §. 13. *Metaph. Neque, inquit, repugnantes aut impossibiles sunt, sed possunt*

omnino coëxistere in uno supposito, & nisi possent, sequeretur idem esse imperfectius seipso, quod absurdum. v. gr. si bonitas non posset consistere cum vero in uno supposito, bonitas esset melior veritate, quia perfectio simpliciter in quolibet ente est melior ipsa, quam non ipsa, b. e. quodlibet cunque consistere non potest in uno supposito. Et vice versa, si veritas non potest coëxistere cum bonitate, & tamen est perfectio simpliciter, veritas erit melior bonitate. Ergo eadem bonitas, quæ antea dicebatur melior esse & perfectior veritate, jam dicitur esse imperfectior. Quod fit, ut idem sit imperfectius se ipso, quod absurdum. Igitur concedendum est omnes perfectiones, simpliciter ita dictas, esse compossibiles.

## §. 743.

*Realitas absoluta & respectiva definiuntur.*

Duplicem admittit Realitas, quam antea definivimus (§. 271.), considerationem. Nam est vel *Absoluta* vel *Respectiva*. Illa est positivum, omnem excludens defectum; Hæc est positivum, cum aliquo conjunctum defectu. Seu, quod eodem redit, illa est realitas sine ullo compossibilis realitatis defectu; Hæc vero est realitas, cum aliquo compossibilis realitatis defectu.

Ex. gr. Intellectus, per adæquatissimam & distinctissimam omnium possibilium repræsentationem explicatus, realitatem dicit absolutam, quia positivum involvit sine omni defectu eorum, quæ ei compossibilia sunt, h. e. sine omni defectu partialis realitatis, quæ illam tanquam totalem ingredi potest. Facultati nimirum re-

præ-

præsentandi composibilis est actus, cognitioni distinctæ composibilis est adæquata, adæquata, adæquatissima, cognitioni quorundam possibilium composibilis est omnium. Nec plura ex generali intellectus notione, qua explicatur per facultatem repræsentandi possibilia distincte, colligere licet ut composibilia. Intellectus ergo, per adæquatissimam & distinctissimam omnium possibilium repræsentationem definitur, dignitatem realitatis absolutæ jure tuetur. Intellectus autem humanus, qui non semper cum facultate involvit actum, nec ad omne se exporrigit possibile, nec adæquatissime sibi vel ullam repræsentare potest rem, vario igitur multoque defectu laborat, quatenus tamen animæ humanæ vere inest, positivi naturam habet, realitatemque, per consequens, denotat respectivam.

§. 744.

Quoniam hoc distat realitas absoluta a respectiva, quod illa non sit conjuncta cum aliquo defectu realitatis composibilis defectu, hæc vero cum realitatis composibilis defectu sit copulata (§. 743.); perspicuum evadit, addita, quæ hujus notioni deest, realitate, ut ita loquar, partiali, ei, quæ adest, composibili (§. 742.), evehi & elevari notionem respectivæ realitatis, in notionem realitatis absolutæ.

*Modus elevandi realitatis respectivæ notionem in notionem absolutæ.*

Ex. gr. Intellectus humanus, ut mox observavimus, est realitas respectiva, cui, non quidem qua tali, h. e. humano, sed in genere spectato,

1. variae defunt realitates partiales, quæ si addun-  
 2. tur, notionem indipiscimur intellectus Divini.  
 3. Nimirum si loco facultatis ponitur actus, loco  
 4. distinctæ repræsentationis quorundam possibili-  
 5. um, statuitur distinctissima & adæquatissima  
 6. omnium; exsurgit idea intellectus, absolute per-  
 7. fecti, qui Deo, non amplius homini competit.  
 8. Comprehendere hoc voluerunt Scholastici sub  
 9. *via eminentiæ & negationis*, quarum illa 2. perfe-  
 10. ctione, h. e. realitate, limitata, in effectu obvia  
 11. ad eandem in causa, Deo, illimitatam, *hac* ve-  
 12. ro ab imperfectione, realitate deficiente, depre-  
 13. hensâ in effectu, ad ejusdem negationem in cau-  
 14. sa concludendum esse judicarunt, rectissime hinc  
 15. porro inferentes, realitatem respectivam, h. e. ut  
 16. verbis eorum utar, perfectionem, quæ in suo  
 17. formali conceptu importat perfectionem, im-  
 18. perfectione mixtam, non *formaliter*, h. e. non  
 19. quâ tales, sed *eminenter*, h. e. remota omni  
 20. imperfectione, retentaque vera realitate, im-  
 21. mo addito, quod ei in suo formali spectato,  
 22. deest, Deo competere. *Dixere tamen*, ais, *Scho-*  
 23. *laastici quasdam realitates Deo formaliter inesse*. I-  
 24. ta quidem, sed per realitates, quas Deo forma-  
 25. liter adtribuendas recte censuerunt, non intel-  
 26. lexere aliud, quam perfectiones simpliciter ita  
 27. dictas, quæ in suo formali conceptu nihil im-  
 28. perfectionis includunt, seu, ut mox ad § 742.  
 29. adnotavimus, realitates, quâ tales, ut intellectum,  
 30. voluntatem, sapientiam, veritatem, bonitatem,  
 31. & id genus alias, in abstracto non in concreto  
 32. spectatas, quæ Deo eodem insunt modo, ac  
 33. formalis entis conceptus (§. 257.). Nos autem  
 34. presenti corollario intendimus modum evehen-  
 35. di

di realitates respectivas, quæ in formali suo conceptu semper aliquid imperfectionis habent admixti, ad realitates absolutas. Potius itaque modum eminenter dictum, quam formaliter vocatum heic commendamus, quum nulla realitas respectiva formaliter sit absoluta, & Deo, quæ talis, insit.

## §. 745.

*Realitas absoluta est possibilis, Realitatis seu, quod idem est, idea realitatis absolute absolutæ nullam involvit contradictio. possibilitas. nem.* Est enim realitas quodvis prædicatum rem, seu, quidditatem, vere ingrediens (§. 271.), sed prædicatum ingrediens tò aliquid, nequit esse nihil, quia hoc illi contradictorie opponitur (§. 76.), & contradictoria eidem simul competere nequeunt (§. 53.), erit ergo aliquid (§. 63.) & per consequens conceptibile (§. 75.), & absque omni contradictione (§. 73.). Realitas igitur in genere nullam involvit contradictionem. Quare neque realitas absoluta, quatenus realitas est, contradictione laborat, neque contradictoria esse potest, quatenus dicit realitatem sine omni conceptibilis realitatis defectu, h. e. sine omni negatione (§. 483.), hoc enim posito, nihil, ut ad realitatem absolutam, quomodocunque pertinens, de eadem negari potest. Fieri itaque nequit, ut de realitate absoluta idem & affirmetur & negetur. Absolvitur autem contradictio simultanea ejusdem affirmatione & negatione de u-

no

no eodemque (§. 43.), & est realitas absoluta, quæ nullo laborat realitatis compossibilis defectu (§. 748.). Hæc igitur realitas nullam involvit contradictionem.

Caute heic est versandum, ne putes eodem argumentandi modo demonstrari posse extensum illimitatum, seu, sine omni defectu, vel etiam in genere, quantum quodvis sine defectu dari: Nam quodcunque conceperis quantum, illud tamen tale est, ut ei nova & nova idque sine fine, addi possit pars homogenea, totumque inde resultans majus & majus reddatur. Conceptus ergo quanti & extensi illimitati, seu, absoluti, quod nullo defectu ulterioris compossibilis laborat, & cui ergo nihil addi potest ulterius, ut ad id quomocunque pertinens, secum invicem pugnantibus absolvitur partialibus ideis, prout antea est ostensum (§. 687.), & de extenso speciatim suo demonstrabitur loco. Non ergo putemus ullum quantum, & ullum extensum realitatis absolutæ titulum tueri, quo demum cunque modo de eo laboret Spinoza, qui impiissimo conatu, ut nimirum Deum eo melius cum mundo confunderet, extensionem infinitam inter Dei referre ausus est attributa.

#### §. 746.

*Quantitatis & realitatis absolutæ pugna.* Sed ut veritas, quam de realitate absoluta tuemur, eo pateat magis, reciprocam hanc subjungimus propositionem: *Quantitas nequit esse realitas absoluta, & vicissim, Nulla realitas absoluta est quantitas.* Exterminat enim



nim realitas absoluta omnem defectum ejus, quod ad eam pertinere potest (§. 743.), quantum vero omne conjunctum est cum defectu ejus quod ad id pertinere potest (§. 687.). Nequit ergo ullum quantum esse realitas absoluta. Q. E. U.

Vicissim. Omne quantum & per consequens omnis quantitas (Quantum mihi est, quod solum spectatur ut habens quantitatem) conjuncta est cum defectu ejus, quod ad eam alioquin pertinere potest (§. 687.). Sed realitas absoluta non est copulata cum ejusmodi defectu (§. 743.). Ergo realitas absoluta non est quantitas.

Distinguunt quidem Mathematici quantitatem in positivam & negativam, illamque, ut talem, sine defectu concipiunt, hanc vero ut defectivam; inde tamen non inferas dari quantitatem, realitatis absolutæ titulo dignam: Nam per quantitatem positivam nihil intelligunt Mathematici aliud, quam veram quantitatem, affirmativam scilicet, & nihilo majorem, per negativam vero, veræ quantitatis defectum, quæ ergo nihilo est minor, & proinde nonnullis absurda vocatur. Ex. gr. Si re ipsa habes centum imperiales, tibi ab aliquo datos, cum antea nihil possides pecuniarum, plus jam habes quam antea, seu, quod idem est, habes plus nihilo. Centum itaque imperiales considerantur heic ut quantitas positiva. Si contra nihil possides pecuniarum & tamen solvere debes centum imperia-

periales, non potes non ante solutionem minus nihilo habere, est itaque hoc debitum quantitas negativa & veræ, quæ daretur, quantitatis defectus. Sed quem ad modum centum imperiales possessi augeri possunt, ita quantitas omnis, utut positiva, eo nunquam sensu sine defectu consideratur, ac si timeret omne sibi impossibile, essetque omnis ulterioris incrementi incapax. Nuda ergo quantitatis positivæ appellatio, Mathematicis usurpata, indolem quantitatis haud mutabit, & realitatem absolutam ei attribuet.

## §. 747.

*Qualis determinatio entis est realitas absoluta.*

Sub generalissimo realitatis titulo comprehenditur realitas absoluta (§. 743.), est autem illa quodvis prædicatum, quidditatem, seu rem ingrediens (§. 271.), & proinde determinationis rei internæ nomine digna (§. 187.); *Hæc ergo, seu, realitas absoluta sub determinationibus rei internis comprehenditur.*

In cujus entis, an unius an plurium, determinationibus intrinsicis contineatur realitas absoluta, nondum deducendi est locus, docebunt vero, quæ sequuntur, propositiones illam non competere nisi enti infinito, reliquis autem omnibus esse incommunicabilem.

## §. 748.

*Realitas absoluta est qualitas.*

Præna hinc fluit consequentia *realitatem absolutam esse qualitatem.* Realitas enim absoluta, quia deter-

determinatio rei est intrinseca (§. 747.), aut qualitas est, aut quantitas (§. 460.), sed in quantitatibus contineri nequit (§. 746.). Est ergo qualitas (§. 461.).

### §. 749.

*Realitas absoluta est sine gradu.* Est *Est sine* enim realitas absoluta remota ab omni gradu. defectu ulterioris compossibilis realitatis (§. 743.), & est simul qualitas (§. 748.). Qualitatem ergo dicit sine omni defectu, seu, limite (§. 482.). Et per consequens, sine omni gradu (§. 485.).

Aliter. Omnis gradus est cum quantitate copulatus (§. 486.). Realitas autem absoluta est absque omni quantitate (§. 746.). Ergo a realitate absoluta exulant omnes gradus.

Placet haud paucis vocare realitatem absolutam, realitatem in summo gradu, quæ phrasis non explicata *compare*, quo modo aliquem in superlativo nominamus doctissimum, non quod simpliciter repugnet esse alium hoc doctiorem, sed quod cum ceteris comparatus sit doctior, non, inquam, *compare*, sed *absolute*, uti loqui amant, intellecta, quo sensu summus gradus esset, ultra quem nihil amplius concipi potest, est quidem innoxia, ratione tamen notionis, quam de gradu in genere habemus (§. 485.), & quæ omnis quantitatem involvit (§. 486.), ultra quam quomodocunque auctam & positam, semper concipere licet aliquod amplius (§. 687.), omnino mihi implicare videtur gradus summus, etiam

iam absolute explicatus, ultra quem nihil amplius concipi posset. Potius itaque dicamus realitatem absolutam esse sine gradu, quam in gradu summo.

§. 750.

*Realitatum absolutarum* *Realitates absolutæ in universum omnes inter se consentiunt, & in uno ente sunt compossibiles.* Omnes realitates, quæ tales, h. e. consideratæ solum ut realitates, non ut negationes, & per consequens, sine realitatis absentia, seu, defectu (§. 281.), inter se amicissime conspiciunt & in uno ente sunt compossibiles (§. 742.). Realitates vero absolutæ in universum omnes sunt realitates, sine ulla ulterioris, ceu partialis realitatis absentia (§. 743.). Hæ ergo omnes inter se consentiunt & in uno ente sunt compossibiles.

Non displicebit, quia maximi momenti est res, alio adhuc argumento eandem illustrare plenius. Verum cum ente ita converti vidimus, ut omne ens sit verum (§. 711.), & omne verum sit ens (§. 719.), sed est etiam omne ens positivum, & omne positivum est ens (§. 280.). Omne ergo verum est ens positivum, & omne ens positivum est verum. Est ens positivum quod est aliquid & rei nomine denotatur (§. 279.), quodvis vero rei prædicatum esse simul aliquid & positivum quid ex demonstratis in §. 746. liquet, seu, quod idem est, quamlibet realitatem, quæ talem, esse positivum quid. Certum

tum etiam est quodlibet veri prædicatum esse simul verum, nam alioqui daretur, aliqua scilicet, objectiva falsitas, ipsumque verum ens ex possibili & impossibili simul conflatum esset, quod omnino absurdum (§. 712. 53.). Quam ob rem quælibet realitas, quæ talis, & per consequens, quælibet realitas absoluta, quæ tota sine defectu est realitas (§. 743.), objectivam habet veritatem. Nulla vero veritas objectiva, alteri, etiam objectivæ, contrariatur (§. 724.). Quare nec altera realitas absoluta, alteri, etiam absolutæ, contrariatur. Possunt itaque omnes simul in uno conjunctæ esse ente (§. 423.), seu, quod eodem redit, sunt in uno ente compossibiles.

## §. 751.

*Fieri nequit ut enti alicui simul insint omnes realitates absolute cum aliqua realitatum respectivarum mixtura.* Realitatum absolutarum & Respectivarum mixtura in uno negatur. Ens, cui conveniunt omnes realitates absolute, nullo laborat defectu, vel, quia absolute sunt (per hypoth.), quæ realitates ipsas (§. 743.), vel quæ numerum realitatum, quia omnes ei inesse ponuntur. Est vero realitas respectiva, quæ cum aliquo compossibilis realitatis defectu est conjuncta (§. 743.). Quare si idem ens aliquam simul possideret realitatum respectivarum mixturam, conjunctum illud esset cum aliquo defectu realitatis compossibilis, quæ copulata, ut ita loquar, cum realitate partiali, quæ adesse supponitur, illius

ad absolutam efficeret complementum (§. 744.). Et proinde deesset eidem enti aliqua realitas absoluta. Impossibile vero est, ut idem simul habeat & non habeat omnes realitates absolutas (§. 53.). Fieri ergo nequit, ut alicui enti simul insint omnes realitates absolutæ cum aliqua realitatum respectivarum mixtura.

Quantæ sit præsens propositio utilitatis tum ad anthropomorphismum omnem, tum ad alia luxuriantis ingenii humani deliramenta detegenda & proscribenda suo in Theologia Nat. demonstrabitur loco.

§. 752.

*Definitur Ens*

*Absolute perfectum.*

*Ens absolute Perfectum* dicitur, cui insunt omnes realitates absolutæ. *Absoluta* igitur *Perfectio* consistit in possessione realitatum omnium absolutarum.

Pro nostro itaque concipiendi modo, duo vel potius tria ad *esse* entis absolute perfecti pertinent 1:o) *ut realitates* quascunque habet, habeat absolute, i. e. cum tota sua, ut ita loquar, omnitudine possibili 2:o) *ut habeat* absolute omnes sine ullo defectu, quas nullo determinato & finito exprimere licet numero, cum potius statuere fas sit tantam esse realitatum absolutarum in ente absolute Perfecto abundantiam, ut infinitum superet omnem assignabilem numerum, omnem dabilem quantitatem discretam; nihil enim enti abs. perfecto præter

ter realitates absolutas competit, inter quas nulla locum habet quantitas (§. 746.). 3:0) *Requiratur* ad ideam Entis abs. Perfecti, ut realitates, quas possidet, habeat simul, i. e. sine successione: alioquin enim aliquo saltem temporis, vel aliquo durationis ipsius momento deesset aliqua realitas absoluta, post aliquam demum successionem eidem adtribuenda. Quod posita notione entis absolute perfecti animo fingere non licet.

## §. 753.

*Manifestum hinc fit in Ente abs. Entis Abs. perfecto nihil dari negativi, nihil perfecti Exprivativi, sed quicquid ei competit cellentia. esse positivum.* Insunt enim ei omnes realitates absolutæ (§. 752.), adeoque sine ulla realitatum respectivarum mixtura (§. 751.). Quicquid ergo ei inest, est realitas absoluta, adeoque positivum est sine omni defectu (§. 743.), & per consequens, sine omni negatione & privatione (§. 281.).

Abunde quidem scimus enti absolute perfecto nihil tribui debere negativi, ea tamen est mentis humanæ imbecillitas, ut multa sint Dei attributa, quæ magis negante, imperfectiones removendo, quam ajente sensu intelligamus. Originem hinc traxit divisio attributorum Dei in positiva & negativa, quæ tamen posteriora, haud ita intelligenda esse, ac si Deo competeret aliqua negatio, docet præsens propositio.

## §. 754.

*Realitatum* *Realitates; quæ enti absolute*  
*Entis abs. perfectio* *perfecto insunt, inter se consentiunt*  
*perfecti consensu.* *omnes.* Sunt enim illæ omnes absolute (§. 752.), & ideo non possunt non inter se consentire (§. 750.).

Infert ergo realitatum absolutarum possessio mutuum earum consensum. Expressam itaque vocabuli consensus in definitione absolutæ perfectionis non feci mentionem. Hinc tamen nemo putet definitionem perfectionis in genere, per consensum realitatum in uno exhibitam (§. 737.); sua destituere universalitate, neque ad absolutam entis Absolute perfecti perfectionem esse extendendam, nemo, inquam, quum determinatio, perfectioni in genere adjecta, ut inde exsurgat idea absolutæ perfectionis, consensum, quibus gaudet realitatum, statim includat, minime vero gentium excludat. Re igitur ipsa participat idea absolutæ perfectionis de tota notione perfectionis in genere, & secundum bonæ divisionis, quas tradit Logica, regulas accurate formata judicatur.

## §. 755.

*Cujuslibet realitatis absolutæ perfectio.* *Qualibet realitas absoluta perfectione absoluta recte habetur.*  
 Realitas enim absoluta est realitas quæ talis (§. 742.) sine ullo realitatis compossibilis, & per consequens itidem, quæ talis (§. 742.), defectu (§. 743.). Realitatem proinde absolutam quam-



quamlibet ingrediuntur omnes realitates, quæ tales, ad illam constituendam compossibiles. Est vero realitas omnis, quæ talis, ut antea (ad §. 750.) adnotatum dedimus, quæ sine realitatis absentia consideratur. Quælibet ergo realitas absoluta possidet realitates absolutas omnes, illam constituentes (§. 743.), & per consequens pro absoluta perfectione recte habetur (§. 750.).

Ex. gr. Sapientiam realitatis absolutæ titulo dignam censemus, si scientia est absolute summa convenientissima subordinandi finibus media, per quæ scilicet fines omnium brevissime & simul plenissime obtinentur. Ideam ergo hujus sapientiæ constituunt partiales, Logico sensu, ideæ. 1:o) *Scientiæ absolute summæ*. 2:do) *subordinationis* mediorum cum finibus omnium maxime concinnæ. 3:o) *plenissimi* obtentus finis. Quælibet harum seorsim spectata positivum dicit sine ullo defectu, adeoque realitatis absolutæ nomine recte venit. Et quatenus plures ideæ partiales, præter enumeratas, ideam totalem sapientiæ absolute summæ non ingrediuntur, quod, ut alia taceam, abunde ostendit sapientiæ notio in genere, per scientiam apte subordinandi media finibus explicata; Eatenus ergo recte concludimus sapientiam, realitatis absolutæ titulo dignam, esse absolutam perfectionem. Est quælibet realitas absoluta simplex, immo simplicissima, Enti simplicissimo unice competens, in nullas ergo partes realiter distinctas, secerenda; cogitur tamen mens humana, quæ omnia,

ad rem quampiam pertinentia, simul intueri nequit, in partiales, etiam quod simplicissimum est, resolvere ideas, quarum qualibet illud inadæquate sibi repræsentat. Pendet hinc resolutio cujuslibet realitatis absolutæ, distincta notione a nobis exhibitæ, in suas quasi partiales, quibus quasi componitur. Consensui itaque inter has obvio perfectionis nomen jure adtribuimus.

### §. 756.

*Possibilitas*      *Ens absolute perfectum est Possibilis absolute, seu, idea, quam de ente absolute perfecti. perfectio formavimus (§. 752.), est possibilis.* Realitates absolutæ omnes sunt possibiles (§. 745.), inter se consentiunt & in uno ente sunt compossibiles (§. 750.). Est vero Ens absolute perfectum, cui insunt omnes realitates absolutæ (§. 752.). Hoc ergo ens possibile recte statuitur.

Ne quis existimet, precor, minoris momenti esse quam demonstravi, rem: nam multum habet illa ponderis ad decidendam controversiam inter Scholasticos agitatam, *an & quousque ex notione entis Perfectissimi demonstrari possit ejus existentia?* Affirmavit quæstionem *Anselmus*, negarunt alii: *Thomas* monuit sequi existentiam ex idea entis Perfectissimi, modo prius probetur hujus ideæ possibilitas. *Cartesius* tum in Princip. Phil. P. I. §. 17. tum in Meditationibus Metaphys. contendit cum *Anselmo* ex idea entis Perfectissimi recte deduci Ejus existentiam, de quo argumentandi genere acres & mul-

multifariæ inter magni nominis viros ortæ sunt contentiones. Virorum, qui præcipui & velut capita fuerunt, nomina recensent *Petrus Bayle* in Dict. Hist. & Crit. Tom. IV. voce *Zabarella* Not. F. & *Job. Albertus Fabricius* in delectu argumentorum pro veritate religionis Christianæ Cap. X. p. 325. *Leibnitius* probavit iudicium Thomæ, contendens ex idea entis absolute Perfecti sequi Ejus existentiam, ostensa ideæ illius possibilitate. Eadem est *Cudworthi* sententia in System. Intell. Cap. V. Sect. 1. §. 99. & seqq. verba ejus hæc sunt in cit. §. *Quicquid certo ex forma erui potest naturæ perfectissimæ, quam animo comprehensam habemus, id hoc unum est, si nihil in eam formam inclusum sit, quod inter se pugnet, seque tollat mutuo, tum fieri posse ut ejusmodi natura vere extra nos versetur.* Nobis non foret difficile ex ostensa possibilitate Entis absolute perfecti ostendere ejus existentiam, sed ne limites transgrediamur Metaphysices, huic labori, donec ad Theologiam Naturalem V. D. perventum fuerit, parcemus.

## §. 757.

*Entia respective Perfecta sunt, Respectiva*  
*quæ possident realitates respecti- Perfectionis*  
*vas, inter se consentientes. Ut adeo definitio.*  
*Respectiva Perfectio* absolvatur consensu ejus-  
 modi realitatum.

Perfectionem ejusmodi possident omnes creaturæ, nullius absolutæ realitatis capaces, capaces vero realitatum unice respectivarum, quarum certus & determinatus numerus inter se con-

sentientium ens quodvis respective perfectum ingrediuntur.

§. 758.

*Inter absolutam & respectivam perfectionem excluditur medium.* Ex modo disputatis liquet nos recte dispescere perfectionem, in genere sumtam, in absolutam & respectivam. Constituitur enim perfectio, generaliter accepta, consensu realitatum in uno (§. 737.). Sunt autem realitates vel absolutæ vel respectivæ (§. 743.), illarum consensu, seu, præsentia in uno ente constituitur perfectio absoluta (§. 752.): Harum vero in uno consensu absolvitur perfectio respectiva (§. 757.). Perfectionem, in genere sumtam, recte dispescimus in absolutam & respectivam.

Cavendum ne hinc inferas ens absolute perfectum esse speciem, sub aliquo positam genere, nam id non magis sequitur, quam si putares, ens Infinitum ideo esse speciem entis in genere, quia hoc in infinitum & finitum recte dispescitur. Potest quidem absoluta perfectio considerari tanquam species perfectionis in genere, inde tamen non fluit ens, quod absolutam possidet perfectionem, esse speciem, plura sub se comprehendentem singularia. Nam re ipsa alia heic non occurrit considerandi ratio, quam qua dicimus Deum sub ente in genere analogico sensu comprehendendi.

§. 759.

*Imperfectio.* Perfectioni opponitur Imperfectio.

*Etio*, quam per absentiam, vel defe- *Etionis de-*  
ctum perfectionis explico. *finitio.*

Retineo heic receptam & apud multos veterum, quosdam etiam recentiorum usitatam imperfectionis notionem, ut principiis supra positis & evolutis magis congruam.

§. 760.

Perfectionem in genere defini- *Fundamen-*  
vimus (§. 737.) per consensum rea- *tum diverfi-*  
litatum in uno, ad notionem adeo *tatis in im-*  
perfectionis duo postulantes 1:o) *perfectione;*  
consensum; & quidem 2:o) realitatum. *Quam-*  
obrem imperfectio involvit 1:o) *absentiam*  
*consensus*, inter realitates scilicet respectivas, quum omnes absolutæ inter se semper consentiant (§. 750.). 2:do) *Absentiam realitatum*, quum inter privationes & negationes, utcunque inter se consentientes, nulla detur perfectio (§. 738.), nulla ergo perfectionis absentia.

Ex. gr. Imperfectam hinc judicamus hominis scelerati vitam, utcunque, qua partiales, quibus continetur, actiones inter se consentientem, quum non realitatibus sed vitiis, quæ Metaphylico sensu privationes sunt, absolvatur. Pari modo imperfectam censemus rempublicam, cui, ad consensum cum fine ejus ultimo, salute scilicet & tranquillitate publica, obtinendum & conservandum, vel mære desunt sufficientes vires, vel adsunt quidem, sed inter se mutuo pugnantes, finemque, ad quem tendere debent, destruentes.

§. 761.

## §. 761.

*Imperfectionis diversitas.* Duplicem hinc subit imperfectio considerationem, nam aut mere abest realitas, ad consensum in uno obtinendum requisita, aut dissensus datur inter realitates præsentis, i. e. contrarietas tendentiarum ad idem aliquod obtinendum (§. 739.). Prioris generis imperfectio vocatur *Remotiva*, posterioris autem *Contraria*.

Facit huc illustrationis gratia exemplum mox allegatum. Imperfectio remote talis in civitate datur, si ei desunt vires defendendæ securitatis contra hostium insultus; si defectu pecuniarum, nervi illius rerum gerendarum, laborat; si non habet alimenta necessaria ad cives sustentandos; verbo, si iis destituitur momentis & opportunitatibus, quæ ad salutem & securitatem ejus requiruntur. Contrarie vero talis in civitate reperitur imperfectio, si ipsa in propriis visceribus alit tranquillitatis & publicæ & privatæ turbatores, cives habet in adversas distractos partes, seque mutuo vel aperta vi, vel clandestinis artibus, cum magno reipublicæ damno invadentes, flagellantes, occidentes.

Imperfectionem, quam nos cum *Bülfingero* in diluc. Phil. §. 131. & Comment. de O. & P. mali M. §. 102. remote talem vocavimus, alii cum *Schuberto* §. 277. Metaph. *privative talem* appellare malunt. Existimo autem nullum ens dici imperfectum ex absentia realitatis, quam possidere nequit, sed ex defectu realitatis, quæ inesse poterat. Nam quis dicit lapidem imperfectum

fectum, quia visu destituitur? quis plantam nominat imperfectam, quia olfactu caret? & sic porro in rebus aliis. Infert itaque, me iudice, omnis imperfectio absentiam perfectionis, quæ inesse potest, seu, privationem perfectionis, (§. 281.). Neque ergo admitti debet, arbitror, distinctio imperfectionis in *privativam* & *Negativam*. Dicunt enim illam esse absentiam perfectionis in subiecto habili, seu, quæ inesse potuit, ut cæcitas in homine. Hanc vero absentiam perfectionis, quæ subiecto inesse nequit, ut cæcitas in lapide, in auro vitæ, denegatio. A recepto loquendi more, quem, quantum fieri potest, observare debet Philosophus, multum recedit negativa illa imperfectio, potius itaque negligenda, quam calculo Philosophico adsumenda videtur.

## §. 762.

*In omni perfectione datur ratio quædam generalis, per quam intelligitur cur ea, quæ perfectio insunt, ita se potius habeant quam aliter, seu talia potius sint & tanta, quam alia.* In omni consensu adest idem aliquod commune, in se continens rationem sufficientem, unde intelligere licet cur hæc & non alia requirantur ad tale & non aliud exhibendum (§. 736.). Est vero perfectio consensus realitatum in uno (§. 737.). In omni itaque perfectione datur ratio quædam sufficiens, per quam intelligitur, cur hæc potius & non alia ad perfectum constituendum requirantur. Deducitur autem hæc ratio ex  
gene-

generalissima, quam dedimus (§. 737.) perfectionis notione, unde non potest non illa quoque generalis esse.

Ex. gr. Societatis conjugalis perfectionem ex ejus fine, lobolis nimirum procreatione & educatione, dijudicamus. Est ergo finis iste ratio generalis hujus societatis. Unde intelligitur cur non solum illam constituent mas & femina, non vero soli mares, nec solæ feminae; sed & cur utriusque requiratur ad generandumabilitas physica, cur illis incumbat prolem generatam educare, curare & defendere, aliaque his adnexa & hinc pendula promovere & agere. Similiter ex structura oculi consequitur delineatio objecti visibilis in fundo ejus. Quare quum ex clara & distincta objecti delineatione intelligere liceat, cur his tunicis & non aliis, his humoribus & non aliis, hoc ordine & non alio dispositis constet, rationem inde habemus, quæ perfectionem oculi determinat.

### §. 763.

*Ratio determinans perfectionis definitur.* Ratio illa generalis, ex qua intelligitur, cur quæ perfectum constituunt, sic potius habeant, quam aliter, hæc sint & non alia vocamus *Rationem determinantem perfectionis*. Desumitur hæc ratio, ut præcedentis propositionis demonstratio indicat, ex eodem illo communi ad quod obtinendum tendunt, quæ perfecto insunt. Quare etiam dicere possumus *rationem determinantem perfectionis constitui* com-



*communitate illa, ad quam tendere debent, quæ perfectio insint.*

Retineo heic, quam habet *Illustris Wolfus* adpellationem in *Ontol. Lat. §. 506.* Aliis placet rationem hanc determinantem, *Principii perfectionis* titulo insignire, quam denominationem haud ineptam judico, præsentī tamen instituto Wolfiana ista magis videtur accommoda.

### §. 764.

*In qualibet perfectione adesse debet ordo.* In omni ordine certa datur regula (§. 696.), rationem, secundum quam cuilibet plurium determinatus assignatur locus, complexa (§. 695.). Ubiunque igitur datur ejusmodi ratio juxta quam cuilibet plurium determinatus assignatur locus, ibi adest similitudo obvia in modo, quo plura ista juxta se invicem coexistunt, vel se mutuo succedunt (§. 694.), & per consequens adest ordo (§. 693.). Sed in omni perfectione datur ratio aliqua determinans, juxta quam coexistunt plura, quæ perfectio insunt (§. 762. 763.). In qualibet ergo perfectione adesse debet ordo.

Ex. gr. In republica, cui perfectio attribuenda venit, dantur multa membra, multa collegia inter se vel subordinata, vel alio coexistentia modo, ita tamen, ut justum inter se observent ordinem, ex scopo & fine civitatis deductum, qui si non daretur, sed ejus loco mera ubi vis regna-

generalissima, quam dedimus (§. 737.) perfectionis notione, unde non potest non illa quoque generalis esse.

Ex. gr. Societatis conjugalis perfectionem ex ejus fine, sobolis nimirum procreatione & educatione, dijudicamus. Est ergo finis iste ratio generalis hujus societatis. Unde intelligitur cur non solum illam constituent mas & femina, non vero soli mares, nec solæ feminae; sed & cur utriusque requiratur ad generandumabilitas physica, cur illis incumbat prolem generatam educare, curare & defendere, aliaque his adnexa & hinc pendula promovere & agere. Similiter ex structura oculi consequitur delineatio objecti visibilis in fundo ejus. Quare quum ex clara & distincta objecti delineatione intelligere liceat, cur his tunicis & non aliis, his humoribus & non aliis; hoc ordine & non alio dispositis constet; rationem inde habemus, quæ perfectionem oculi determinat.

### §. 763.

*Ratio determinans perfectionis definitur.* Ratio illa generalis, ex qua intelligitur, cur quæ perfectum constituunt, sic potius habeant, quam aliter, hæc sint & non alia. vocamus *Rationem determinantem perfectionis*. Desumitur hæc ratio, ut præcedentis propositionis demonstratio indicat, ex eodem illo communi ad quod obtinendum tendunt, quæ perfecto insunt. Quare etiam dicere possumus *rationem determinantem perfectionis constitui*

*communitate illa, ad quam tendere debent, quæ perfectio insint.*

Retineo heic, quam habet *Illustris Wolfius* adpellationem in *Ontol. Lat. §. 506.* Aliis placet rationem hanc determinantem, *Principii perfectionis* titulo insignire, quam denominationem haud ineptam judico, præsentī tamen instituto Wolfiana ista magis videtur accommoda.

§. 764.

*In qualibet perfectione adesse Ordinis ne debet ordo.* In omni ordine certa cessitas imperdatur regula (§. 696.), rationem, *sefectione*, secundum quam cuilibet plurium determinatus assignatur locus, complexa (§. 695.). Ubique igitur datur ejusmodi ratio juxta quam cuilibet plurium determinatus assignatur locus, ibi adest similitudo obvia in modo, quo plura ista juxta se invicem coexistunt, vel se mutuo succedunt (§. 694.), & per consequens adest ordo (§. 693.). Sed in omni perfectione datur ratio aliqua determinans, juxta quam coexistunt plura, quæ perfectio insunt (§. 762. 763.). In qualibet ergo perfectione adesse debet ordo.

Ex. gr. In republica, cui perfectio attribuenda venit, dantur multa membra, multa collegia inter se vel subordinata, vel alio coexistentia modo, ita tamen, ut justum inter se observent ordinem, ex scopo & fine civitatis deductum, qui si non daretur, sed ejus loco mera ubi vis regna-

regnaret confusio, omni sua perfectione destitueretur respublica, utcunque alioquin ampla & externe splendida.

§. 765.

*Ordo perfectionem non statim infer.* Datur quidem *infer.*

in omni ordine certa ordinis regula, seu, ratio (§. 696.), sed versatur hæc unice circa modum, quo cuilibet plurium determinatus adsignatur locus (§. 695.), illam non afficiens rationem, ex qua intelligitur cur quodlibet plurium ita se potius habeat, quam aliter, tantoque inter se adsint numero & non alio. Quare quum hæc ratio, ex ratione ordinis non determinata (§. 194.), absolvat constituatque perfectionis rationem determinantem (§. 763.), quæ in omni adesse debet perfectione (§. 762.); perspicuum est, non omnem ordinem inferre perfectionem.

Ex. gr. Si habita ratione non salutis reipublicæ, sed opum, cura civitatis opulentioribus committeretur, ita, ut quo ditiores essent cives, eo etiam magis necessaria, celsa & sublimia curarent civitatis negotia, eoque majorem tenerent dignitatis gradum, sive rerum gerendarum gnari essent, sive minus; daretur quidem in illa respublica ordo civium, ex memorata determinatus regula; nulla tamen hætenus in eadem locum haberet perfectio, cujus in præsentī casu ratio determinans est salus & tranquillitas publica, quæ officiorum publicorum postulat admini-

ministrationem, rerum gnaris & sapientioribus, qui non propriam, sed totius civitatis quærunt utilitatem, committendam esse & conferendam. Pari modo in horologio, cui ceteroquin completo, aliqua deficit rota, ad determinandum indicis motum, motui solis responsurum, requisita, locum non invenit, quæ desideratur, perfectio: Quoniam tamen reliquæ partes omnes horologii adsunt, atque altera, propter alteram existit; adest ordo, qui ergo in hoc casu & aliis ejusmodi sine perfectione datur.

## §. 766.

Absolvitur veritas ordine eorum, quæ enti competunt (§. 710.), sed non omnis ordo, eorum scilicet, quæ alicui conveniunt enti, perfectionem infert (§. 765.). *Datur ergo sine perfectione veritas, quare hac cum illa non est confundenda.* *Veritatis & perfectionis discrimen.*

Veritatem ex principio contradictionis & rationis sufficientis pendere evicimus (§. 713.), sed possunt haud pauca ex illis determinata esse principiis, quæ tamen simul posita nec sibi nec rationi determinanti perfectionis conspirant, ut in structura oculi, sublata retina, reliqua nihilominus determinantur ex dictis principiis, veritatemque ideo habent, in genere sic dictam; deest tamen oculo sua perfectio. Verum ergo cum perfecto non confundendum esse liquet. Regeris forte: *Omne ens est perfectum, quia habet consensum plurium in uno, & omne verum, quod partialium notionum dicit ordinem, est ens.*

*ens. Ergo omne verum est perfectum. Coincidunt  
 idcirco veritatis & perfectionis ideae.* Largior, o-  
 mne ens esse essentialiter perfectum, verum  
 quoque, hoc ergo & illud idem involvere ma-  
 terialiter; inde tamen non sequitur veritatem  
 cum perfectione coincidere formali, uti loqui a-  
 mant, sensu: nam per diversas a se mutuo di-  
 stinguuntur notiones, quas suis jam tradidimus  
 locis. De cetero ubi diximus dari in entibus si-  
 ne perfectione veritatem, sermo nobis est non  
 tam de perfectione essentiali, quæ quatenus o-  
 mni inest enti, a veritate ejusdem separari ne-  
 quit materialiter, quam potius de accidentali,  
 quæ salva entis veritate Metaphysica, ei deesse  
 potest. Unde quia perfectio accidentalis sub  
 perfectione in genere comprehenditur, recte as-  
 seruimus dari casus, in quibus veritas sine per-  
 fectione obtinet.

## §. 767.

*Perfectionis* Si ratio determinans perfectio-  
*simplicis &* nis unica fuerit, *Perfectio* dicitur  
*composita.* *simplex.* Si vero rationes determi-  
*definitiones.* nantes plures fuerint & a se mutuo  
 diverſæ, *Perfectio composita* adpellatur.

Quamvis in rebus naturalibus & finitis nulla, ac-  
 curate loquendo, detur perfectio simplex, con-  
 cipiuntur tamen in rebus Geometricis simpli-  
 ces perfectiones. Ita perfectionem circuli ju-  
 dicamus non ex pluribus sed hac unica ratio-  
 ne determinante, quæ æqualitatem infert omni-  
 um linearum, quæ a centro ad peripheriam e-  
 jus ducuntur, ita ut si vel unica linea ab hac

ratione deflectat, perfectum non censeamus circulum. Exhibet ergo circuli perfectio aliquod simplicis perfectionis exemplum. Perfectio autem fenestrarum in ædificio composita est, ex quadruplici enim pendet ratione determinante 1:o) *illuminatione* conclavis, 2:o) *commoditate* prospectus, 3:o) *symmetria* totius ædificii. 4:o) *commoda* conclavis in habitatione, aeris cursu (vulgo drag.) per fenestras & januas non impedita. Pari modo perfectio studiorum curriculi composita est. Ex pluribus enim pendet illa capitibus. Debent actiones studiosi eo collimare, ut fiat doctior, melior, seu, in virtute crescat, ut minimo tempore, labore, sumtu, in utroque proficiat.

§. 768.

Propositio enunciatis determinatorem realitatum, rationi determinationem perfectionis conformem, *Regula perfectionis* audit.

Sic salus & securitas publica est ratio determinans perfectionis reipublicæ, unde varias deducere solent Politici propositiones, ad quarum tenorem determinant qualitates tum officialium tum nutrientium, tum etiam omnium in republica agendorum. Hæ ergo omnes regularum Politicarum nomine veniunt, ex quibus perfectionem civitatis dijudicare solemus.

Differt regula ordinis a regula perfectionis, ex illa pendet ratio cur cuilibet plurium determinatus adsignetur locus (§. 695.); hæc, ex ratione determinante perfectionis deducta, non modo inservit determinando cujuslibet plurium

loco, sed & qualitati & quantitati earum constituendis, quum per hanc intelligatur, eam quæ perfectio insint ita se potius habeant quam aliter, hæc & tanta potius sint quam alia (§. 763. 762.); hæc perfectionem infert, illa non semper (§. 765.), hæc includit illam (§. 764.), in illa autem hæc non continetur (§. 765.). Altera ergo cum altera non est confundenda.

§. 769. *Regulæ perfectionis, ex unica ratione determinante perfectionis deductæ, inter se pugnare nequeunt.* Quoniam enim ex unica ratione determinante pendent, seu, determinantur hæ regulæ (per hypoth.), posita ratione determinante, quælibet earum simul ponitur (§. 196.). Altera ergo alteri neque contrariatur, neque contradicit (§. 424.), seu, quod idem est: altera cum altera non pugnat. Aliter. Ponamus regulas istas inter se opponi, habebunt ergo oppositam rationem sufficientem (§. 427.), seu, determinantem. Sed, agnoscunt nonnisi unicam rationem determinantem (per hypoth.), quæ sibi ipsi opposita esse nequit (§. 53.). Non ergo inter se oppositæ sunt regulæ ex unica deductæ ratione determinante.

Ex. gr. Diximus modo unicam esse perfectionis circuli rationem determinantem, quæ absolvi-  
tur æqualitate omnium ejus radiorum. Deri-  
vantur hinc regulæ 1:0) Circulum talem esse  
figu-



figuram, ut si in illa ductæ fuerint duæ rectæ, sese mutuo secantes, rectangulum, comprehensum sub segmentis unius, æquale sit ei, quod sub segmentis alterius continetur rectangulo El. III. p. 35. 2:0) Quod omnis figura quadrilatera, cujus anguli oppositi sunt æquales duobus rectis, possit circulo inscribi El. III. p. 22. 3:0) Quod perpendicularis ex quolibet peripheriæ puncto ad diametrum ducta sit media proportionalis inter segmenta diametri El. VI. p. 8. Hæ & aliæ regulæ, ex unica illa perfectionis circuli ratione determinante deductæ, eo minus secum invicem pugnant, quo certius est illas omnes de quolibet circulo locum simul habere.

## §. 770.

*Regulæ perfectionis, ex diversis rationibus determinantibus, se pugnare possunt.*

Quoniam enim diversæ sunt rationes determinantes, quibus nituntur regulæ perfectionis (per hypoth.), & hæ ex illis determinantur (§. 768.); non potest non illarum disconvenientia harum quoque inferre diversitatem (§. 405.), quæ cum oppositione, seu pugna (§. 424.), conjuncta esse potest (§. 429. 430.). Regulæ ergo perfectionis, ex diversis rationibus determinantibus derivatæ, inter se pugnare possunt.

Ex. gr. Rationes determinantes perfectionem fenestrarum variæ sunt, ut antea indicavimus, (§. 767.). Locum inter has obtinent major con-

clavis illuminatio, & commoda ejusdem inhabitatio. Ex priori fluit hæc regula: *Quo plures & majores constituuntur fenestree, eo magis illuminatur conclave.* Ex posteriori autem derivatur alia, huic contraria: *Quo plures & majores collocamus fenestras, eo magis impeditur & minus salutaris redditur conclavis inhabitatio.* Quia ergo ab esse, uti loqui amant, ad posse valet consequentia, facile agnoscis possibilem esse pugnam regularum, quæ ex diversis pendent rationibus determinantibus.

## §. 771.

*Exceptionis definitio.* Pugna vel collisio regularum *Exceptionem* parit, quæ est determinatio regulæ contraria ob regularum, simul observandarum collisionem facta.

Ex. gr. Si Cajus, navigio vectus, procellosa ita premitur tempestate, ut nisi merces in mare projiciat, vitam conservare non possit, duplex adest regula, ei observanda, altera jubet vitæ, altera bonorum conservationem. Utrique in dato casu simul satisfacere nequit, quia verò merces minoris sunt æstimandæ quam vita, hanc conservat cum illarum in mare projectione, h. e. cum determinatione regulæ, quæ jubet bonorum conservationem, contraria, ob collisionem regularum, in hoc casu simul observandarum factam.

## §. 772.

*Nullus igitur in perfectione simplici locus est exceptioni, sed in perfectione composita habere potest locum.* Unica adest ratio determi-

minans in perfectione simplici (§. 767.). In hac ergo nulla locum habere potest regularum pugna, seu, collisio (§. 769.), nullaque, per consequens, exceptio (§. 771.). Q. E. U.

At in perfectione composita diversæ dantur rationes determinantes (§. 767.). Regulæ igitur, inde pendentes, inter se pugnare possunt & collidi (§. 770.). Quam ob rem, quia ex collisione regularum oritur exceptio (§. 771.); in perfectione composita locum habere potest exceptio. Q. E. A.

Ex. gr. Perfectio auris est composita, & duplicem agnoscit rationem determinantem, prior exigit, quod possit percipere sonos dissitos & debiles, posterior, quod propinquos & fortes. Illa postulat nervorum & tympanæ nimiam subtilitatem, hæc crassitiem. Utraque ergo simul observari nequit regula, quare ab alterutra facienda est exceptio. Idem in republica locum habet, cujus perfectio valde composita censetur, non licet in illa simul obtinere totius felicitatem, & singulorum ejus membrorum eodem ubique gradu. Alterutrum ergo principium aliquam subire debet exceptionem. In studiorum curriculo uberior rerum addiscendarum doctrina, cum minori temporis & sumptuum dispendio comparanda, compositam exhibet rationem determinantem. Quo plura addiscis, eo perfectior redditur tua eruditio, sed quo plures tractas res, eo aut diutius illis inhærebis, aut tumultuarie circa illas versaberis, utrumque detrahit alteri parti rationis com-

positæ. Exceptio igitur est facienda vel ex amplitudine rerum addiscendarum, vel celeritate absolvendi studiorum cursus, vel denique solidiori rerum cognitione.

## §. 773.

*Quo sensu exceptio imperfectionem generet.* *Exceptio infert imperfectionem remote talem.* Quoniam exceptio est determinatio, regulæ contraria, ob exortam regularum, simul observandarum, collisionem (§. 771.), posita exceptione, ponitur determinatio regulæ contraria, seu, quod idem est, detrahitur rei, in qua locum habet exceptio, aliqua realitas, quæ ob regularum contrarietatem simul inesse nequit (§. 424.). Sed si rei deest realitas, quæ inesse poterat, generatur imperfectio remote talis (§. 761.). Generat ergo exceptio hujus generis imperfectionem.

Conspicitur hoc in exemplo, mox allato, & ex perfectione curriculum studiorum desumpto. Si exceptionem facis ab amplitudine rerum cognoscendarum, decrit tibi hujus vel illius rei notitia; si a tempore absolvendi studiorum cursus, decrit desiderata celeritas & concitatio in republica promotio ad aliquod officiorum genus; si à solidiori rerum cognitione, decrit tibi notitia connexionis rerum cum ultimis suis principiis. Ubique & in omni casu involvit, de qua loquimur, exceptio defectum alicujus realitatis, &, per consequens, imperfectionem remote talem.

§. 774.

*Exceptio nullam gignit imperfectionem contrarie talem.* Est exceptio determinatio regulæ uni contraria, sed alteri adhuc conformis, quum utrique ob collisionem satisfieri nequeat (§. 771.). Collisionem itaque regularum impedit exceptio, tollitque adeo tendentiarum pugnam, seu, contrarietatem, nullamque proinde imperfectionem, contrarie talem, infert (§. 761.).

Quo sensu exceptio imperfectionem non generet. Scilicet in omni composita perfectione, in qua locum habet exceptio (§. 772.), adest aliquod ultimum perfectionis principium, seu, generalis quædam ratio perfectionis determinans (§. 762.), cui reliqua omnia particularia subordinantur principia, omnesque inde derivatæ regulæ. Exceptio igitur, ex collisione harum regularum oriunda, si non admitteretur, nullus obtineri possit consensus cum generali isto principio (§. 735.), nulla perfectio (§. 737.). Potius itaque inservit exceptio consensui & perfectioni obtinendis, quam dissensui & imperfectioni excitandis.

In republica, cujus ultimata perfectionis ratio salute & securitate publica absolvitur, æquali perfectionis gradu singulis frui non licet civibus, quia dissensus inde oriretur cum salute totius, exceptio igitur in partibus est facienda, quæ proinde nullam imperfectionem contrarie talem reipublicæ infert, sed summam potius, quæ obtineri poterit, conservat & promovet perfectionem.

L 14

Ne

*Exceptionis  
a peccato di-  
versitas.*

Ne verissimam, quam evicimus, the-  
sin in abusum trahas, quasi ex illa  
sequeretur malum morale, quod ex-  
ceptionis nomine haud raro venit,  
nullam contrarie talem gignere imperfectionem,  
nullumque cum fine ultimo, qui in Gloriæ Di-  
vinæ manifestatione ponitur, parere dissensum;  
sollicite teneas nos hinc agere de exceptione,  
quæ a) *oritur ex collisione regularum*, ex rei ve-  
ritate conditarum, non autem hominum opini-  
one & libertatis abusu fictarum; ß) *Quæ ergo e-  
vitari nequit* ne quidem a sapientissimo, ob ope-  
ris constituendi qualitatē, cujus perfectionem  
plura ingrediuntur principia, eodem gradu &  
modo simul haud obtinenda γ) *Quæ fit in ea par-  
te* eoque modo, ut summæ totius perfectioni  
possibili, nihil detrahatur, sed δ) *quæ ei obtinen-  
da* potius inservit. Malum igitur morale, ex  
abusu libertatis, contra Dei legem, quæ obser-  
vari & potest & debet, ortum, nullam neces-  
sitatem habet, quæ evitari nequit, multumque  
detrahit perfectioni hominis, nihil ergo cum  
hac, quam loquimur, exceptione habet com-  
mercii, nec valet ab hac ad illud colligere. Et  
quid miri? Ipsa exceptionis notia manifestum  
a malo morali, quod peccati venit nomine, in-  
dicat discrimen. Illa continetur determinatio-  
ne, regulæ contraria, ob regularum *simul ob-  
servandarum* collisionem, facta, hoc absolvitur  
determinatione Legi Divinæ contraria, ob nul-  
lam regularum, quæ observari debent, collisio-  
nem, sed per merum libertatis abusum in-  
troducenda.

## §. 775.

Determinationem regulæ contrariam defectum diximus (§. 702.), *Defectus est vel apparens vel verus.* in ea nimirum re, in qua locum habet determinatio. Defectus, qui evitari non potest, *Apparens* vocatur; qui vero evitari poterat, *Verus* adpellatur.

Notetur apparentem defectum non opponi nulli, sed vero, nam re ipsa est defectus, licet evitari non possit, in illa scilicet, in quo datur, ente. Sic defectus facultatis intelligendi in anima humana non est nullus, quatenus tamen salva manente animæ essentia evitari nequit, non veri, sed apparentis venit nomine, verus autem foret si posset anima maiorem, quam habet, possidere intelligendi perfectionem.

## §. 776.

*Exceptio gignit defectum, non Exceptio quæ tamen verum, sed apparentem tantum.* Involvit exceptio determi-

nationem, regulæ contrariam (§. 771.), & per consequens, defectum (§. 775). Quia tamen exceptioni locus non est, nisi ubi regulæ colliduntur, seu, ubi una alteri repugnat (§. 771.), impossibilis est determinatio, utrique simul in dato casu satisfaciens regulæ (§. 53.), utunque, absolute loquendo, & in se spectata sit possibilis. Exceptio igitur, determinationem involvens, regulæ uni contrariam, in casu collisionis regularum, defectum parit, qui evitari nequit, & per consequens non verum, sed apparentem (§. 775.).

V. gr.



V. gr. In auri regulæ ex perceptione sonorum dissonantium & debiliū, tum & propinquorum fortiumque derivatæ, sibi mutuo contrariantur, ita ut obscurior reddatur perceptio remotorum & debiliū, si clare & distincte percipiuntur propinqui & fortes. Utrique ergo regulæ simul satisfieri nequit; quare exceptio a priori facienda, non verum, sed apparentem gignit defectum, quum auris, rebus propinquis, ob propiorem earum in vita communi usum, clare & distincte percipiendis, potius sit destinata, quam remotis & debilibus, quæ memorata vi & efficacia destituuntur, eodem celeritatis gradu sentiendis.

### §. 777.

*Quæ ex defectu imperfectionis.*

Evicimus modo (§. præc.) exceptionem gignere defectum, non verum, sed apparentem. Efficit vero exceptio imperfectionem remote talem (§. 773.), non autem contrarie talem (§. 774.). *Ubicunque ergo locum habet defectus non nisi apparens, ibi nulla contraria, sed solum remota obtinet imperfectio.*

Illustrationis gratia adhiberi possunt exempla, mox adducta ad §§. 773. 774. 776. aliaque his similia. Liquet de cetero, quod mox adnotavimus (§. 775.), defectum apparentem, quia ponit imperfectionem, remote talem, non esse nullum, vel merum imaginationis fœtum, sed absolute loquendo aliquam involvere imperfectionem, licet in hoc vel illo ente in specie vel individuo, quod, quoad totam suam considera-

tum



tum complexionem perfectius esse nequit, nullius realitatis, quæ inesse poterat, carentiam inferat, & hoc respectu, ut nullus æstimetur.

§. 778.

*Defectus verus imperfectio. Quæ imperfectionem parit contrarie talem.* Est enim defectus determinatio re-

*defectu vero.*

gulæ contraria, & quia verus ponitur, determinatio eidem regulæ conveniens fieri poterat (§. 775.). Ubi igitur verus est defectus, ibi determinationes quædam contrariantur regulæ, rationique proinde determinanti perfectionis (§. 768.), aliis eidem convenientibus. Datur ergo inter illas dissensus (§. 739.). Consequenter in re, cui determinationes istæ insunt, oritur imperfectio contrarie talis (§. 761.).

Ex. gr. Ratio determinans perfectionis horologii est motus indicis, motui solis respondens. Si ergo talis fuerit horologii structura, ut post unam vel alteram indicis revolutionem, vel deficiat a motu solis, vel eundem excedat uno vel aliquot minutis, vero defectu laborat horologium, atque eatenus imperfectum merito censetur.

§. 779.

*Constituitur respectiva perfectio* Gradus in consensu realitatum respectivarum *perfectio-*

(§. 757.). Duo igitur in illa considerare debemus, consensum nimirum & realitates ipsas. Absolvitur consensus tendentia plurium ad idem aliquod actuandum (§. 735.), quod rationem determinantem perfectionis ad-

adpellayimus (§. 763.), ex qua regulæ perfectionis determinantur (§. 768.). In omni ergo perfectione, saltem respectiva considerari debent plures determinationes, regulis convenientes. Hæc multitudo convenientiarum determinationum entis quantitatis nomine venit (§. 666.), quæ, absolute loquendo, augeri potest & minui (§. 686.). Eandem considerationem subit respectiva perfectio, quoad realitates, quas possidet respectivas, quarum quælibet aliquo compossibilis laborat defectu (§. 743.); qui omnis quantitas est (§. 484.), proindeque augeri potest & minui (§. 686.). Exsurgunt hinc varii entium respective perfectorum ordines, quorum alter altero est præstantior. Scilicet si duo A & B fuerint respectively perfecta, *A dicitur perfectius quam B*, 1:o) si major est multitudo convenientiarum determinationum ejus cum regulis, per quas perfectio explicatur, 2:o) si minor est defectus realitatum respectivarum, in *τῷ* A occurrentium, quam earum, quæ in B locum habent. Unde facile intelligitur quid in *suo genere sit perfectissimum*, illud scilicet, quod possidet realitatum respectivarum summum, quantum datur, consensum, cum minimo, quantum salva rei idea generali fieri potest, defectu, & qua quamlibet realitatem, & qua earum numerum.

## §. 780.

*Sua veluti sponte hinc fluit ens* Qualitas per-  
*in suo genere perfectissimum nullo* fectionis entis  
*vero laborare defectu, sed appa-* in suo genere  
*rente tantum.* Indicavimus modo perfectissimi,  
 (§. præc.) in ente in suo genere perfectissimo  
 dari aliquem defectum, qui aut verus est,  
 aut apparens (§. 775.), si verus, daretur in il-  
 lo ente imperfectio contrarie talis (§. 778.),  
 dissensusque idcirco realitatum (§. 761.) quod  
 per naturam entis in suo genere perfectissimi  
 (§. 779.) implicat. Non ergo nisi apparens est  
 defectus in ente in suo genere perfectissimo,  
 qui datur.

Sic si respublica in suo genere est perfectissima,  
 veri in illa non conspiciuntur defectus & nævi,  
 sed apparentes tantum, qui non tollunt, sed  
 promovent potius consensum omnium ejus pa-  
 trium, cum ultimo perfectionis ejus principio.

## §. 781.

In ente igitur in suo genere perfectissimo  
 nulla datur regulæ vel regulis perfectionum  
 contraria determinatio, quæ evitari poterat  
 (§. 775.).

Hinc si in republica v. gr. dantur determinatio-  
 nes, regulis perfectionis ejus contrariæ, quæ e-  
 vitari & poterant & debebant, veluti si plus  
 justo evehitur & promovetur commercantium  
 ordo, cum depressione ordinis res manuarias ex-  
 ercentium, nequit illa respublica esse in suo ge-  
 nere perfectissima.

## §. 782.

*Exceptionum*      *Exceptiones vario, absolute si varius modus. loquamur, fieri possunt modo.* Nulla enim locum habet exceptio, nisi ubi datur plurium regularum collisio (§. 771.). Sint ergo duæ solum regulæ A & B inter se pugnant. Facienda jam est aliqua exceptio, seu, determinatio regulæ contraria (§. cit.). Non repugnat quamdiu absolute de exceptionibus agimus, sumere determinationem vel regulæ A contrariam, salva manente regula B; vel etiam regulæ B contrariam, immutata persistente regula A, vel ex utraque simul sed partialiter & æqualiter; vel etiam inæqualiter, ex una scilicet minus, ex altera magis. Quatuor ergo hinc oriuntur possibiles modi constitutendarum exceptionum. Si vero tres pluresve fuerint regulæ, inter se pugnantes, longe major oriretur numerus possibilium exceptionum.

Non heic fusius ingredior, quod artis combinatoriæ proprium est munus, quum nemo vel parum in illa exercitatus ignoret in modica rerum multitudine magnum in numerum crescente variationum possibilium modos. Potius adnotabo exemplum, rei, quam loquor, illustrandæ accommodatum. Nemo nescit rem publicam constitui variis civium ordinibus, ex quorum singulorum perfectioe, totius oritur felicitas. Sic ordo datur, ut alios taceam plures, mercatorum, eorum, qui artem manuariam exercent, Agricola-

colarum, metallifossorum. Horum omnium, & singulorum, quatenus unius negotia alterius plus vel minus ingrediuntur partes, summa dari nequit perfectio: quantum enim auges mercantium perfectionem, tantum fabricantium ordini detrahis. Et vicissim, si eousque auges fabricantium commoda ut nihil hac parte perfectionis relinquatur commercantibus, his multum derogaretur perfectionis. Simili modo declaratur res circa reliquos ordines. Faciendæ ergo sunt aliquæ exceptiones, quæ diversissimo plane possibiles sunt modo: *Vel enim* totus mercantium ordo tolli potest; *vel imminui* possunt ejus privilegia, reliquis non mutatis ordinibus, eorumque privilegiis non imminutis, sed auctis potius; vel fabricantium deprimi potest felicitas, iterum vel ex toto, vel ex parte, salvo, quod expetunt, Mercatores commodo; vel his salvis ordinibus, mercatorum scilicet & fabricantum, tolli potest vel imminui unus alterve ex reliquis, idque etiam diversa ratione, varioque instituto. Non heic expono quæ exceptiones ceteris sint optabiliores magisque salutis totius reipublicæ inserviant, sed quæ absque hoc respectu, absolute & in se sunt possibiles.

### §. 783.

*Ratio determinans perfectionis* Perfectionis ultima, vel, si placet, *Principium per-* ultimum  
*fectionis ultimum* est, cui reliqua o- principium.  
mnia particularia subordinantur principia: Ad quod ergo constituendum & actuandum hæc consentire & conspirare debent; quum prin-  
ci-

*Exceptionis  
a peccato di-  
versitas.*

Ne verissimam, quam evicimus, the-  
sin in abusum trahas, quasi ex illa  
sequeretur malum morale, quod ex-  
ceptionis nomine haud raro venit,  
nullam contrarie talem gignere imperfectionem,  
nullumque cum fine ultimo, qui in Gloriæ Di-  
vinæ manifestatione ponitur, parere dissensum;  
sollicite teneas nos heic agere de exceptione,  
quæ *a) oritur ex collisione regularum*, ex rei ve-  
ritate conditarum, non autem hominum opini-  
one & libertatis abusu fictarum; *β) Quæ ergo e-  
vitari nequit* ne quidem a sapientissimo, ob ope-  
ris constituendi qualitatē, cujus perfectionem  
plura ingrediuntur principia, eodem gradu &  
modo simul haud obtinenda *γ) Quæ fit in ea par-  
te* eoque modo, ut summæ totius perfectioni  
possibili, nihil detrahatur, sed *δ) quæ ei obtinen-  
da* potius infervit. Malum igitur morale, ex  
abusu libertatis, contra Dei legem, quæ obser-  
vari & potest & debet, ortum, nullam neces-  
sitatem habet, quæ evitari nequit, multumque  
detrahit perfectioni hominis, nihil ergo cum  
hac, quam loquimur, exceptione habet com-  
mercii, nec valet ab hac ad illud colligere. Et  
quid miri? Ipsa exceptionis notio manifestum  
a malo morali, quod peccati venit nomine, in-  
dicat discrimen. Illa continetur determinatio-  
ne, regulæ contraria, ob regularum *simul ob-  
servandarum* collisionem, facta, hoc absolvitur  
determinatione Legi Divinæ contraria, ob nul-  
lam regularum, quæ observari debent, collisio-  
nem, sed per merum libertatis abusum in-  
troducitur.

§. 775.

Determinationem regulæ contrariam defectum diximus (§. 702.), in ea nimirum re, in qua locum habet determinatio. Defectus, qui evitari non potest, *Apparens* vocatur; qui vero evitari poterat, *Verus* adpellatur.

Notetur apparentem defectum non opponi nulli, sed vero, nam re ipsa est defectus, licet evitari non possit, in illa scilicet, in quo datur, ente. Sic defectus facultatis intelligendi in anima humana non est nullus, quatenus tamen salva manente animæ essentia evitari nequit, non veri, sed apparentis venit nomine, verus autem foret si posset anima maiorem, quam habet, possidere intelligendi perfectionem.

§. 776.

*Exceptio gignit defectum, non tamen verum, sed apparentem tantum.* Involvit exceptio determinationem, regulæ contrariam (§. 771.), & per consequens, defectum (§. 775). Quia tamen exceptioni locus non est, nisi ubi regulæ colliduntur, seu, ubi una alteri repugnat (§. 771.), impossibilis est determinatio, utrique simul in dato casu satisfaciens regulæ (§. 53.), utcumque, absolute loquendo, & in se spectata sit possibilis. Exceptio igitur, determinationem involvens, regulæ uni contrariam, in casu collisionis regularum, defectum parit, qui evitari nequit, & per consequens non verum, sed apparentem (§. 775.).

V. gr.

V. gr. In auri regulæ ex perceptione sonorum diffusorum & debiliū, tum & propinquorum fortiumque derivatæ, sibi mutuo contrariantur, ita ut obscurior reddatur perceptio remotorum & debiliū, si clare & distincte percipiuntur propinqui & fortes. Utrique ergo regulæ simul satisfieri nequit; quare exceptio a priori facienda, non verum, sed apparentem gignit defectum, quum auris, rebus propinquis, ob propiorem earum in vita communi usum, clare & distincte percipiendis, potius sit destinata, quam remotis & debilibus, quæ memorata vi & efficacia destituuntur, eodem celeritatis gradu sentiendis.

### §. 777.

*Quæ ex defectu imperfectionis.* Evicimus modo (§. præc.) exceptionem gignere defectum, non verum, sed apparentem. Efficit vero exceptio imperfectionem remote talem (§. 773.), non autem contrarie talem (§. 774.). *Ubiunque ergo locum habet defectus non nisi apparens, ibi nulla contraria, sed solum remota obtinet imperfectio.*

Illustrationis gratia adhiberi possunt exempla, mox adducta ad §§. 773. 774. 776. aliaque his similia. Liquet de cetero, quod mox adnotavimus (§. 775.), defectum apparentem, quia ponit imperfectionem, remote talem, non esse nullum, vel merum imaginationis foetum, sed absolute loquendo aliquam involvere imperfectionem, licet in hoc vel illo ente in specie vel individuo, quod, quoad totam suam considera-

tum



tum complexionem perfectius esse nequit, nullius realitatis, quæ inesse poterat, carentiam inferat, & hoc respectu, ut nullus æstimetur.

## §. 778.

*Defectus verus imperfectio. Quæ imperfectionem parit contrarie talem.* Est *etio* oritur ex enim defectus determinatio re- *defectu vero.*

gulæ contraria, & quia verus ponitur, determinatio eidem regulæ conveniens fieri poterat (§. 775.). Ubi igitur verus est defectus, ibi determinationes quædam contrariantur regulæ, rationique proinde determinanti perfectionis (§. 768.), aliis eidem convenientibus. Datur ergo inter illas dissensus (§. 739.). Consequenter in re, cui determinationes istæ insunt, oritur imperfectio contrarie talis (§. 761.).

Ex. gr. Ratio determinans perfectionis horologii est motus indicis, motui solis respondens. Si ergo talis fuerit horologii structura, ut post unam vel alteram indicis revolutionem, vel deficiat a motu solis, vel eundem excedat uno vel aliquot minutis, verò defectu laborat horologium, atque eatenus imperfectum merito censetur.

## §. 779.

*Constituitur respectiva perfectio* *Gradus in consensu realitatum respectivarum perfectio-* (§. 757.). Duo igitur in illa considerare debemus, consensum nimirum & realitates ipsas. Absolvitur consensus tendentia plurium ad idem aliquod actuandum (§. 735.), quod rationem determinantem perfectionis ad-

adpellavimus (§. 763.), ex qua regulæ perfecti-  
 tionis determinantur (§. 768.). In omni er-  
 go perfectione, saltem respectiva considerari  
 debent plures determinaciones, regulis con-  
 venientes. Hæc multitudo convenientiarum  
 determinationum entis quantitatis nomine ve-  
 nit (§. 666.), quæ, absolute loquendo, augeri  
 potest & minui (§. 686.). Tandem considera-  
 tionem, subit respectiva perfectio, quoad rea-  
 litates, quas possidet respectivas, quarum  
 quælibet aliquo compossibilis laborat defectu  
 (§. 743.), qui omnis quantitas est (§. 484.);  
 proindeque augeri potest & minui (§. 686.).  
 Exsurgunt hinc varientium respectu perfe-  
 ctorum ordines, quorum alter altero est præ-  
 stantior. Scilicet si duo A & B fuerint respecti-  
 ve perfecta, *A dicitur perfectius quam B*, 1:0) si  
 major est multitudo convenientiarum deter-  
 minationum ejus cum regulis, per quas perfe-  
 ctio explicatur, 2:0) si minor est defectus  
 realitatum respectivarum, in 1<sup>o</sup> A occurren-  
 tium, quam earum, quæ in B locum habent.  
 Unde facile intelligitur quid in *suo genere sit*  
*perfectissimum*, illud scilicet, quod possidet rea-  
 litatum respectivarum summum, quantum  
 datur, consensum, cum minimo, quantum  
 salva rei idea generali fieri potest, defectu, &  
 qua quamlibet realitatem, & qua earum nu-  
 merum.

§. 780.

*Sua veluti sponte hinc fluit ens in suo genere perfectissimum nullo vero laborare defectu, sed appa-* *Qualitas perfectionis entis in suo genere perfectissimi.*  
*rente tantum.* Indicavimus modo

(§. præc.) in ente in suo genere perfectissimo dari aliquem defectum, qui aut verus est, aut apparens (§. 775.), si verus, daretur in illo ente imperfectio contrarie talis (§. 778.); dissensusque idcirco realitatum (§. 761.), quod per naturam entis in suo genere perfectissimi (§. 779.) implicat. Non ergo nisi apparens est defectus in ente in suo genere perfectissimo, qui datur.

Sic si respublica in suo genere est perfectissima, veri in illa non conspiciuntur defectus & nævi, sed apparentes tantum, qui non tollunt, sed promoveant potius consensum omnium ejus partium, cum ultimo perfectionis ejus principio.

§. 781.

In ente igitur in suo genere perfectissimo nulla datur regulæ vel regulis perfectionum contraria determinatio, quæ evitari poterat (§. 775.).

Hinc si in republica v. gr. dantur determinationes, regulis perfectionis ejus contrariæ, quæ evitari & poterant & debebant, veluti si plus justo evehitur & promoveretur commercantium ordo, cum depressione ordinis res manuarias exercentium, nequit illa respublica esse in suo genere perfectissima.

## §. 782.

*Exceptionum* *Exceptiones vario, absolute si varius modus. loquamur, fieri possunt modo.* Nul-  
la enim locum habet exceptio, nisi ubi datur  
plurium regularum collisio (§. 771). Sint er-  
go duæ solum regulæ A & B inter se pugnan-  
tes. Facienda jam est aliqua exceptio, seu, de-  
terminatio regulæ contraria (§. cit.). Non re-  
pugnat quamdiu absolute de exceptionibus a-  
gimus, sumere determinationem vel regulæ  
A contrariam, salva manente regula B; vel et-  
iam regulæ B contrariam, immutata persisten-  
te regula A, vel ex utraque simul sed partia-  
liter & æqualiter; vel etiam inæqualiter, ex  
una scilicet minus, ex altera magis. Quatuor  
ergo hinc oriuntur possibiles modi continen-  
darum exceptionum. Si vero tres pluresve  
fuerint regulæ, inter se pugnantes, longe ma-  
ior oriretur numerus possibilium exceptio-  
num.

Non heic fusius ingredior, quod artis combina-  
toriae proprium est munus, quum nemo vel pa-  
rum in illa exercitatus ignoret in modica re-  
rum multitudine magnum in numerum cresce-  
re variationum possibilium modos. Potius adno-  
tabo exemplum, rei, quam loquor, illustranda  
accommodatum. Nemo nescit rem publicam con-  
stitui variis civium ordinibus, ex quorum singu-  
lorum perfectione, totius oritur felicitas. Sic or-  
do datur, ut alios taceam plures, mercatorum,  
eorum, qui artem manuariam exercent, Agri-  
cola-

colarum, metallifossorum. Horum omnium & singulorum, quatenus unius negotia alterius plus vel minus ingrediuntur partes, summa dari nequit perfectio: quantum enim auges mercantium perfectionem, tantum fabricantium ordini detrahis. Et vicissim, si eousque auges fabricantium commoda ut nihil hac parte perfectionis relinquatur commercantibus, his multum derogaretur perfectionis. Simili modo declaratur res circa reliquos ordines. Faciendæ ergo sunt aliquæ exceptiones, quæ diversissimo plane possibiles sunt modo: *Vel enim* totus mercantium ordo tolli potest; *vel imminui* possunt ejus privilegia, reliquis non mutatis ordinibus, eorumque privilegiis non imminutis, sed auctis potius; vel fabricantium deprimi potest felicitas, iterum vel ex toto, vel ex parte, salvo, quod expetunt, Mercatores commodo; vel his salvis ordinibus, mercatorum scilicet & fabricantum, tolli potest vel imminui unus alterve ex reliquis, idque etiam diversa ratione, varioque instituto. Non heic expono quæ exceptiones ceteris sint optabiliores magisque salutis totius reipublicæ inserviant, sed quæ absque hoc respectu, absolute & in se sunt possibiles.

## §. 783.

*Ratio determinans perfectionis* *Perfectionis ultima*, vel, si placet, *Principium per-* *ultimum* *fectionis ultimum* est, cui reliqua o- *principium* mnia particularia subordinantur principia: Ad quod ergo constituendum & actuandum hæc consentire & conspirare debent; quum prin-  
ci-

cipium A principio B subordinari dicatur, si ex B intelligitur & determinatur A.

Ex. gr. Ultimum perfectionis reipublicæ principium est salus & securitas ejus publica, cui conservandæ & promovendæ subservire debent omnia particularia, cujuscunque in illa ordinis, ejusque perfectionis principia; sine illo ultimo seorsim non valitura.

§. 784.

*Quomodo ad obtinendam perfectionem in suo genere maximam facienda est exceptio.*

*Si perfectio, in suo genere maxima, obtineri debet, ita instituenda est exceptio, ut, hac admissa, consensus cum principio ultimo remaneat.* Perfectio esse potest in suo genere summa, etiam si in illa dentur defectus apparentes (§. 780.), ex exceptione oriundi (§. 776.). Non ergo impedit exceptio, quominus obtineatur perfectio in suo genere summa. Sed, absolute loquendo, diversimode fieri potest exceptio (§. 782.), & per consequens, ita institui, ut cum principio ultimo conspiret, ad quod constituendum reliqua omnia particularia consentiunt (§. 783.). Hoc consensu nihil desideratur amplius ad constituendam perfectionem in suo genere maximam, quum consensu absolvatur realitatum respectivarum, quantum fieri potest, summo (§. 779.). Ad obtinendam ergo hanc perfectionem, ita institua-

tur

tur exceptio, ut, hac admissa, remaneat consensus cum principio ultimo.

Ex. gr. In structura oculi ex principiis Optico-Dioptricis fieri nequit, ut 1:o) remotissima, 2:o) minutissima, 3:o) modice diffita & magna, 4:o) omniaque hæc distinctissime videat. Facienda ergo est aliqua exceptio (§. 771.), quæ, absolute loquendo, multis modis ex his principiis est possibilis (§. 782.); Quoniam tamen ultimum perfectionis oculi principium exinde merito desumitur, quod cautelæ datus is sit corpori organico, anima juncto, evitandi noxia, & facta in mente perceptione, appetendi proficua, quorum propiora magis quam remotiora, mediocria & magna magis quam minutissima pertinent, si in suo genere perfectissima desideratur oculi structura, talis instruatur necesse est exceptio, ut remotissima lateant & minutissima, conspiciantur vero distincte mediocriter remota & propinqua, eademque corpori afficiendo proportionata.

### §. 785.

*Si plura simul constituunt unum perfectum, ratio perfectionis totius est principium ultimum perfectionis ejus.* Etenim si plura simul unum constituunt perfectum, datur ratio quædam generalis, ex qua intelligitur, cur hæc potius entia, quam alia unum illud ingrediantur (§. 762.). Quia vero singula hæc entia, ceu partes, ad totum per-

*Quando ratio perfectionis totius & principium ultimum coincidunt.*



fectum constituendum concurrentes (per hypoth.), suam quoque habent perfectionem; singulis, cur his & non aliis minoribus constituentur partibus, sua etiam conveniet ratio perfectionis (§. cit.). Rationes itaque perfectionis partium determinantur ex ratione generali totius (§. 194.). Illæ igitur huic subordinantur (§. 783.). Hæc ergo constituit principium ultimum perfectionis totius (§. cit.).

Ex. gr. Respublica est unum quoddam ex pluribus compositum ordinibus, quorum singulis sua competit perfectionis ratio, suum perfectionis principium. Quia tamen totius reipublicæ perfectio æstimatur ex modo, quo singulæ ejus partes ad salutem & felicitatem ejusdem tendunt; salus & felicitas totius reipublicæ est principium perfectionis ejus ultimum, cui principia perfectionis partium subordinari debent.

### §. 786.

*Quomodo in perfectione composita faciendæ sunt exceptiones.*

Quam ob rem, quia non in perfectione simplici, sed composita, locum habent exceptiones (§. 772.), & in composito, ex pluribus conflato, ratio perfectionis totius est principium ultimum perfectionis ejusdem (§. 785.); *ad constituendum compositum in suo genere perfectissimum, exceptiones ita instruentur, ut, illis admissis, consensus remaneat cum perfectione totius (§. 784.).* Seu, quod idem est, aliæ nullæ admittendæ sunt exceptiones.



ptiones, quam quæ ex ratione perfectionis totius determinantur.

Illustrationis gratia maneamus in exemplo, quod de reipublicæ perfectione mox attulimus. Annotatum modo est summam cujuslibet in civitate ordinis perfectionem haud subsistere posse cum summa totius, eamque ob causam exceptiones esse & necessarias, & vario modo possibiles (conf. not. ad §. 782.); quia vero in sapienti & condigna reipublicæ constitutione desideratur perfectio ejus, in suo genere maxima, determinandæ sunt exceptiones istæ ad tenorem principii perfectionis ejus ultimi (§. 784.), quod in civitate est salus & felicitas communis (§. 785.). Nullæ igitur aliæ in partibus ejus admitti debent exceptiones, quam sine quibus salus & felicitas communis obtineri haud possent.

#### §. 787.

*Absit itaque putemus aliquod compositum non esse in suo genere perfectissimum, si in illo dantur exceptiones.* Modo enim determinentur ex principio perfectionis, totius ultimo, non solum salvam relinquunt perfectionem totius maximam (§. 786.), sed & ei promovendæ & constituendæ inserviunt (§. 774.). *Negari tamen nequit exceptiones vel plane non, vel non decenter ad principium perfectionis ultimum determinatas multum detrabere perfectioni totius, eamque in*

*suo genere maximam non relinquere salvam.* Determinari enim ad principium perfectionis ultimum, & ad idem non determinari sunt sibi invicem opposita (§. 424.), de quibus non nisi opposita valent (§. 426.). Quam ob rem, quia exceptiones, ad principium perfectionis ultimum determinatæ, salvam relinquunt totius perfectionem, in suo genere maximam (per. dem.); non possunt non exceptiones ad idem principium vel plane non, vel non decenter determinatæ tollere perfectionem in suo genere maximam, eandemque impedire.

Ex. gr. Si in ordinibus, ex quibus tanquam partibus componitur respublica, instituuntur exceptiones, modo, quem non exigunt salus & felicitas ejus communis, si scilicet, vel tollitur, vel enervatur ordo, v. gr. fabricantium, qui plus utilitatis civitati adfert quam alius, v. gr. cum exoticis mercibus commercantium; exceptiones non instituuntur juxta ultimum perfectionis civitatis principium, sed ei potius difformiter, unde non possunt perfectioni integræ civitatis multum detrahere; inferunt enim hoc casu exceptiones dissensum cum principio ultimo (§. 739.), veramque proinde imperfectionem contrarie talem (§. 761.).

Putas fortassis hoc repugnare modo ostensis in §. 774. ubi evicimus exceptiones nullam gignere imperfectionem contrarie talem. Sed scias nos eo loco agere de exceptionibus uti esse debent, secundum momenta ibi adnotata: Hoc autem loco sermo nobis est de exceptionibus,

non prout esse debent, sed prout ab hoc vel illo constituuntur, principio perfectionis ultimo difformiter. Vera igitur inter præcedentem & hanc præsentem positionem non datur pugna. Unde si placet exceptiones, de quibus impræsentiarum dissero, non exceptiones, sed defectus veros adpellare, per me licebit, certum enim est has exceptiones gignere defectum non apparentem, sed verum, eoque nomine multum distare ab exceptionibus, quarum in antecedentibus facta est mentio.

§. 788. *Coëxistentia*  
 Exceptiones, veri scilicet nominis, gignere imperfectionem non *imperfectio-*  
 contrarie talem (§. 774.), sed re- *nis remote,*  
 motivam (§. 773.), easdemque in *& maxima*  
 partibus decenter admissas non im- *in uno.*  
 pedire quominus totum compositum sit in suo genere perfectissimum (§. 787.), mox ostensa luculenter ante oculos ponunt. *Potest ergo*  
*aliquod compositum esse in suo genere perfectis-*  
*simum, etiamsi in illo dentur imperfectiones re-*  
*motive tales, in partibus ejus occurrentes.*

Quamlibet rem creatam, absolute si loquimur, esse in suo genere perfectissimam, nemo facile inficias iverit, etiamsi non destituatur illa imperfectionibus, remote dictis: Quatenus enim creata est res, eatenus non gaudet nisi realitatibus respectivis, quæ semper cum aliquo defectu ulterioris sunt conjunctæ (§. 743.), imperfectionem remote talem generantes (§. 761.). Ut adeo abunde pateat hoc imperfection-

num genus, decenter admissum, non impedire quominus aliquod compositum possit esse in suo genere perfectissimum.

Qui cum *Leibnitio* defendunt præsentem mundum esse omnium possibilium perfectissimum, etiam si in illo detur infinita & horrenda multitudo malorum moralium, quæ finibus in hac rerum serie, a Deo intentis, ita implicari credunt, ut eorundem & finis ultimi subordinatio, eo, quo nunc modo, iisdem ablatis, non amplius fieri possit, mala ergo tam physica, quam moralia facere ad manifestationem Sapientiæ Divinæ, & proinde constituere conditionem mundi perfectissimi sine qua non; qui talia, inquam, sentiunt, multum sibi præsidii in præsentem, quam tuemur, adsertione habere arbitrantur. Sed immerito: agit enim hæc de imperfectione remotive tali, oriunda ex veri nominis exceptionibus, quarum classi non accensendum esse malum morale hujus ab illis discrimen ostendit, perbrevis expositione mox indicatum (§. 774.).

§. 789.

*Ex præsentia imperfectionis remotive non tollitur perfectio in suo genere maxima.* Ad denegandam ergo enti alicui perfectionem in suo genere maximam, non sufficit ostendisse partes ejus obnoxias esse exceptionibus, & imperfectionibus remotive talibus, quas habere potest licet ens illud in suo genere nihilo secius sit perfectissimum (§. 788.).

Ens absolute perfectum diximus (§. 752.), cui omnes realitates absolutæ insunt, & quod proprie in.

inde omnem plane respuit defectum, & qua quamlibet realitatem, & qua earum numerum, quare, quia omnes exceptiones & imperfectiones defectum gignunt (§. 776.), si in aliquo ente adesse demonstraveris exceptiones partium, probas illud non esse ens absolute perfectum, nondum autem demonstrasti illud in suo genere non esse perfectissimum, quod varias admittit exceptiones, sed veri nominis & legitime institutas, salva sua perfectione in suo genere maxima (§. 787.). Recte vero evicisti compositum aliquod in suo genere non esse perfectissimum, si demonstrare potueris laborare illud vero defectu (§. 780.), vel qua realitates ipsas respectivas, vel quae earum consensum (§. 779.), et per consequens, in eodem composito exceptiones occurrere, vel plane non, vel non decenter ad ultimum perfectionis ejusdem principium determinatas (§. 787.).

## §. 790.

*Si A & B fuerint entia ejusdem generis vel speciei. potest A plures habere imperfectiones in partibus occurrentes, vel remotive, vel contrarie sic dictas, quam habet B, & tamen ipso B esse perfectius. Si perfectiones partiales, in A occurrentes, vel quae consensum cum principio perfectionis, vel quae realitates respectivas, subtractis imperfectiionibus, majores fuerint & plures quam in B. Quia enim supponuntur entia ejusdem generis vel speciei; perfectiones in illis occurren-*

*In comparatione duorum imperfectorum potest alterum altero esse perfectius.*

rentes, ejusdem sunt indolis & naturæ (§. 563. 547.). Inter se ergo comparari possunt. Sunt perfectiones, in A occurrentes, vel quæ consensum cum principio ultimo, vel quæ realitates respectivas, majores & plures quam in B. (per hypoth.), h. e. major datur in A quam in B vel multitudo convenientiarum determinationum ejus cum principio perfectionis, vel minor respectivarum realitatum defectus. Est ergo A perfectius quam B (§. 779.). Nec obstat quod posuimus plures in ente A occurrere imperfectiones vel remote, vel contrarie sic dictas, h. e. vel majorem multitudinem disconvenientiarum determinationum ejus cum principio perfectionis, vel majorem defectum respectivarum realitatum (§. 779.), non obstat, inquam, quum iterum posuerimus, subtractis his imperfectionibus, plures in A quam in B restare perfectiones.

Huic positioni haud parum accedit lucis si cum *Bülfingero* in Tract. de O. & P. Mali §. 103. & seq. numeris determinamus cum perfectiones, tum imperfectiones in toto obviæ. Dubium non est privationes & negationes æstimari per oppositam quantitatem realium, seu, positivorum (conf. not. ad §. 282.). Si jam e centum perfectionibus, quibus aliquod A componi potest, adsint 70; tum imperfectiones remotivæ communi judicio æstimabuntur per reliquas triginta, quæ absunt. Quare ubi de una hac re est sermo, perfectiones præsentis sunt ad absentes seu imperfectiones remote dictas, ut 70 ad

30, seu, ut 7 ad 3. Hæ autem ad summam omnium in illo ente possibilium perfectionum, ut 30 ad 100, h. e. ut 3 ad 10. Sit ejusdem generis vel speciei cum ente A, aliud ens B, cujus summa possibilis perfectionis adscendat ad millenarium. Perfectiones in illo præsentés exprimentur numero: octingentæ, ergo imperfectiones remotivæ ducentis denotabuntur. Quam ob rem perfectiones  $\tau\gamma$  A sunt ad perfectiones  $\tau\gamma$  B, ut 70 ad 800, seu, ut 7 ad 80. Imperfectiones vero illius sunt ad imperfectiones hujus ut 30. ad 200. seu, ut 3 ad 20. Quamvis, itaque in B plures sint imperfectiones remotivæ quam in A, quia tamen subtractis his utrinque imperfectionibus, plures in summa totius B præsto sunt perfectiones, quam in A; Ens B perfectius merito judicatur ente A. Eandem inferre licet conclusionem, si & A & B imperfectionibus contrarie dictis laborant, hoc tamen pluribus & exstantioribus, illud vero paucioribus & minoribus. Sed in juniorum gratiam loquamur magis facilia. Ponamus avaro, qui nihil præter divitias expetit, offerri diversas hæreditates, in una numerat ultra octoginta aureorum millia, sed in illa debitum est triginta millium, in altera ex millibus nonnisi quinquaginta atque septem aureorum est debitum: Priorem sane judicabit hac perfectiorem, illamque huic præferet, etsi in illa plures, quam in hac dentur imperfectiones contrarie dictæ.

## §. 791.

Perfectionem, quam in genere habemus, *Perfectionem*  
 etenus explicuimus, in *Essentialem* *essentialis*



*Et accidentalis.* & *Accidentalem* distinguere solent. *Illam* continetur consensu realitatum, seu, determinationum essentialium. *Hæc* absoluitur consensu realitatum, seu, determinationum accidentalium.

Aristotelicis, generalem, seu, Metaphysicam, perfectionis notionem tradituris, placet in perfectione essentiali subsistere, quam possidere dicunt ens, cui nihil deest eorum, quæ ad ipsius essentiam requiruntur. Quia vero enti præter essentiam, & quæ hinc pendent attributa, insunt quoque accidentia (§. 372.), ad generalissimam eorum, quæ enti conveniunt, determinandam perfectionis notionem, non sufficit ad sola attendere essentialia, accidentalibus exclusis. Notionem igitur perfectionis generalem exposituri, non debuimus, cum Aristotelicis, intra arctos essentialium limites eam constringere, sed ad accidentia quoque extendere, indeque duplicem inferre perfectionem, alteram essentialem, accidentalem alteram. Scilicet, quia secundum nostram Philosophandi rationem, perfectio, generalissime accepta, consistit in consensu realitatum in uno (§. 737.), ipsæque realitates, seu prædicata, quæ rei insunt, vel essentialia cum attributis sint, vel accidentalia (§. 372.); non potest non perfectio, generalissimo accepta sensu, in essentialem & accidentalem abire. Discrimen hoc obvia loquuntur exempla. Ex. gr. perfectionem habet homo essentialem, quatenus anima constat rationali & corpore organico, in functionum negotio & operationum, amice inter se conspirantibus. Acciden-



cidentalē vero possidet homo perfectionem, eandemque moralem, si liberæ ejus actiones cum agendi norma & regula, quam Lex exprimit, consentiunt, quo ipso non possunt non sibi mutuo quoque esse harmonicæ.

## §. 792.

*Omne ens essentialiter est perfectum.* Determinationes entis essentielles sibi mutuo non repugnant (§. 320.), & ad intrinsecam entis possibilitatem constituendam tendunt (§. 324.). Determinationes ergo essentielles, quæ omni conveniunt enti (§. 329.) inter se consentiunt (§. 735.). Sed consensu harum determinationum absolvitur perfectio essentialis (§. 791.). Hæc igitur omni competit enti.

*Entis essentialis perfectio demonstratur.*

Trita est apud veteres regula: *Omne ens est perfectum*, quam qui accuratius Philosophantur, de essentiali, non autem accidentali intelligendam esse monent, ut ergo cum sua determinatione determinate exprimeretur præsens regula, malimus non quamvis, sed essentialē modo perfectionem omni attribuere enti.

## §. 793.

Imperfectionem, perfectioni oppositam, definivimus per absentiam perfectionis (§. 759.). Est ergo *Imperfectio essentialis*, absentia perfectionis essentialis. Quem ad modum *Imperfectio Accidental*is est absentia perfectionis accidentalis.

*Imperfectio essentialis & accidentalis.*

## §. 794.

## §. 794.

*Imperfectionis  
essentialis con-  
tradictio.*

Quia omne ens essentialiter est perfectum (§. 792.), essentialis imperfectio, quæ absentiam perfectionis essentialis involvit (§. 793.), de nullo prædicari potest ente, adeoque nonnisi de non-ente (§. 265.), & nihilo (§. 261.). hoc est, *nulla datur imperfectio essentialis.*

Si imperfectio essentialis sumitur pro absentia perfectionis, quæ huic vel isti enti inesse nequit, absolute tamen loquendo est possibilis, seu, si accipitur pro absentia perfectionis absolute summæ, præsentia vero perfectionis respectivæ; quodlibet ens finitum essentialiter imperfectum esset. Sed est hæc acceptio imperfectionis essentialis, stilo quidem Leibnitiano conveniens, valde tamen impropria, quum essentialis imperfectio vi vocis denotet absentiam essentialis cujusdam requisiti, quod si defuerit, neque essentia, neque ens in salvo amplius erunt.

## §. 795.

*Perfectionis &  
imperfectionis es-  
sentialis & acci-  
dentalis affectio-  
nes.*

Essentias rerum constantes esse (§. 329.), absolute necessarias (§. 609.), & immutabiles (§. 610.), accidentia autem inconstantia esse (§. 366.), contingentia & mutabilia (§. 616. 618.), palam faciunt prius demonstrata. *Essentialis igitur perfectio*, quia consensu determinationum essen-  
tia.

tialium absoluitur (§. 791.), constans est, absolute necessaria, & immutabilis. Accidentalibus vero & perfectio & imperfectio, quia circa accidentia verlatur (§. 791-793.), inconstans est, contingens & mutabilis.

Facili hinc patet negotio de qua perfectionis specie intelligendi sint veterum canones: *Perfectio non recipit magis vel minus: Perfectio nihil potest accedere aut decedere.* Valent de perfectione essentiali, non autem accidentali, quæ ob contingentiam & mutabilitatem sui varios admittit gradus, variasque incrementi & decrementi vicissitudines, essentiali perfectioni, ob absolutam ejus immutabilitatem, haud tribuendas.

§. 796. Perfectionis perbrevev explana- *Definitio*  
tionem, quam hætenus institui- *Bonitatis*  
mus, excipit consideratio bonitatis in ge- *evoluitur.*  
nere. In eo facile convenimus omnes & uno  
quasi ore fatemur, id nobis bonum esse quod  
tendit ad nostram perfectionem, ideoque  
quod consentit cum fine & scopo, quem no-  
bis propositum & præfixum habemus. Nec  
intellectu est difficile perfectionem quamvis  
partialem rei ad perfectionem totius aliquid  
contribuere, quum hæc sine illa minor alio-  
quin foret; sic Ex. gr. intelligendi facultas in  
homine; seu perfectio, entis hujus, partialis,  
aliquid omnino confert ad perfectionem e-  
jus totalem: ea enim sublata haud parum re-  
ali-

alitatis & perfectionis in homine desideraretur. Singula hæc in unum collecta & conjunctim considerata, talem nobis, remotis removendis, exhibent generalem boni ideam: *Bonum* est, quod habet perfectiones, quibus vel ad sui, vel aliorum perfectionem aliquid confertur, vel conferri potest. Hinc abstractum *Bonitas*, non nisi in perfectionibus consistit, quibus vel ad sui vel aliorum perfectiones aliquid ab ente confertur, vel conferri potest. Quod si cuidam displiceat in definitione boni bis adhiberi vocabulum perfectionis, dicat priori loco realitates, quum res tamen eodem recidat. Hoc itaque modo dicat *Bonitatem* absolvi realitatibus, quibus vel ad sui, vel aliorum perfectiones aliquid ab ente confertur, vel etiam conferri potest.

In designanda ratione formali bonitatis Metaphysicæ diu multumque sudarunt Philosophi, quorum alii, cum *Hervæo*, *Vasquezio*, *Arriaga*, aliisque Scholasticorum, ex Cartesianis *Clau-bergio*, ex recentissimis vero, *Illustri Wolfio*, exultimant *bonitatem Metaphysicam cum sola entis perfectione coincidere*. Fateor, uti etiam initio hujus capituli fassus sum, admodum cognatas esse ideas bonitatis & perfectionis, nihilo tamen secius dari quandam inter illas differentiam, sollicitum utriusque ostendit examen: Perfectionis enim notio absoluto semper sumitur sensu, non vero ad alias res, quas perficiat, relato. Bonitatis autem idea relativa est, dicitque relationem

nem vel ad alias res, ad quarum perfectionem contribuit quid, vel unius rei ad se ipsam, quatenus possidet realitates, quarum quaelibet confert quid ad perfectionem ejus totalem. Alii ponunt bonitatis ideam in *Conformitate rei cum appetitu*. Facem huic opinioni prætulere *Plato & Aristoteles*, Ille in *Hiparcho* ait, in hoc consensimus bonum omnes semper velle, Hic L. I. Eth. cap. I. Bonum esse, ait, id, quod omnia appetunt. Hinc *Mendoza* Disp. 6. Met. L. 4. §. 45. collocat formale bonitatis in perfectione entis in suo genere, consistante actum appetitus, a quo denominatur amabile. *Mendozae* consensum præbent *Philippus a S. Trinitate* P. III. Summ. Phil. qu. 3. art. 3. & *Melchior Corneus* Disp. 2. Met. L. 3. d. 1. p. 371. Sed ut taceam hanc bonitatis notionem collocatam in conformitate rei cum appetitu, non esse adeo secundam, nec consuetariorum adeo feracem, ut opus est, ubi ad specialia fiet descensus; certum est eam esse appetitus naturam, ut in bonum cognitum semper feratur. Bonum ergo, ut prius, se habet ad appetitum, non verò, ut posterius. Alii cum *Abrah. Calovio* in script. Phil. p. m. 350. *Mejero* in *Metaph. Usuali* Div. p. 110. contendunt formalem bonitatis rationem esse collocandam in *conformitate rei cum voluntate Divina*. Nullum est dubium bonum esse, quicquid voluntati convenit Divinæ; Quia tamen voluntas Divina sine ratione se nunquam determinat, quæ, pro nostro concipiendi modo, prior est ipsa determinatione recteque æstimatur ex mensura bonitatis, cuiusvis adjudicata rei; ut prius concipiamus oportet aliquod esse bonum, quam dicere

cere possimus illud esse voluntati Divinae conveniens. Alii Bonitatem consistere ajunt in *nuda convenientia*, non determinantes quæ & qualis convenientia in censum heic speciatim veniat; sed hoc non tam explicat bonitatis indolem & naturam, sed eam potius obscuriorem reddit. Alii iterum putant bonitatem consistere in *convenientia unius cum altero*: non quidem male, modo hic etiam constaret, qua in re consisteret illa convenientia, quum non quælibet bonitatem inferat. Neque præterea hanc notionem, de bono relativo præcipue formatam, admittunt, qui generalem bonitatis desiderant ideam. Alii dicunt bonitatem denotare *internam rei præstantiam, nobilitatem vel excellentiam*; Alii convenientiam perfectionis rei ad se ipsam; alii aliter. Verum omnes & singulas Philosophorum diversas circa hanc rem enumerare & excutere sententias, non vacat, nobis dixisse sufficiat bonitatem absolvi realitatibus, quibus vel ad sui vel ad aliorum perfectiones aliquid ab ente confertur, vel conferri potest. Esse hanc bonitatis notionem justæ latitudinis & extensionis docebunt ejus, quas proponere solent Metaphysici, divisiones, jam jam explicandæ.

§. 797.

*Bonum absolutum & relativum* (§. præc.), quod habet perfectiones, quibus vel ad sui vel aliorum perfectionem aliquid confertur, vel conferri potest. Duplex ergo recte constituitur Bonum, aliud *Absolutum*, aliud *Relativum*. Illud est, quod gaudet perfectionibus, ceu par-  
tia-

tialibus, ad sui perfectionem, seu totalem, conferentibus: Hoc vero dicitur, quod ad aliorum perfectionem promovendam tendit. Hinc quid bonitas absoluta & relativa, utpote boni absoluti & relativi abstracta, sint, haud obscure intelligitur.

Hac ratione, Deus non solum absolute est bonus, quatenus possidet omnes perfectiones absolute summas, sed & relative bonus est, quatenus cujusvis, a se creati, perfectionem promovere intendit. Sic etiam cibus aliquis absolutam habet bonitatem, si perfectionibus gaudet, quæ, ut partiales, requiruntur, ad totalem constituendam, vel, ut veteres loqui amant, si naturalem habet perfectionem inesse debitam: relativam autem bonitatem eidem cibo eatenus attribuimus, quatenus vitæ sustentandæ & sanitati promovendæ inservit.

§. 798.

Perfectiones, quæ enti conveniunt, sunt vel essentielles, vel accidentales (§. 791.). Est autem absolute bonum, quod habet perfectiones partiales, ad constituendam totalem concurrentes (§. 797.). Quod ergo absolute est bonum, in *Essentiale & accidentale* recte dispescitur. Illud collocatur in perfectionibus, quibus essentia rei absolvi-  
tur. Hoc autem in perfectionibus consistit, quibus accidentalis rei perfectio constituitur. Seu *Essentialiter bonum* est, quod realitates habet, ad perfectionem essentialem constitu-

endam requisitas. *Accidentaliter* vero bonum dicitur, quod realitates possidet, ad perfectionem accidentalem constituendam requisitas.

§. 799.

*Nexus entis & bonitatis tamen essentialis, quam accidentalis.* Perfectionem essentialem, non autem accidentalem, cuius attribuendam esse enti, ostendunt mox demonstrata (§. 792. 795.). *Recte ergo inferimus omne ens essentialiter esse bonum, non autem accidentaliter* (§. 798.).

Sic homines, in quantum essentiam debitam habent, boni sunt, in quantum vero vitiorum luce infecti existunt, boni, sensu accidentali, dici nequeunt. Pari ratione Diaboli, quatenus sunt substantiæ Spirituales completæ, essentialem habent bonitatem, sed accidentali destituuntur: carent enim concreata iustitia & sanctitate.

De bono igitur essentiali, non autem accidentali valet *Aristotelis* enunciatum L. I. Eth. Cap. VI. το αγαθὸν ἴσα ὡς λέγεται τῷ ὄντι. Idem illud bonum respicere videtur *Augustinus*, dum enarratione in Psalmum CII. Omnes, inquit, creaturæ habent quoddam bonum suum integritatis suæ & perfectionis naturæ suæ. Nec non L. 83. Quæstion. 24. Omne ens, quod est, in quantum est, bonum est. Eodem sensu scribit *Boetius* Libr. de Hebdom. Cap. 2. Quicquid est, in eo quod est, bonum est.

§. 800.

*Ab essentiali*

Quia posita rei essentia non statim



tim ponuntur ejus accidentia (§. *ad accidentia* 565.), & essentialis bonitas circa *lem bonitatem* perfectionem rei essentialem ver- *non valet con-*  
*clusio.*  
 satum, accidentalis vero perfectio-  
 ne accidentali continetur (§. 798.); *posita es-*  
*sentiali bonitate non statim ponenda est acciden-*  
*talis, seu, ab illa ad hanc non valet conclusio.*

Pessime igitur ageret, qui ab essentiali vel hominum vel angelorum bonitate, ad eorum colligeret accidentalem, quum illi ob originalem corruptionem, non quidem essentia, natura tamen sint filii iræ, variisque prohi dolor! peccatis suam prodant accidentalem malitiam. Horum autem quidam a perfectissimo, in quo creati erant, statu defecerunt, facti Dei & hominum aperti hostes.

#### §. 801.

Perfectionem aliam esse ab- *Bonum abso-*  
 solutam, in possessione omnium *lute summum*  
 realitatum absolutarum collocan- *& respecti-*  
 dam, aliam respectivam, in con- *vum.*  
 sensu realitatum respectivarum ponendam, antea exposuimus (§. 752. 757.). Bonum itaque, quod circa perfectiones versatur (§. 796.), eadem ratione recte dividitur in *Bonum simpli-*  
*citer tale*, vel, *absolute summum*, quod absolutam possidet perfectionem; et in *bonum secundum quid tale*, seu, *respectivum*, quod non nisi respectiva gaudet perfectione.

Explicabis hinc verba Christi Matth. XIX. 17.

ἰδεὶς ἀγαθός, εἰ μὴ εἰς ὁ Θεός. Deus scilicet, cui soli convenit absoluta perfectio, est bonus absolute & simpliciter talis, ipsaque hinc bonitas & benignitas salutatur, cujus sensu abreptus cum Psalte exclamet: *Quam pretiosa est bonitas Tua, O! Deus.* PL XXXVI. 8. Reliqua autem omnia entia nonnisi respectivam tenent bonitatem, quam etiam non sibi, sed Deo acceptam debent, ut singulas creaturas compellare liceat verbis Apostoli, ad homines, sui æstimonio inflatos, directis: *τί ἔχεις ὃ ἔκ ἐλαβει;* Quid habes quod non acceperis? I. Cor. IV. 17.

## §. 802.

*Bonitatis respectiva & essentialis harmonia in uno.*

Involvit quidem perfectio respectiva, quia consensu realitatum respectivarum continetur (§. 757.), aliquem ulterioris realitatis defectum (§. 743.), & ideo bonitas respectiva eidem subjacet legi (§. 801.); hoc tamen nihil detrahit bonitati essentiali ejus, quod respective est bonum: nam præterquam quod mox ostendimus, omne ens essentialiter esse bonum (§. 799.), perspicuum arbitror defectum, cujus jam facta est mentio, quia cui libet respective perfecto essentialiter adhæreret, esse æque ac essentiam ipsam, absolute immutabilem & inevitabilem (§. 610.), & idcirco nonnisi apparentem (§. 775.), qui non impedit quo minus ens sit in suo genere perfectissimum (§. 780.), habeatque omnes perfectiones

nes essentielles, sibi inesse debitas, hoc est, bonitatem essentialem (§. 798.).

## §. 803.

Bonum; quod respectivum, seu, *Melius* secundum quid tale diximus, quia *quid?* non nisi respectiva gaudet perfectione (§. 801.), æque ac hæc respectiva perfectio, varios admittit gradus & ordines (§. 779.), quorum alter alterum bonitate superat. Hinc *A melius* tñ B censetur, si illud hoc est perfectius, ubi ex fundamento, antea posito (§. 779.) majorem minoremve æstimamus perfectionem.

Est quidem omne ens ita bonum (§. 799.) ut in statu suo naturali spectatum, bonitatis sibi debitæ & essentialis habeat gradum summum, ob essentialis absolutam necessitatem, mutari nescium; nihilo tamen minus ubi alterum cum altero comparatur ente, gradus bonitatis observare licet, & quidem multum differentes. Sic anima *πλεον εστι* longe præstantius quid est cibo, & corpus vestimentis. Homo quoque volucres cœli & aves velligeras multum præstantia superat. Ipso Christo iudice Matth. VI. 25, 26. X. 31. XII. 12. Ita quoque stella stellam superat I. Cor. XV. 41.

## §. 804.

Bonum, quod re ipsa tale *Bonum appa-* non est, sed esse tamen videtur *rens & verum.* iis, qui illud anhelant & sectantur, *Apparens* dici solet. *Bonum* autem *Verum* vocatur, quod genuinam & non fucatam innuit & involvit

perfectionem, seu, quod veram habet bonitatem.

Sic vere bonum recte pronunciamus omnem virtutem, omne Dei donum Jacob I. 16. & humiliter ambulare cum Deo suo, omnem suam dignitatem & meritum abnegando Mich. VI. 8. E contra bonum apparens sunt, otium intempestivum, voluptas illicita, ebrietas, vindicta privata, aliaque vitia moralia, quæ corruptæ concupiscentiæ arridere solent, juxta illud Prov. I. 11, 15. ubi perditorum hominum illecebræ proponuntur.

§. 805.

*Hæc boni divisio quæ in casu locum habeat? Hanc boni divisionem in verum & apparens, non afficere bonitatem Metaphysicam & essentialem, luce meridiana clarius est, sed, posita intellectus & inclinationis humane corruptione, locum habere circa bonum relativum. Omne ens, Metaphysico acceptum sensu, verum est (§. 711), essentialiter perfectum (§. 792), & bonum (§. 799.). Oppido igitur constat, implicare & sibi invicem contrariari, aliquid essentialiter bonum esse, & tamen verum bonum non esse, sed solum apparens.*

Posita vero corruptione intellectus & inclinationis humane: potest homo circa id, quod sibi bonum judicat, h. e. relativum bonum, errare, potest etiam vera statuere. Hoc igitur respectu, non autem illo, dispescimus bonum in verum & apparens.

Re-

Recte inquam; Non eo tamen sensu ac ipsum bonum ejusmodi admitteret distinctionem, cuius jam evicimus contrarium, sed solum in relatione ad appetentem. Est itaque non nisi vocis æquivocæ in sua æquivocata divisio: apparentia enim heic sumitur cum exclusione veritatis, ideoque apparens bonum, quæ tale, revera non est bonum saltem eo in casu, & ei, qui illud appetit.

## §. 806.

Solent Metaphysici in doctrina de bono duas potissimum formare regulas, quarum altera affirmat, *omne bonum esse appetibile*, altera; *omne bonum esse sui communicativum*. Prior in Pneumaticis potius, exposita appetitus natura, quam Metaphysicis excutiti & proponi debet, ut tamen illis quoque inserviam, qui in evolvendis veterum scriptis desudant, quædam, sed non nisi summatim adferre placet, quæ genuinum hujus regulæ concernant sensum. Monent dictæ regulæ defensores illa non indicari, quod actu secundo omne bonum appetatur, sed quod ea sit boni natura, ut actu primo appeti possit, seu, quod in se sit appetibile, posito subjecto, appetitu gaudente. Addunt quoque regulam valere de omni bono & vero, sive absolute, sive respectively spectetur, & apparenti. Eam esse appetitus indolem docet Psychologia, ut nonnisi in bonum cognitum feratur, est ergo hoc ratio appetibi-

litis, quare hæc vicissim per illud determinatur. Recte ergo statuitur omne bonum, in se spectatum, nullo habito ad subjectum appetens respectu, esse appetibile, licet pro diversitate subjecti, cui competit appetitus, modo longe diversissimo. Deo namque omne verum bonum est appetibile, sed appetitu, uti loquuntur, *complacentia*, qua non propriam modo naturam in se absolute optimam, approbat, sed & hac mediante Ei placent omnes rerum essentia, quatenus realitatem & perfectionem involvunt, in Ejus infinito intellectu fundatae & formatae. Constat præterea, Deum res cunctas, a se productas, conservando, velle ea omnia, quæ creaturarum conservationi & veræ perfectioni obtinendæ inserviunt. Notum quoque est Eum velle omne, quod sanctissimæ suæ naturæ conveniens esse judicat, modo igitur eminentissimo appetere omne verum bonum, sive sit absolutum, sive relativum. Hominum autem longe alia est ratio: Illi enim non appetunt bona, nisi facta quadam ad se relatione, quatenus illis & fini, ab iis intento vel vere vel apparenter sint convenientia. Id vero hic observandum est, bonum apparens, quum re ipsa sit malum (§. 804.), per se & in se nullam arguere appetibilitatis rationem, ut adeo, canone ad verum bonum restricto, contendamus omne verum bonum, in se & absolute loquendo, hoc est, ut mox di-

diximus, nullo ad subjectum appetens habito respectu, esse appetibile.

§. 807.

Succedit alter canon, quem, ut *Quomodo*  
 ei tua constet universalitas, ita de- *bonum sit*  
 terminandum esse cenleo: *Omne bo-* *sui commu-*  
*num relativum est sui communicati-* *nicativum.*  
*vum, si non semper actu, semper tamen poten-*  
*tia.* Sui communicativum, quod de bono heic  
 prædicatur, nihil involvit aliud, quam ex sua  
 perfectione alias perficere res. Quare quum  
 bonum relativum eam possideat perfectionem,  
 quia alias res perficere potest (§. 797.); omne  
 bonum relativum vel actu, vel saltem poten-  
 tia est sui communicativum, & proinde quo  
 præstantius est bonum, eo latius se commu-  
 nicare valet.

Quivis itaque intelligit hanc regulam, recte, u-  
 ti diximus, determinatam non esse nisi defini-  
 tionis bonitatis relativæ immediatam consequen-  
 tiam; verissimam ergo esse & certissimam. Solent  
 quidam extendere præsentem regulam ad bo-  
 num quoque absolutum, quod dicunt esse com-  
 municativum sui *κοινωνία καὶ ἀλλοποιήσις*, com-  
 municatione effectiva, idque vel necessario vel  
 libere (sed tamen prout subjectum illius fuerit  
 capax), si non actu, saltem potentia. Inde ita  
 inferunt Deus est bonus, ergo creaturis suam  
 bonitatem, quantum quidem de eadem illæ  
 participare possunt, pro liberrima sua volunta-  
 te communicat. Eruditio hominis est bona, i-

deo & sui ad discentem communicativa. Stella lucida est bona, itaque & lucis suæ communicativa. Et alia ejusmodi. Observandum vero duplex esse absolutum bonum, aliud essentialē, aliud accidentale (§. 798.); illud de omni ente (§. 799.), & per consequens de mere possibili (§. 228.) valet: esse vero communicativum sui involvit vel actum perficiendi alios ex sua perfectione, vel saltem id præstandi aptitudinem (§. 207.), mere possibili non attribuendam (§. 204.). Ratione ergo positi prædicati, quod *communicativo in dicto canone absolvitur, universaliter statuere non licet omne etiam essentialiter bonum esse communicativum sui.* Neque omne existens, essentiali licet bonitate instructum, sui est communicativum. Diabolus enim essentialiter bonus est, aliorum tamen veræ perfectioni promovendæ nunquam intentus, neque ergo aliis bonus. Deinde de essentiali bono, absolute accepto, alia ratione prædicari nequit esse sui communicativum, quam ut vel prædicata sua essentialia, vel attributa aliis communicet, quod tamen ob essentialium incommunicabilitatem fieri nequit. Non ergo statuere licet essentialiter bonum, quæ tale, nisi idem ut relativum simul spectari queat, esse sui communicativum. Non tamen hinc sequitur omne essentialiter & simul relativum bonum statim & actu ipso communicare aliis suam bonitatem. Deus enim ab æterno bonus est, neque tamen ab æterno se creaturis communicavit. Sufficit ergo bonum, si non actu, saltem potentia esse sui communicativum.

Quod accidentaliter est bonum, absoluto tamen  
ad-



adhuc sensu consideratum, secundum notionem prius positam (§. 798.), qua diximus illud possidere realitates, ad perfectionem accidentalem constituendam requisitas, hætenus tamen sine ulla ad alias, quas perficiat res, relatione. Quod, inquam, hoc sensu accidentaliter est bonum dici nequit sui communicativum, quum hoc prædicatum relationem ad aliud semper involvat. Neque ergo de accidentaliter bono, nisi quatenus ut relativum spectetur, enunciari potest idem prædicatum. Habes itaque rationem, si quid intelligo, sufficientem, cur præsentem veterum canonem, de bono quovis enunciatum, non nisi ad bonum relativum restringamus.

Hætenus ex ipsis boni absoluti & relativi notionibus sensum canonis nostri elicuimus. Alia vero est quaestio *an detur, seu, existat, aliquod absolute bonum, quod non simul sit relativum, & per consequens, sui communicativum?* Melius, quam ex consideratione, quæ existunt, rerum decidi nequit hæc quaestio. Quæ existunt entia, sunt vel Infinita, vel finita. Illud, quod Dei veneramur nomine, esse relative bonum & sui communicativum ostendit infinita ejus bonitas, ad creaturas relata, quæ creatione, conservatione, concursu & gubernatione, spiritualium quoque donorum collatione, immensum in modum se exserit. Entia autem finita, quorum existentiam ratio, sibi relicta, perspicit, sunt vel animæ humanæ vel corpora: illas omnes relativam possidere bonitatem multifaria ostendunt documenta. Taceo actionem mutuam, quam quævis anima exercet in corpus organicum, sibi adjunctum, extra omnem est controversiam animæ

mæ eas competere facultates & intelligendi & volendi, quæ accidentali, uti decet, instructæ perfectione, multum conferunt tum ad aliorum hominum sigillatim, tum conjunctim ad integræ societatis robur, emolumentum & felicitatem. Corpus unum alteri inservire & utile esse, cuivis adeo est notum, ut vel vulgari rerum naturalium cognitione instructus, ultro largiatur, intimius vero perspiciat, qui Physicorum circa hanc nobilem materiam evoluit scripta. Mutuum partium in microcosmo, seu, homine, influxum ulumque valde illustrent verba Apostoli *Pauli*. I. Cor. XII. 14-27. ubi ex pluribus colligit *non posse oculum dicere manui: te mihi opus non est; aut rursus caput pedibus, non est mihi vobis opus. Immo multo potius, quæ videntur membra corporis infirmissima, necessaria esse.* Adplicat hæc deinde Apostolus ad unitatem & mutuam opem membrorum corporis Christi mystici. conf. Eph. IV. 15. 16. Hinc nunquam non laudata sanctorum surgit communio, quam ore omnes, opere pauci testantur, male memores verborum *Johannis* I. Epist. III. 18. Filioli mei ne diligamus verbo, neque lingua solum, sed opere & veritate.

Tandem notemus Fanaticos valde abuti hoc, quem explicatum dedimus, canone, dum inde communionem omnium bonorum, in genere humano introducendam esse volunt, & promiscuas pariter exercendas libidines. Agit Canon de bono, quod semper se diffundit, vel diffundere potest in aliorum commodum & usum, non tamen ultra decorum, atque usum legitimum, neque ultra debitum. Sic uxor, ancilla, ser-

fervus, tametsi aliquo modo aliis, quæ *χρησις*, in officiis aut servitiis vel usu præstando, se excrentem, communicabiles sint, minime tamen gentium simpliciter & omni modo, ut putant fanatici, qui sine dubio ex *Platone* hanc suam hausere opinionem: dixit enim ille maximum esse civitatis bonum, si uxorum, liberorum, & facultatum omnium esset communio, adjecta ratione, quia hoc civitatem faceret maxime unam. Sed regerit *Aristoteles*, quæ maxima cogitari potest unitas (ea vero est, si abolita pagorum primo, deinde familiarum; ultimo & personarum multitudine ad unicum hominem res abeat), ea civitati non est bona, sed mala potius: non enim servat civitatem, sed destruit: unus quippe homo nihil est minus, quam civitas.

§. 808.

Bono opponitur *malum*, quod *Mali definitio*. ergo consistit in defectu vel carentia perfectionum, quibus vel ad sui, vel ad aliorum perfectiones conferre quid posset.

Fateor doctrinam de malo, proprie si loquar, non ad Metaphysicam pertinere, ut mox ostensus sum plenius, & recte observat *Scheiblerus* L. I. Cap. XI. Metaph. n. 70. addita ratione, quia in privatione consistit malitia, privationes autem, quia non entia sunt (§. 282.), per se nullam admittunt scientiam (§. 266.); quatenus tamen in Metaphysica de privationibus est agendum (conf. not. ad §. 283.), eatenus etiam de malo in genere nonnulla tradere decet, præsertim ut doctrina boni, juxta notissimam regulam:

lam : *opposita juxta se posita, magis elucescunt* (§. 428.), eo majori clareat luce.

§. 809.

*Divisio mali.* Quem ad modum bonum (§. 797.) ita & malum vel *Absolute* vel *relative* accipi solet. Priori sensu denotat defectum perfectionis, quæ inesse debet, vel, carentiam perfectionis cujusdam partialis, quæ ad totalem subjecti, cui illa deest, constituendam requiritur. Posteriori autem acceptione malum est, quod alteri imperfectionem adfert, seu ; alterum quocunque modo deterius reddit.

Hoc modo absolute, seu, in se malum est, quodvis peccatum, lege Divina prohibitum, juxta illud Jer. II. 19. *Malum & amarum est deserere Jehovah Deum suum.* Absolute etiam hoc sensu malus dicitur artifex, qui vel peritia, vel habitu, ad opus artis suæ perficiendum necessariis, destituitur. Pertinet huc quoque omnis alius defectus, etiam naturalis, debitam tollens perfectionem, ut cæcitas, surditas, & morbus quicunque, unde tali defectu laborantes dicuntur κακῶς ἔχοντες, Matth. IV. 24. IX. 12. & miser ipsorum status κακοπάθεια vocatur. Respective autem malum est v. gr. acetum dentibus & oculis fumus Prov. X. 26. Eodem sensu malum est vinum febricitanti, & cibus quivis, quatenus hunc vel illum in homine excitat morbum.

## §. 810.

Malum, absolute spectatum, in *Mali absolute-  
essentiale & accidentale* distingue- *ti divisio.*  
re solent, quorum illud in defectu perfectio-  
nis, quæ ad essentiam rei requiritur: Hoc au-  
tem in defectu perfectionis, quæ ad acciden-  
talem rei perfectionem requiritur.

Ad similitudinem boni (§. 798.), observata op-  
positorum indole, explicamus quid ipsi signifi-  
cant termini: *Essentialiter & accidentaliter malum*,  
mox inquisituri an & quousque eis aliqua respon-  
deat realitas, vel potius, an & quousque detur  
vel dari possit, essentialiter & accidentaliter  
malum.

## §. 811.

*Nil est vel esse potest essentia-* *Essentialiter*  
*liter malum.* Si enim daretur, vel *malum nega-*  
dari posset, ens, essentiali labo- *tur.*  
rans malitia, destitueretur illud perfectione  
essentiali, seu, quod idem est, non haberet o-  
mnia essentialiæ suæ requisita (§. 810.). Sed de-  
stitui nequit ullum ens essentiali sua perfe-  
ctione, quum quodvis sit essentialiter perfe-  
ctum (§. 792.), ipsæque rerum essentialiæ abso-  
lute sint necessariae (§. 609.), & immutabiles  
(§. 610.). Non ergo datur neque dari potest  
ens essentialiter malum.

Brevius. Essentialiter malum dicitur, quod  
essentiali laborat imperfectione (§. 810.), sed  
hæc de nullo prædicari potest ente (§. 794.).

Ne-

Neque ergo de ullo ente prædicari potest essentialis malitia.

Facile hinc quorundam veterum magorum de duplici coæterno & æque independente principio, altero bono, altero malo, confutatur somnium, quod ex *Thoma Hydeo* commemorat *Brückerus* in Hist. Crit. Phil. T. I. p. 175. 177. Nam statuere principium independens & æternum & tamen sua natura malum, quum independentia & æternitas absolutam inferat perfectionem, malitia autem imperfectionem, aperta laborat contradictione, facitque unum idemque essentialiter bonum, & simul essentialiter malum. Voluit quidem *Zoroaster*, Persarum sapiens, emendare hanc veterum magorum opinionem, affirmans duo poni debere principia, unum *Oromasden*, lucis atque boni auctorem, alterum *Arimanium*, tenebrarum atque mali fontem; non tamen coæterna, & a nullo alio principio dependentia sed a Summo Deo, quem *Mithram* vocabat, genita. Voluit inquam, quatenus tamen putavit mali naturam non in sola privatione, et si ex lucis privatione originem traxerit, consistere, sed positivum quid esse, seu, esse ens quoddam, eatenus in præsentem, quem stabilivimus, canonem, vehementer impingit. Taceo Zoroastrem genesis mali a Summo & Optimo Deo pessime derivare, causamque mali efficientem & positivam inepte ponere, quæ tamen omnis est deficiens & negativa. Ab his discessit quidem *Manes*, a quo Manichæi originem traxerunt, non nisi unum verum Deum statuens, simul tamen finxit aliquod principium malum, luce, vita & bonitate destitutum, ideoque a-

li-

liquod essentialiter malum, quod tamen per demonstrata dari nequit.

## §. 812.

Quia omne absoluto sensu *Accidentaliter* malum dicitur, illud vel essentialiter malum datur, le, vel accidentale esset (§. 810.). Ens vero essentialiter malum non datur nec dari potest (§. 811.). *Quodcunque ergo ens malum dici meretur, non nisi accidentali laborat malitia, & essentialiter existit bonum (§. 799.)*

Recte hinc observat *Claubergius* §. 176. Ontosoph. nullum inveniri malum sine bono, nec dari malum sine admixtione boni, saltem essentialis. Licet detur bonum, scilicet absolute summum, sine ulla cujuscunque mali mixtura, quale ens Deum esse demonstrat Theologia Naturalis.

## §. 813.

Enti nonnisi actuali compete- *Nonnisi actuali* tunt accidentia (§. 368.); malum *libus tribui potest* autem, quod de ente enunciari *est malitia*, potest, non est nisi ejus accidens (§. 812.). *Nulum ergo ens nisi actuale malum esse potest.*

Abfit tamen putes omne actuale esse malum: nam existit ens absolute bonum, ab omni imperfectione omnique malo, longissime remotum.

## §. 814.

Quoniam ens, quod Metaphy- *Mali Meta-* fices est considerationis, ea sumi- *physici con-* tur

*traditio.* tur latitudine, ut & actualia & potentialia comprehendat (§. 295.); de ente autem non nisi actuali, neque de eo omni enunciatur malum (§. 813.). *Malum ergo universale entis Metaphysici predicatum esse nequit*, seu, quod idem est, *malum Metaphysicum non datur.*

Idem sic ostenditur: Essentia omni convenit enti (§. 329.), & posita essentia, ponitur ens (§. 332.). Quam ob rem si daretur malum Metaphysicum, esset illud essentiale; sed dari nequit malum essentiale (§. 811.). Neque ergo dari potest malum Metaphysicum.

#### §. 815.

*Leibnitii triplex malum.*

Triples constituit Illustris Leibnitius malum, scilicet *Metaphysicum*, quod in rerum etiam non intelligentium imperfectione, seu, limitatione originaria collocat. *Physicum*, quod ei est incommodum & perperissio creaturarum, sensu & intellectu præditarum, quo malum poenæ refert. *Malum morale* in actione & omissione constituit libera, legi inimica, quo malum culpæ refert. Conf. Theod. §. 21. Causa Dei assert. §. 30. 31. 32. Scilicet ut mentem Illustris Viri clarius exponam. Recte statuit omnem creaturam, etiam in statu merae possibilitatis suæ, ex essentia sua, originalem habere limitationem: nam quod limitatione caret, non creatu-



tura sed Deus est. Limitata autem dicitur creatura, quia perfectionis suæ habet terminos. Hanc ipsam limitationem malum vocat Leibniti<sup>us</sup> Metaphysicum, quod ergo ad mentem ejus recte explicat *Hanschius* D. 161. *Princip per nudam absentiam perfectionum in entibus creatis, quarum recipiendarum, per essentiam suam, sunt incapacia.* Infert ergo hoc malum defectum perfectionis absolutæ, quæ creaturæ incommunicabilis manet, ponitque præsentiam perfectionis respectivæ, ita tamen ut defectus iste, quo cujuslibet creaturæ essentialis perfectio distat a perfectione absoluta Ipsius Dei, & qui defectus, salva manente creaturæ essentia, suppleri absolute nequit, Malum Metaphysicum Leibnitio audiatur. In hoc malo, quod absolute necessarium statuit, ultimato & qua possibilitatem suam fundari existimat malum morale, ob quod oritur Physicum, etsi non semper in iisdem subjectis, sed hæc tamen, quæ videri possit aberratio, cum fructu corrigitur, ut innocentes nollent passi non esse.

Quousque hæc Leibnitiana Platonis convenient, vel disconvenient sententiæ, qua ille de origine mali acturus, illud in imperfectionis Physicum & morale distinguit, præsentis non est instituti examinare & discutere. Magna obscuritate laborant Platonis circa præsentem materiam edicta, ut de genuino illorum eruendo

sensu hãud parum inter se disputent Critici. Id solum uno alterove verbo observare convenit, malum, quod Platoni est imperfectionis, si non plenam, ei tamen proximam cum Leibnitii malo Metaphysico habere similitudinem; Ita enim illud malum ex Timæo Platonis explicat Moshemius in Not. ad System. *Cudworthi Intellect. p. 242. Plato quoniam Deum existimabat ex instituto & sapienter res alias perfectiores & meliores aliis condidisse, quo æquabilis totius universitatis concentus nasceretur, multas incommoditates & mala ex ipso statu rerum & naturarum derivavit. Mala hæc, ex statu rerum, Sapienter a Deo collocatarum, derivata, aliud denotare non videntur, quam imperfectiones, quas salva sua essentia & natura, salvo etiam totius operis concentu, transcendere non potuerunt creaturæ. Hactenus ergo Platonicis similia videntur Leibnitiana.*

## §. 816.

*Malum Metaphysicum Leibnitii bonitati essentiali non derogat.*

*Malum Metaphysicum Leibnitii entibus, quibus convenit, nihil essentialis bonitatis detrahit.*  
Denotat enim malum Metaphysicum Leibnitii absentiam perfectionis in entibus creatis, cujus recipiendæ per essentiam suam sunt incapacia (§. 815). Bonitas vero essentialis collocatur in perfectionibus, quibus essentia rei absolvitur (§. 798.), quarum ergo recipiendarum res quævis per essentiam est capax. Malum itaque Metaphysicum

ficum Leibnitii, entibus, quibus convenit, nihil essentialis bonitatis derogat.

Nemo negaverit entia creata & finita aliquo essentialium suarum defectu laborare, quem Leibnitius malum Metaphysicum appellare voluit. Si hoc itaque finitis rebus aliquid essentialis detraheret bonitatis, omnia entia finita destituerentur minimum parte aliqua essentialis suæ bonitatis, relicta altera parte essentialiter mala. Sed nequit ullum ens, ullo modo, esse essentialiter malum (§ 811.). Malum itaque Leibnitii Metaphysicum non tollit essentialem rerum bonitatem.

§. 817.

*Malum ergo Metaphysicum Malum Leib-*  
*Leibnitii non est aliquod essentialiter malum. Quod enim essen-*  
*ficum non est*  
*malum.*  
 tialiter est malum consistit in defectu perfectionis, quæ ad essentiam rei requiritur (§. 810.). Malum autem Metaphysicum Leibnitii non consistit in defectu ullius perfectionis, quæ ad essentiam rei requiritur: absolvitur enim defectu, qui salva manente rei creatæ essentia, suppleri absolute nequit (§. 815.). Malum ergo Leibnitii non est aliquod essentialiter malum.

Nihil quippe essentialis bonitatis detrahit rebus, quibus competit hoc Leibnitii malum (§. 816.), non ergo confundendum est cum essentiali malo, quod veteribus Metaphysicum appellari solet, & quod rebus omnibus recte denegatur (§.

811.). Erraret igitur, qui ex hac veterum notione mali Metaphysici negare vellet malum Leibnitii ejusdem nominis, quod titulo solum cum illo convenit, re autem, ut ita loquar, ipsa a se invicem quam maxime distant. Haud negaverim Leibnitium potuisse, immo, certo sensu, debuisse, omnis confusionis vitandæ gratia, abstinere a mali Metaphysici adpellatione, quum ad defectum perfectionis, cujus per essentiam recipiendæ incapacia sunt entia creata, denotandum omnino suffecerit *limitationis* titulus, veteribus perquam familiaris. Taceo, re-tenta generali, quam dedimus (§. 808.), mali definitione, statui haud posse malum Metaphysicum Leibnitii, tanquam speciem sub illa contineri: absolvitur enim malum in genere defectu perfectionum, quibus vel ad sui, vel ad aliorum perfectionem conferri quid posset. Malum autem Metaphysicum Leibnitii in defectu perfectionum consistit, quibus nihil ad sui perfectionem conferri potest manente eadem essentia (§. 815.), quæ hujus quoque augmenti plane est incapax (§. 612.). Comprehendi ergo nequit malum hoc Leibnitii sub malo in genere, & proinde, proprie loquendo, malum non est. Sane si malum esset hoc Leibnitii malum, quod non relativo, quasi aliis imperfectionem adferret, sed absoluto sumitur sensu, vel essentialiter vel accidentaliter tale dici deberet (§. 810.), non illud, per mox demonstrata, neque hoc, quia limitatio rerum originaria, quæ mali Metaphysici nomine Leibnitio venit, non accidentalis est, sed essentialis, ut suo demonstrabitur loco. Omnis ergo vitandæ confusionis gra-

gratia a mali Metaphysici Leibnitiani adpellatione abstinemus.

## CAPUT X.

DE

## MENSURA ET MENSURATO.

## §. 818.

**R**atio est mutua quantitatum relatio, qua attendimus, quoties altera alteram continet, vel altera in altera continetur. Identitas rationum *Proportio* vel *analogia* dicitur. *Rationis definitio.*

Mathematicis duce *Euclide* El. V. D. III. usitatissima est hæc rationis acceptio, non confundenda cum ratione, qua unum ex altero intelligitur (§. 82.). Illius generis ratio est v. gr. relatio numeri ternarii ad senarium, qua attendimus quoties hic illum continet, vel quoties ille in hoc continetur.

## §. 819.

*Rationem ergo inter se habere nequeunt quantitates nisi fuerint homogeneæ.* *Quantitatum, quæ sint in ratione affectio.* Ratio est illa quantitatum habitudo, qua una alteram continet, vel una in altera continetur (§. 818.); quantitas vero una in altera comprehendere, vel altera alteram comprehendere nequit, nisi in

priori casu ut pars alterius, tanquam totius, in posteriori ut totum, alteram, tanquam partem complectens, spectetur (§. 672.). Sunt vero partes vel aliquotæ, vel aliquantæ (§. 680.), & tam illæ quam hæ sunt suis totis homogeneæ (§. 681.). Rationem ergo inter se habere nequeunt quantitates nisi fuerint homogeneæ.

Hinc est quod *Euslides* El. V. def. 5. contendat rationem dari inter magnitudines, quæ possunt multiplicatæ se mutuo superare, i. e. quæ inter se sunt homogeneæ (§. 679.).

#### §. 820.

*Mensura* & Si quantitatem aliquam pro u-  
*mensurati* nitate assumimus, & alterius ad eam  
*definitiones.* determinamus rationem, illam *Me-*  
*tiri* dicimur. Quantitas illa, quæ pro unita-  
te sumitur, *Mensura*. Altera vero, cujus ad  
hanc determinatur ratio, *Mensuratum* dici  
solet.

Ex. gr. ad metiendam hanc vel illam longitudi-  
nem, ulnam assumere solemus, tanquam unita-  
tem, & investigare quoties hæc in data longi-  
tudine contineatur. In metiendis planis, ulnam  
quadraticam, tanquam unitatem assumimus, hoc-  
que modo exprimimus, quot ejusmodi quadra-  
ticæ ulnæ in dato plano comprehendantur.

#### §. 821.

*Mensura* & Quoniam in metiendo ratio-  
*mensurati* nem mensurati ad mensuram de-  
ter-

terminare debemus (§. 820.); ratio *determinata* autem determinata, ut per se pa- *quantitas*.  
tet, dari nequit nisi inter quantitates determi-  
natas; & *Mensura & mensuratum determina-  
tam habent quantitatem.*

Sic in metiendo panno, & illius & ulnæ, ceu men-  
suræ, determinatam postulamus quantitatem;  
quum fieri alioquin haud posset, ut determina-  
ta inter pannum & ulnam investigaretur ratio,  
ad vagam vero & indeterminatam in metiendo  
non attendimus, neque attendere possumus,

### §. 822.

Determinata quidem gaudent *Mensura no-*  
quantitate tam mensura, quam *tior mensu-*  
mensuratum (§. 821.), quia ta- *rato.*  
men mensurati quantitatem inquirere ac de-  
terminare conamur adhibita mensura (§. 820.),  
quia etiam incognitum per æque incognitum  
detegere non valemus, ut quivis sua sponte  
largitur; *mensura, saltem nobis, notior esse de-  
bet mensurato.*

Sic panni v. gr. longitudinem inquisituri, ulnæ  
adhibemus & applicamus mensuram, ut nobis  
perspectam & animadversam, sine qua panni  
longitudinem non detegeremus. Post applica-  
tam mensuram, æque hanc ac mensuratum in-  
telligimus, ante tamen, quam illam applicuimus,  
magis determinatam possidemus illius, quam  
hujus cognitionem; spectatur enim, hoc casu,  
mensurandum, haud aliter ac incognitum quid,

cujus determinatam cognitionem, adhibita mensura, nobis acquirere studemus.

§. 823.

*Mensura & Mensura mensurato homogenea esse debet.* Nam mensura ad mensuratum determinatam habet rationem (§. 820.). Mensura ergo mensurato est homogenea. (§. 819.).

Sic quia linea lineæ est homogenea, ideoq: lineam semper sumimus ad metiendam magnitudinem cujusvis lineæ. Sed est linea superficiei heterogenea, nam illa, vel infinites sumta, superficiem quamcunque datam superare nequit. Quare lineam nunquam adhibemus ad mensurandam superficiem, sed aliam superficiem mensuræ loco assumimus.

§. 824.

*Quod metiri licet.* Siquidem metiri est quantitatis rationem determinare ad aliam datam (§. 820.), illud omne metiri licet, quod quantitatem habet, quod vero quantitate destituitur, nullam admittit mensuram.

Habent quantitatem non modo omnia extensa, quorum pertinent spatium & omnia corpora, sed simplicia quoque, quatenus limitatas habent qualitates, immo & omnia illa, in quibus partes distinguere licet, totum constituentes, quorum spectant, calor, frigus, densitas, raritas, refractionis luminis, gravitas corporum, effectus & vires causarum naturalium, aliaque innumera; Hæc itaque singula certæ subjici posse



posse mensuræ quivis, vel me tacente, fate-  
tur.

§. 825.

*Liquet hinc omnem gradum Graduum mensurari posse per alium homogeneum, pro unitate assumptum.* Est enim omnis gradus quantitas (§. 486.), eum ergo metiri licet (§. 824.). Debet mensura esse mensurato homogenea (§. 823.). Gradum igitur metiri non licet nisi per alium homogeneum, quem pro unitate assumere decet (§. 820.).

Sic si perspectum nobis habemus quousque se exporrigat facultas intelligendi in Gracco, quæ homogenea est facultati intelligendi, quæ Sempronio convenit; hujus gradum per illius determinare & metiri possumus, (confer quæ diximus ad §. 481.). Gradus vero in attendendo & vociferando non sunt homogenei, quia non circa qualitates easdem versantur, illum ergo per hunc, vel hunc per illum metiri non licet.

§. 826.

*Respectiva perfectio est mensurabilis.* Constituitur enim respectiva perfectio consensu realitatum respectivarum (§. 757.). Sunt vero realitates respectivæ cum aliquo realitatis compossibilis defectu, seu, limite (§. 743.), qui quantitatem infert (§. 484.). Admittit ergo respectiva perfectio quoad realitates suas,

suas, mensuram (§. 824.), immo etiam quoad consensum; qui in respectiva perfectione involvit multitudinem tendentiarum, & proinde quantitatem (§. 779.), mensuræ semper capacem (§. 824.). Respectiva igitur perfectio, tum quoad realitates, tum quoad earum consensum, hoc est, quæ totam suam indolem (§. 757.), est mensurabilis.

Hinc veteres dixerunt Philosophi dari *mensuram perfectionis*, quæ gradum perfectionis determinat, quare etiam mensura graduum adpellari potest: non enim mensura hæc consideratur ut quantitas vel continua, vel discreta, quæ perfectioni, quæ tali, homogenea non est, sed ut quantitas quædam virtutis, h. e. perfectio quædam, certis circumscripta limitibus, quæ aliquoties repetita, hoc est, cum multiplicato gradu considerata, exprimit quam habeat illa rationem ad alterius perfectionis homogeneæ gradum. Ex. gr. Quia facultas intelligendi in homine & Angelo est limitata, seu, certum gradum essentialem habet, licet in hoc majorem, quam in illo, nihil est dubii quin, absolute loquendo, sit possibile exprimere rationem, quam habet illius facultas intelligendi ad hujus, & per consequens hanc per illam metiri, quamvis mihi vel tibi, vel cuivis hominum non sit possibile ejusmodi instituere mensuram. Sed in Metaphysica tradimus non tam quod respectivam, quam potius quod absolutam habet possibilitatem. Sufficit

ergo nobis hoc loco absolutam perfectionis  
respectivæ mensurabilitatem demonstrasse.

§. 827.

*Ens absolute perfectum metiri Ens abs. per-*  
*non licet.* Enti absolute Perfecto *fectum meti-*  
*insunt omnes realitates absolutæ* *ri non licet.*  
(§. 752.), Sed nulla harum quantum quid  
est (§. 746.), nec præter realitates absolutas  
omnes, adhuc continere potest aliquas re-  
spectivas (§. 751.). Nullum ergo quantum  
datur in ente absolute perfecto. Est ergo  
immensurabile (§. 824.).

Neque dari heic potest aliqua mensura, quo-  
niam enim illa debet esse homogenea men-  
surato (§. 823.), & in ente absolute perfecto  
hihil præter realitates absolutas, continetur (§.  
751. 752.), deberet illa esse realitas quædam,  
& quidem, ex indole mensuræ, determinata  
gaudens quantitate (§. 821.), & per conse-  
quens, nonnisi respectiva quædam realitas (§.  
743. 484.). In mensurando itaque ente abso-  
lute perfecto exprimi deberet ratio, quam ha-  
bet realitas hæc respectiva ad realitatem ab-  
solutam (§. 820.), consequenter illa esset huic  
homogenea (§. 823.), proindeque illa, aliquo-  
ties repetita hanc superaret (§. 679.). Est ve-  
ro illa, utcunque repetita, semper cum aliquo  
defectu conjuncta (§. 743.), nunquam ergo  
superare potest hanc, quæ omni destituitur  
defectu (§. cit.). Illa igitur nequit esse men-  
sura,

fura, neque alia dari potest (per dem.). Nullam ergo admittit Ens absolute perfectum mensuram.

§. 828.

*Immensum* & *Immensum* dicitur ens, quod *immensitas* nullam admittit mensuram, seu, *definiuntur*. quod ita est comparatum, ut metiri ipsum non detur. Hinc abstractum. *Immensitas* illam affectionem denotat, qua ens omnem respuit mensuram.

Immensitatis vox licet vi etymii negationem mensuræ importet, fecit tamen in loquendo inconstantia, ut nunc usurpetur pro magnitudine & longitudine, cujus mensuram nos instituire non valemus, quo sensu dicimus distantias stellarum fixarum a tellure esse immensas; nunc pro ipsa infinitate sumitur, nunc cum omnipræsentia confunditur. Sed Philosophi, qui fixum & determinatum vocabulorum sensum adsumere tenentur, non est huic in loquendo inconstantiae morem gerere. Potius itaque, quum nulla distantia, utcunque magna detur, quæ omnem respuit mensuram, quum etiam ad ceteras affectiones, quæ sub infinitatis & omnipræsentiae titulo veniant, denotandas, alia adsint vocabula magis usitata, potius, inquam, cum immensitati tribuit sensum, qui ex ejus sequitur etymo, usuque recepto est comprobatus.

§. 829.

Quoniam ens absolute perfe- *Entis absolu-*  
ctum & quælibet, quæ ei inest *te Perfecti*  
absoluta realitas; seu, absoluta *immensitas.*  
perfectio (§. 755.), omnem plane respuit  
mensuram (§. 827.); Est illud Ens immen-  
sum, & quælibet ejus absoluta perfectio im-  
mensa (§. 828.).

Hinc immensitatem Dei, Qui unicum est ens  
absolute perfectum, agnoscimus, in Theologia  
Naturali sigillatim demonstraturi immensita-  
tem cujuslibet Dei attributi.

§. 830.

Quodcunque est imensum, *Immensi & ab-*  
id absolutam habet perfectio- *solute perfecti*  
nem. Nam imensum esse, *identitas.*  
seu, immensitas convenit enti absolute  
perfecto (§. 829.), cui insunt omnes realita-  
tes absolutæ (§. 743.), sine ulla realitatum  
respectivarum mixtura (§. 751.). Quicquid  
ergo enti absolute perfecto inest, est abso-  
luta realitas, & per consequens, absoluta  
perfectio (§. 755.). Immensitas ergo non pot-  
est non absolutam inferre perfectionem.

Excipis immensitatem involvere negationem mensura-  
bilitatis, & ideo negativum quid esse, non autem po-  
sitivum, non ergo inferre realitatem absolutam nec ab-  
solutam perfectionem. R. Involvit quidem im-  
mensitas negationem mensurabilitatis, sed quid  
quæ.

quæso infert mensurabilitas? an realitatem quandam absolutam? minime: quicquid enim mensurabile est determinatum & limitatum possidet quantitatem (§. 821.), & per consequens conjunctum est cum defectu ulterioris cujusdam compossibilis, vel qualitatis, vel quantitatis. Absolutam ergo dicere nequit mensurabilitas realitatem; sed respectivam tantum. Infert itaque immensitas negationem realitatis respectivæ. Sed negatio realitatis respectivæ nihil involvit aliud quam positionem realitatis absolutæ. Vides ergo ex tuis præmissis non sequi, quod intendebas, vides simul immensitatem, utut per vocabula Grammatico sensu negativa explicetur, in se tamen nihil involvere



IN-

# INDEX

*Capitulum in hoc Tomo contentorum.*

<b>D</b> e affectionibus entis in genere	CAP. I.	Pag. 3
De eodem & diverso	CAP. II.	59
De qualitate & quantitate	CAP. III.	134
De Simili & Dissimili, æquali & Inæquali	CAP. IV.	170
De Ente Singulari & Universali	CAP. V.	223
De Necesario & Contingente	CAP. VI.	296
De Unitate & Multitudine	CAP. VII.	382
De Ordine & Veritate	CAP. VIII.	432
De Perfectione & Bonitate	CAP. IX.	491
De Mensura & Mensurato	CAP. X.	583

# INDEX

## Locorum Sacrae Scripturae:

CAP.	vers.	§.	CAP.	vers.	§.
	<i>Genes.</i>			<i>Marc.</i>	
XXXII.	8.	693.	XI.	32.	711.
XXXIII.	2. 3.	693.	XVI.	16.	367.
	<i>Exod.</i>			<i>Luc.</i>	
VI.	2. 3.	623.	IV.	25.	665.
XV.	3.	623.	XVII.	10.	352.
	<i>Job.</i>		XXIII.	47.	711.
X.	22.	704.	XXIV.	34.	711.
XXII.	2.	352.		<i>Job.</i>	
	<i>Psalms.</i>		I		372.
XXXVI.	8	801.	V.	24.	367.
LXXXIII.	19.	623.	VI.	3.	684.
CXIV.	36.	352.	VIII.		367.
	<i>Eccles.</i>		VIII.	36.	711.
XII.	7.	442.	XV.	5.	352.
	<i>Esa.</i>			<i>Act.</i>	
XXXVII.	20.	623.	XIX.	29. 32.	704.
XLII.	8.	623.	XXI.	31.	704.
XLVIII.	2.	623.		<i>Rom.</i>	
LIV.	5.	623.	V.	19.	665.
LVII.	2.	367.	VIII.	18.	352.
	<i>Jerem.</i>			<i>1. Cor.</i>	
II.	19.	809.	IV.	17.	801.
	<i>Matth.</i>		VIII.	5. 6.	665.
IV.	24.	809.	XI.	18.	602.
V.	48.	737.	XII.	14-27.	807.
VI.	25. 26.	803.	XII.	28.	693.
IX.	37.	665.	XIV.	25.	711.
X.	31.	803.	XV.	41.	803.
XVIII.	7.	601.	XIV.	40.	704.
XIX.	17.	801.		<i>2. Cor</i>	
XXVI.	54.	602.			



# INDEX.

CAP.	vers.	§.	CAP.	vers.	§.
	2. <i>Cor.</i>			<i>Ebr.</i>	
II.	16.	455.	I.	3.	472.
III.	5.	352.	VIII.	16.	343.
	<i>Gal.</i>		XI		352.
III.	21.	711.	II.	2. <i>Pet.</i>	
	<i>Philip.</i>			18.	711.
I.	23.	367.	I.	1. <i>Job.</i>	
II.	13.	352.	V.	1.	733.
	1. <i>Tim.</i>			7.	399.
III.	16.	372.	IV.	<i>Apocal.</i>	
V.	3. 6.	711.	XIV.	9. 11.	343.
				13.	367.



# INDEX

Rerum & Verborum, in quo Numeri paragraphos indicant.

A.

**A**ccidens ejusque variz acceptiones 364. posita essentia non ponitur 365. non-existenti haud competit, sed actuali 367. 368. cur de accidentibus agitur in Metaphys. 369. quid ad ejus actualitatem requiritur 370. 371. accidentia quomodo ab essentialibus & attributis distinguuntur 373 seq. accidens quale enti inesse potest 375. accidentium possibilitatis ratio 376. 377. earum divisio in proximas ad remotas 378. Quznam accidentium possibilitates sint attributa 379. 382. quznam accidentia 380 accidens perpetuum & temporarium 383. proprium & commune 384. seq. proprium quotuplex 386. accidentis communis divisio 387. accidens quodnam recipitur cum suo subiecto 388. accidentium possibilitatum diversitas 408. accidens proprium quibus convenit entibus 410. accidentalis intrinseca identitas v. identitas. accidentales qualitates v. qualitas, accidentalis gradus v. gradus. accid. similitudo v. similitudo. accidens primitivum & derivativum 530. accidentia non ingrediuntur speciem, sed numericam differentiam 553. accidentium possibilitates sunt necessariæ 614. accidentia enti contingentia 616. accidens est quicquid enti contingenter inest 617. accidentia enti insunt necessitate hypothetica 619. accidens unius entis non potest esse essentialia vel attributum alterius 620.

Actuali an competit accidens? - - - 368.  
 Affectio quid 338. unde nomen habet ibid. quotuplex 339.  
 Anabaptistæ taxantur - - - 441.  
 Analysis infinita v. infinita.  
 Anaximandri figmentum profigatur 631. ejus analysis contingentium in infinitum refellitur 633.  
 Analogia quid? - - - 818.  
 Angeli an sint entia necessaria absolute - - - 644.  
 Anthropomorphismus proscribitur - - - 751.  
 Antiquissimum quodque an verissimum - - - 725.  
 Antitrinitarii taxantur - - - 654.  
 Æqualia quæ? 521. per æqualitatem tres inter S. S. Trinitatis personas quid indicatum volunt Theologi? ib. æqualia sibi

mu-

# INDEX.

- mutuo substitui possunt & inversim 522. æqualium diversitas 524. æqualia eidem tertio æqualia sunt inter se 525. æqualia æqualibus sunt inter se æqualia 526. æqualia æqualibus si adjiciuntur, tota fiunt æqualia 689. æqualia æqualibus si auferantur, reliqua sunt æqualia 691.
- Ariani taxantur - - - 441. 612.
- Aristoteles quomodo definit qualitatem 459. Aristotelici quem essentialium numerum statuunt 468. Aristoteles quid intellexerit per τὸ simile 491. quomodo definit æqualitatem & inæqualitatem 521. Aristoteles ens singulare & individuum quomodo definivit 528. genus quomodo definivit 562. contingens 594. necessarium 595. Aristotelis opinio quod ex necessitate naturæ divinæ profluxerit hic mundus refutatur 609. Aristoteles dixit essentias rerum esse instar numerorum 612. Aristotelici quomodo dividunt necessitatem physicam 642. Aristoteli quid contingens æqualiter 646. Aristoteles quomodo definit unum 652. uni opponit multum 665. quomodo definit totum 672. Aristoteli quid veritas 710.
- Ascitas quid? - - - 640
- Attributum quid 340. ejus variae acceptiones ib. attributorum cum ente & essentia nexus 342. attributa entis an Deus ab ente separare potest 344. non sunt entia rationis & ficta 346. nec tamen novam entitatem essentiæ addunt ib. attributa propria & communia 347. seq. attributorum propriorum ratio sufficiens 349. communium 350. attributa propria cum ente cui conveniunt reciprocantur 355. attributi communis nexus cum essentia 356. attributa communia cum propriis quando coincidunt 357. attributa communia tolli non possunt nisi tollatur essentia 358. attributo quod repugnat, repugnat essentiæ 359. attributa entis Metaphysici 361. attributorum identitatem infert essentiarum identitas & vicissim 399. 402. seq. attributorum diversitas 406. attributum commune quibus convenit 411. attributa inter & essentiam quale discrimen 453. attributorum & essentiæ identitas 454. attributa Dei sunt vel ἐνεργητικά s. operantia, vel ἀνενεργητά s. quiescentia 455. attributorum communio in individuis ejusdem speciei 548. attributa rerum sunt absolute necessaria 613. abs. immutabilia 616. attributum unius entis non potest esse accidens alterius 620. attributum universale entis est veritas 711.

# INDEX.

Augeri quid 685. augeri quod potest quantitas est 686.  
 Augustinus laudatur 717.

## B.

Basilidiani notantur 404.  
 Becani argumentum confutatur, quo ex infallibilitate præscien-  
 tiæ Dei ad necessitatem peccati Protoplastarum concludere  
 velit 651.  
 Bechmannus laudatur 459. numero diversa duplicis generis  
 constituit 550.  
 Bona opera non sunt meritoria 352.  
 Bonitas quid 796. Bonum ib. bonum absolutum & relativum  
 797. Bonitas relativa ib. bonum essentialiter & accidentale  
 798. bonum essentialiter est omne ens 799. non ideo tamen  
 accidentaliter 800 bonum abs. summum & respectivum 801.  
 eorum harmonia 802. Bonum verum & apparens 804. bo-  
 num appetibile 806. sui communicativum 807.

## C.

Calvinianorum quoddam dogma evertitur 360.  
 Cartesius negat possibilitates rerum esse absolute necessarias 607.  
 Cartesius taxatur 621.  
 Cartesiani taxantur 355. 358.  
 Cerdoniani taxantur 404.  
 Characteristica nota v. nota  
 Ciceronis quoddam testimonium adhibetur 504.  
 Christus est Deus 343. 351. 403. non unice divinus, sed et-  
 iam humanam habet voluntatem 358. non venit in Phan-  
 tasinate 403. habet proprietates divinas 399. an triduo mor-  
 tis suæ verus fuerit homo 612. Christus Θεὸς ὁ ὢν  
 an unum est per se, an vero per accidens 658.  
 Commune attributum, v. attributum.  
 - - - accidens, v. accidens.  
 Completa notio, v. notio.  
 Complexum individuationis principium v. individuationis.  
 Compositum an potest cogitare 529.  
 Compræsentia quid 517.  
 Concursus divinus unde colligitur 650.  
 Confusio quid 704. ejus affectio 705.  
 Consensus quid 735. sensu morali & juris ib. consensus ratio  
 736. consensum inter & dissensum an datur medium 740.  
 Consequentia & consequentis necessitas, v. necessarium.

Con-

# INDEX.

Contingens quid 590. contingens inter & necessarium an detur medium 591. contingens omne an est mutabile 594. contingentis variae definitiones 594. contingens an esse potest abs. necessarium 599. contingens est, quod hypothetice est necessarium 600. contingentia enti sunt accidentia 616. contingenter quicquid enti inest, est ejus accidens 617. contingens ens quid 624. contingens inter & necessarium excluditur medium 625. contingentis entis existentia est ejus accidens 626. 627. contingens ens est mutabile 630. origi & interire potest 632. contingentis existentiae ratio sufficiens 633. contingentium analysis infinita ib. contingentis existentiae ratio sufficiens an continetur in essentia vel attributis entis necessarii 635. contingens est existibile 639. contingens est ens ab alio 641. contingens morale varie consideratur 646. contingens ordo v. ordo. contingentiam actionum humanarum an tollit praescientia Dei 606.

Contradictoria	-	-	-	424.
Contradictio removetur a vero	-	-	-	720.
Contraria	-	-	-	424
Crellius refutatur	-	-	-	524.

## D.

Damascenus an haereseos est culpandus - 448.  
 Dari tantum posse quid - 459.  
 Defectus quid 702. quando in ordine datur 703. Defectus apparens & verus 775. defectum qualem gignit exceptio 776. ex defectu quae imperfectio 777. 778. defectu an laborat ens perfectissimum 780.  
 Derivativae qualitates, v. qualitas.  
 Determinabile unico modo 603. est absolute necessarium & vicissim - 604.  
 Determinantia si sunt eadem, eadem quoque sunt determinata 398. & vicissim 401.  
 Determinationes internae enti insunt 416. enunciantur 417. determinationes externae similia non constituunt 494.  
 Determinatum est tam absol. quam hypothetice necessarium 605. determinatum non omne est abs. necessarium 606.  
 Dei unitas demonstratur 395. Deo distinctio attributorum realem compositionem non adstringit 453. in qua Dei perfectione essentiam ejus constituamus qua ratione perinde est 454. Justitia Dei 455. Dei attributa quotuplicia ib. Dei

# INDEX.

præscientiæ infallibilitas an tollit contingentiam actionum humanarum 606. Dei intellectus non est mutabilis & successivus 608. a Deo dependent essentiæ rerum, etiam si sunt abs. necessariæ 809. præter Deum nihil datur absol. necessarium ib. & 623. Dei ex essentia an mundus emanaverit 635. Dei concursus unde colligitur 650. Dei præscientia an necessitat actiones creaturarum 651. Deus dicitur *ὁλως ὁλοῦ τι* 672. Dei existentia & attributa evincuntur 698. Dei justitia 737.

Diaphora Aristotelis - - - 393.

Differentia numerica v. numerica.

Differentia secundum majus & minus an variat speciem 556.

- - - specifica v. specifica.

- - - generica v. generica.

Dissensus quid 739. Dissensum inter & consensum an datur medium 740.

Disimilitudo quid 491. dissimilia entia quæ ib. omnimode & respective dissimilia 495. omnimode dissimilia duo entia dari nequeunt 496. dissimilitudo respectiva datur 497. respective dissimilia sunt alio respectu similia & vicissim 498. dissimilitudo essentialis & accidentalis 509. dissimilitudo essentialis est non nisi respectiva s. partialis 510. dissimilitudo essentialis constanter entibus inest, accidentalis vero non 511.

Distinctio quid 431. unde derivatur ib. in distinctione pluralitas 432. modus distinguendi 433. distinctio realis & rationis 434. 435. modus cognoscendi realiter distincta 436. essentialis 437. 2:us modus cognoscendi realiter distincta 439. 3:us 440. 4:us 441. 5:us 442. distinctio accidentalium mutua & ab essentia realis 443. distinctio accidentalia s. modalis 444. modalis est realis, sed non inversim 445. Realis ab essentiali differt 446. distinctio rationis 448. ejus fundamentum 449. distinctio rationis quomodo ab aliis vocatur 449. distinctio rationis ratiocinantis 449. formalis 450. ejus requisita 451. distinctio formalis non infert pluralitatem realem 452 distinctio quæ inter essentiam & attributa 453. distinctio virtualis 455. an continetur sub distinctione rationis 456. distinctio suppositalis 457.

Diversæ qualitates, v. qualitas.

Diversitas quid 390. absoluta & respectiva 393. absolute diversa dari nequeunt 394. diversitas determinatorum 405. intrin-

# INDEX.

intrinsicca & extrinsicca 422. essentialis & accidentalis 423. diversitas oppositorum 429. diversitas non opposita 430. Donatus quomodo explicat distinctionem modalem 457.

## E.

Eadem quæ 389. absolute & respective talia 391. abs. eadem non dantur 395. eadem si sunt determinantia eadem quoque determinata 398. Eadem eidem tertio eadem sunt inter se 421. eadem qualitates v. qualitas. eadem perfecte duo pluraque individua an dari possunt 532. eadem respective individua dantur 533. eadem perfecti entia universalialia an dantur 546.

Ens ab alio quid 640. est ens contingens 641. ens & unum recipiuntur 654. ens per se & per accidens 657. ens omne habet ordinem prædicatorum 707. Ens a se quid 640. est ens necessarium 641. Entis attributum universale est veritas 711. ab ente itaque removetur falsitas 712. Ens perfectum 737. Ens abs. perfectum v. perfectio. Ens omne est essentialiter perfectum 792. Ens singulare seu individuum v. individuum. Ens universale, v. universale. Entia absolute diversa dari nequeunt 394. entibus an repugnat existentia ratione diversitatis 397. Enti insunt determinationes internæ 416. Entium essentialia sunt l. propria l. communia 466. Entia numero diversa 550. Enti an realis compositio competit 612. Ens necessarium v. necessarium. Ens contingens v. contingens. Entis & priorum reciprocatio 355. Ens Metaphysicum qualia habet attributa, eorumque divisio 361, 363. Entis interna prædicata 372. Ens omne essentialiter bonum 799. Ens abs. perfectum est immensurabile 827. & immensum 829.

Essentie & proprietatis connexio 351. nexus cum attributo communi 355. tollitur si tollatur attributum commune 358. Essentie repugnat quod repugnat attributo 359. Essentiarum identitas infert identitatem attributorum & vicissim 399, 402, 403, 404. Essentiarum diversitas infert attributorum diversitatem 406. Essentialis identitas intrinsicca, v. identitas. Essentialis distinctio v. distinctio. Essentiam inter & attributa quale discrimen 453. Essentie & attributorum identitas 454. Essentiales qualitates v. qualitas. Essentialia entium sunt vel propria l. communia 466. Essentialis gradus v. gradus. Essentialis similitudo l. dissimilitudo, v. similitudo & dissimilitudo.

# INDEX.

- Essentia rerum sunt abs. necessariae 609. tamen a Deo dependent ib. Essentiales entis affectiones 339. Essentia rerum sunt abs. immutabiles 610. Essentialis mutabilitas contradictionem in adjecto involvit 611. Essentia rerum augmenti & diminutionis an sunt capaces 612. sunt sicut numeri ib. Essentiale unius non potest esse accidens alterius 620. inter essentialia est referendum quicquid enti abs. necessitate competit 621. Essentia ab existentia discrimen 628.
- E*repa Aristotelis - - - 393.
- Ethica necessitas v. necessitas.
- Eunomiani taxantur - - - 441.
- Exceptio quid 771. Exceptioni non est locus in perfectione simplici 772. Exceptio quo sensu imperfectionem infert 773. 774. Exceptionis a peccato diversitas 774. Exceptio qualem gignit defectum 776. Exceptionum varius modus 782. Exceptio quomodo facienda est, si obtineatur perfectio maxima 784. exceptiones an faciendae in perfectione composita 786. Exceptiones an perfectionem maximam tolerant 1. minus 787.
- Existentia quibus repugnat ratione identitatis 396. Existentia an repugnat entibus ratione diversitatis 397. Existentia entis contingentis est ejus accidens, entis autem necessarij est ejus attributum 626, 627. Existentiæ ab essentia discrimen 628.
- Existibile non est ens necessarium 638. sed contingens 639.
- Extensum illimitatum an dari potest 745.
- Extracategoriales entis affectiones 339.
- F.*
- Falsitas quid 712. ab ente removetur ib. quo sensu locum habere potest ibid.
- Fatalistarum error detegitur - - - 599. 622.
- Fides prævisa sua realitate non destituitur 306. quo sensu sit causa prædestinationis 367. fides infantum an agat 307. fidei proprietas 352.
- Placcii (Matth.) error refellitur - - - 610.
- Ponsæ quam distinctionem facit tres inter divinitatis personas 450.
- Formalis distinctio, v. distinctio.
- - - conceptus, v. conceptus.
- Frigus quomodo condenset corpora - - - 285.
- Gene-



# INDEX.

## G.

- Generica differentia quid 573. hujus affectiones 574.  
 Genus quid 562. quomodo varie sumitur ib. generis notio-  
 nem quæ determinationes ingrediantur 563. genera duo  
 pluraque perfecte eadem an dari possunt 564. genera quo-  
 modo distinguuntur 565. in genere quæ obtinet identitas  
 566. genus quomodo definire Aristotelici & Mendoza  
 567. generis differentia specifica unde desumenda 569.  
 570. genus inferius s. subalternum & superius 571. ge-  
 nus generalissimum ibid. generum inferiorum & superio-  
 rum affectiones 572. genus proximum & remotum 573.  
 generis inferioris notio completa unde componitur 577. in  
 genere inferiori an plures determinationes quam in superiori  
 578. genus majoris est extensionis quam species 579. a ge-  
 nere ad speciem valet conclusio 580. genus ponitur posita  
 specie, & posito genere inferiori ponitur ejus superius 581.  
 generum existentia quando ponitur 582. generum inferio-  
 rum possibilitas manet sublata actualitate individuorum 583.  
 genus tollitur remotis omnibus speciebus ib. generis qui  
 sunt ejusdem, eadem habent attributa communia 586.  
 Geometrica necessitas 596.  
 Gradus, quid 485. graduum natura ulterius explicatur 486.  
 graduum intensio & remissio 487. gradus essentialis 488.  
 accidentalis ib. gradus essentialis & accidentalis affectiones  
 489. gradus qui variat speciem 556. gradus an admittit re-  
 alitas abs. 749. gradus in perfectione 779.

## H.

- Halensium error detegitur 610.  
 Hebenstreitius laudatur 455.  
 Heterogenea quantitas v. quantitas 679.  
 Heterogeneum 679.  
 Homogenea quantitas v. quantitas 679.  
 Homogeneum 679.  
 Hunnius Nic. laudatur 485, 521.

## I.

- Javellus docet attributa entis non esse realia 345.  
 Idealistæ confutantur 733.  
 Idem per se & per accidens 389.  
 Idem

# . INDEX.

- Idem sibi æquale 523. idem numero quid 534. idem numero & individuum reciprocantur 535.
- Identitatis ratione quibus repugnat existentia 396. Identitas quid 389. omnimoda & respectiva 391. intrinseca & extrinseca 413. omnimoda 414. respectiva 415. intrinseca est vel essentialis vel accidentalis 418. accidentalis ex essentiali an pendet 419. extrinseca ex essentiali an pendet 420. identitatis principium indiscernibilium Leibnitii 505. ejusdem falsitas 507.
- יהוה - - - - - 623.
- Imminui quid 685. imminui quod potest quantitas est 686.
- Immensum & immensitas - - - - - 828.
- Immutabile quid 593. immutabile an necessarium 595. immutabile absolutum & hypotheticum 597. immutabile absolutum an abs. necessarium 598. immutabile hypothetice an hypoth. necessarium ib. immutabiles abs. sunt possibilitates rerum 608. immutabiles abs. sunt essentia rerum 610. immutabilia sunt attributa 615.
- Imperfectio quid 759. in imperfectione diversitatis fundamentum 760. imperfectio remota & contraria 761. imperfectiorem an & quousque exceptio infert 773, 774. imperfectio quæ ex defectu 777, 778. imperfectio essentialis & accidentalis 793. imperfectio essentialis an datur 794. imperfectiōnis accidentalis affectiones 795.
- Incomplexum individuationis principium, v. individuatō.
- Indeterminatum - - - - - 188.
- Individuationis principium quid 536. ad mentem veterum Philosophorum quid ib. est duplex, complexum & incomplexum 537. incomplexum quid 538. individuationis principium complexum quid 539.
- Individuum quid 528. individuum quomodo veteres Philosophi definivere ib. individui perfecta identitas 529. individuum mutatum an idem 531. individua duo pluraque perfecte eadem dari nequeunt 532. individua quæ dantur sunt respectively eadem & respectively diversa 533. individuum & idem numero reciprocantur 535. individua speciei ejusdem eadem habent attributa 548. individua inter ejusdem speciei quæ similitudo 554. individua quæ habent identitatem quantitatum essentialium 555. individui notio completa 559. in individuo plures sunt determinationes quam in specie 560. ab individuo determinato ad speciem non universalis valet

# INDEX.

valet conclusio 561. individuo posito an ponitur species 581.	
in individuis existit species 582.	
Inæqualia quæ 521. inæqualia sibi mutuo substitui non possunt & inuicem 522.	
Infinita analysis contingentium 633. infinitum unum altero infinito majus vel minus an datur 684.	
Interpretes LXX. memorantur	711.
Iterum quomodo definit qualitatem	459.
Juris necessitas v. necessitas	

## K.

Kekermannus notatur	441.
---------------------	------

## L.

Leibnitius memoratur 489. Leibnitii definitio similitudinis 492. Leibnitius an negavit duo perfecte similia existere posse 504. Leibnitii principium identitatis indiscernibilium 505. Ejusdem falsitas 507. Leibnitii analysis contingentium infinita defenditur 633. Leibnitius quomodo explicuit necessitatem moralem 648.	
Limes quid 482. limes qualitatis & quantitatis 483. limes est quantitas 484. lineæ qualitatis quomodo dicitur 485.	
Logica necessitas 596. Logicæ veritati locus non relinquitur, si nulla veritas Metaphysica in rebus daretur 714. Logica veritas quæ 715.	

## M.

Macedoniani confutantur	441.
Malum quid? 808. absolutum & relativum 809. absoluti divisio 810. malum essentialiter non datur 811. accidentaliter datur 812. malum non potest esse nisi actuale 813. malum Metaphysicum an datur 814. Malum Metaphysicum, Physicum, Morale Leibnitio 815. 816. 817.	
Manichæi taxantur	404.
Majus quid 677. majus & minus quantitatis est 678.	
Marcionitæ notantur	404.
Materialistæ refutantur	529.
Mathematicorum distinctio inter quantitativam, negativam & positivam	746.
Melius quid?	803.
Mensura & mensuratum quid?	821.
Metaphysici entis attributa 361. eorumque divisio 363. in Me	

# INDEX.

Metaph. an de accidentibus agendum	369.	Metaphysica necessitas	596.	veritas v. veritas.	Metaph. summus usus	718.	
Minus quid?	-	-	-	-	-	677.	
Modus v. accidens.							
Modalis distinctio v. distinctio.							
Monotheletæ notantur	-	-	-	-	-	358.	
Moralis necessitas v. necessarium.							
Multa quid?	-	-	-	-	-	665.	
in Mundo an dentur duo ex asse similia	504.	mundo an absoluta competit necessitas	599.	mundus an profluxit ex necessitate naturæ divinæ	609.	mundus an emanaverit ex essentia Dei	635.
Museus laudatur	-	-	-	-	-	455.	
Mutabile quid	592.	mutabile omne an contingens	594.				
Mutabilitas essentialis contradictionem in adjecto involvit	611.						

## N.

Neophotiniani confutantur - - - 441.  
Necessarium quid 589. necessarium inter & contingens excluditur medium 591. necessarium omne au immutabile 595. necessarii varæ definitiones 595. necessarium aliud absolutum, aliud hypotheticum 596. necessarii absoluti varæ definitiones & adpellationes varæ ib. necessarium absolute an abs. immutabile 598. necessarium hyp. an hyp. immutabile ib. abs. necessarium an potest esse contingens 599. necessarium hypothetice quod est, est contingens 600. necessarium consequentis & consequentiæ 601. illud cum abs. necessario, hoc cum hypothetico coincide 602. necessarium absolute est unico modo determinabile & dissim 604. necessarium tam hypotheticum quam absolutum, est determinatum 605. necessarium abs. an abs. possibile 607. abs. necessariæ sunt essentiæ rerum 609. necessitate hypothetica accidentia enti insunt 619. necessitate abs. quicquid enti competit, est referendum inter essentialia vel attributa 621. necessitatis fundamentum 622. necessarium ens quid 623. necessarium in essendo & existendo ib. est Deus ib. necessarium inter & contingens excluditur medium 625. necessarii entis existentia est ejus attributum 626, 627. necessarii entis immutabilitas 629. necessario enti repugnat ortus & interitus 631. Eus necessarium est ratio sufficiens existentie entis contingenti 633. necessarium ens an vi aliena existit 636, 637. neces-

# INDEX.

- necessarium ens non est existibile 638. necessarium ens est ens à se 641. necessitas physica & moralis 642. necessitas exigentiae & expedientiae ib. necessitatis physicae & moralis contingentia 643, 644. Physicae & moralis necessitatis discrimen 645. necessitas moralis, ethica & juris 648. necessarii hypothetice divisio 649. necessarium ex conditione consequente quid ib. ex conditione concomitante quid 650. ex conditione antecedente quid 651. necessarius ordo v. ordo.
- Negationibus an perfectio competit. 738.
- Nestoriani confutantur - - - 372.
- Noëtiāni taxantur - - - 441.
- Nominalistae quinam - - - 542.
- Non-existenti nulla competunt accidentia - 367.
- Nota quid 471. characteristica 472. notarum characteristarum diversitas 473. latitudo 474. notae characteristicae constantes & inconstantes 475.
- Notio completa 558. individui 559. notio speciei completa unde constat 576.
- Numero idem quid 534. numero diversa 550. numerus numerans & numerus numeratus ib. numero diversa duplicis generis constituit Bechmannus ib. Numeri instar sunt essentiae rerum 612.
- Numerica differentia quid 550. numericae differentiae quidditas 551. differentia numerica in quam re consistat 552. numericam differentiam ingrediuntur accidentia 553. numericae differentiae oppositio 585.
- Numerus quid 666. Determinatus & indeterminatus 667. numerorum materia & forma 668. numerus numerans, & numerus numeratus 669, 670.

## O.

- Objectivus conceptus v. conceptus.
- Oceanus (Guilielmus) notatur 542. hujus affectus dicti sunt Oceanistae ib.
- Omnimoda identitas v. identitas. Omnimoda similitudo l. dissimilitudo v. similitudo & dissimilitudo.
- Opera nostra bona an sunt meritoria - 352.
- Opposita 424. relative & privative 425. de oppositis valent opposita 426. oppositorum opposita est ratio 427. unde elucidescunt 428. oppositorum diversitas 429.
- Ordinata res quae - - - 693.
- Ordo

## INDEX.

**Ordo** quid 693. ordinis regula quæ 695. ordine in omni an  
detur regula 699. ordo necessarius quando & contingens  
698, 699. ex ordine, qui in hoc mundo conspicitur, de-  
monstratur Dei existentia & attributa 698. ordo simplex  
& compositus 700. ordine in composito regulæ observandæ  
quomodo sint comparatæ 701. in ordine quando defectus  
703. in ordine contingenti alio respectu adesse potest con-  
fusio, alio autem ordo 706. ordo prædicatorum in ente 707.  
ordinis ultimata fundamenta 708. ordinis necessarii & con-  
tingentis principia 709. ordinis necessitas in perfectione 764.  
ordo tamen perfectionem non insert 765.

### P.

**Panis** eucharisticus an transubstantiationem subit 610.

**Pars** quid 672. partium varix acceptiones ib. Partium & totius  
substitutio 673. ad partes simul sumtas totius relatio 674.  
pars partis est pars totius 675. pars partis quod non est vel  
pars totius an continetur in toto 676. pars aliquota & ali-  
quanta 680. sint totis homogenea 681. pars actualis ac pos-  
sibilis 682. partium omnium & totius æqualitas 683. par-  
te sua qualibet totum est majus 684.

**Patrum** consensus & auctoritas an fundamentum veritatis 717.

**Peccandi** hominum proclivitas est accidens perpetuum 383.

**Peccatum** differt ab exceptione - 774.

**Perpetuum** accidens v. accidens.

**Perfectio** quid 737. perfectum ens ib. perfectio nulla com-  
petit privationibus & negationibus 738. perfectum absens  
quid 752. abs. perfecti entis requisita ib. abs. perfecti en-  
tis excellentia 753. abs. perfecto enti realitates quæ insunt  
inter se consentiunt omnes 754. perfectio abs. recte habetur  
realitas qualibet abs. 755. abs. perfectum ens est possibile  
756. Perfectissimi entis ex notione an ejus existentia demon-  
strari possit ib. respective perfectum ens 757. resp. perfe-  
ctio ib. Perfectionem inter abs. & relativam an medium 758.  
abs. perfectum ens an species sub aliquo genere posita ib.  
perfectionis ratio 762. determinans 763. in perfectione an  
ordo adesse debet 764. perfectionem an insert ordo 765.  
Perfectionem inter & veritatem quod discrimen 766. Per-  
fectio vel simplex l. composita 767. Perfectionis regula 768.  
perfectionis regulæ an inter se pugnant 769, 770. perfectio  
simplex non admittit exceptionem sed composita 772. Per-  
fectio.

# INDEX.

- fectio an admittit gradus 779. perfectissimum ens an laborat defectu 780. perfectionis ultimum principium 783. perfectio maxima si obtineatur, quomodo facienda est exceptio 784. in perfectione composita an faciendæ exceptiones 786. perfectissimum qua ratione potest aliquid esse in quo dantur imperfectiones remotive tales 788, 789. perfectius an unum esse potest altero duorum imperfectorum 790. perfectio essentialis & accidentalis 791. perfectum essentialiter est omne ens 792. perfectionis essentialis affectiones 795. perfectio Respect. est mensurabilis 826. abs. perfectum ens an metiri licet 827.
- Philosophiam inter & Theologiam an pugna 730. Philosophi veteres individui quam habuere notionem 528. quam individuationis 536. quam principii individuationis incomplexi 538. Philosophorum variorum definitionis veritates 710. perfectionis 737. definitiones bonitatis 796.
- Pho tiniani confutantur impugnantes divinitatem Filii & spir. S: i 404. 524. trinitatem personarum impugnantes refutantur 422. impugnantes æternam filii generationem refutantur 612.
- Physica necessitas v. necessarium.
- Platonica schola nominatur 612. Platonici contendunt mundum emanasse ex essentia divina 622, 635.
- Pluralitas adesse debet in distinctione. 432.
- Poiretus negat possibilitates rerum esse abs. necessarias 607. taxatur 608. 609.
- Pontificii statuantes neminem certum esse de sua fide, absurditatis convincuntur 352. contentum de purgatorio convellitur 367. falsa argumentatio pro impugnanda divinitate Christi refutatur 399. Pontificii dividunt verbum Dei tanquam genus in verbum scriptum & non scriptum 669. Pontificiorum error de transubstantiatione refellitur 610. item 720. Pontif. an ex prætensa ecclesiæ suæ antiquitate recte concludant ad illius veritatem 725.
- Possibile abs. an abs. necessarium 607. possibile anteideale & postideale 607. possibilitates rerum sunt abs. immutabiles 608. possibilitates accidentium sunt necessariae 614.
- Prædicatorum ordo in ente v. ordo.
- Præscientia v. Deus:
- Primitivæ qualitates v. qualitas.

# INDEX.

Principium identitatis indiscernib. Leibnitii 505. hujus falsitas 507. principium indiv. v. individuatio.	
Privationibus an perfectio competit	738.
Proportio quid?	818.
Propria quarti modi 347. Propriorum & entis reciprocatio 355. propria Scholasticorum explicantur 385. proprium accidens v. accidens.	
Proprietates essentielles 347. proprietatis & essentiae connexio 351. Eius inseparabilitas ab essentia 352.	
Proxima accidentium possibilitas v. accidens.	
Purgatorii existentia rejicitur	367.
Pythagorea Schola nominatur	612.

## 2.

**Qualitas** quid 459. qualitatem inter & quantitatem non datur medium 460. qualitatum extensio 462. qualitates essentielles & accidentales 463. hæ ab ente separari possunt, illæ vero non 464. qualitatem accidentalium species 465. qualitates essentielles l. propriæ l. communes 467. qualitatum numerus 468. qualitates primitivæ & derivativæ 469. qualitas est nota rei characteristica 474. qualitates essentielles sunt notæ characteristicæ rei constantes, accidentales vero inconstantes 475. qualitas quando est quantitatum ratio 479. qualitates eadem & diversæ 480. qualitatum earundem internum discernen 481. qualitatis limites 483. quomodo is dicitur 485. qualitatum respectu similitudo quotuplex 508. qualitas est realitas absoluta 748.

**Quantitas** quid 439. quantitatem inter & qualitatem non datur medium 460. quantitas est nota rei characteristica 474. quantitatum ratio est qualitas 476. quantitatis quam habent rationem 476. quantitas essentialis & accidentalis 477. objectiones quæ formari solent contra quantitatem essentialem refutantur ib. quantitas essentialis constanter, accidentalis v. inconstanter rebus competit. 478. quantitatum ratio quando est qualitas 479. quantitatis limites 483. quantitas est limites 484. quantitas similitudinem non ingreditur 493. quantitas quid in relatione ad similia 501. quantitatum essentialium identitas inter individua ejusdem speciei 555. quantitas accidentalis an variat speciem 557. quantitas discreta 666. quantitas est numerus indeterminatus 671. homogenea & heterogenea quant. quid 679. quantitas est id quod augeri potest



# INDEX.

est & minui 686. an potest esse realitas absoluta 746. quant. positiva & negativa 746. quantitates homogeneæ rationem inter se habere possunt 819.

Quantum nullius augmenti capax est impossibile quid 687. quantum nullius decrementi capax est impossibile quid 688.

## R.

Ratio sensu mathematico quid 476. ratio quantitatum quando est qualitas 479. ex rationis identitate pendens similitudo 519. ex rationis identitate essentialis pendens similitudo 520. rationis distinctio v. distinctio. rationis ratioquantis 449.

Realis distinctio v. distinctio.

Realistæ quinam

542.

Realitates inter non datur dissensus 741. sed mutuus consensus 742. realitas abs. & respectiva an elevari potest in absolutam 743. 744. realitatis absolutæ possibilitas 745. realitas abs. an quantitas 746. sub determinationibus rei internis comprehenditur 747. realitas abs. est qualitas 748. an admittit gradus 749. realitatum abs. consensio mutua 750. realitatum abs. & respectivarum mixtura in uno negatur 751. Realitas quælibet abs. pro perfectione abs. recte habetur 755.

Reciprocatio quid 354. quando obtinet 355.

Redemptio improprie dicta an valuit in v. Testamento 306.

Reformati notantur

404. 409.

Regula ordinis v. ordo, reg. perfectionis v. perfectio.

Remota accidentium possibilitas v. accidens.

Rerum essentia v. essentia, attributa v. attributa, res ordinata v. ordinata.

Respectiva identitas v. identitas resp. similitudo l. dissimilitudo. vid. simil. et dissimilitudo.

Reuschius taxatur

506.

Rydellius taxatur

714.

## S.

Sabelliani confutantur

441.

Scholasticorum propria 385. quomodo explicuerint distinctionem virtutalem 455. eorum entis universalis divisiones 544.

Scholasticorum questio an præter Deum datur abs. necessarium 609. questio an Christus triduo montis suæ verus fuerit homo 612. eorum opiniones circa discrimen essentia ab existentia 628. Scholast. via eminentia & negationis 744.

# INDEX.

- questio, an ex notione entis perfectissimi ejus existentia demonstrari possit 756. definitiones bonitatis 796.
- Similitudo quid 491. similia entia quæ ib. similitudinem non ingreditur quantitas 493. similia non constituunt externarum determinationes 494. similia omnimode & respective 495. sim. resp. sunt alio respectu dissimilia & vicissim 498. respective similitudinis discrimen 499. omnimode similitudinis discrimen 500. quæ omnimode similia existere nequeunt 502, 503. quæ vero existere possunt 504. similia duo ex asse an in mundo dentur ib. similitudo respectu qualitatum quæ duplex 508. similitudo essentialis ib. accidentalis ib. similitudo essentialis constanter enti inest, accidentalis vero non 511. simil. essent. non infert accidentalem 512. simil. accid. infert essentialem 513. perfecte & essentialiter similitudinis discrimen 514. partialiter & essentialiter similitudinis discrimen 575. essentialiter & accidentaliter sed utroque modo partialiter similitudinis discrimen 516. modus generalis distinguendi similia 517. similia eidem tertio an similia inter se 518. similitudo ex rationis identitate pendens 519. Similitudo essentialis ex rationis identitate pendens 520.
- Sociniani justitiæ divinæ contingentiam defendentes confutantur 609. trinitatis mysterium taxantes, impugnantur 654.
- Species quid 547. speciei termini æquivocatio ib. speciei ejusdem individua eadem habent attributa 548. specierum ex collatione numero diversarum Wolfius formavit genus 550. speciem non ingrediuntur accidentia 553. speciei ejusdem individua quam habent similitudinem 554. quantitatem essentialium identitatem habent 555. species a non recte definitur per similitudinem individuorum ib. speciem qui gradus variat 556. speciem an variat gradus l. speciem an variat differentia secundum magis & minus l. speciem an variat magis & minus ib. speciem an variat quantitas accidentalis 557. in specie plures non sunt determinationes quam in individuo 560. a specie ad individuum valet conclusio, in specie an plures determinationes quam in ejus genere 578. species minoris est extensionis quam genus 579. a specie ad genus non valet conclusio 580. Specie posita an ponitur genus 581. species existit in individuis 582.
- Specifica differentia 568. hæc unde desumenda 569, 570. specificarum differentiarum oppositio 584.

# INDEX.

Spinozæ & fatalistarum error detegitur	599, 633, 645.
Spiritus S. est Deus	351, 403.
Svenkfeldii error detegitur	404.

## T.

Temporarium accidens v. accidens.	
Tendentia ad unum aliquod commune quid denotet	735.
Terminus l. limes quid	482.
Theologi quid per æqualitatem tres inter S. S. Trinitatis per- sonas indicatum volunt	521.
Theologiam inter & Philos. an pugna	730.
Totum quid 672. ejus variz acceptiones ib. totius & partium substitutio 673. totius ad partes simul sumtas relatio 674. totius pars est pars partis 675. totius pars, quod non est vel pars partis an continetur in toto 676. totius & partium o- mnium æqualitas. 683. totius ad partem relatio 684.	
Trinitatis S. S. personæ eadem habent attributa 398. Trinita- tis S. S. discrimen tres inter personas non modale est 444.	
Trinitatis S. S. personas inter datur realis distinctio 441. seu distinctio realis analogice sic dicta 447. Trinitatis inter per- sonas qualem distinctionem statuit Fonseca 450. S. S. Trini- tatis personæ quo modo sunt æquales 521. S. S. Trinitatis personæ numero an differunt 550.	
Tritheitæ confutantur	441.

## V.

Verbum Dei an recte dividitur tanquam genus in verbum scri- ptum & non scriptum 569.	
Veritas quid 710. verum ib. veritatis definitiones variz Phi- losophorum variorum recitantur & explicantur ib. Veritas est attributum entis universale 711. veritatis ultima princi- pia 713. Veritas Metaphysica rebus si denegatur, tollitur e- tiam veritas Logica 714. Veritas logica quæ 715. veritatis fundamentum non est patrum consensus & auctoritas huma- na 717. veritate Metaphysica sublata tollitur veritas reli- quarum disciplinarum 716. verum omne est ens 719. verum non constare potest determinationibus sibi mutuo contradi- centibus 720. Veritas non est nisi una 721. in veritate non dantur gradus 722. veritas veritati opposita an dari potest 723. veritas veritati contraria l. contradictoria an datur 724. verissimum an sit antiquissimum quodque 725. veritas ne- cessaria & contingens 726. earum oppositio 727. veritatis	

# INDEX.

Metaph. an de accidentibus agendum	369.	Metaphysica necessitas	596.	veritas v. veritas.	Metaph. summus usus	718.	
Minus quid?	-	-	-	-	-	677.	
Modus v. accidens.							
Modalis distinctio v. distinctio.							
Monotheletæ notantur	-	-	-	-	-	358.	
Moralis necessitas v. necessarium.							
Multa quid?	-	-	-	-	-	665.	
in Mundo an dentur duo ex affe similia	504.	mundo an absoluta competit necessitas	599.	mundus an profluxit ex necessitate naturæ divinæ	609.	mundus an emanaverit ex essentia Dei	635.
Museus laudatur	-	-	-	-	-	455.	
Mutabile quid	592.	mutabile omne an contingens	594.				
Mutabilitas essentialis contradictionem in adjecto involvit	611.						

## N.

Neophotiniani confutantur	-	-	-	-	-	441.
Necessarium quid	589.	necessarium inter & contingens excluditur medium	591.	necessarium omne an immutabile	595.	
necessarii varæ definitiones	595.	necessarium aliud absolutum,		aliud hypotheticum	596.	necessarii absoluti varæ definitiones & adpellationes varæ ib.
necessarium absolute an abs.		immutabile	598.	necessarium hyp. an hyp. immutabile ib.		
abs. necessarium an potest esse contingens	599.	necessarium hypothetice quod est, est contingens	600.	necessarium consequentis & consequentiæ	601.	illud cum abs. necessario, hoc cum hypothetico coincide
necessarium absolute est unico modo determinabile & fissum	604.	necessarium tam hypotheticum quam absolutum, est determinatum	605.	necessarium abs. an abs. possibile	607.	abs. necessariæ sunt essentia rerum
necessitate hypothetica accidentia enti insunt	619.	necessitate abs. quicquid enti competit, est referendum inter essentialia vel attributa	621.	necessitatis fundamentum	622.	necessarium ens quid
necessarium inter & contingens excluditur medium	625.	necessarii entis existentia est ejus attributum	626, 627.	necessarii entis immutabilitas	629.	necessario enti repugnat ortus & interitus
Eus necessarium est ratio sufficiens existentia entis contin-	633.	necessarium ens an vi aliena existit	636, 637.	neces-		

# INDEX.

- necessarium ens non est existibile 638. necessarium ens est ens à se 641. necessitas physica & moralis 642. necessitas exigentiae & expedientiae ib. necessitatis physicae & moralis contingentia 643. 644. Physicae & moralis necessitatis discrimen 645. necessitas moralis, ethica & juris 648. necessarii hypothetice divisio 649. necessarium ex conditione consequente quid ib. ex conditione concomitante quid 650. ex conditione antecedente quid 651. necessarius ordo v. ordo.
- Negationibus an perfectio competit. - 738.
- Nestoriani confutantur - - - 372.
- Noëtiani taxantur - - - 441.
- Nominalistae quinam - - - 542.
- Non-existenti nulla competunt accidentia - 367.
- Nota quid 471. characteristica 472. notarum characteristarum diversitas 473. latitudo 474. notae characteristicae constantes & inconstantes 475.
- Notio completa 558. individui 559. notio speciei completa unde constat 576.
- Numero idem quid 534. numero diversa 550. numerus numerans & numerus numeratus ib. numero diversa duplicis generis constituit Bechmannus ib. Numeri instar sunt essentiae rerum 612.
- Numerica differentia quid 550. numericae differentiae quidditas 551. differentia numerica in quam rem consistat 552. numericam differentiam ingrediuntur accidentia 553. numericae differentiae oppositio 585.
- Numerus quid 666. Determinatus & indeterminatus 667. numerorum materia & forma 668. numerus numerans, & numerus numeratus 669, 670.

## O.

- Objectivus conceptus v. conceptus.
- Occamus (Guilielmus) notatur 542. hujus affectus dicti sunt Occamistae ib.
- Omnimoda identitas v. identitas. Omnimoda similitudo l. dissimilitudo v. similitudo & dissimilitudo.
- Opera nostra bona an sunt meritoria - 352.
- Opposita 424. relative & privative 425. de oppositis valent opposita 426. oppositorum opposita est ratio 427. unde elucescunt 428. oppositorum diversitas 429.
- Ordinata res quae - - - 693.
- Ordo

## INDEX.

**Ordo** quid 693. ordinis regula quæ 695. ordinē in omni an  
datur regula 699. ordo necessarius quando & contingens  
698, 699. ex ordine, qui in hoc mundo conspicitur, de-  
monstratur Dei existentia & attributa 698. ordo simplex  
& compositus 700. ordine in composito regulæ observandæ  
quomodo sint comparatæ 701. in ordine quando defectus  
703. in ordine contingenti alio respectu adesse potest con-  
fusio, alia autem ordo 706. ordo prædicatorum in ente 707.  
ordinis ultimata fundamenta 708. ordinis necessarii & con-  
tingentis principia 709. ordinis necessitas in perfectione 764.  
ordo tamen perfectionem non infert 765.

### P.

**Panis** eucharisticus an transubstantiationem subit 610.  
**Pars** quid 672. partium variæ acceptiones ib. Partium & totius  
substitutio 673. ad partes simul sumtas totius relatio 674.  
pars partis est pars totius 675. pars partis quod non est vel  
pars totius an continetur in toto 676. pars aliquota & ali-  
quanta 680. sint totis homogenea 681. pars actualis ac pos-  
sibilis 682. partium omnium & totius æqualitas 683. par-  
te sua qualibet totum est majus 684.  
**Patrum** consensus & auctoritas an fundamentum veritatis 717.  
**Peccandi** hominum proclivitas est accidens perpetuum 383.  
**Peccatum** differt ab exceptione 774.  
**Perpetuum** accidens v. accidens.

**Perfectio** quid 737. perfectum ens ib. perfectio nulla com-  
petit privationibus & negationibus 738. perfectum absens  
quid 752. abs. perfecti entis requisita ib. abs. perfecti en-  
tis excellentia 753. abs. perfecto enti realitates quæ insunt  
inter se consentiunt omnes 754. perfectio abs. recte habetur  
realitas quælibet abs. 755. abs. perfectum ens est possibile  
756. Perfectissimi entis ex notione an ejus existentia demon-  
strari possit ib. respectu perfectum ens 757. resp. perfe-  
ctio ib. Perfectionem inter abs. & relativam an medium 758.  
abs. perfectum ens an species sub aliquo genere posita ib.  
perfectionis ratio 762. determinans 763. in perfectione an  
ordo adesse debet 764. perfectionem an infert. ordo 765.  
Perfectionem inter & veritatem quod discrimen 766. Per-  
fectio vel simplex l. composita 767. Perfectionis regula 758.  
perfectionis regulæ an inter se pugnant 769, 770. perfectio  
simplex non admittit exceptionem sed composita 772. Per-  
fectio,

# INDEX.

- fectio an admittit gradus 779. perfectissimum ens an laborat defectu 780. perfectionis ultimum principium 783. perfectio maxima si obtineatur; quomodo facienda est exceptio 784. in perfectione composita an faciendæ exceptiones 786. perfectissimum qua ratione potest aliquid esse in quo dantur imperfectiones remotive tales 788, 789. perfectius an unum esse potest altero duorum imperfectorum 790. perfectio essentialis & accidentalis 791. perfectum essentialiter est omne ens 792. perfectionis essentialis affectiones 795. perfectio Respectu, est mensurabilis 826. abs. perfectum ens an metiri licet 827.
- Philosophiam inter & Theologiam an pugna 730. Philosophi veteres individui quam habuere notionem 528. quam individuationis 536. quam principii individuationis incomplexi 538. Philosophorum variorum definitionis veritates 710. perfectionis 737. definitiones bonitatis 796.
- Photiniani confutantur impugnantes divinitatem Filii & spir. S: 404. 524. trinitatem personarum impugnantes refutantur 422. impugnantes æternam filii generationem refutantur 612.
- Physica necessitas v. necessarium.
- Platonica schola nominatur 612. Platonici contendunt mundum emanasse ex essentia divina 622, 635.
- Pluralitas adesse debet in distinctione. 432.
- Poiretus negat possibilitates rerum esse abs. necessarias 607. taxatur 608. 609.
- Pontificii statuantes neminem certum esse de sua fide, absurditatis convincuntur 352. contentum de purgatorio convellitur 367. falsa argumentatio pro impugnanda divinitate Christi refutatur 399. Pontificii dividunt verbum Dei tanquam genus in verbum scriptum & non scriptum 669. Pontificiorum error de transubstantiatione refellitur 610. item 720. Pontif. an ex prætensa ecclesiæ suæ antiquitate recte concludant ad illius veritatem 725.
- Possibile abs. an abs. necessarium 607. possibile anteideale & postideale 607. possibilitates rerum sunt abs. immutabiles 608. possibilitates accidentium sunt necessariae 614.
- Predicatorum ordo in ente v. ordo.
- Præscientia v. Deus:
- Primitivæ qualitates v. qualitas.

# INDEX.

Principium identitatis indiscernib. Leibnitii	505.	hujus falsitas
507.	principium indiv. v. individuatio.	
Privationibus an perfectio competit		738.
Proportio quid?		818.
Propria quarti modi 347.	Propriorum & entis reciprocatio	355.
propria Scholasticorum explicantur	385.	proprium accidens v. accidens.
Proprietates essentielles 347.	proprietas & essentia connexio	
351.	Ejus inseparabilitas ab essentia	352.
Proxima accidentium possibilitas v. accidens.		
Purgatorii existentia rejicitur		367.
Pythagorea Schola nominatur		612.

## Q.

Qualitas quid 459. qualitatem inter & quantitatem non datur medium 460. qualitatum extensio 462. qualitates essentielles & accidentales 463. hæ ab ente separari possunt, illæ vero non 464. qualitatem accidentalium species 465. qualitates essentielles l. propriæ l. communes 467. qualitatum numerus 468. qualitates primitivæ & derivativæ 469. qualitas est nota rei characteristica 474. qualitates essentielles sunt notæ characteristicae rei constantes, accidentales vero inconstantes 475. qualitas quando est quantitatum ratio 479. qualitates eadem & diversæ 480. qualitatum earundem internum discrimen 481. qualitatis limes 483. quomodo is dicitur 485. qualitatum respectu similitudo quotuplex 508. qualitas est realitas absoluta 748.

Quantitas quid 439. quantitatem inter & qualitatem non datur medium 460. quantitas est nota rei characteristica 474. quantitatum ratio est qualitas 476. quantitatis quam habent rationem 476. quantitas essentialis & accidentalis 477. objectiones quæ formari solent contra quantitatem essentialem refutantur ib. quantitas essentialis constanter, accidentalis v. inconstanter rebus competit. 478. quantitatum ratio quando est qualitas 479. quantitatis limes 483. quantitas est limes 484. quantitas similitudinem non ingreditur 493. quantitas quid in relatione ad similia 501. quantitatum essentialium identitas inter individua ejusdem speciei 555. quantitas accidentalis an variat speciem 557. quantitas discreta 666. quantitas est numerus indeterminatus 671. homogenea & heterogenea quant. quid 679. quantitas est id quod augeri potest



# INDEX.

est & minui 686. an potest esse realitas absoluta 746. quant.  
positiva & negativa 746. quantitates homogeneæ rationem  
inter se habere possunt 819.

Quantum nullius augmenti capax est impossibile quid 687.  
quantum nullius decrementi capax est impossibile quid 688.

## R.

Ratio sensu mathematico quid 476. ratio quantitatum quando  
est qualitas 479. ex rationis identitate pendens similitudo  
519. ex rationis identitate essentialis pendens similitudo 520.  
rationis distinctio v. distinctio. rationis ratiocinantis 449.

Realis distinctio v. distinctio.

Realistæ quinam

Realitates inter non datur dissensus 741. sed mutuus consensus  
742. realitas abs. & respectiva an elevari potest in absolu-  
tam 743. 744. realitatis absolutæ possibilitas 745. realitas  
abs. an quantitas 746. sub determinationibus rei internis com-  
prehenditur 747. realitas abs. est qualitas 748. an admittit  
gradus 749. realitatum abs. consensio mutua 750. realita-  
tum abs. & respectivarum mixtura in uno negatur 751.  
Realitas quælibet abs. pro perfectione abs. recte habetur  
755.

Reciprocatio quid 354. quando obtinet 355.

Redemptio improprie dicta an valuit in v. Testamento 306.

Reformati. notantur 404. 409.

Regula ordinis v. ordo, reg. perfectionis v. perfectio.

Remota accidentium possibilitas v. accidens.

Rerum essentia v. essentia, attributa v. attributa, res ordinata  
v. ordinata.

Respectiva identitas v. identitas resp. similitudo l. dissimilitudo.  
vid. simil. et dissimilitudo.

Reuschius taxatur 506.

Rydellius taxatur 714.

## S.

Sabelliani confutantur 441.

Scholasticorum prædicia 385. quomodo explicuerint distinctio-  
nem virtualem 455. eorum entis universalis divisiones 544.

Scholasticorum quæstio an præter Deum datur abs. necessa-  
rium 609. quæstio an Christus triduo mortis suæ verus  
fuerit homo 612. eorum opiniones circa discrimen essentia  
ab existentia 628. Scholast. viâ eminentiæ & negationis 744.

# INDEX.

- quæstio, an ex notione entis perfectissimi ejus existentia demonstrari possit 756. definitiones bonitatis 796.
- Similitudo quid 491. similia entia quæ ib. similitudinem non ingreditur quantitas 493. similia non constituunt externæ determinationes 494. similia omnimode & respective 495. sim. resp. sunt alio respectu dissimilia & vicissim 498. respective similiarum discrimen 499. omnimode similiarum discrimen 500. quæ omnimode similia existere nequeunt 502, 503. quæ vero existere possunt 504. similia duo ex asse an in mundo dentur ib. similitudo respectu qualitatum quo-  
 tplex 508. similitudo essentialis ib. accidentalis ib. similitudo essentialis constanter enti inest, accidentalis vero non 511. simil. essent. non infert accidentalem 512. simul. accid. infert essentialem 513. perfecte & essentialiter similiarum discrimen 514. partialiter & essentialiter similiarum discrimen 575. essentialiter & accidentaliter sed utroque modo partialiter similiarum discrimen 516. modus generalis distinguendi similia 517. similia eidem tertio an similia inter se 518. similitudo ex rationis identitate pendens 519. Similitudo essentialis ex rationis identitate pendens 520.
- Sociniani justitiæ divinæ contingentiam defendentes confutantur 609. trinitatis mysterium taxantes, impugnantur 654.
- Species quid 547. speciei termini æquivocatio ib. speciei ejusdem individui eadem habent attributa 548. specierum ex collatione numero diversarum Wolfius formavit genus 550. speciem non ingrediuntur accidentia 553. speciei ejusdem individui quam habent similitudinem 554. quantitatem essentialium identitatem habent 555. species annon recte definitur per similitudinem individuorum ib. speciem qui gradus variat 556. speciem an variat gradus l. speciem an variat differentia secundum magis & minus l. speciem an variat magis & minus ib. speciem an variat quantitas accidentalis 557. in specie plures non sunt determinationes quam in individuo 560. a specie ad individuum valet conclusio, in specie an plures determinationes quam in ejus genere 578. species minoris est extensionis quam genus 579. a specie ad genus non valet conclusio 580. Specie posita an ponitur genus 581. species existit in individuis 582.
- Specificæ differentia 568. hæc unde desumenda 569, 570. specificarum differentiarum oppositio 584.

Spino-

# INDEX.

Spinozæ & fatalistarum error detegitur	599, 633, 645.
Spiritus S. est Deus	351, 403.
Svenkfeldii error detegitur	404.

## T.

Temporarium accidens v. accidens.	
Tendentia ad unum aliquod commune quid denotet	735.
Terminus l. limes quid	482.
Theologi quid per æqualitatem tres inter S. S. Trinitatis personas indicatum volunt	521.
Theologiam inter & Philos. an pugna	730.
Totum quid 672. ejus variz acceptiones ib. totius & partium substitutio 673. totius ad partes simul sumtas relatio 674. totius pars est pars partis 675. totius pars, quod non est vel pars partis an continetur in toto 676. totius & partiua omnium æqualitas. 683. totius ad partem relatio 684.	
Trinitatis S. S. personæ eadem habent attributa 398. Trinitatis S. S. discrimen tres inter personas non modale est 444.	
Trinitatis S. S. personas inter datur realis distinctio 441. seu distinctio realis analogice sic dicta 447. Trinitatis inter personas qualem distinctionem statuit Fonseca 450. S. S. Trinitatis personæ quo modo sunt æquales 521. S. S. Trinitatis personæ numero an differunt 550.	
Tritheitæ confutantur	441.

## V.

Verbum Dei an recte dividitur tanquam genus in verbum scriptum & non scriptum 569.	
Veritas quid 710. verum ib. veritatis definitiones variz Philosophorum variorum recitantur & explicantur ib. Veritas est attributum entis universale 711. veritatis ultima principia 713. Veritas Metaphysica rebus si denegatur, tollitur etiam veritas Logica 714. Veritas logica quæ 715. veritatis fundamentum non est patrum consensus & auctoritas humana 717. veritate Metaphysica sublata tollitur veritas reliquarum disciplinarum 716. verum omne est ens 719. verum non constare potest determinationibus sibi mutuo contradicentibus 720. Veritas non est nisi una 721. in veritate non dantur gradus 722. veritas veritati opposita an dari potest 723. veritas veritati contraria l. contradictoria an datur 724. verissimum an sit antiquissimum quodque 725. veritas necessaria & contingens 726. earum oppositio 727. veritatis	

# INDEX.

- necessariæ & contingentis diversitas rationis principii 728.  
 729. veritatis necessariæ & contingentis objecta 730. Veritas  
 in essendo & existendo 731. veritatis in existendo divisio 732.  
 veritas subjectiva & objectiva 733. veritatem inter & per-  
 fectionem quid discriminis 766.  
 Vinum in S. C. an mutatur 610.  
 Virtualis distinctio v. distinctio.  
 Unicum quid 659. unicum non admittit alia ejusdem generis  
 & speciei 660. omne unicum est unum, sed non vicissim 661.  
 Unitas quid 652. unum quid ibid. unitas an negativum l. po-  
 sitivum quid infert 653. 655. unum & ens reciprocantur  
 654. Unitas universalis & singularis 656. unum per se &  
 per accidens quid 658. unum quomodo agnoscitur 662. u-  
 num in genere quando intelligitur 663. unitas arithmetica ib.  
 unitates eadem & diversæ 664.  
 Universale ens quid 540. inter ens universale & singulare ex-  
 cluditur medium 541. ens universale an existit 542. uni-  
 versali enti quæ determinationes competunt 543. 544. uni-  
 versale ens Scholasticis est l. complexum l. incomplexum 544.  
 Ens magis & minus universale 545. universalis entia perfecte  
 eadem l. perfecte diversa an dantur 546.

## IV.

- Wolffius memoratur 489. Wolffii definitio similitudinis 492.  
 an negat existentiam duorum similium 504. ex collatione spe-  
 cierum numero diversarum formavit genus 550. ejus defini-  
 tio perfectionis 737. ejus definitio bonitatis Metaphysicæ 796.



# Candide Lectôr,

Mendas, quæ ob Auctoris absentiam irrepre-  
re, ita emenda.

	<i>Exstat.</i>	<i>Lege.</i>
Pag.	10. lin. 14. 15. <i>potest.</i> Essentia	<i>potest ens.</i> Essentia.
33.	18. actiones quò et	actiones ergo et.
35	32, 33. infernali	infernali.
38	6, 7. actualitas ac- accidentium	actualitas acciden- tium.
55	8, 9. competit omni homini, sed	competit, sed
ib.	26. & Porphyrio	& Porphyrio.
69	21. quia testò	quia teste.
	28. pontifici	pontificii.
71	14. possidere latera	possidere latera æ qualia.
In margine	85 23. intrinseca	extrinseca.
	97 25. quod α σίλει	quod α σίλει.
111	30, 31. modalit	modalis
134	27, 28. hæc hæ non	hæc non
142	31. abundo	abundanti
152	27. æquali	æquale.
163	8, 9. ulteriolis	ulterioris.
172	31. allo	alio.
194	13. hæc	illa.
ib.	15. illa	hæc.
225	16 διαφέρει, εἶναι, εἶναι	διαφέρει εἶναι εἶναι.
260	24. communes	communes.
270	8, 9. quodve	quoque.
285	19. εἶδος ποιῆς	εἶδος ποιῆς.
295	4. quædam	quædam.
297	25. mea scripto	mea scriptio.
302	5. (ἀναγκαιῶν	(ἀναγκαιῶν).
337	2. essentiam	essentiale.
440	24. essentia	existentia.
343	3. essentiam entis	existentiam entis.

*Extat.**Lege.*

Pag. 355	lin. 19.	te ipsa	re ipsa.
295	9.	quem hoc	quam hoc.
399	27.	humines	homines.
403	12.	que	quæ.
406	20.	intelligitur	intelliguntur.
412	4.	enormen	enormem.
430	18, 19.	homogenea	homogenea.
ib.	20.	minimum	minimam.
in margine 431	16.	additione	ablatione
437	9.	habet unde	habet, unde.
452	11.	neqgit	nequit.
ib.	25.	qnæ	quæ.
457	4. &	verietati	veritati.
459	2.	illo remote dari	illo remoto dari;
467	22.	( )	(74).
490	6.	hacm undi	hac mundi.
491	13.	unitatem.	bonitatem.
498	22.	hactemus	hactenus.
ib.	29.	megtales	mentalis.
534	27.	deerit	deerit.
536	30	hoc	hac.
542	31.	perfectinoc	perfectione.
561	15. 16.	na-naturalem	naturalem.
564	12.	ελαβες	ελαβες.
565	22.	exstat aves.	oves.
591	15.	est imensum	immenfam.



A91 · 1453351



